



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>









THEATRUM POLITICUM

SIVE
TRAGOEDIÆ
AD
COMMENDATIONEM VIRTUTIS
ET
VITIORUM DETESTATIONEM


OLIM
LUDIS AUTUMNALIBUS
NUNC TYPO DATÆ

A
P. FRANCISCO NEUMAYR SOC. JESU

p. t.
August. Ecclesiæ Cathedralis Oratore Ordinario.



CUM PRIVILEGIO CÆSAREO.



AUGUSTÆ VIND. & INGOLSTADII

Sumptibus Francisci Xaverii Cräz & Thomæ Summer. 1760.

PA

8555

N55

T37

69=623-020
textu Musico, & decorationibus theatri non est, quod dicam. Quilibet Lectorum in suo sensu abundat: abundet! Mibi sufficit, ex his foliis patere ad solem, Artem dramaticam etiam in materia profana posse bono publico & privato delectando prodesse. Accedunt pro Appendice Dramatiae minoris operæ Ludis saturnalibus data, & tempori adaptata. Fave Lector, & leviores nævos forte in rhytmis occurrentes per sententiæ energiam excusa, si bonus es: nam si malus es, non recuso damnari.



SERIES

TRAGŒDIARUM.

1. TITUS Imperator, Deliciæ humani generis.
2. EUTROPIUS infelix Politicus.
3. PAPINIANUS Juris - Consultus.
4. ANASTASIUS DICORUS.
5. JEROBOAM.
6. CONSTANTIUS CHLORUS.

A P P E N D I X.

Sepulchrum Concupiscentiæ.
 Servus duorum Dominorum.
 Fures Temporis.

Drama Musicum

Honoribus Ser.^{mæ} Domus Boicæ
 cum Saxonica feliciter junctæ
 pro nuptiali applausu exhibitum.

TITUS

TITUS
IMPERATOR
AMOR
AC
DELICIÆ
GENERIS HUMANI
TRAGOEDIA

DATA
LUDIS AUTUMNALIBUS
ANNO MDCCXXL

ARGU

ARGUMENTUM.

Titus Vespasiani filius Princeps vere amabilis fuit, quia omnium amans. Diem perdidisse se credidit, qua nemini benefecisset: nec unquam passus est aliquem a se tristem discedere, solis Quadruplatoribus infensus, & illis, qui per vim, aut fraudes subditos afflixissent. Hos ille sæpe flagris publice cœdi, aut pro mancipiis venundari iussit. Nunquam tamen clarius Patris affectus eluxit, quam cum malis publicis populi urgerentur. Nihil tum Princeps ærario suo, nihil fisco parcebat: quin ipsa prætoriorum suorum ornamenta aliquando sub hasta vendidit, ut haberet, unde civibus triduo incendio ad extremam inopiam redactis posset succurrere. Beneficentiæ clementiam addidit vere heroicam, & adeo abhorrentem a sanguine, ut hanc unam ob causam Pontifex maximus esse voluerit, ne cogeretur cujusquam morti subscribere. Insidiis cum a Fratre, & duobus Patritiis peteretur, & detecta fuisset conjuratio: nihil aliud Patritios, quam ut desisterent, monuit, & imperium Fata dari cogitarent: Domitianum vero præterea collegam Imperii, & hæredem dixit, secreto tantum rogatum, ut mutuo erga se animo esse vellet, dignissimus adeo, qui gloriosissimo inter omnes Imperatores elogio posteris innotesceret, & *Amor, ac Deliciæ Generis humani* appellaretur. *Suetonius.*

PERSONÆ.

Titus Imperator.

Domitianus Frater.

Fabius

Æmilius

Gracchus tribunus - plebis.

Patritii conjurati.

Paulinus Militiæ Præfectus.

Legati Campaniæ.

Servus Fabii.

Ephebi ex Patritiis recens adsciti.

PRO-



PROLOGUS.

Honores divinos a Rhodiis obtinet Phoebus per beneficentiam, quos per terrorem potentiae Boreas nullo successu affectat.

Personae. Phoebus. Boreas. Nymphae Rhodiae.

- Nympha 1ma.* **S**orores lectissimae,
 Quam bene nobis est undique!
 Abundant omnia:
 Vota ipsa coelum superat
 Profusum in Insulae commoda.
- Nyn:pha 2da.* Nempe nihil eorum deest rebus,
 Quibus Deus est Phoebus,
 Deus optimus, beneficentissimus:
- 3tia.* Deus, qui diem perdidisse se crederet,
 Serena nisi facie Rhodum aspiceret.
- 4ta.* Beati non esse non possunt subditi,
 Si Principem habeant, qui metuit metui,
 Et unice cupit diligi.
- 1ma.* Amantem amemus,
 Et quotidianos favores
 Quotidianis laudibus celebremus. **
 Votiva Carmina
 Accipite Montes, & Nemora.

* Theatrum exhibet Insulam, circum quam Nymphae navigant latae.
 In medio videtur Colossus Rhodius. ** In litus exsurgent.

Nympha 2da. Repetite!
 3tia. Multiplycate!
 4ta. Propagate!

CHORUS.

1ma. Ubertas hæc agrorum,
 2da. Hæc gaudia hortorum,
 3tia. Hæ vineæ, hæc prædia,
 4ta. Tranquilla semper maria,
 Omnes. Hæc robur corporum,
 Hic vigor mentium
 Sunt tua, Pœbe, munera,
 Sunt tua gratia.

2.

Amamur, & amamus:
 Amorem consecramus
 O Phœbe, tuo Numini
 Tam bono, tam amabili!
 Tu sacrificium
 Nostorum cordium
 Benigni vultus aureo
 Dignare radio.

Nympha 3tia. At heu! Sorores! quid video?
 Quam tetra repente
 Nostro vertici nubes impendet!
 Heu quid mutatio tam subita mali portendet?
Nympha 2da. Nil metue: quam agri sitiunt,
 Quam segetes cupiunt,
 Effundet hæc nubes optabilem pluviam,

3tia.

- Nympha 3tia.* Falleris: nam video procellis
Et grandine gravidam.
5ta. Et prohi Superi! jam incipit mare tumescere!
6ta. Quin & terram sentio (& quid hoc erit?)
Sub pedibus tremere. *
- Omnes.* Heu! Boreas! Boreas! fugimus!
1.2. 3tia. Juvate! mergimur! perivimus!
Omnes. Phoebe Deorum optime,
Nunc tua dona protege. **
- Boreas.* Jacet, quem invocas, turba imbellis!
Jacet, quem invocas:
Potentior est Boreas.
Discant mortales hoc Numen vereri,
Et sciant me parem cum Phoebō honorem mereri.
Fugerunt: satis est: timemur!
Et quem metuunt (plaudite Borea)
Flectent (velint, nolint) flectent illi genua.

A R I A.

Per dona amores venari,
Per dona honores mercari,
Imbellium
Est mentium:
Heroes stratorum
In strue murorum
Ad sydera efferunt se.
Amorem nil juvat mereri:
Sed esse, qui possis timeri,
Eximia
Est gloria,

B 2

Quæ

* Prodit Boreas cum comitatu. ** Fugiant in naves. Colossus concidit: grando omnia populatur.

Quæ plures Deorum
In culmen honorum
Evexit, & evchet me. *

Et en ! redeunt. An ut aras exstruant ?
Et victimas offerant ?

Nympha 1ma. Heu ! rerum facies misera !

2da. O maledicte Borea ! **

Boreas. Vah ! obstinatæ ! nondum intelligitis fatuæ,
Quantæ sint vires Boreæ ?
Juro, extrema patiemini,
Nisi adhuc hodie stet ara meo Numini.

A R I O S E.

Boreas. Occidam pecora ! *Nympha* occide pecora !
Evertam nemora ! everte nemora !
Submergam totam Insulam ! submerge Insulâ !
Non colitis ?
Non flectitis ?
Honori meo debitam
Non victimam mactatis ?
Nympha. Si rumperis,
Nil efficis :
Non lubet dare victimam
Insanis postulatis.

A R I A.

Nympha. 1ma. Est vanus,
Qui coli se cogit Tyrannus.
Rex bonus contemnit *honorem*,

Cui

* Nymphae in navibus redeunt : subducit se Boreas.

** Boreas revertitur,

Cui junctum non videt *amorem* :
 Quæ Corde caret hostia ,
 Non placat Numina.

Latrones,
 Et Afros colamus Leones ,
 Si aras, & thura meretur,
 Qui propter furorem timetur :
 Subesse præstat tigridi ,
 Quam sævo Numini.

Boreas. Fatigata est mea patientia.
 Ergo rursus congregamini nubila!
 Evertimini maria ! *
 Periiſtis ,
 Nisi vobis alius hoc momento est animus.

Chorus Nympharum.

Phœbum nos colimus !
 Boream spernimus !
 Phœbe nos adjuva !
 Phœbe te vindica !

Phœbus. Adest Phœbus post nubila. **
 Quis hic est furor, Borea ?
 Ut ego ! - - -
 Sed præstat afflictas solari !
 Tu sine mora Insulam defere :
 In Scythas, & Sauromatas furorem exere.

Chorus. Deum miserum !

Nympha prima. At ibi saltem habebit honorem altarium ?

B 3

Phœ-

* Retrudescit tempestas. ** In curru solari vectus,

Phæbus. Habebis, si naturam exuas,
Si cesses esse Boreas.

Boreas. Rumpor!

Chorus. Rumpere!
Hoc decet fato
Furiosum Numen occumbere.

Nympha 1ma. Sed jam huc, Phœbe, oculos conjice!
En tua Statua!

2da. En mea Lilia!

1ma. Et fegetes! *3ta.* Et Vineæ!

5ta. Et Merces, & Divitiæ!

6ta. Vix enatavimus in nuda tabula.

Phæbus. Misratio mea tangit viscera.
Tergite lachrymas: restitua omnia **
En meliores pluviae!
Ite! guttas aureas excipite!

Chorus. O Numen amabile!

Phæbus. Ite! colligite!

Hæc mea est Politica:

Hæc una regenti regula:

Cura, ut amaris! Et amaberis,

Si amaveris.

A R I A.

REX bonus Regi syderum
Sit Phæbo similis:

Sit amor, sit delictum

Humani generis.

Rex

* Furens abit. ** Fit pluvia aurea.

Rex potens est , ut possit ,
 Rex bonus sit , ut velit
 Juvare plurimos :
 Qui hanc observat Legem ,
 Felicem dico Regem ,
 Felices subditos.



TITUS IMPERATOR.

ACTUS I.

SCENA PRIMA.*

Personæ. Titus. Domitianus. Gracchus Tribunus - plebis. Brutus, Rutilius, Camillus, Lentulus Filioli Patritiorum. Duo Campaniæ Legati. Supplices cives incendio afflicti.

Gracchus. **M**iserere Cæsar ! *Omnes.* Miserere ! *Titus.* Tristis aspectus , frater ! Proceres ! - horridum spectaculum ! *Domitianus.* Sic placuit Diis furere. Ferendum. *Omnes.* Miserere Cæsar ! *Titus.* Misereor , cives mei ! oculi vulnerantur , & animus : moventur viscera ! Pater sum. Ah ! cur Deus non sum , qui juvat verbo ! *Domitianus.* Sic est. Cœlum , Jupiter , Dii fatigandi clamoribus ! juvent , qui damnum fecerunt , & levare momento possunt. *Titus.* Atqui frater , Jovis personam Titus in terris habet. Meum est juvare. *Civis 1.^{us}* Perii totus , nisi me , Cæsar , juvas. *Civis 2.^{us}* Omnes meæ opes in cineres subsiderunt. *Civis 3.^{us}* Vix seminudus evasi furentem flammam. *Civis 4.^{us}* Una me hora ex opulento ege-

* Bustum urbis adhuc fumantis prospicitur.

egenum fecit. *Civis 5.^{us}* Mihi Calamitas non opes modo, sed etiam charissimum filium abstulit, sub domus ruina sepultum. *Omnes.* Miserere Cæsar! *Gracchus.* Huc admove te genua. *Camillus.* * Hanc etiam miseram turbam, Auguste, respice. *Titus.* Quam vos miseriam gemitis? *Rutilius.* Nobilium parentum filii sumus, quos luctus prohibet prodire in publicum. *Brutus.* Ad incitas per atrox incendium redacti Patres jam non habent, unde nos alant honeste. *Omnes.* Miserere Cæsar! *Titus.* Surgite! ego aliam. Vultis paternam domum mutare cum aula? *Leptulus.* Volo, si velit Parens. *Titus.* Ite, & veniam poscite. *Domitianus.* Inutili turba implebis Palatium? *Titus.* Frater, quibus ego non indigeo, ipsi indigent me. *Parvuli omnes.* Vive Auguste! aurea vive sæcula! *Legatus 1.^{us}* Infelices etiam Campanos dignare, Cæsar, clemente intuitu! *Titus.* Ah! scio, amici, scio, furens Vesuvius miseram Campaniam fecit. *Legatus 2.^{us}* Sic est, Auguste! late agros exussit igneus torrens: squallent vastati agricolarum labores: tota regio sub effusis cineribus moeret. *Legatus 1.^{us}* Neque solus in nos Vesuvius fœviit. Cum tetra incendia ejectaret mons, simul concussa terrifico tremore tellus, turres, palatia, oppida, civitates prostravit. Jacent sub acervis congestorum lapidum totæ familiæ cum omnibus fortunis tumulatæ. Quanquam, quid multa verba facimus? Auguste! si quæ narravimus, usurpares oculis, lachrymas non teneres. *Titus.* Etiam audita movent. Pater non est, quem nullæ afficiunt liberorum ærumnæ, nisi quas videt. Solabor, ut possim. Consultandum de modo. Post paulum redite ad me. Vos, cives, hoc scitote: quidquid incendio periit, periit mihi. Faxe, ut sentiam damnum solus. *Cives!* Jo! vive Auguste! aurea vive sæcula! *Titus.* Gracche, quid ad afflictorum solatium fieri jusserim, ex Paulino intelliges. Exequere cito. *Gracchus.* Ad nutum. **

SCE-

* Porriguntur libelli supplices varii, ** Clauditur prospectus basti.

SCENA SECUNDA

In aula.

Personæ. Titus. Domitianus.

Titus. TU frater, quibus oculis has miseras vides? quibus auribus querelas audis, & gemitus? nam quid sibi iterum hoc triste silentium velit? rursus te affligit hæc cura, quam pro afflictis gero? ecquando mollescet rigidum pectus, & patientibus compati discet? ecur tibi mea beneficentia displicet? Ego, frater, sic existimo, oportere, ut talis sit erga subditos Imperator, qualem optaret esse Imperatorem sibi, si esset subditus. *Domitianus.* Ego tamen modum in largiendo facerem, si essem Titus. Concham me esse crederem, non canalem. Canalis, quam accipit aquam, effundit continuo. Itaque nunquam impletur ipse, sæpe siccatur etiam. Concha tenet: nec, nisi quæ superfluunt, guttas arentibus herbis tribuit, semper abundans. *Titus.* Verum, cum herbis non sufficiunt guttæ, nonne Conchas totas effundit prudens olistor? Incendium cogita: nulli puteo parcitur. Quidquid uspiam aquarum est, confertur in bonum commune. Huic est natus Princeps, non sibi, indignus suo nomine, si nescit, Regem propter subditos esse, non subditos propter Regem. *Domitianus.* Bene hoc quidem, si voluntati adsit facultas par. Atqui exhauries ærarium per tantam beneficentiam. Non ita decet. Pecunia belli nervus, pacis nutrix, custos est Majestatis. Contemnunt populi Principem pauperem. *Titus.* Pauper non est, qui divitibus imperat, & amantibus sui. Opes meæ tutius depositæ sunt in cistis subditorum, quam in ærario, quod rare exhaurit Liberalitas Principum, sæpius expilant vitia. Si diligor, non modo bona populi mea sunt, sed etiam sanguis & vita. At nihil me juvat aurea Neronis domus, si exosus sum

Theat. Polit. R. P. Neumayr.

C

meis

meis, & veluti pestis, aut bellum inter publica mala numeror. Parcamus, frater, superfluis sumptibus, & pompæ inani: ita habebimus, unde semper possimus egenis succurrere. Quid me ostentatio majestatis afficiat? non ædificata amphitheatra, non edita spectacula, non peregrinæ belluæ emissæ in circum posteris commendabunt: Amor populorum, amor me faciet immortalē. Optimus sit, oportet, qui cupit esse maximus. *Domitianus.* Enimvero res grandis, amari a vili plebecula! res digna, quam tanto pretio, & regiis thesauris emas! cessa tonare Jupiter, sepone fulmina! amore regendi fumus! *Titus.* Sic est, Frater, amore nos regit Jupiter: neque est timendus, nisi rebellibus. Quanquam & contumacibus quam diu parcit, ut beneficentiæ clementiam jungat? Crede mihi, per hanc geminam laudem facimus nos similes Dīs. Nihil habet Principis fortuna melius, quam ut possit, nihil natura, quam ut velit, benefacere plurimis. Sanguine pascuntur, ac crescunt leones, & ursi. Itaque fugiuntur, & odio sunt. Dignitas regia hoc solum amabile habet, quod possit amabilem facere. Neminem oportet a Principe tristem discedere. Juvandus est, quisquis rogat, ut sentiat, se Patrem rogasse. Hanc mentem si aliquando indueres, frater, non adeo tibi ultra Titus videretur indignus Imperio. (*Abit.*)

SCENA TERTIA.

Personæ. Domitianus. Fabius unus ex conjuratis.

Domitianus. Impera Frater! ecce! Non adeo tibi ultra Titus videretur indignus Imperio! nempe delatus sum.*
Quid agimus, Fabi? ego mihi fratri de scelere suspectus videor. Notas mali ominis in vultu legi: & vox asperior solito,
plus

* Exit Fabius.

plus significat, quam verba sonant. Quis prodidit nostra Consilia? *Fabius*. Si proditi sumus, Princeps, ignosce, a te ipso sumus. Nam quid dissimulem in tanto periculo? Nimum naturæ obsequeris. Ambitio in oculis emicat, furor incendit vultum, ira linguam incitat: quid de proditore interrogas? *Domitianus*. Nempe ex assentatoribus me esse cupis? *Fabius*. Haud sane! sed si laudare non placet facta fratris, saltem non vituperasses. Dissimulatio ars est aularum inter innocentissimas una. *Domitianus*. In ministris toleranda forte, sed non in fratre, qui amat fratrem. *Fabius*. Hei! laudate amorem Dii, quo frater fratri imperium invidet. *Domitianus*. Prope jam poenituit, Fabi; nam insanis, puto, conatus erit. Fac enim, per fratris Cadaver in solum scandam, num Roma patiens feret? *Fabius*. Nimirum tu Romam times? quippe qui nescias, multa patere scelera, quorum auctores latent? Sero poenitet, postquam coepisti suspectus esse. Non sistit auriga currum, quem semel in præceps dedit. Quod agimus, agamus cito! * Quid in Hispania cogitas agere, quod potest agi Romæ? *Domitianus*. Matura ad facinus consilia habes? *Fabius*. Si tu maturum animum. Erigere in magnas spes: hodie peragetur Tragoedia. *Domitianus*. Quæ cædis occasio? quis modus? *Fabius*. Tutius hæc in cubili doceam. *Domitianus*. Ingredivimur. *Fabius*. Prosequar statim, si prius liceat tria verba Æmilio loqui. *Domitianus*. Quid illi tecum? *Fabius*. Explorare juvat, quid hodie, aut ubi acturus sit Augustus. *Domitianus*. Sic age. Ego odi hominem omnium arcanorum fratris præ fratre conscium, quia magis popularem. Huic & pluribus aliis hodie necesse erit mutare vultum, & reverentius inclinare se mihi. *Fabius*. Certe hodie; nam nisi celeriter obstruimus fontem tantæ profusionis, hæres eris exhausti Imperii. *Domitianus*. Intellexi. Age gnavigator.

C 2

SCENA

* In Hispania volebat Domitianus Titum bello persequi.

SCENA QUARTA.

Personæ. Fabius. Æmilius alter ex conjuratis.

Fabius. **A** Gam in meum commodum, & tuam perniciem. *
Te volebam Æmili: nunquid ab Cæsare venis?

Æmilius. Ab Cæsare. *Fabius.* Quid acturus est hodie? *Æmilius.* Princeps est Fabi, dignus annalibus. Ah! quo rapimur, amice! Vivat per nos, Princeps, quem immortalem optat Romanum imperium. *Fabius.* Vah! quæ vox me attonat? *Æmilius.* Quam excutit horror animi stupentis audaciam suam, & propinqui sceleris cruentam faciem. *Fabius.* Quid loqueris, miser? Repente adeo evanuit splendor Imperii? *Æmilius.* Perstringunt oculos radii diadematis: per tela & enses cuilibet rapiam, sed non Tito. *Fabius.* Nam quid adeo mentem mutavit? *Æmilius.* Titi bonitas: ipse nosti. Sed quanta nunc splendet! Publica mala, quæ affligunt provincias, velut propria sentit. Nunc accingit se sacrificio, quod Jovi hodie in Capitolio faciet, ut deprecetur, testatus sæpius se quoque victimam esse velle, si ita Diis placeret. *Fabius.* Magna anima! sed quos selegit pompæ comites? nam solenni utique supplicatione procedet? *Æmilius.* Minime. Ludos nunc populo dabit: deinde in forum adducet, ubi ornamenta prætoriorum omnia jubebit sub hasta vendi. Jamque onerantur muli picturis, vasis, tapetibus, & quæ sunt alia majestatis parerga. *Fabius.* Ecce! huc adigit hominem plebeja ambitio! *Æmilius.* Interim solus ascendet in templum, solos habiturus comites ephebos nunc recens adlectos, quos me jussit accersere, causatus, innocentium calamitate proposita facillime Deos moveri. *Fabius.* Prudentem, & ex obligatione Pontificis maximi, cujus munus susceperit. Et nulli erunt Flamines ministri rituum? *Æmilius.* Erunt pauci,

* Exit Æmilius.

pauci, quos jam iussit moneri. *Fabius*. Bene omnia. Jam tu hoc scito : hodie peribit Titus : hoc fixum. Et donec perierit, tu nusquam abibis ab isto latere. Hem ! quò est ventum ? Paulo ante amicum, jam cogor proditorem timere ! *Æmilius*. Ridiculum ! tune dubitasse me, serio credas ? sic *Æmilius* nosti ? errare desine. Te exploravi. Me quod attinet, quid faciam ? trepidare Cæsar incipit, & suspicari malum. Non latebimus diu. Sic in laqueos pedem indui : nec extricabor, nisi incidam. Haud licet jam ire retro. Quod nuper suasit spes, nunc urget desperatio : perii, nisi pereat Titus. Jacta est alea. Tuus sum. *Fabiùs*. Vive fortis ! sic dignus es, cui tandem revelem arcanum, celatum hætenus. *Æmilius*. Age ! *Fabius*. Sub Domitiano latebimus. *Æmilius*. Accessit partibus ? *Fabius*. Totus. *Æmilius*. Dudum visus est sitire fratrum sanguinem. *Fabius*. Dabo hodie pocillatores. *Æmilius*. Quo nostrò fructu ? *Fabius*. Maximo. *Æmilius*. Nullo. Nam ipse rapiet coronam sibi. *Fabius*. Imo cum fratre cadet. *Æmilius*. Hoc opus, hic labor novus. *Fabius*. Vix aliquis. Nempe Titum amat populus, amat exercitus. Utrique patratam cædem nos nuntiabimus auctores pariter & duces vindictæ contra scelestum fratrem. Crede mihi : ruet in arma populus, peribunt sicarii, perimetur Domitianus, nos patres patriæ, nos Cæsares, nos Dii erimus. *Æmilius*. Eja ! elegans nodus fabulæ, quem nemo solvat, nisi adductus per machinam Deus. Amo te Fabi ! en dextram ! *Fabius*. Age personam strenue. Cum catastrophe bene cesserit, clamabimus : plaudite ! & duorum capitum impendio omnium capita inclinabimus nobis. Sed Gracchum video.

SCENA QUINTA.

Personæ eadem, & Gracchus cum tubicine.

Gracchus. **H**ic tuba insonet. *Æmilius.* Nempe ad ludos convocas populum, Gracche? *Gracchus.* Certe ad ludos, quibus lætiores vix viderit Roma. Tu * jam urbem reliquam recrea. Orbilius Causidicus, & Lælius iudex agent, flagris cædendi palam, & voenum exponendi in medio foro. Qui triginta sestertios dabit, habebit utrumque servum. *Fabius.* De quo crimine damnantur rei? *Gracchus.* Orbilius viduæ pauperis causam malis artibus oppressit. Lælius rustico fecit injuriam: convictus uterque de vi & dolo has poenas dabit, cum plausu populi, qui Augusto justo & pio meritas laudes dicet. *Fabius.* Gravis poena pro culpa levi. *Gracchus.* Scilicet se lædi credit Cæsar, cum membrum corporis læditur, cujus ipse est caput. Itaque fratrem etiam pro reis precatum accedentem, ne admisit quidem. *Æmilius.* Domitiano ajs, negavit alloquitum? *Gracchus.* Ajo. Ille furit, & questibus aulam implet. *Fabius.* Pro more, & indole. *Gracchus.* Pro! quam nactus est dissimilem fratri! *Æmilius.* Avertant superi, ut non lugeat id Roma brevi! *Gracchus.* Precamur Cælites, ut vivat, & regnet Titus superstes diu. *Fabius.* Optandum. Sed timeo Domitiani ingenium ferox. *Æmilius.* Forte atrociora jam suscepisset pridem consilia, nisi nostram timeret fidem. *Gracchus.* Sic vos Romæ amet. Pergite vigilare saluti communis Patris. *Æmilius.* Nihil omitemus: & si gravius quid suspicabimur, tuam, Gracche, & populi appellabimus fidem. *Gracchus.* Etiam si petatis sanguinem, fundemus totum. *Æmilius.* Nunc agē ludos tuos. *Fabius.* Sed Orbiliū & Læliū, nolim, ut alteri, quam mihi vendas. Emptos Domitiano donabo, ut
sit

* Ad tubicinem.

fit pacatior. Gratis habeat sibi, quos precibus petiit. *Gracchus*. Consilium bonum. *Fabius*. Et in prætoriiis quid agitur? jam nuda sunt? *Gracchus*. Benitus. Hoc ipsum etiam præconuntiat. Mox exponentur pretiosæ merces in campo Martio. Beneficium est omnibus futuris sæculis admirandum. Sed eundem. *Æmilius*. Perge.

S C E N A S E X T A.

Personæ. Æmilius, Fabius conjurati.

Fabius. **A**D votum omnia. Populus in foro erit, Titus in Capitolio, ille absorptus lætitia, hic intentus religioni, cum paucis, & inermibus, prope solus. Cudamus, dum calet ferrum, & furit Domitianus. Ego illi Orbilium, & Lælium dabo. Recens dolor, vindictæ rabies, spes libertatis in omne facinus viros trahent. Tu, Æmili, cum audita cædes fuerit, procurre ad populum, ego ad milites ibo: in aula Domitianus, in templo Sicarii cadant. Sic fiet, ut extra periculum, imo & quæstionem simus. *Æmilius*. Prudenter exacta sunt omnia. Ephebos advoco. *Fabius*. Ego, quæ sit facies rerum, Domitianum admoneo.

S C E N A S E P T I M A.

Personæ eadem, & servus Fabii.

Servus Fabii. * **D**omine, missus ex aula famulus ad ædes venit. Vocaris ad Cæsarem. *Fabius*. Ad Cæsarem ego? quid est negotii? *Servus*. Incertum. *Fabius*. Bene est. Tu vero in forum perge, & eme servos, qui venum prostant.

Ser-

* Exit Servus.

Servus. Domum ducam? *Fabius.* Domum, *Æmili*, vere hoc dictum est: posuit hæc Deus simul, peccatum, & timorem. Tremisco totus. *Æmilius.* Fingenda securitas vultu, cum pectus palpitat. *Fabius.* Sic nos periment lenta consilia. Nam cur nunc citor? *Æmilius.* Metuo. Sed parendum. Tene constantiam modo, & cave, ne pallor oris, aut linguæ tremor conscientiam prodatur. *Fabius.* Necessitas hanc legem scribit difficilem recens reo. *Æmilius.* Facilem metus faciet majoris mali. Impera tibi. *Fabius.* Conabor. Tu vigila, amice, mihi, & tibi, & si quid pejus mihi contigisse audieris, destinata cum Domitiano exequere cito. *Æmilius.* Cum Domitiano nempe, qui mihi confidit nihil, odit etiam? *Fabius.* Commune periculum amicum faciet. Credet se tibi, si tu te ipsi. *Æmilius.* Confundor totus. Perge modo: fuggeret consilium tempus. Mihi ante omnia adducendi sunt nobiles pueri. *Fabius.* Inferit victima vobis Titus cadet, si nunc evado.

SÆLTUS.

ACTUS II.

SCENA PRIMA.

Persona. *Paulinus.* Militiæ Præfectus. *Gracchus.* Cives. *Sicarij.* *Servus Fabij.* *Agasiones.* *Legati.* *Campania.*

* *Servus.* **D**ECem, quindecim, viginti, viginti quinque, triginta. *Gracchus.* Tui sunt. Abduce illos. Vos discite per experientiam, quam misericordia digni sint miseri. *Civis 1. mus.* Nos plaudimus pio, & justo Cæsari! *Omnes.* Pio ac justo bene sit! vivat! perennet! *Paulinus.* Merito acclamatis.

In-

* Loci mutatio pro novo actu non est nova. Ex aula prospectus est forum, in quod multi aulae ornamenta vendenda deportant.

Ingrediuntur etiam onusti jam ornamentis prætoriiis muli Cæsarei. In campum Martium pergite : ibi fiet venditio. Sic vos amat Cæsar. *Civis 2.^{us}* Amor & delictum nostrum Cæsar vivat! *Omnes.* Vivat! *Paulinus.* Quin ecce adsunt. * *Omnes.* Amor & delictum nostrum Cæsar vivat! *Legatus 1.^{us}* Quæ juba audio inter tantas calamitates? *Paulinus.* Tota calamitas Cæsarem premit. En & ipse egere mavult, quam egenis imperare. *Legatus 2.^{us}* O Verum Patriæ Patrem! *Legatus 1.^{us}* Bonitas excedit modum. *Paulinus.* Nam quis unquam talia aut legit, aut audivit de Principe? *Gracchus.* Felix posteritas, cui tantum exemplum Reges pariet, heroicæ charitatis æmulos. *Legatus 1.^{us}* Estne, amice, inter Deos aliquis Tito par? *Paulinus.* O quanto jucundius splendent sic nuda prætoria, quam nitebant ornata! Sic spoliata palatia, supra omnia mundi miracula clarescent orbi. Sed mihi curandum in foro est. *Gracchus.* Mihi vero Princeps adeundus, & referendum de venditis reis. *Legatus 2.^{us}* Quin tu nostram quoque præsentiam nuntias : nam adesse jussit. *Gracchus.* Nuntiabo. **

S C E N A S E C U N D A.

Personæ. Domitianus. Duo Legati Campaniæ.

Legatus 1.^{us} QUantum est, amice, cœli beneficium Princeps bonus! Soli optime comparavero, cujus aspectus omnium oculos, & animos recreat, solis bubonibus gravis. *Legatus 2.^{us}* Et contra quam crudeliter puniunt regna Dii, cui Regem imponunt malum! Cometa est, cujus vel intuitus terret, horridarum calamitatum præfagus. *** *Domitianus.* Etiam vos adhuc video hinc moras trahere? exactores molesti! Quo usque ferali ululatu fatigabitis Cæsarem? *Legatus 1.^{us}*

* Prodeunt Muli. Abeunt Clives. ** Clauditur. *** Exit Domitianus.

Theat. Polit. R. P. Neumayr.

D

Boni-

Bonitas, Princeps, audaces facit. *Domitianus*. Quin aperte dicis, impudentes. Omnes aurifodinæ vix sufficerent tot mendicabulis. Miror, viros nobiles causæ tam plebejæ patronos agere. Sinite conflictari Campanum vulgus cum miseris suis: non habebimus subditos modestiores, nisi cum miseri sunt.

Legatus 2.^{das} Nimis durum est, Princeps, pati, & habere neminem, qui compati velit. Durus Princeps duros subditos facit, & in omne facinus obstinatos. *Legatus 1.^{mus}* Humanum in homines imperium sit. Belluæ fiunt, si sentiunt, se tractari pro belluis.

Domitianus. Hæc scilicet jactatis ad ingenium Titi. Cum imperabit Domitianus, mutabitis frontem, & linguam adulatorem Protei. *Legatus 2.^{das}* Nos vero optamus, Princeps,

ut, cum fratri successeris, putemus non successisse, sed esse.

Domitianus. Vota inania! cum imperabo, nihil ero sollicitus, quid vos optetis. *Legatus 2.^{das}* Pauci igitur erunt, qui optent,

ut imperes. *Domitianus*. Si timeant, satis est. Sed quid expectatis denique? pauperem se Cæsar sua in pauperes beneficentia fecit, & nondum est quies? *Legatus 1.^{mus}* Multa possunt

Principes, etiam cum videntur nihil posse. Neque quod datur subditis, perit, sed spargitur in sementem. *Domitianus*. Imo

sæpius luxuriat in herbas noxias. Quid multa, viri! Ego profusam fratris in promiscuum vulgus beneficentiam probare non

possum: & erat vestrum, consiliis & opera prodigalitatem inhibere, non incitare. Foveri nobiles, probro. Serviunt splendori aulæ, & Cæsaris Majestati. At cives & rustici jumenta

sunt, quibus præter paleas, & stabulum, & verbera, debetur nihil. *Legatus 2.^{das}* Ah! Princeps! non ita velles agi tecum, si

unus de civibus, aut ruricolis esses. *Legatus 1.^{mus}* Videris sane, nondum expertus esse, quam suave sit amari a subditis,

etiam ex plebe. Res dulcissima, esse homini Deum, & omnes in se cordis affectus rapere. Hoc tributum jucundum est, &

cogitur per violentiam, quam nemo odit. Vel Dii majus aliud

exigere nequeunt, aut optare etiam, quam amorem, tanto beatiores, quanto amantur a pluribus. *Domitianus.* Ecce, hoc est, quod dixi. Hæc sunt vestra axiomata, quibus vos ad ingenium fratris componitis, ut placeatis; sed veniet dies, cum mutabitis mentem.

SCENA TERTIA.

Personæ priores, cum Tito, Graccho, ac Fabio.

* *Titus.* IN tempore te offers, frater! Memini, te paulo ante deprecatorem pro Lælio & Orbilio accessisse ad me. Non audiui tunc preces. Sensisti acerbe, adverbi fatis; sed quid agerem? satisfaciendum postulatis justitiæ fuit, quam amo pro fratre. Sic me Principem voluerunt Dii, ut benefacerem populis, non ut male. Puniendi erant ergo, qui potestate vicaria abusi sunt ad injuriam miserorum. Nunc, postquam clementiæ potest esse locus, vide, quantum fraternis precibus dem, liberos esse volo. Provinciam, quam mavis, nomina, frater, in qua ignoti, & sine infamia idoneo fungantur officio. Pretium Gracchus reddidit; tu homines huc siste, Fabi, ut sciant, cui se debeant. Deinceps te accinge imperato itineri. *Fabius.* Adoro nutum. *Titus.* Sic age, ut te populus amet. Placebis augusto, si populo. Quem enim odit populus, ab illo vix credo curari bonum publicum, sed suum, quod mercato- rum est, non Principum aulae. *Fabius.* Intellico. *Domitianus.* Ego tibi gratias debeo, Auguste frater! Fateor, huc me ferebam querendi causa propter negatum alloquium: sed offusam amaritiam absterfit non expectata humanitas. Accepto donum. *Titus.* Opto, frater, ut preces similes sæpius iteres. Animi sunt miseros miserantis. Vobiscum, amici, cras iter in cam-

D 2

paniam

* Prodit Titus.

paniam suscipiet Fabius, exploraturus, quantam cladem incensus Vesuvius fecerit. Opes eorum, qui sine hærede perierunt, non fisco adjudicabitis, sed dividetis inter eos, quos calamitas fecit egentiores. Deinde jussus est, pro æstimatione miseriæ oppida, & urbes afflictas ab omni exactione, & tributis liberas pronuntiare. Spero, non nullum solatium ex hac ordinatione afflictis fore. *Legatus 1.º* Spe quoniam majus. Beneficium, Cæsar, facis, æternis laudibus dignum. *Legatus 2.º* Et quod, si per te licet, ad futura sæcula in ære, aut marmore sub tua effigie perennabit. *Titus.* Hoc nolo, & serio prohibeo. Nam quem tu Titum existimas? Gloriæ famulari me putas, an Reipublicæ? vivant alii in ære, & saxo: ego cupio in animis vivere. Tanti me ipsum non habeo, ut imaginem mei velim subditorum pecuniis emere. *Gracchus.* Sic omnem grati animi affectum prohibes? *Titus.* Si beneficiis vos meis gaudere video, gratos agnosco satis.

SCENA QUARTA.

Personæ eadem, & Æmilius. Camillus. Rutilius. Brutus. Lentulus Ephebi a Tito recens adlecti.

* *Æmilius.* Adduco, Auguste, quos petebas, pro sacrificio ministros. *Camillus.* Prompti, etiam victimæ, si jubes, erimus. *Rutilius.* Pro Diis & pro populo gloriosum est mori. *Brutus.* Vitam pro bono publico accepimus: pro bono publico oportet reddere. *Lentulus.* Oportet: nisi turpiter degeneres a majoribus simus. *Titus.* Macte animis, generosa pubes! Crescite in magnas spes! Magnanimi sensus, quos hausistis a parentibus, nutriuntur in aula mea, si cum hac mutare poteritis paternam domum, & patres finant. *Camillus.* Prope omnem

* *Æmilius* prodit cum Ephebis.

nem calamitatis memoriam absterfit parentibus tantæ gratiæ nuntium. *Rutilius*. Quid posset optatius nobis contingere, quam si pro Patre liceat vereri Cæsarem? *Brutus*. Utinam nos simus filii digni te! *Lentulus*. Saltem conabimur, Cæsar, ut tui te beneficii nunquam poeniteat. *Titus*. Placet hic vestet animus. Parens ero. Faciamus a Jove principium. Nam hoc scitote: prima mihi cura Religio est erga Superos: altera, charitas erga subditos. Exemplum dabo. Capite ab Æmilio sacrificii instrumenta, & vestes. * Vos ** reditum maturate ad vestros, ne diutius absque solatio sint. *Legatus 1.^{mus} & 2.^{us}* Feremus amplissimum. Servent te Dii, Cæsar, incolumem diu! *Titus*. Accepto votum, si acceptum est Diis, & utile populis: si aliter cœlo visum, commendo vos fratri. Valet. *** *Domitianus*. Ego te frater immortalem opto. *Titus*. Imo facies, si imiteris. *Æmilius*. Implevimus jussa Cæsar. *Titus*. Quod igitur felix, faustumque sit, & ad communem charissimi mei populi felicitatem, uti opto, eveniat, Cæsarem exuo, Pontificem induo. **** *Gracchus*. Faxit Cœlum, ut hæc purpura nunquam ornet humeros minus religiosos. *Titus*. Admoniti sunt Flamines? *Æmilius*. Jam adduxerunt victimam, & lustrationibus vacant. *Domitianus*. Licetne comitem ire? *Titus*. Frater, scis morem meum. Libentius lito solus. Adeste dilectissimi! vestra innocentia, & devotio plus, confido, quam omnes victimæ, placebunt Jovi. *Camillus*. *Rutilius*. *Brutus*. *Lentulus*. Optamus, Cæsar! * *Domitianus*. Vos, cum servos emptos adduxerit *Fabius*, intrare ad me jubete. *Gracchus*. Ut jubes, Princeps. * *Abit Domitianus*.

D 3

SCE-

1. * Accipiunt thuribulum &c. ** Ad Legatos Campaniæ. *** Abcunt Legati. **** Paludamentum ponit, & gladium & cidarim, traditque Graccho. * Abcunt.

SCENA QUINTA.

Personæ. Æmilius. Gracchus.

Gracchus. Quotidie suavioribus gaudiis exultat animus Titum cogitans, quotidie se majorem. Heri audivimus eum, cum sub vesperum recordaretur, se nulli per diem beneficum fuisse, cum nobili gemitu exclamantem: Amici, diem perdidimus! hodie quantis benefactis negligentiam expiat?

Æmilius. Certe ingentibus. *Gracchus.* Tantæ virtutis amabilitas etiam ipsum Domitianum affecisse videtur: ita placidus adstitit, sine motu, sine rugis, ut prope injuriam fecisse te credam, cum suspectum de ambitu habuisti. *Æmilius.* Adhuc habeo. Noli decipi: sæpe malacia propinquæ tempestatis est nuntia. Crede mihi: Domitianus non amat Titum, & (utinam fallar) concepit monstrum ambitio, atque jam parturit. Si expectamus partum, væ Romæ! væ Imperio!

Gracchus. Potes, *Æmili,* concipere tam atrocem metum? *Æmilius.* Notum mihi superbum & ferox ingenium. Amavit Titum, dum vixit parens, dum fuere æquales. Majorem, semper suspexit cum suspirio.

Gracchus. Hoc quidem credo. Sed & id scio, jactasse sæpe querulas voces, quibus amorem carpebat, quo subditos amplectitur Titus. Servire illum, dicebat, non imperare. Quanquam vere, quid est imperium, nisi servitus? Neque enim fieri potest, ut bene imperet singulis, qui non servit universis. *Æmilius.* Ita. Et secus qui fecerit, tyrannus erit, non Dominus.

Gracchus. Cæterum præter innoxios gemitus, & verba pereuntia crudelius aliquid machinari Domitianum, difficulter adducor, ut credam. Frater est. *Æmilius.* Frater est! Qui ergo Romulus & Remus, qui novissime Nero & Britannicus fuerunt? Libido dominandi quam parum respiciat cognatum sanguinem, omnes historiæ, omnes fabulæ docent. Hæ virum

Rei-

Reipublicæ studiosum anxium jubent esse, & vigilem. *Gracchus*. Agnosco. Sed quid suades? *Æmilius*. Mihi etiam Fabii cum Domitiano amicitia timenda videtur. Ingenium est homini similiter ferox, & durum pro plebe: quid si similia consilia forent? *Gracchus*. Video non esse timores vanos. Amet te Cœlum, *Æmili*, qui adeo sollicite pro nostro delicio angeris. *Æmilius*. Sine, ut hic solitarius expectem hominem. Explorandus est cum astutia. *Gracchus*. Age, quod agis, strenue. Si quid opus erit mea opera, fac, monear in tempore. *

S C E N A S E X T A.

Personæ. Æmilius. Fabius.

Æmilius. Ita faciam. Gaude *Æmili*, jam via ad solium strata est! ringentibus *Æmulis*, imperabis. Faventem *Gracchum* habes, & cum *Graccho* populum. ** Tandem te video! & ubi *Lælius*, *Orbilius*? *Fabius*. Nempe instrui debebant ad destinatum facinus. Opus tempore fuit. *Æmilius*. Ut animati sunt? *Fabius*. Quam optime. Pudor & dolor propè in rabiem egit. Securi sumus. Nulla de nobis *Tito* suspicio est. In *Campaniam* me ire cum *Legatis* jussit, ut consoler afflictos. Adeo innocens videor. *Æmilius*. Ecce! quando ibis? *Fabius*. Nunquam, si hodie *Titus* perit. Præterea jussit me libertatem nuntiare divenditis: adeo confidit. *Æmilius*. Et tamen furunt? *Fabius*. Scilicet filui de beneficio: supplicii injuriam exaggeravi. Ruunt in exitium *Cæsaris*. *Æmilius*. Etiam in *Domitiani* & suum. Nam ego interim *Gracchi* animum suspicionibus implevi atrocibus. Ut primus se fundet de cæde rumor, citabit in arma populum. *Fabius*. Belle omnia. Ego nunc *Domitiano* referam, quid fiat. Deinde ad *Paulinum* & milites ibo. *Æmilius*. Ego vero in excubiis ero. Plaude anime! coronam teneo.

CHO.

* Abit *Gracchus*. ** Exit *Fabius*.



CHORUS I.

Apollo propter occisos Cyclopes læsi Jovis se reum videns spontaneo se exilio multat. *

Personæ. Apollo, Diana, Vulcanus, Cyclopes, Fauni, Venatores.

Diana ad Apollinem Fratrem. Ecce!

Jam fervent studia venatorum tuis honoribus.

Apollo. Bene est. Hæc placet, soror, statio.

Diana. Ego interiora nemoris mihi eligo.

Apollo. Io Pœan! Optatæ in tela occurrent belluæ.

Diana ad Cyclop. Cessate malleis: nam feras avertitis.

Auditis cornua?

Otiosi potius spectate hilaria Dianæ studia.

Brontes Cyclops. Tuum est imperare, Dea suavissima.

Sterops. Quin & pro malleis, socii! nos quoque fumimus venabula?

Pyracmon. Sumamus! Juvat respirare,

Et venantûm gaudia post labores gustare.

*Brontes. *** Heu socii! interii!

Pyracmon. Prô Superi!

Sterops. Hiat pectus immani vulnere!

Pyracmon. Morientem vindicate furia! en iterum! ***

Sterops. Heu frater! percussus sum! morior!

Pyracmon. Juve Mulciber! Eja! quisquis es hostis, progredere!

Apollo.

* Theatrum exhibet sylvam cum monte Ætna & officina Cyclopum.

** Ab Apolline latente sagitta percussus. *** Cominus hasta transfigit cum Apollo.

Apollo. **Scelestæ! Morere ***
Pyracmon. **Heu me Apollo! Apollo!**
Apollo. **Io! felix venatio! . . . jam sorori me affocio.**
Pyracmon. **Maledicte Apollo!**
*Vulcanus.*** **Incudes cur silent hodie!**
 Vah! dirum sepectaculum!
 Confixi telis famuli in suo natant sanguine!
 Quis tantum patravit nefas? edicite.
Pyracmon. **Heu! Apollo! Apollo!**
Vulcanus. **Apollo? Intelligo. Jam tu tranquille morere!**
 Propitium precor Plutonium in orci limine.
 Ego vero vos, & læsum in vobis Jovem vindicabo:
 Deos omnes in proterviæ ultionem armabo.

A R I A.

NOs Jovem amamus:
 Pro Jove pugnâmus!
 Offende Jovem: omnia
 Offendis Numina.
Per Jovis Majestatem
Tuemur potestatem:
 Et quidquid habemus,
 Tonanti debemus:
 Si non regnaret Jupiter,
 Quis esset Mulciber?

Eja! Faune! Faune! & quidquid Sylvestrium
Hic adest Numinum,

*** **Ad arma! ad arma!**

Faunus. **Quis furor incendit Vulcanum?**

* Abit. ** Prodit. *** Prodeunt Fauni fustibus armati.

Theat. Polit. R.P. Neumayr.

E

Vulca-

Vulcanus.

Quis vindicem armavit manum?

Videtis meorum stragem servorum.

Offensus est Jupiter, Apollo reus : vindicemus!

Faunus.

Quod justum est, exigis. Jovem amamus!

Chorus Faunorum.

Offensum Jovem vindicamus!

Faunus.

Tu modum edoce.

Vulcanus.

Advertite!

Nullus dubito, quin adhuc latro vagetur
in nemore.

Vos ergo hæc cadavera tumulate,

Et cum lamentabili lessu inferias date.

Excitus tumultu Apollo procedet; capite!

Tonantí sistite!

Faunus.

Ex tripode.

Vulcanus.

Ego præeo, & omnem rei seriem Jovem edoceo.

Faunus.

Intelleximus. Ubi autem sepeliemus cadavera?

Vulcanus.

Specus, quæ fuit vivis officina laborum,

Sit sepulchrum defunctorum.*

Faunus.

Ergo strenue voces & manus jungite.

Ego lessum intono.

Chorus Faunorum.

LESSUS.

1.

Heu! Eheu!

Dii Superi! Dii Medii! Dii inferi

- Lugete!

Divinis digni lacrymis

Sunt fabri flammæ Vindicis,

Qua templa tuemur,

Et thura meremur:

* Abit.

Lugete!

2. Heu

2.
 Heu ! Eheu !
 Sic denique , sic Siculæ filebitis
 Incudes ?
 Et tuum , Phoebe , facinus
 Sit tutum a fulminibus ?
 A poena immune ?
 Sic Jovi impune
 Illudes ?

3.
 Heu ! Eheu !
 Sta , quisquis sis , qui præteris , sta ! mortuis
 Precare ,
 Ut sint Tonanti stygio
 Priore ab officio ,
 Et pergant Plutones
 Adversum latrones
 Armare .

Apollo ex nemore prodiens cum Diana.

Heus vos ! quid tantis tumultibus Ætnam concutitis ?

Faunus. Socii ! celeriter reum cingite ! ad Jovem trahite !

Diana. Stupidi ! Non nostis Apollinem .

Chorus Faun. Novimus Cyclopum latronem : ad Jovem ! ad Jovem !

Apollo. Vim patior ! Socii , stringite venabula !

Diana. Vos tela expedite !

Apollo. Cessate , aut perite !

Chorus Faunorum.

Jovem nos amamus :
 Jovem vindicamus !

T I T U S.

Chorus Venatorum.

Cessate! aut peribitis:
Nec Jovem vindicabitis.

Faunus. Cedamus! Ipse occisos Cyclopes sciet ulcisci
Jupiter.

Jam prodidit te Mulciber. *

Apollo. Heu soror! quid audio!

Jovi reus sum de latrocinio: quo fugio?

Diana. Siccine? Fratrem latronem habeo Ministrorum Jus-
stitiæ? ...

Ah! Frater! Quæ te agitarunt intemperiæ?

Apollo. Furens dolor de perempto a Jove Æsculapio
Suasit facinus, quod jam horreo.

Diana. Infelix venatio! sic frater ausit sororem decipere,
Et tanti sceleris participem facere?

Si temeritas Æsculapii meruit fulminari,

Quo supplicio impietas Apollinis debet mactari?

Miser! an poteras ignorare,

Quid sit contra Jovem ter optimum, ter maxi-
mum rebellare?

A R I A.

Est bellum funestissimum,
Infaustum semper prælium,
Quod consule furore,
Aut scelere suasore

Contra Regem

Contra sanctam Coeli Legem

A subditis habetur.

Con-

* Abeunt Fauni. * Fauni dimittunt Apollinem a venatoribus territi.

Conjura cum gigantibus :
 Impone montes montibus :
 Struxisti Mausolæum
 Pro Irrisore Deum :
 Quod in Cœlum
 Sceleratum mittes telum,
 In fulmen convertetur,

Apollo. Ergo, quid suades soror ?

Diana. Nempe quid superest, nisi ut Numinis optimi maximi
 Te tradas arbitrio.
 Placabitur

Apollo. Durus est sermo, quem audio.

ARIOSE.

Apollo.

Difficilis est gratia,
 Quam cogis exorare :
 Quid ? ego supplicare ?
 Apollo sum :
 Jovi genu flectere,
 Et : ignosce ! dicere
 Superba est petitio :
 Intolerabilis :
 Apollo sum :
 Ego supplicare ?

Diana.

Sed facilis est venia
 Si potes supplicare.
 Quid ? tu deliberare ?
 Rebellis es !
 Jovi genu flectere,
 Et : ignosce ! dicere
 Æquissima conditio :
 Inevitabilis :
 Rebellis es.
 Tu deliberare ?

Malim trifulca a flamma perire :
 Cœlo extorris Plutoni servire :
 Quam pati, ut Ego
 Dicar Jovi supplice
 Accidisse poplite.

* Abit.

Peri insane, si juvat perire :
 Servi Plutoni, si lubet servare :
 Et ego te nego
 Esse fratrem Cynthiæ :
 Sint sorores Furiæ. *

E 3

Apollo.

Apollo. Abiit. Quid jam consilii mihi met suggero?
 Quid? si Apollinem alienis vestibis tegerem,
 Et breve exilium mihi met indicerem?
 Bonum est consilium.
 Sæpe in rebus desperatis tempus tulit auxilium.
 Mutantur tempora : & tempora mutata
 Non raro mutant fata.

A R I A.


Cum Cœlum nigrescit,
 Et mare tumescit :
 Prudentis est velle latere,
 Et navem in portu tenere,
 Dum cœli mutandi,
 Et maris pacandi
 Est melior spes.

2.

Qui patiens moræ,
 Et memor est horæ,
 Qua hyemem ver subsequetur:
 Is rosas de spinis meretur :
 Afflictas cunctando
 Et bene sperando
 Restituam res.



ACTUS



A C T U S I I I.

S C E N A P R I M A.

*Personæ. Æmilius. Gracchus.**

Gracchus. Sic, ais, periit amor, & delictum nostrum? *Æmilius.*

Sic, ajo, nam ita flens, & ejulans Rutilius mihi,

Gracchus. Peremptus nefarius scelere Titus jacet? *Æmilius.* Acer-

bis dolor medullas vorat. Jacet! *Gracchus.* Ferrum Sicarius ade-

git in viscera? miseram Romam! & o nimium exosam Superis!

nam quantæ nos calamitates obruunt simul! Campaniam tertæ

motus, & ignes eieciens vastavit Vesuvius: Neapolim pestis popu-

latur: Roma adhuc ab incendio fumat, & tot cladibus additur

funesta cædes ejus, qui solus poterat afflictos solari! Miseram Ro-

mam! Sed quis Sicarius? *Æmilius.* Gracche, hæc nunc est quæstio

intempestiva. Auctorem cædis facile divinabis; nunc id agen-

dum, ut non sit idem successor, & sceleris præmium coronam

ferat. *Gracchus.* Lubet votum repetere, quod Roma olim Au-

gusto fecit: utinam Princeps tantus aut nunquam natus, aut

nunquam fuisset mortuus! *Æmilius.* Et utinam ei succederet

saltem, qui imitari vellet. Me quidem, Gracche, ita affece-

runt divinæ virtutis exempla, ut sæpe oraverim Deos, ne post

Titum, alteri cuidam, quam mihi, paterentur committi im-

perium. Sed nolim, amice, ut te offendat hæc libera Confes-

sio, quam non ambitio, sed amor populorum expressit. Servire

cupio, cum ambio regnare. *Gracchus.* Gentem Æmiliam novi.

Superest læta tuorum Majorum memoria, eosque gaudemus re-

vixisse in te. *Æmilius.* Nihil ego ista decora memoro. Sunt

majora in aliis. Sed quo animo, Gracche, quo animo alii erga

Rom.

* Aperitur Aula.

Rempubicam, erga populum sint, nescio: optimo esse me, hoc scio. *Gracchus*. Neque hoc nescit populus, *Æmili*. Quin ego nihil dubito, quin plerique te successorem Titi tacitis votis sint optaturi. *Æmilius*. Fac igitur, ut petant etiam unanimi voce. *Gracchus*. Nempe nisi esset Domitianus timendus. Fraternali jure coronam rapiet sibi. *Æmilius*. Domitianus? scilicet Titi frater! latronem voca, & parricidam. Nam dubitas adhuc nempe, ab ipso armatum Sicarium? aut adeone timidi vos, ut scelus adoretis pro Cæsare? *Gracchus*. Si reus est Domitianus, nihil ambige, perit. Tu Cæsar eris. *Æmilius*. Non ambio, si melior occurrat modus, quo consulas bono publico. Tribunus plebis es: scis, quid jubeat officii ratio. *Gracchus*. Fideliter exequar. Ad Paulinum abeo, ut teneat intentos milites in omnem casum, ne quid turbetur in hoc tumultu, aut ne improvide Domitiano se adjungat exercitus. * *Æmilius*. Sapienter. Faxo, ut brevi pateat veritas. **

SCENA SECUNDA.

Personæ. Domitianus. Æmilius.

Domitianus. **N**unc tandem, *Æmili*, antiqua cessabunt odia: veneraberis Domitianum, amicus eris. Cecidit infelix frater: sic visum Superis, corona debetur fratri. Servum te appellare possem, amicum malo. Age, primo obsequio merere animum novi Cæsaris: huc militem voca, qui mea mandata audiat. *Æmilius*. Princeps, servus esse non possum, cum nullus est Dominus. Festina lente. Cum delatum ad te imperium fuerit, prout adorabimus nutum. Nunc liberi sumus: eligemus dominum, qui placuerit. *Domitianus*. Inferi! de eligendo Cæsare agatur, cum demortui vivit frater? *Æmilius*. Age-

* Abit Gracchus. ** Prodit Domitianus.

Agetur, cum frater displicet. *Domitianus*. Vah! quis ego sum? quid ergo displicet? *Æmilius*. Princeps, diu jam Roma sub pessimis Imperatoribus gemuit: nunc vix respirare sub Tito coepit. Afflixit nos primum post Augustum Tiberii scelerata astutia, deinde stultitia Caligulae, & ignavia Claudii everterunt Majestatem Romanam: mox Neronis crudelitas inundavit: deinceps Galba, Otto, Vitellius infamarunt augustam dignitatem: postremo Vespasiani patris tui avaritia exhaustit provincias. Hæc tot mala dispersa in aliis, timemus a te omnia. Frons, oculi, vultus, mores tui has minas faciunt: hoc displicet. Deinde illud maxime omnium, quod Titus, qui placuit omnibus, soli fratri displicuerit. *Domitianus*. Audax! impudens! hæc in faciem mihi? *Æmilius*. Ut sentias nempe, te non timeri, & nunc quidem de corona desperes, donec minus superbus, magis comis, & haud paulo clementior factus, placere incipias. Eo usque, frustra aut a Senatu, aut a populo, aut ab exercitu suffragium speras. *Domitianus*. Hæc audio patiens? *Æmilius*. Quin & plura, opinor ex Fabio audies. *

S C E N A T E R T I A.

Personæ priores, & Fabius. Succedit Paulinus.

Domitianus. **P**Arum abest, Fabi, quin hunc maledicum canem inferias fratri mittam. *Fabius*. Omitte iras, Princeps, quidquid sis passus. Amicum potius consilium audies, si sapias. Fugam suadeo, & tutas latebras. *Domitianus*. Quid? fugam? perfide! *Fabius*. Nisi ultima pati velis. Populus Titi cæde efferus tumultuari incipit: te credit auctorem: miscetur forum: proscinditur probris Domitiani nomen: cruenta fiunt consilia: in mora periculum. *Domitianus*. Quis hunc furorem

* Prodit Fabius.

Theat. Polit. R. P. Neumayr.

F

in-

incendit? *Fabius*. Non est nunc tempus judicii, sed fugæ, Princeps. Si evaseris triste malum, vide, cui te ipsum debeas. Consulo saluti tuæ. *Æmilius*. Male consulitur saluti parricidæ. Hora favet, amice! * pereat latro! *Fabius*. Pereat! *Domitianus*. Vah! ego petor? proditores! rebelles! *Fabius*. Occide! macta! perde! *Domitianus*. Succurre miles! famuli! *Æmilius*. Ad stygem monstrum! peri. ** *Paulinus*. Quis tumultus? *Fabius*. Vindictam Titus exigit. *Æmilius*. Et meretur. *Domitianus*. Juvate! *Paulinus*. Sistite! infontem premitis. Titus vivit! *Domitianus*. Vivit? *Æmilius*. *Fabius*. Titus? *Paulinus*. Vivit, inquam. *Æmilius*. *Fabius*. *** O nova importuna!

SCENA QUARTA.

Personæ. Domitianus. Paulinus.

Paulinus. **N**Am cur fugitis modo? *Domitianus*. Sine. Hem! sic prodor! tetrum facinus impingunt mihi, ut tegant se. Sentio: affectant imperium. Reos de vi & ambitu agam. Sed ain' vere, vivit frater? *Paulinus*. Vivit Princeps, jamque propinquat aulæ a sacris redux. Populus a Fabio paulo ante concitatus, mœrore, & ira furens in te surgebat: nunc læritia repente obruti, duce Graccho, obviam se effuderunt redivivo. Fletus in plausum, ira in gratulationes est versa. *Domitianus*. *Fabius* concitavit? *Paulinus*. Tenempe dicebat auctorem Cædis. *Domitianus*. Vah! perduelles! est, quod dixi. *Pauline*, tibi vitam debeo, fac, ut etiam famam debeam. Perge, & populum, quid videris, doce. *Paulinus*. Confide Princeps! vindicem innocentiae habebis fratrem, qui & famæ jacturam majori gloria compensabit. ****

* Gladios intentant. ** *Paulinus* exit. *** Scorsim. Deinde abeunt. **** Abit.

SCENA

SCENA QUINTA,

Persona. Domitianus solus.

Titus vivit? o nuntium funestum mihi! Infelix ambitio, quo me adigis? quo vultu aspiciam fratrem, tanti sceleris reus? Utinam quæ Orestem agitarunt furæ, me quoque raperent extra hanc solis lucem a fratris aspectu procul! & quis excussit sicariis feralem sicam? Vecordes semiviri! sic popæ & pueri terrierunt? Quanquam quid incuso homines? scilicet Diis invisus sumus. Vos prehensam manibus coronam rapitis insensa Numina! & quid cessatis? fulmen mittite, quod vitam etiam, & animam rapiat. Nam in quæ ludibria servor? scilicet aut supplicantis habitu mæstus, gemens, & indecoris perfusus lacrymis, veniam criminis orabo Titum: aut manu lictoris cæsus, populivæ sævientis manibus discerptus, poenas crudeles dabo: aut misera fuga subductus neci, extorris, inops, ignotus barbaras plagas incolam. Quid eligis anime? .. Atrox arbitrium! .. Verum cur me ipsum dâmno, quem nondum fata damnarunt? imo absolvere Paulinus mei periculi testis potest. Ut fugerem, Fabius voluit: nempe ut fuga convinceret reum. Redeat in auctores malum: fugerunt; convicti sunt satis. Evado.

SCENA SEXTA.

*Persona. Titus. Domitianus. Rutilius. Brutus.
* Camillus. Lentulus.*

Domitianus. **T**alis occurris, frater! Hen! quantillum abfuit, ut apud inferos cœnaremus uterque hodie!

Titus. Laudes Diis, qui me servarunt! Ipsos testes habeo: non memini, commisisse me unquam facinus poenitendum! & tamen

F 2

infi-

* Titus exit.

insidias patior! in qua barbarie vivo? *Rutilius*. Ulciscere, Cæsar, crimen nefandum! *Brutus*. Pereant, qui perire te cupiunt! *Camillus*. Horresco adhuc os illud efferi hominis, qui ausus est in te irruere! *Lentulus*. Detestor sicam, quam in te strinxit! *Titus*. Quiescite! Orbilius quidem, frater, fuga elapsus, se mihi eripuit: Lælius vero a sacrorum Ministris occupatus, & sacro cultro confossus meritis poenas dedit. *Domitianus*. Vah! quid audio? quos tu mihi donasti, Orbilius & Lælius in te ruerunt? Conveniunt omnia, Auguste frater! Fabius immisit, Æmilio conscio, vel auctore. *Titus*. Euge! quos nominas viros? *Domitianus*. Quibus peiores nullum sæculum tulit. Vix rumor de tua cæde invaluit, cum ambo strictis gladiis impetum in me fecerunt. Perieram, nisi pugnantibus intervenisset Paulinus, & tuæ vitæ non expectato nuntio perterritos latrones egisset in fugam. *Titus*. Sic viperas in sinu alui! *Domitianus*. Nondum narravi omnia. Per horum scurrarum flagitium nullo jam loco consistere tutus possum. In me calumniis concitata Roma surrexit, paricida audio, & ad necem deposcor. Deos vindices, te judicem volo, Tite! si quis est tibi fraterni sanguinis & nominis cultus, si quis amor justitiæ, si qua cura tranquillitatis, collige iras frater, & omnem, quæ cogitari possunt, poenarum procellam in fugitivos effunde. Nihil jam clementiæ, nihil misericordiæ concedendum: justitia imperet. *Titus*. Audio, frater! & quoniam ipse læsum te quereris, age, retrahi ex fuga reos cura: trahantur in quæstionem: fatis fiat justitiæ.

S C E N A S E P T I M A.

*Personæ eadem cum Paulino & Graccho.**


Paulinus. Gracchus. **O** vive Cæsar! quem salvum moerentibus Dii reddunt! *Gracchus*. Expectat impatiens

* Exit Paulinus & Gracchus.

popu-

populus, avidus redivivum videre. Distributus in ordines suos, excipiet te inter lætas acclamationes, & tripudia. Recrea tuos celeriter beato aspectu. *Paulinus.* Miles interea utriusque parri- cidæ domum obsedit, & portas urbis custodit vigil, ne elaban- tur. *Titus.* Utinam elabantur! Non sitio humanum sanguinem. Quia tamen non me tantum, sed etiam te læserunt, frater, ha- beri judicium volo. Rem, Pauline, cum fratre perage. Ego charissimum mihi populum salutatum eo. *Domitianus.* Utinam elabantur! audisti, Pauline, vocem absonam? & quid dubito? si vivi sistuntur Tito, elabentur utique. Tribus lacrymis scele- storum emollitus frater, veniam, vitam, libertatem, omnia resti- tuet. Inultus ero. *Paulinus.* Non id populus, Princeps, non miles feret. Nolens volens cogetur Cæsar damnare reos. *Domitianus.* Non sum securus. Tu, si qua tibi Domitiani veneratio est, ubi- cunque deprehenderis, macta, & per mille vulnera expelle ani- mas tanti convictas sacrilegii. *Paulinus.* Mandatum sanctum est. Sed facinus Cæsari qui excusabo? *Domitianus.* Excusabit, qui iussit. Cæsaris frater sum. Sed quid jam populus de me? *Paulinus.* Excussi suspicionem conceptam temere, & veros pro- ditores nominavi palam. Innocens es. Solus Æmilius & Fabius petuntur ad rogum. *Domitianus.* Adeo me tibi totum debeo. Adjice duplici beneficio tertium, & ut celeriter ac certo impii intereant, perfice: omne punctum tulisti. Vindictæ rabies ju- stissima pectus exedit. Morior, si reis parcitur. *Paulinus.* Obe- dio, Princeps. In eodem peribunt angulo, in quo latent. * *Do- mitianus.* Sic age, & ego mihi consulo. Purgavi me, si tantum egero, ut loqui nemo possit, qui posset accusare.

* Abit.



S A L T U S.

A C T U S IV.

SCENA PRIMA.

*Personæ. Fabius. Servus Fabii. **

Servus Fabii. Certe vix per medios milites elapsus, facultatem nactus sum te perquirendi, quod jusserat hera, ut monerem, quo cautius tibi consuleres. Diripitur domus, plorat Familia, desperat Domina: multum erit, nisi etiam filium in mancipatum abripiant. Tu, nisi qua effugias indagantium furorem, actum est. Nam ne captivus quidem duceris ad Cæsarem: in ipso loco, ubi deprehensus fueris, moriendum erit. Sic audiivi Paulinum præcipientem militibus. Iisdem periculis involutum Æmiliū audio. *Fabius.* Nunc te probas fidelem servum. Sed num videor tibi sub isto habitu latere satis? *Servus.* Satis. Nisi me compellasses prætereuntem, etiam hos oculos fefellisses. *Fabius.* Recte. Perge jam domum, & te similibus indue. Homines curiosos facile decipies officioso mendacio: dic, ex Hispania te venisse cum hero tuo negotii quidpiam acturo cum Cæsare. Fraudem religioso silentio preme omnibus, præterquam uxori. Deinde diligenter explora per circulos, quid agatur de me, & fac, ut me lateat nihil. Cætera ego curabo. Nunc ad Cæsarem eo. Confide, tempestas transibit cito, & feres dignum operæ pretium. *Servus.* Intellexi. Dii faveant nostris consiliis. *Fabius.* Audacem fortuna juvat! at en!

* Prodit Fabius in vestitu Hispano, cum servo, & sub crepusculum, dubia luce.

SCENA SECUNDA.

Personæ. Fabius. Æmilius. Legati Campaniæ.

Legatus 1.^{mus} Irritas preces facis. Amamus Cæsarem, & time-
mus. *Fabius.* Nisi fallor, ex aulæ Ministris estis,
Domini! Quis mihi facultatem faciat alloquendi Cæsarem?
ex Hispania rem grandem fero, quam interest Principis sci-
re quantocyus. *Legatus 2.^{us}* Age, quo in pretio apud Hispa-
nos est Cæsar? *Fabius.* In amoribus summis. Prope Titum Au-
gusto præferimus. Non ita, ut video, a Romanis amatur. Sunt
inter vos, qui per literas ad defectionem sollicitarunt exercitum,
quos ego accusatum sum missus. Teneo interceptas literas.
Tres subscripserunt, ex quibus duo, Fabius & Æmilius, homi-
nes patritii generis jam notæ malitiæ sunt, utpote quos vix tur-
bem ingressus video ubique ad necem inquire. Tertium nemini
nisi Cæsari nominabo. *Legatus 1.^{mus}* Quid palles Æmili. *Legatus 2.^{us}*
Ergo in Hispaniam usque porrigitis odia tam amabilis
Principis? *Fabius.* Hic Æmilius? & non rapitis hominem ad
tribunal? *Legatus 1.^{mus}* Ipsi peregrini sumus. *Legatus 2.^{us}* Au-
sus est scelestus rogare etiam, ut in nostra familia latentem no-
biscum duceremus in Campaniam, ut commerita supplicia pos-
set evadere. *Legatus 1.^{mus}* Quid stupes miser? *Fabius.* Mutum
horror novi sceleris fecit. *Æmilius.* Vel ringente Roma evadam
supplicium, quod merui. Bonum habemus Cæsarem! *Fabius.*
Quo ruit furiosus? *Legatus 1.^{mus}* Mentiari, nisi ipse se Principi-
sistat. Tanta est confidentia. *Legatus 2.^{us}* Age! aulam ingre-
dimur. Ecce Cæsar prodit.

* Ad Æmilium supplicem.

SCE-

SCENA TERTIA.

* *Personæ eadem, & Titus.*

Æmilius. CÆsar! habes fatentem reum. Plura dolor, & pudor vetant. *Titus.* Æmili, qua fiducia te sistis mihi? *Æmilius.* Asylum quæro. Et quod inveniam tutius, quam Cæsaris tam boni Regiam, ac sinum paternum. Si bene te novi, Auguste, non sum deceptus; dabis veniam Æmilio, quanquam mille mortes promerito. Ita tua magnanimitas jubet. *Titus.* Si bonus, si Pater sum, cur me odisti? *Æmilius.* Absuit hoc semper, Cæsar, ut te oderim: nam quis posset? Splendor coronæ excæcavit infelicem, ut præceps in scelus ruerem. *Titus.* O te inanem! tantine sit Imperatorem esse, ut etiam per scelus appetendum, videri queat? Coronæ fato dantur: felix est, qui sua sorte contentus vivit. Comœdiæ vitam nostram comparavit Augustus: agat personam quisque, quam imposuit Choragus Deus. Quid me hic splendor, hæc pompa juvat? cum obdueto sipario finietur comœdia, & vita simul, non illum laudabunt Dii, qui Principem personam egit, sed qui principalius suam. Itaque sæpe rusticus placebit præ Rege. Hæc tu nunc saltem reputa tecum. Me miseret tuæ cæcitatis. Dum delibero, quid sit agendum, latere potes: asylum habes. *Æmilius.* Hæc deliberatio conclusio est. Salvus sum! Auguste vive! *Legatus 1.^{mus}* O mitem Dominum! at forsan Cæsar, si hunc audieris, non ultra deliberabis, quid agas. *Legatus 2.^{us}* Nondum enim novisti omnia. *Fabius.* Vive Cæsar! Facinus detego excrandum, si loqui sine arbitris licet.

* *Aperitur aula. Prodit hinc Titus, inde Æmilius.*

SCE-

SCENA QUARTA.

Personæ eadem , cum Domitiano , Paulino , & Graccho.

Domitianus. **A**uguste frater ! Æmilius in Regiam fugisse est visus : permitte , ut extrahatur ad cædem. *Titus.* Frater , asylum dedi. *Domitianus.* Superi ! asylum ! nam quo usque te bonitas aget ? Sed frustra es. Miles & civis cinxit Palatium , & cum tumultu reum exposcit ad pœnam. Nisi concedas sponte , vi rapietur. *Titus.* Vim Imperatori subditi facient ? *Domitianus.* Cogit amor. *Paulinus.* Nihil moderate agit vulgus , Auguste , sive cum odit , sive cum amat : ignosce. *Gracchus.* Quid , quod Fabius etiam dicatur in palatio latere. Nam quo alias effugisset ? *Titus.* Modestum amorem volo. Si amant , obediant. Pauline , Gracche , vestrum est continere insanos impetus. *Ite.* *Domitianus.* Si tuam non vindicas injuriam , saltem fratrem ulciscere. Et ego offensus sum : justitiam expeto. *Titus.* Reum permittere furori plebis , hic non est juris ordo. *Ite.* Vobis , amici , quoniam alienavit se Fabius , de altero providebo , qui comitetur in Patriam. *Legatus 1.^{mus}* Utinam Princeps , satis provisum sit tibi. *Titus.* Diis curæ sum : nihil timete. *Legatus 2.^{us}* Ita optamus. *Titus.* Jam tu loquere. *Fabius.* Sine arbitrio liceat ! *Titus.* Loquere , nam & hic Titus est. *Fabius.* Quoniam jubes.

SCENA QUINTA.

Personæ. Titus. Domitianus. Fabius. Paulinus.

Fabius. **L**egere has litteras lubeat. *Titus.* Ad Crassum Hispani exercitus ducem sunt datæ. Frater , video tuam ma-

* Exit Domitianus. ** Abiit Paulinus , & Gracchus.

Theat. Polit. R. P. Neumayr.

G

num

num. *Domitianus*. Unde hæ tibi? *Titus*. Quid lego? Frater me fugere cogitat? *Domitianus*. Hoc de me? *Titus*. Sollicitare exercitum ad defectionem? *Domitianus*. Vah! *Titus*. Affectare imperium? sic diligor! *Domitianus*. Rumpor! sine frater, ut hunc tabellarium una cum infami epistolio discerpam. *Titus*. Siste impetum. Non sic defenditur innocentia. *Fabius*. Ego te Princeps, non accuso: litteras vides: has exhibere, fidelis subditi fuit. Tuum est, probare falsas. *Domitianus*. Hæc credis de fratre frater? *Titus*. Certe non sunt aliena ab indole. Ah! utinam, quo ego in te, eodem erga me animo esses! *Fabius*. Plura dico. Cum sensit exercitum corrumpi non posse tuus hic frater, Auguste, conduxit sicarios, a quibus paulo ante prope peremptus fueras. Hæc causa est, quod Fabium & Æmilium sceleris conscios & complices tam avide persequatur, & cupiat non auditos damnari. Adducantur homines, dispeream, nisi convincam. *Domitianus*. Heu! quo me abscondam? *Paulinus*. Auguste, retractus ex fuga Orbilius huc rapitur. *Fabius*. Novus testis! Cæsar! audiatur. *Domitianus*. * Perii! *Titus*. In custodiam detur. Et quiescit populus? *Paulinus*. Confusa fiunt murmura. Expectat a te atrocem in reos sententiam. *Titus*. Cum causam cognovero penitus, prodibo in Concionem.

S C E N A S E X T A.

Personæ. Fabius. Titus.

Fabius. ECce subduxit se frater? Auguste. Reum fatetur. *Titus*. Dudum suspectus fuit. Sed quam tibi gratiam debeo, amice, pro hac fide? *Fabius*. Nullam, Cæsar. Si quid tamen meruisse videor, unum te supplex oro. *Titus*. Ora. *Fabius*. Qui cum Domitiano conjuravit, amicus est meus, quem

amo

* Subducit se.

amo tenerrime. Ille latet timore supplicii, quod se meritum agnoscit, exanimis. Me coëgit accedere, & omnem facinoris seriem narrare tibi, spe fretus, forte, ut hac libera confessione placatus flectaris ad veniam. Ignosce Cæsar, & indulge Clementiam homini in sæcula prædicandam. *Titus.* Vivat in tuam gratiam. Ignoscō: adduce ad me. *Fabius.* Mactas me gaudio. En adest ipse. Quanquam o pudor! *Titus.* Quid me suspensum tenes? *Fabius.* Ego, ego sum Fabius: pro me rogavi. *Titus.* Illudor! *Fabius.* Da veniam, Auguste! dira necessitas hanc fraudem excusat satis. *Titus.* Quid igitur de Hispania garrivisti? quid hæ litteræ volunt? *Fabius.* Nihil mentitus sum. Domitiani hæc epistola est, quam hodie primum exaravit ad Crasum: diem inspice. Volebat me cras proficisci in Hispaniam, & impium negotium agere. Condixi infelix. Sed tu, cum iussisses me cras in Campaniam ire, dissipatum consilium erat, & timor, ne forte præderemur, coegit maturare conceptum facinus. Orbilius, & Lælius visi sunt idonei, & tuam religionem, Cæsar (vah! impietatem!) opportunam sceleri occasionem putavimus. *Titus.* Quid igitur Æmilius fecit? *Fabius.* Nempe ut cædis invidiam in Domitianum amoliret, hominem tacite in partes traxi, allectum imperii inter nos dividundi spe. Itaque nuntio tuæ cædis allato, ambo invasimus fratrem, rati, haud aliter facilius mereri nos posse suffragia populi, quam per celestem tuæ injuriæ ultionem. En crimen! en causa! Cognito scelere scilicet coactus sum a populi furiis me hoc thorace defendere, & confugere ad te. In potestate sum. *Titus.* Grande crimen. Sed fidem dedi: salvus es. Unum doce: plebs creditne fratrem vestri criminis esse participem? *Fabius.* Non puto: scilicet cum videt illum tanto ardore nos persequi, & urgere supplicium, alienissimum a nobis credit, & acclamat tanti criminis vindici. *Titus.* Bene habet. Tu igitur silentium tene.

Hac lege veniam dono , ut caveas sedulo , ne quidquam de fratris crimine emanet in vulgus. Periisti, si secus fiat. Idem Æmiliū , & Orbiliū mone. *Fabius*. Muti erimus. O Principem dignum sæculis !

S C E N A S E P T I M A.

Personæ. Fabius. Servus Fabii.

Servus Fabii.* **FELIX sum , quod te inveniam , Hæc. Hanc vestem abijce , nisi perire velis. Nunc primum progressus ad populum Domitianus ferociter contra Hispanum hominem declamavit : amicum esse latronum , & dignum mille necibus. Furunt cives : si oculo te viderint , actum est. *Fabius*. Non videbunt. His ego vestibus salutem debui hætenus : nunc cum nocere incipiunt , abijciantur. Tu alias affer. *Servus*. Ego priusquam indui , damnavi. *Fabius*. Domi quid agitur ? *Servus*. Ingens trepidatio est. *Fabius*. Solare. Ad concionem prodibit Cæsar , & placabit populum. Salvi sumus. Perge celeriter. Ego ad Æmiliū eo.



* Abit Titus. * Clauditur. * Servus prodit.

CHO.



CHORUS II.

Apollo inter Pastores Regis Admeti exul, & miser repente inter Deos iterum recipitur una cum filio Æsculapio, *

Personæ. Diana. Apollo. Vulcanus. Æsculapius. Admetus.
Musæ. Fauni. Pastores. Venatores.

Admetus. PASTORES agite! struenda sunt altaria,
 Paranda sacrificia.
 Novus fines Deus ingreditur.
 Tota obviam Thessalia effunditur.
 Exultant Pindi culmina
 Amissum Musæ cessant flere Apollinem,
 Et læta parant carmina.

Apollo sub veste pastoris latens. Quis novus Deus, Domine?

Admetus. Incertum. Festinate, & quod jussi, facite **

Pastores. Festinamus, immolamus pecora pinguissima. ***

Apollo. Ite! sequar postea.

Nempe hoc adhuc deerat meæ miseriæ,
 Ut Jupiter divinos honores auferret Apollini,
 Et assereret novo Numini.
 Sed patere, Apollo, patere:
 Omnia meruit furor impius, furor sacrilegus.

* Theatrum exhibet pascua Admeti. ** Abit. *** Abeunt.

T I T U S.

A R I A.

Parcendum est suspiriis,
 Indignæ sunt querelæ:
 Si quod mereris, pateris,
 Oportet pati velle.
 Poena perpetrati
 Fructus est peccati:
 Si fructus fugitur,
 Cur arbor feritur?

2.

Si antequam peccaveras,
 Futura perpendisses:
 Has nunquam in miseras
 Infelix incidisses.
 Quæ facta sunt, optare,
 Ut non sint, est captare
 Inanem nocentiam,
 Et triste utinam?

Apollo. Sed hem! Quem video? *

Vulcanus. Sic est, Faune, ut assero.
 Optimum Jovem miseruit Apollinis.
 Jam anno integro de Coelo exulis.

Faunus. Et dat veniam criminis?

Vulcanus. Dat insuper gratiam pristinae dignitatis ac muneris.
 Præterea occisum filium ad vitam revocavit.

Faunus. Æsculapium?

Vulcanus. Eumque, ne iterum mori posset, divinitate donavit.

Faunus. O vere Deus optimus!

Sed

* Oſcultat aſcultat,

T I T U S.

55

Sed nos quo vultu Apollo respiciet facinoris Pro-
ditores,

Miseriorum, quas tulit, auctores?

Vulcanus. Merito stetimus contra Apollinem.

Si sapit, imitabitur Jovem,

Et ad veniam exhibebit se facilem :

Imo pro summo Numine

Pugnantium strenue

Virtutem probabit,

Laudabit.

A R I A.

Sylvestres tantum belluæ

Ignaræ sunt discernere,

Quid sit justitia?

Quid sit injuria?

Hinc, quisquis lædit, irruunt.

Invadunt, sternunt, proterunt.

2.

Sed in Herois anima

Virtutis vis est alia :

Et vel in hostibus

Non caret laudibus.

Non damnat justa prælia,

Mens bono sensu prædita.

Vulcanus. Securi igitur procedimus obviam,

Et pompam ornamus. *

Faunus. I præ! ego socios convoco,

Et sequor illico. **

* Abit. ** Abit.

Apollo

Apollo ex latebris prodiens. Velut de gravi somno evigilo.

Mihi & filio paratur triumphus ?

Mihi plaudit Thessalia, & Musæ parant carmina?

Ignoranti latenti ? Nam quis me potuit prodere ?

Optare libet : non licet credere.

Hem ! pompa magnifica.

Musa 1.^{ma} Nempe, mi pastorcule, sacra magno Numini, nostro Apollini,

Apollo. Exuli ?

Musa 2.^{da} Reduci.

Apollo. Fallimini. His auribus paulo ante audiivi lamenta miseri.

Musa 3.^{tia} Ergo, sorores, decepit nos mendax Mercurius ?

Apollo. Siccine Mercurius hoc tulit nuntium ?

Et creditis ? sic nostis Cyllenium ?

Nempe nullas unquam fabulas Musis vendidit ?

A R I A.

Musa 1.^{ma} V Ah ! cui licet credere,
Si Dii mentiuntur ?

Qui me non vult juvare,

Is parcat insultare,

Et ludere me !

Per falsa cur miseræ

Promissa nutriuntur ?

Sic Tantalus vexatur

A pomis, quin alatur :

Maclatur a spe.

Diana cum sociis. ** Ecce ! quam bello fratrem Musæ recreabitis spectaculo !

Musa

* Exhibetur Parnassus magnifice ornatus. ** Prodit,

Musa 1.^a Siccine ? Dianam etiam turpi Mercufius decepit
mendacio ?

Diana. Revocatum Apollinem dixit ab exilio :
An non est ita ?

Musa 2.^a Aliud hic nobis narravit Opilio.

Diana. Quem ego te video ? aut frater es ,
Aut de fratre, ubi lateat, rescies.

Apollo. Soror es.

Diana. Quid audio ? talem te video ?

Venatores. Hic Apollo est ?

Musa. Hic Deus Musarum ?

Omnes. O casum dignum torrente lacrymarum !

*Admetus cum suis pastoribus.** Confidite !
Peccantibus per errorem est facilis spes veniæ.
Hic est Apollo : procidite ! imolate !

Chorus Pastorum.

Dive ! facilis Pastores
Deprecantes respice.

Admetus. Nostros sine ut errores
Deleant hæ victimæ.

Per has peto, per has oro,
Dive, dona veniam.

Omnes. Supplicanti parce choro,
Dive, dona veniam.

Apollo. Admere ! quo ageris Numine ?

Admetus. Simulare define. Tuus te mihi prodidit filius,
Quem in triumpho adducet Vulcanus

* Prodit, & supplicat.

Theat. Polit. R. P. Neumayr.

H

Recens

T I T U S.

Recens inter Deos assumptum, & exultantem.
Audis pompam appropinquantem? *

Diana. Vive Frater! vivat Æsculapius!

Apollo. Vivat Jupiter Deus Optimus, Maximus!

Musa 1.^{ma} Eja non est mentitus Mercurius: plaudimus.

CHORUS.

Mutata est scena:

Sors ridet amoena:

Amat nos Jupiter:

Phœbus dupliciter

Hodie ortus videtur:

Felix calamitas,

Summa quam faustitas

Nube depulsa sequetur.

Admetus. Jam sine, Numen maximum,
Ut fiat sacrificium.

Mactate pecora!

Apollo. Cessate! innocens non placet victima.

Ex Deo factus sum Pastor:

Ex Pastore fio Deus Pastorum,

Quem vos placabitis non cæde agnorum

Sed luporum.

Vulcanus. Apollo salve, & in pristinam
Vulcanum cum Fauno recipe amicitiam.

Faunus. Uti pro Jove contra te stetimus,
Ita Jovem rursum tibi amicum gaudemus.

Apollo.

* Pompa Æsculapii in dracone sedentis.

TITUS.

99

Apollo. Præterita meminisse desinite :
Et facinus patratum dolori, non furori tribuite.
Sed intrat Filius! Apollini
Plaudite Superi!

Diana. Et Æsculapio gratulamini!

Æsculapius. Salve Pater! salve Amita!
Admittite manus oscula!

CHORUS.

Vivite deliciæ
Humani generis!
Vivite amabilis
Numina ut Nominis!
Sic suavis indolis.
Per vos nos *juvat* Jupiter:
Per vos est *Jupiter*.

2.
Juvans Pater appelletur,
Nam meretur:
Morbi carnis ut curentur,
Reddit Æsculapium:
Morbi mentis ut fugentur,
Revocavit Cynthium.

Diana. Justa sunt júbila.
O Nepos! quam dulcis mihi est tua,
Et talis præsentia!

Æsculapius. Quidquid sum, fulmini debeo.
Nisi sic occidissem,
Nunquam sic revixissem.

H 2

Apollo.

Apollo. Ergo qui fulmen tam optabile cuderunt,
 Occidi Cyclopes non meruerunt.
 Age fili, & lætitiā cumula:
 Mortuos excita,
 Quod jam licet sine invidia.

Vulcanus. Non id probaret Jupiter,
 Quem hoc ipsum rogavi.
 Renuit: & posthac se famulos *subditis invisos*
 Retenturum negavit, ut nemo habeat,
 Unde Jovem sævitiae arguat.
 Deinceps erit quilibet suæ sibi fortunæ faber.
 Si cudit fulmina, in suum caput cudit,
 Ipse sibi, non Jovi imputet, si decidunt,
 Et fabrum perimunt.

Apollo. O Deum amantem! o amabilem! Amemus!
 Laudemus!

C H O R U S.

I.

Magni dulcissimam
 Jovis clementiam
 Musæ cantate!
 Sylvæ laudate!
 Per invios calles
 Per montes, per valles
 Ubique audiantur,
 Ubique repetantur
 Tonantis decora!

2. *Mit-*

TITUS.

61

2.

Musæ. Ut Phoebus inter sydera,
Sic inter Jovis decora
Eminet Clementia.

Venatores. Ut cedrus inter Nemora
Sic Jovis inter decora
Eminet Clementia.

Pastores. Quod dulcis lactis copia,
Quod ovibus sunt pascua:

Fauni. Quod gratæ umbræ montium,
Quod suave murmur fontium:

Utrique. Hoc Jovis est Clementia!

Omnes.

Ubique audiantur,
Ubique repetantur
Tonantis decora.
In Optimo & Maximo
Laus optima, laus maxima
Est de Clementia.



H 3

ACTUS

ACTUS V.

SCENA PRIMA.

Personæ. Domitianus. Paulinus.

Domitianus. Illum Hispanum, ais, fuisse Fabium? *Paulinus.* fuit. Jamque donatus venia rursus Romanum induit, & liber vagatur in Regia. Quid si veterem calumniam in te regessisset, & suis mendaciis uti prius populo, ita nunc fratri fecisset invisum: & hanc prodicionis mercedem recepisset a credulo Cæsare? *Domitianus.* Ah! quid dubitare me jubes? palam est. Præsenti, audienti, non timuit contumeliam facere. Neque licuit respondere. Quanquam nec potuissem etiam, cum stupefaceret linguam metus, ne forte irato excideret verbum, quo réverentiam læderem, quam debeo fratri. Discessi silens commorsis labiis. *Paulinus.* Male tibi, Princeps, consuluisti tam reverente silentio. Forte pro confessione habetur. De defensione, & vindicta nunc cogita: pereant hostes tui & Cæsaris. Populum faventem habes, conciliatum ardore animi, quo urges proditorum supplicium. Ne cessa. Si tu tibi consistis, non cedit populus: coget Titum severum esse. *Domitianus.* Perge, & currentibus calcar adde. Sed

SCENA SECUNDA.

Personæ. Domitianus solus.

UTinam, O Pauline, fecisset calumniam Fabius! nihil trepidaret innocens animus. At nunc, cum verum dixit, qua evado? Crudelis Fabi, in quas me angustias conjecisti! Pereat hora, qua tibi colloqui cœpi! Sed quid irascor aliis? Ego sum reus. Ego stulto deceptus ambitu appetivi ruinam! Ego autem? tu rea es Roma: tua me species rapuit! Vos Dii rei, qui adeo extulistis Imperii Romani Majestatem, ut si unquam, certe pro hac vindicanda, violari posse justitia videatur. O deplorandam sortem mortalium, toties improvide agentium poenitenda! Quodsi prudentis est, nunquam agere, cujus poenitere te possit, Superi! quam paucos prudentes numerat orbis terrarum! Certe in horum numero nullus est ambitiosus: nunquam enim ambitio est sine poenitentia. Quamquam quid philosophari nunc prodest? serum est ista cogitare. Aut exspecto scilicet, donec publico condemnatus judicio execrabilis Romæ fiam? formidabilis malo. Fiat, quod cecinit bubo; ibo in Hispaniam, & revertar cum exercitu. Vale Roma!

SCENA TERTIA.

Personæ. Paulinus. Domitianus.

Paulinus. Princeps! vocaris ad Cæsarem. Strenue causam perage: Populus omnis suppetias feret. *Domitianus.* Non ibo. Pauline vale. *Paulinus.* Et quid hæc forma loquendi velit? *Domitianus.* Hunc solem, hanc diem odi æternæ meæ infamiæ testem, Parricida dicar, demonstrer digito: hoc

-R. Aperitur aula.

hoc ferre possim ? subduco me dedecori. *Paulinus.* Fugienti dedecus hærebit majus. Quem armat sceleris ignara mens, omnem invidiam, omnes calumnias vincit. *Domitianus.* Nisi obruatur. Relinquo ingratum fratrem inter proceres proditores. Sentiatur, quid sit alienis dare fidem, negare fratri. *Paulinus.* Fugienti insistet frater. Non evades. *Domitianus.* Via est certa, qua evadam. Hæc fida faciet. I, hoc nuntia Tito: vivum saltem si fratrem velit, omittat persequi fugientem. *Paulinus.* Præ atrox consilium, Accede fratrem, qui te vocat, per omnes te Divos obsecro! *Domitianus.* Quibus invisus sum! *Paulinus.* Per amorem fratris! *Domitianus.* Qui me odit! *Paulinus.* Per odium, quo tuos, & Titi, & Romæ inimicos persequeris! *Domitianus.* Quorum scelera non licet ulcisci! *Paulinus.* Per vota totius Reipublicæ! *Domitianus.* Cui Domitianus infame nomen est! Ah! quam vellem, Pauline, ut patiens consilii frater severitate temperaret clementiam, ne Majestas contemneretur impune. Non audit. Abeo, ne cogar spectator esse funestæ, quam isti dabunt, tragœdiæ, aut etiam pars. Aut putas, me non advertere, quid agatur? Vita petitur Domitiani, ut me necato, nudus prostet impiorum gladiis Titus. Fugio. Pereat frater sine me, quia cupit me secum perire. Vah!

SCENA QUARTA.

Personæ eadem, & Titus.

Titus. **P**AULINE, tu mihi huc Æmilium & Fabium advoca. *Paulinus.* Ut jubes, Auguste. *Titus.* Frater! vocatus etiam renuis ad fratrem ingredi: quid moliris? *Domitianus.* Pudor me vetat, frater, & criminis conscientia tuum conspectum ferre. Fugam moliebar. - Gratias loco concede exilium, pelli-

peffima merito. *Titus.* Nihil hæc memineris : fratres fumus. Unum te posco, ut Fabio & Æmilio vivere per te liceat. Rei sunt: neque mihi tantum, sed etiam tibi ultimas poenas debent: scio. Tamen, quid facere te deceat, considera: Exemplum dedi. *Domitianus.* Heu! quo me adigis frater? si non alia conditione mereor veniam, occide me! levius feram. Viscera torquentur rabie: morior, nisi effundam. Quid? ut per fraudem inducar ad scelus, ut strictis ensibus impetar, ut accuser malevole, inultus hoc feram? *Titus.* Quid? ut frater affectet imperium, ut immittat sicarios, ut sollicitet milites, inultus hoc feram? *Domitianus.* Si remittis, facis gratiam, frater: si punis, non facis injuriam. Nihil contra jus, nihil contra leges expeto, si vindictam expeto. *Titus.* Vindicta privatorum solatium est: Principis fortuna major, major animus. Ego perire malo, quam perdere, nisi forte perire quempiam totius Reipublicæ referat. Sed ecce adsunt. *Domitiane,* ut ponas odia, & placidus vivas: æquitas postulat, rogat frater, Cæsar imperat. Vos agite, quod decet.

SCENA QUINTA.

Personæ. Domitianus. Æmilius. Fabius.

Domitianus. JActor miser! perfidi! *Fabius.* Quid affligis te, Princeps! reos habes, & fatentes, & in tua potestate. Vindictam, an veniam velis, tua est electio. *Æmilius.* Nos unum rogamus, ut eligas, quod rebus tuis utilis, & tuo nomini gloriosius est. Nihil de nobis solliciti, tibi, cupimus, ut velis consulere. *Fabius.* Quid effusus te cruor juvet? Nempe voluptas est, exanimem inimicum videre? est aliqua: sed animalis, brevis, acerba. Tigridum hæc ferocia est, ut
Theat. Polit. R.P. Neumayr. I in

in sanguine helluentur : generosi Leones prostratum & supplicem sine noxa prætereunt. Mox ut defervuit æstus iracundiæ, quæ brevis quædam insania est, evanescit voluptas, & velut leve somnium in auras abit. Neque raro succedit tristis, & sæpe ra poenitudo. Ira iram parit, & ex uno necato dracone sæpe seges inimicorum succrescit. Pacem, amicos, fratrem habes, si veniam dederis. *Æmilius*. Et cum pace, cum amicis, cum fratre gloriam habes immortalem. Grandem animam nactus es, Domitiane, & natam ad summa. Servire furori non decet. Imbelles animæ, & quibus informe iudicium est, facile irascuntur : quæ causa est, quod celerrima sit ira infantium, pertinacissima foeminarum. Vir sapiens & generosus nec subito commovetur, nec diu. Etiam cum iusta est iræ causa, modum tenet. *Fabius*. Quanquam vertamus stylum. Age, irascere, Princeps, irascere, sed tibi primum, deinde nobis. Tres rei sumus, at tu maxime : de te incipe ultionem. Hæc ira utilis, hæc gloriosa est, hæc magnanima. Superi ! quod facinus aggressi sumus barbarum, immane, atrox ! Stupet, *Æmili*, attonita mens ad execrandam audaciam. *Æmilius*. Quanquam nos Dominum tantum invasimus, tu fratrem insuper. *Fabius*. Ire lubet, *Æmili*, & obijcere nos furenti populo, ut meritas poenas demus. *Æmilius*. Ire lubet : sed pares nobiscum poenas, Princeps, dabis. Veni fortis ! plectatur commune scelus, mortem ultro provocemus ad ultionem : hæc ira decet. *Fabius*. Hæc ira decet ! Ira nobilis, ira heroica, irasci sibi. *Domitianus*. Vivite, amici ! nihil mori juvat : Tito vivamus simul. Hæc vita decet. Vita nobilis, vita gloriosa, illi vivere, quem per ultimam impietatem cupivimus mori. Amici estis.

SCENA SEXTA.

Personæ eadem, & Titus.

Titus. Tandem audiivi optatam vocem. Moneatur Gracchus, ut populum introducat. Dignus es, frater, imperio, postquam didicisti imperare tibi. Vive! impera! jam nunc te Collegam & heredem nomino. **Domitianus.** Age, quid loqueris, Cæsar! Dignum solio dices, qui & vita, & hac luce indignus est? Cessa tonquere miserum tam acerba objurgatione impie ambitionis. Satis dolor, Amici, & pudor torquent. **Titus.** Cesset dolor, & pudor cesset. Injuriam remisi: famæ consului: nihil de tuo crimine populus, nihil milites, nihil Senatus resciant. Religiosum silentium imposui conscijs, & hac sola conditione vitæ gratiam obligavi. Hoc superest unum, ut posthac, frater, eodem erga me animo esse velis, quo fui, & ero erga te, id est, fraterno. **Domitianus.** Ah! frater! **Titus.** Desine querelarum. Cæsar eris. Atque ut digna hoc fastigio gloria principum Majestatis consecres, & agnoscant subditi, quid de te tibi sperandum sit: quem contra reos concitasti, populum compone, frater, & ut meam clementiam lætis acclamationibus firmet, effice. Nulla est corona nobilior, quam de cive servato: hac te orna, priusquam tibi imponam Cæsaream. **Domitianus.** Dii! quem fratrem offendi, & quem Dominum! Servire impera, non imperare! **Titus.** Imperabis: sed tuo ex sensu disce, quam dulce sit imperare clementer. **Domitianus.** Sentio. Dent Superi, ut hic mihi sensus perpetuus sit!

* SCENA ULTIMA.

Personae omnes.

Graecbus. **A**uguste, adest populus ad tua protius imperia.
Omnes. Vivite Cæsares! felices, victores, Patres vivite! *Titus.* Placent vota, Quirites, si tamen finitis clementes vivere. *Domitianus.* Tumultuatum est satis. Reis parcere Titus cupit: assentiri nos decet. Parcat. *Omnes.* Parcat. Liberi sumus. *Æmilius. Fabius.* Et nos Cæsarum servi erimus fideles posthac, & pii semper. *Titus.* Ego vero, Cives, primum vobis gratias ago, quod tanta consensione, tanto animorum ardore, & anxiiis curis salutis meæ habueritis studium. Optandum hoc mihi periculum fuit, ut experirer, quantis vobis in amoribus sim. Deinde quoniam non sine mentis lætitia video, pari vos dilectione fratrem amplecti, qui se hodie vestri amoris ducem præbuit, & hortatorem: Domitianum Collegam Imperii, & hæredem pronuntio. *Omnes.* Io! vivat Titus, vivat Domitianus! faveant Dñi fraterno imperio. *Domitianus.* Ad vestrum commodum impendar totus: fratris exemplum sequar. *Titus.* Vobis vivimus, vobis regnamus. Procede frater! vos in plausus ite. **



* Aperitur aula interior. ** Solium conscendunt, dum claudunt.


EUTRO-

EUTROPIUS
INFELIX POLITICUS.
TRAG OEDIA

D A T A

LUDIS AUTUMNALIBUS

ANNO MDCCXXXII.



ARGUMENTUM.

ANnus agebatur post Christum natum nonagesimus nonus supra trecentos, cum imperantibus Arcadio ac Honorio ad supremam Consulis dignitatem evehctus est Eutropius Eunuchus, homo multæ astutiæ; nullius religionis, & omnium scelerum. Ussit acerbe hæc Eutropii felicitas geminos Duces Gainam & Tribigildum, illum Europæis, hunc Asiaticis copiis Præfectum. Conjurant; vel sub-ruina Reipublicæ se novum Consulem oppressuros. Itaque vastare Asiam incipit Tribigildus: mittitur contra rebellem Gainas. Sed qui domiturus furorem credebatur, adjuvit, occulteque colludens rem eo deduxit; ut jam Europæ etiam Tribigildus formidabilis fieret. Gainas ad Cæsarem redit: negat, parem se Barbaro esse: suadet, faciendam pacem; pacis conditionem unam esse æquam, & facilem, ut petenti Tribigildo tradatur Eutropius malorum omnium Auctor. Post multam luctam admisit demum conditionem Arcadius. Eripiuntur infelici Consuli fascēs, franguntur statuæ, nomen ex fastis eraditur: ipse in Cyprum insulam exul ejicitur. Ita Zosimus, & Sozomenus cum Claudiano ethnico Poëta coævo, qui duos adversus Eutropium libros scripsit egregio versu, & ab omni posteritate legendo.

Ut

Ut facilius intelligamur, ex iisdem Auctoribus
notamus sequentia.

1. Eutropium ab aliis Ethnicum, ab aliis Christianum dici :
probabilius neutrum fuisse, vel utrumque.
2. Eodem tempore floruisse S. Joannem Chrysostomum Con-
stantinopolitanum Patriarcham, cujus facundia placatus
Eutropio populus, ei vitæ gratiam a Cæsare impetravit.
3. Eutropium legem extorsisse ab Arcadio, qua templis ad-
emptum est jus asyli : justo Dei judicio deinde ipsummet,
cum a populo peteretur ad necem, ad Ecclesiam esse coa-
ctum confugere, unde illum extrahi non antea permisit
Chrysostomus, quam Cæsar vitæ gratiam cum juramento
promisit.
4. Eum nihilominus a Gaina per fraudem fuisse occisum, &
quidem secundum aliquos, priusquam in insulam, in quam
amandabatur, advenit.
5. Eutropium uti alia, ita Ducis exercitus officium tribuisse
cuidam Leoni, homini inepto, & hoc uno nomine utili,
quod esset Eutropii Cliens.

PERSONÆ.

Eutropius Consul.

S. Joannes Chrysostomus Patriarcha.

Arcadius Imperator.

Saturninus Consularis.

Lorinus Eutropii familiaris.

Leo Dux copiarum, ab Eutropio promotus.

Gainas Dux copiarum, Eutropii inimicus.

Oranges filius Tribigildi.

Misenus Gainæ familiaris.

Aurelianus Præfectus Prætorii.

Nomus Arcadio a Secretis.

PRO-



PROLOGUS.

Tragoediæ series exhibetur in parabola.

*Persona. Eutropius in persona Architecti. S. Chrysostomus sub
schemate amici. Chorus laborantium in edificio absolvendo.*

Architectus. Quid stupes amice?

Amicus. Me mihi eripuit aspectus hujus fabricæ.

Architectus. Recreas me.

Vos laborate strenue !

Decretum est, vel ringentibus æmulis hodie

Ultimam operi manum imponere.

A R I E T T A.

Rumpere invidia !

Cum hæc domui ponendæ

Applicatur regula ** :

Nunquam illi subruendæ

Ulla valet machina.

Rumpere invidia !

Repetit Chorus.

Amicus. Amice, omnia exploravi.

Errorem docere num licet, quem notavi ?

Architectus. Falleris. Ego nihil erravi.

Amicus. Ignosce. Ringentibus æmulis magnificum ædificium

Perduxisti ad fastigium :

Sed moles totius fabricæ

Arenæ

* Theatrum exhibet hortum, & in fine ædificium jam perductum ad
tectum, sed stans in arena. ** Regulam tenet Architectus cum
inscriptione: Artes Politicæ.

Arenæ insistit lubricæ.
 Timeo, ne se ipsa concidat,
 Et quanquam nullis succussa machinis
 Architectum opprimat.
 Infaustum est incrementum,
 Quod non habet fundamentum.

A . R . I . A .

SPes nixa in arena
 Periculi est plena :
 Non potest molle sabulum
 Ventorum contra impetum
 Hanc molem sustentare.
 Quod omnem frangit ventum,
 Est firmum fundamentum:
 Quid prodest caput aureum,
 Si vile lutum poplitum
 Incēperit labare?

Architectus. Mitte curas inanes.
 Hoc ipsum est singulare artificium
 Paucissimis cognitum,
 Ædificare in aëre,
 Nec fundamentum ponere.
 Imperitis hoc videtur difficile:
 Sed nos nostræ non fallunt regulæ.

A . R . I . A .

Fremant fluctus: turbulenti
 Undequaque furent venti:
 Longos soles
 Cernet moles,

EUTROPIUS.

Quæ his fulcris* incubat:
 Quem hinc portat *Regis favor*,
 Inde fulcit *plebis pavor*.

Est securus:
 Stabit murus,
 Quantum inædificat.
 **Supra montes se levabit,
 Supra nubes ambulabit,
 Calcans stellas,
 Nec procellas
 Habens, quas jam metuat.

Amicus. *** Ah! siste gradum infelix!
 In tuum ascendis exitium!
 Non sentis, ut tremiscat totum ædificium? ...
 Eheu! jam corruit! O miserum Eutropium!
 Tu hic siste Viator, & lege Epitaphium.

**** Hic jacet Eutropius
 Infelix Politicus,
 Quia
 Malus Christianus.

A R I A.

Non est consilium,
 Non est prudentia,
 Quæ contra Dóminum
 Sit satis provida.

Quot

* Columnarum inscriptio: Regis favor. Plebis pavor.

** Ascendit, viridem ramum infixurus tecto.

*** Ruit domus: ex horto fit desertum. **** Epitaphium.

Quot per contemptum legum
 Invito Rege Regum,
 Attollunt se ad Superos,
 Tot orbis habet Icaros:
 Quo volant altius
 Hoc ruent certius.



A C T U S I.

S C E N A P R I M A.*

Personæ. S. Joannes Chrysostomus. Aurelianus. Saturninus.

Chrysostomus. Quæ vota facimus, Domini? qua prece placamus Deum? Minax impendet gladius, & poenas fulgurans, in sacrum Caput. Injurias templo factas non solet Deus impune ferre. Audaciam Eutropius luet, pertinciam, Cæsar, qui cum jus asyli Ecclesiis abstulit, peccavit ignorans quidem: at cum monitus a me toties, toties a vobis rogatus, abrogare renuit obstinatus sacrilegam legem, jam excusari non potest. Uterque reus est graviter læsi Numinis. Me prope poenitet, tam diu egisse leniter. Mutabo stylum: & tandem Episcopus ero. *Aurelianus.* Tuo grandi periculo eris. Consulem time. Imperat ipse Cæsari: & imperium ab Episcopo feret? *Saturninus.* Ridetur potestas sacra, quam profana non armat. Poenæ, quas intentatis, non cadunt sub oculos: bruta creduntur fulmina. *Chrysostomus.* Ab hominibus brutis, hoc scio. Quanquam si utrumque a Sacramentis prohibeam, si templum claudam, si a sacrificio arceam, an non est hæc poena,

K 2

quæ-

* Aperitur Aula.

quæ sub oculos cadit? *Aurelianus*. Hoc ausis, Præsul? *Chrysostomus*. Hoc jubet Deus agere in peccatorem publicum, & obstinatum. Non licet Episcopo Sanctum dare canibus, aut margaritas projicere ante porcos. *Saturninus*. Scimus, quam feliciter hac fortitudine Ambrosius correxerit Arcadii Patrem: sed nullus hodie Theodosius vivit. *Aurelianus*. Nullus imperat certe. Cæsar, ut bonus, ut pius sit, sui juris non est. In devia a Consule rapitur, etiam nolens. Consulem si offendis, timeo. *Chrysostomus*. Quid? *Aurelianus*. Quidquid timeri potest ab homine impio, furente, & armato. Quid agas, delibera, Pater! rogo. *Chrysostomus*. Scilicet si non ago officium, impius: si ago, Martyr ero: num jam deliberandum est mihi? Estote fortes, Domini, & quod in Senatu contra Consulem egistis huc usque strenue, porro agite. Causam Dei agitis: & vincere, & occumbere gloriosum est. *Saturninus*. Actum nos agimus, quando unus est, qui agit omnia, & omnes agit. Præter nos duos nemo est in Senatu, qui non sit cliens Eutropii, & nutum vel adoret, vel tremat. Itaque cum est dicenda sententia, quid dicant, in oculis, & fronte Consulis legunt. Hæc regula juris est, ad quam fiunt suffragia: nos obruimur numero. *Chrysostomus*. Saturnine! cadaveris est, a torrente deorsum rapi: homo vivus sursum, vel contra flumen luctatur. *Aurelianus*. Multo conatu, nullo fructu. Oppressa multitudo quid virtus potest? *Chrysostomus*. Timetur. Aut, facite, unanimi calculo probari scelus: Superi! quam stragem faciet!. Opponat obicem vel unius viri robusta virtus, saltem modestius exundabit. Mihi credite: etiam audacissimis venerabilis est vir non timide probus, in aula maxime. Vel non peccatur, vel denique reverenter peccatur, cum metuitur Censor, qui æquus & sapiens creditur. *Saturninus*. Atqui qui metuitur, non amatur. Aut arridere peccantibus cogitur, aut perire. Exempla scimus. *Chrysostomus*. Optanda fors, sic perire. Prælio pii cum impiis.

impiis certant: qui cedit, vincitur, non qui cadit. Circumspicite orbem terrarum: regnat impietas, fateor, & omnes provincias occupavit: non tamen pacifice regnat: pauculi pii faciunt, ut habeat semper, unde metuat sibi. Quod in orbe pauci, hoc in aula duo præstatis, ut nemini liceat esse scelerato, sine pudore. Quid? hoc est vobis actum agere? Quamquam quid istud memoro? majora speremus. Alieno peccato Cæsar peccat, non suo, juventutis vitio, non naturæ. Neque stupidus Princeps est, qui nesciat inter amicos discernere. Aper- tus animus, & heroice liber, si diutius constabit sibi ad om- nem tumultum impavidus, primum in admirationem rapiet, ut æstimet: deinde amorem accendet, ut optet familiarius nosse: denique fiduciam pariet, ut exquirat consilia, quæ mo- do contemnit. Hæc spes vos recreet. *Aurelianus.* Hæc spes est modica. Ego (sim falsus utinam!) ultimam imperio perni- ciem auguro. Ad clavum Eunuchus sedet: Tribigildus Asiam prædatur rebellis: Gainas incendiis, quæ prohibere debuerat, defes spectator affidet, suspectæ fidei miles, & forte cum Tri- bigildo colludens, ut sectam Arianam tueatur, cui templum in urbe nuper, quam ferociter expetierit, meminervis, Pater. *Chrysestomus.* Memini. Sed me quidem vivo non habet, quod speret. Hæc tamen, cum ita sint, cum sunt, qui se opponant: quid erit, cum opponet se nemo? Viri magni, vestrum est, pugnare, & mori. Virtuti spiritum ducitis, virtuti vivitis, non aulæ, non Consuli, non etiam Cæsari, nisi ex virtutis præscripto. Solus beatus est, solus erit, quem virtus docuis nihil cupere, nihil timere.

SCENA SECUNDA.

Personæ. S. Joannes Chrysostomus. Nonus Secretarius. Priores.

Nonus.* **Læta fero, Domini! urbs omnis plaudit. Cæsum ad internecionem Tribigildum canunt: Gainas cum paucis adest victoriæ idem auctor, & nuntius, captivum perduellis tyranni filium secum trahens. *Chrysostomus.* Ipsum vidisti? *Nonus.* Narravit, qui vidit. Ad Cæsarem propero. *Aurelianus.* Nova, Præful, pugna nobis & tibi instat. *Saturninus.* Grata est victoria, ingratus auctor. Nam ut proterve se efferet Ariana vipera! ut virus vomet! *Chrysostomus.* Templum videlicet Ario suo velut victoriæ præmium urgebit ferocius, hoc timetis? *Aurelianus.* Et Cæsar non audebit negare. *Chrysostomus.* Occupabo. Adest. **

SCENA TERTIA.

Personæ. Arcadius. Chrysostomus.

Arcadius. **U**bi est victor! o lætam diem! ite amici obviam, & huc adducite. Tu, Pater, laudes Deo cantari jube, & populum in templum voca. Succedam ipse cum aula. *Chrysostomus.* Ignosce, Cæsar, apertæ stant populo portæ: tu si veneris, reperiēs clausas, nisi revoces iniquam legem. *Arcadius.* Audacter. Nam cui loqueris? *Chrysostomus.* Homini, qui subditus Deo est. *Arcadius.* Me miserum Principem! cui ab uno Sacerdote quies esse non potest. Dixi: abrogari non potest lex: mea Majestas patitur. *Chrysostomus.* Eutropii hæc lingua est. Auguste, Majestas patitur, si fateris, te hominem esse? Errare, Cæsar, humanum est: fragilitatis & ignoran-

* Nonus prodit. ** Prodit Cæsar.

rantiae est, a qua neminem Regum excipias: errorem corrigere virtutis est, sapientiae est, gloriosum est: unde ergo Majestas patitur, si abrogas legem, quam contra fas & æquum tulisti? Sentiant boni, & gaudeant, mutari te posse: mali reperiant contumacem: Hoc laudabo. Det Cæsar Deo, quæ Dei sunt: dabit Deus Cæsari, quæ Cæsaris sunt, Majestatem, gloriam, felicitatem. Noli, quæso, Domine te ipsum decipere, ut Majestatem in pervicacia tuendi erroris ponas. Contemptuite exponit, qui istud suadet. Credemus, errorem vel non agnosci, quod cæci est: vel errantem nolle corrigi, quod obstinati est. *Arcadius.* Importune nunc ista oggeris: alias cogitabimus. *Chrysostomus.* Imo nunc maxime cogitanda sunt. Opportune importune fungi officio Episcopus debet: & nunc necessitas præsens urget. Victor Gainas subit: quid? si repetat suas de templo Ariano preces, non concedes? *Arcadius.* Præcoces curæ! *Chrysostomus.* Providæ. Video te iis, quos vereris, cito promittere, quæ exposcunt: & quæ promissisti, revocare deinceps nolle: num imprudenter timeo mihi? *Arcadius.* Multa, mi Pater, ratio status exigit. *Chrysostomus.* Nihil exigere potest, quod prohibet Deus. Auguste, nimium tuis Ministris tribuis. Liceat, quid sentiant subditi, referre libere: nam ut scias, interest tua nunc maxime. *Arcadius.* Loqueré, quid dicunt? *Chrysostomus.* Non regere, sed regi diceris, & tuorum consilia audire pro imperiis. Æqua, iniqua sint, non audes repugnare. En! ita Majestas perit, & hæc est causa, quod major tuis veneratio, quam tibi sit: illi Dii sunt, tu Idolum. *Arcadius.* Quis hæc de me? *Chrysostomus.* Veritas loquitur. *Arcadius.* Sed intrat Victor.

SCENA QUARTA.

Personæ. Arcadius. Chrysostomus. Gainas. Oranges. Saturninus. Aurelianus. Misenus.

Gainas. **E**rrasti, Cæsar, nam victi sumus. *Arcadius.* Quid audio? *Gainas.* Asiam Tribigildus tenet, Europæ imminet. *Chrysostomus.* O sanctam Dei manum! *Arcadius.* Et tu tamen proditoris filium captivum tenes? *Gainas.* Obsidem offero. *Oranges.* Auguste, sine, ut me, & Patrem ad tuos advolvam pedes. Non sumus rebelles tibi: testem infontis animi filium tradit. Tyrannum parens Eutropium odit. Ab isto iugo, ut liberes se, ut populos tuos liberes, cupit, orat. *Arcadius.* Bella fabula! *Gainas.* Ita tamen se habet res. Eutropium trade, Cæsar: reddet Asiam Tribigildus: ponet arma: erit pax. *Arcadius.* Legem pacis a subdito feram? Quid egisti, ignave! *Gainas.* Convitiis parce, Cæsar! vel in Eutropium verte. Ille, quod patimur, origo mali est. Leoni partem exercitus commisit vecors, homini nullius animi, nullius scientiæ, hoc uno nobili, quod Eutropio a servitiis fuerit. Leo ille improvide a me divisus, in Tribigildum incidit. Committitur prælium: cæditur internecione infelix: ipse cum pauculis fuga elapsus, vagus per Asiam, latet, nisi forte viam in urbem relegat, cum audit aliquid missitari de pace. *Arcadius.* Et cur tu non ultus es cladem? *Gainas.* Nempe tanto jam viribus fractior, Europam præterea in discrimen adducerem? Præcipue cum hand sane superbus hostis & tanta victoria clarus, non prælium, sed pacem cogitaret, missoque filio peteret, prope suppliciter prior. Itaque sine mora exercitum fratri tradidi: me dedi in viam, ut efficacius suaderem præsens, ne dubitares, unius capitis impendio te a tam formidabili hoste redimere. *Arcadius.* Impendio capitis innocentis, & chari ignobilem pacem

et emam? juvate consilio proceres! vulgata jam est urbi cladis fama? *Novus*. Imo de victoria sparsus rumor cives ad gaudia, juventutem omnem ad tripudia, & saltus excivit. *Arcadius*. Gaudeant breve gaudium, ut ferocius post paulum in arma coeant. *Misene*, tu Orangem serva. Vides Præsul, quod jam tibi respondere non possim: urgent majora. Adeste. *Chrysostomus*. Hoc habeo, bona verba. Domini, vos rem urgete, & Dei negotium. *Aurelianus*. Cum opportunitas fuerit. *Saturninus*. Et erit, opinor, felix. Video collidi impios: inimici sunt Gainas & Eutropius: vota dividuntur. *Chrysostomus*. Felix discordia, quæ vires frangit impietati! In templum eo, ut exorem sapientiam vobis, fortitudinem Cæsari.

SCENA QUINTA.

Personæ. Misenus. Oranges. Eutropius. Lorinus.

Misenus. Intellexi. Audisti, Oranges, quid isti velint? *Oranges*. Aperte satis. Nam nihil dissimulantes locuti sunt. *Misenus*. Discordia Gainæ cum Eutropio audaces facit. Væ nostro Ario! *Oranges*. Atqui non quieturum se prius promisit Gainas patri, donec templum asseclis Aarii obtinuerit. *Misenus*. Favente Eutropio facile obtineret: inimicum cum habet, non est spes ulla. *Oranges*. Erit amicus, cum fuerit Consul traditus in manus Patris. *Misenus*. Amo parentem tuum, & Gainam amo: sed vel ideo Eutropii amicos, quam hostes mallet. Crede mihi, nihil apud Cæsarem valebitis contra Consulem. *Oranges*. Quod nos non valebimus, valebit victor exercitus, qui cæteros pariter opprimet, qui se nobis opponent. *Saturninus* & *Aurelianus* cum Eutropio cadent: ita Gainas jubet. *Misenus*. Omnia facilius credam, quam casum Eutropii. *Annosa* quercus profundas radices habet: non sternitur facile.

L

Oran-

Oranges. At cædi potest ictibus repetitis. *Misenus.* Nunquid Patriarcham etiam designastis ad cædem? *Oranges.* Non, *Misene.* Populo, ajunt, esse in pretio nimis, nec adeo patere telis, quæ non redeant in jacentem. Sed si erepti fuerint Aurelianus & Saturninus, quis est in aula super, quem habeat faventem sibi? Enervis erit: cogetur agere, quod nostri volunt, ex mente Arian. Quodsi adhuc latrare poterit, tamen non poterit mordere. *Misenus.* Næ tibi, O bone, parum notus Chrysothomus est. Gladios vestros provocabit in nudum pectus. Si stringitis, populus accurret vel defensor, vel vindex. Si non stringitis, nemo Arianus intrabit templum. At Eutropius cum sit inimicus Episcopi libere carpentis vitia etiam Optimatum, si cum Gaina & patre tuo pacem habeat, actum de Chrysothomo est. Aulam implent clientes Consulis, populum continebit exercitus, Arius triumphabit. *Oranges.* At nobis de Ario secunda est cura: prima de Eutropio, ut illo strato, Cæsar in potestate sit, & imperet cum Gaina Tribigildus. *Misenus.* Candidus es. *Oranges.* Puto me loqui Gainæ amico. *Misenus.* Optimo & propterea anxio. Sed ecce Consul, *Eutropius.* Hic est? Quid video? *Oranges.* captivus, an victor ades? utrumque varius rumor garrit. *Oranges.* Utrumque vere. Nam & victor sum, & obses pacis tibi metuendæ. *Eutropius.* Te metuum, Pupe? *Oranges.* Patrem victorem, me obsidem. * *Eutropius.* Vah! Quid agitur? *Misenus.* Domine, Senatus in te coactus est. Provide tibi. *Eutropius.* Lorine, require cito, qui meum nuntiet adventum Cæsari. *Lorinus.* Eo. *Eutropius.* Senatus coactus est, ignaro Consule? quid audet Cæsar? Res nova mihi, ut possit malum minari puer! intelligam.

* Absunt.

EUTROPIUS.

89

SALTUS.

ACTUS II.

SCENA PRIMA.

Persona. Gaimas. Misenus. Oranges.

Gaimas. **P**ROspere vehimur, mi Oranges. Augustus nutare incipit, labare fortuna Consulis. *Oranges.* Hoc ego homini paulo ante cecini ferele carmen. Palluit repente, ut si audisset bubonem. Ubi est? *Gaimas.* Intus cum Cæsare. *Misenus.* Admissus est statim? *Gaimas.* Postquam dimissi nos. Pupugit hæc mora hominem, & frontem in rugas traxit. Multum erit, nisi exprobret Cæsari. *Oranges.* Utinam illum tumor & ira in verba præcipitent acerba magis, quam deceat loqui subditum! Ego interim nostram causam apud Augustam egi, quæ si non juvabit, nec impediet saltem: ita multum visa est mihi pertæsa hominem, & fastum exosa. *Gaimas.* Feliciter. *Misenus.* Sed Saturninus & Aurelianus ut favent? *Gaimas.* Nec mihi, nec Consuli. Hoc sufficit. Rem magnam perficiam hodie, quam stupeat orbis, & laudet magnopere. *Misenus.* Magnus animus! Deum te credam, si erit eventus par. *Gaimas.* Spondes secreti fidem, amice? *Misenus.* Cor unum sumus. *Gaimas.* Et tuam operam? *Misenus.* Omnem. Hoc cura modo, ut agas caute, & cito, ne foveam tibi fodias. Multos Consul amicos habet, multos clientes. *Gaimas.* Hirundines vis dicere, quæ domum, quam colunt in vere, deserunt, cum ingruit hyems. Non metuo adversarios, qui multum garriunt, & parum audent. Dentes frangere hic capulus potest. Adverte jam.

SCENA SECUNDA.

Personæ. Priores. Accedunt Eutropius & Lorinus.

Eutropius. **H**ic reperio ignavum Ducem, proditorem consulis sui! .. Hoc agitur! Pacem offert Tribigildus, hac conditione, ut sibi tradatur Eutropius; quid respondet Gainas imperatorii exercitus Dux? Num stupet insolentiam barbari? Num indignatur? Num arma clamat? Num exprobrat saltem? Imo acceptat hilariter, relinquit exercitum, tantæ felicitatis ipse nuntius esse properat, advolat in urbem, ad Cæsarem intrat, & vive, inquit, Auguste, ac gaude! pacem cum Tribigildo habemus. Ut beati simus, una conditio scribitur: hosti tradatur Eutropius! Perfide! Non intelligis, quod, qui tradit Eutropium, Cæsarem tradat? Mihi, si nescis, se debet Augustus: ego ex perduellium manibus periclitantem eripui: ego Stiliconem pro Arcadio armavi, & poenas de proditore Rufino expetii. Quamquam quid ista memoro? Surrexit Rufinus ex tumultu, & migravit in te. Bella pacificatio! Tradantur canes, dicebant lupi, & pacem cum ovibus facimus. Patere tua consilia non sentis? Cum Tribigildo colludis. Eutropium petitis, ut rebellium gladiis, nudus præsidio Arcadius prostet. Dabo tamen aliquid libidini tuæ: ibo ad Tribigildum: imo in Tribigildum ibo, exercitus a te proßiti Ductor. Quid te decuerit agere, a tuo Consule disces. Me aut triumphus, aut mors honesta, te lictor expectat. Arma, Lorine, arma! *Lorinus.* præeuntem, quo trahis, sequar. *

* Absunt.

SCENA TERTIA.

Personæ. Gainas. Oranges. Misenus.

Gainas. **M**isene, Oranges, potuit Gainas miles hoc os impurum, hanc vocem foemineam tacitus ferre?

Oranges. Obstupui patientiam. *Gainas.* Ut se iactavit probrum! Ut tulit? Eutropio se debet Arcadius: Eutropius Rufinum occidit: pacem orbi, coronam Augusto firmavit. Quid stringimus gladium? quid sanguinem fundimus? Miser es, Gaina! Imensas Rufini opes Eunuchus rapuit tibi: nunc etiam gloriam rapit. Labores ego subivi, tuli vulnera, bellum peregi: quo operæ pretio? fungus sum. Lacerum sagum deridet Eutropius, dum triumphat in toga.

Misenus. Num sapias, Gaina, qui in absentem convitia jaceis, præsentem, nec ausus mutire?

Gainas. Recte exprobras. Sed me attonuit audacia hominis contumeliam tam acerbam loquentis supremo militiæ Duci.

Misenus. Consul est. *Gainas.* Nempe hoc vocabulum mihi guttur constrinxit, ne verbum prorumperet meis consiliis noxium.

Quid insani altercatione me perderem? stulta est ira, quæ non furit in tempore: nec sera vindicta, quæ commoda.

Oranges. Ego hoc lætor; quod arma spiret Eunuchus, & chlamydem expetat. Impletur votum: sive ad Patrem eat, sive in Patrem, peribit utrinque.

Misenus. Nec tu sapias Oranges: furor amborum excæcat animum, ut non attendatis periculo vestro. Non audisti truculenti Consulis diras minas: te lictor expectat?

Gainas. Hoc insuper ausurum putas, ut ad virgas & flagra Gainam trahat?

Misenus. Scis, quid Timasio, quid Bargo, quid Abundantio, quantis viris sit factum?

Oranges. Hoc Arcadius finat? *Misenus.* Eutropius est Imperator. Reum proditi Cæsaris te faciet, Gaina: obsecro, proditoris supplicium time.

Gainas. Inferi! Quid ago? Occurrit modus persequendi

coepta. Oranges, celeriter ex aula te proijice, & quid agatur, admone Patrem. Hortare, ut sine mora relicta Asia, Europam populetur, ac late undique armorum terrorem circumferat. *Oranges.* Hæc vestis fugitivum obsidem prodet. *Gainas.* Aliam indue. Cives, quibus hodie primum es visus, facile falles. Hoc age celeriter, ut evadas ex aula. *Oranges.* Misene, probas consilium, quod mihi videtur desperatio suggessisse? Paulo ante securus, optima spe me implebas, *Gaina:* minæ Consulis verba sunt: hæc me debent in fugam agere? *Misenus.* Verba sunt, sed ominosa. Sæva hominis astutia, Princeps, non satis est nota tibi. *Gainas.* Video, dicenda mihi causa erit, qua si cado, ambo periius. *Misenus.* In tua obedientia sita est amborum salus. *Gainas.* Et felix successus negotii. Nam audi porro. Dum ego ad dicendam causam me comparo, tu, Misene, per obscuros homines rumorem in urbe sparge, Tribigildum in Europam transiisse, & ipsi Constantinopoli minari exitium, nisi tradatur Eutropius. Quid futurum sit, vides? *Misenus.* Nempe ex magno gaudio in magnum mœrorem abrepta civitas in turbas ibit. *Gainas.* Militare præsidium ab avaro homine tot fratre datum stipendiis facile mihi devinciam. *Oranges.* Communi clamore ad necem poscetur Eutropius. Intelligo. Quid vero si sparsus rumor non inveniat fidem? *Gainas.* Nihil dubita. Probabilem fabulam tuus abitus faciet. Facile credit vulgus, quod timet. *Misenus.* Nec lenta remedia patitur. Impetu fertur in obvium. *Gainas.* Impetu vindicabunt injurias, quas tamdiu taciti ferunt a Consule, inter suspiria opportune occasionis. *Oranges.* Belle compositum consilium est. Obsequamur, Misene. *Misenus.* Libenter, quia sic demum consultiur securitati. *Gainas.* Divisus est labor; tu Patrem concitabis, Misenus cives, ego milites. Dividamur. *Oranges.* *Misenus.* Pereat Consul! *Gainas.* Superi! Leonem video?

SCE.

SCENA QUARTA.

Personæ. Gainas. Aurelianus. Leo.

Aurelianus. **A** Ttonuit aspectus hominem. *Leo.* Ita est. Proditum a te Leonem vides. Perfide! redde mihi honorem Ducis! Cæsari legiones redde! sic servis? *Gainas.* Compeſce hunc canem, Domine, aut jugulum reſeco. Hæc vappa opprobrium mihi? Proditor tibi ſim, ut tu ignavus ne ſias? *Leo.* Ignavus tibi ſim, ut tu proditor ne ſias? *Aurelianus.* Nihil contumeliis agitur: jure certandum eſt. Uter ſit reus male acti officiî, an neuter, Judices pronuntiabunt. Leonem diſceſſiſſe a Gaina, nec providentius evitaſſe diſcrimen, excuſari vix poteſt. Gainam deſeruiſſe exercitum, cum hoſtis cervicibus imminet: & pacem urgere conditione tam audaci, non minus miratur aula. Itaque utrumque captivum eſſe Cæſar jubet. Geminatæ ad portas excubiæ ſtant imperio meo. Seipſum damnat, qui tentaverit exitum. *Gainas.* Vereor Auguſti nutum. Judicium facite. *Leo.* Actor ero. *Gainas.* Scilicet Eutropio judice? Domine, ad Cæſarem appello, nec alium agnoſco judicem. Ipſe Eutropius reus eſt, ego Actor. * *Leo.* Inſolens tumor! *Aurelianus.* Accede, aurem ſervavit tibi. *Leo.* Ego, ubi reperiam Conſulem? *Aurelianus.* Profectionem audio parare in caſtra. *Leo.* fruſtra parat. Gainæ ſcelere Tribigildus triumphat. Perdidimus omnia; & vos creditis, ſerio pacem peti? *Aurelianus.* Tenemus obſidem filium. *Leo.* Tenete caute! fraudes ex fraudibus timeo. ** *Aurelianus.* Excubant ubique moniti vigiles, ne qua evadat ex aula. Sed ecce, quem cupis.

17

SCE-

* Abit. ** Abit.

SCENA QUINTA.

Personæ. Prioribus accedunt Eutropius & Lorinus.

Eutropius. Sic te reducem video, Leo, victum, inglorium, fugitivum, quem sperabam onustum præda amplecti, & palmis gravem! *Leo.* Aliena culpa hanc spem evertit. *Eutropius.* Scio, scio. Sed meus favor hanc spem restituet. Gaudeo adesse testem, qui de perfidia Gainam convincat. Iter in crastinum distuli: hodie judicium erit. Sentiat post Gainam Tribigildus, quem lacessiverit. Jam præco per urbem bellum sonuit: prurit in arma populus: lecta nos mox sequetur in castra pubes. *Lorinus.* Tu meis te consiliis, Domine, pronum da. Fugienda sunt castra: repeto, securior in aula es. Absentem inimici oppriment, præsentem timent. Eutropi, amicum audi. Frigescere jam Cæsarem sentis, & aliquid de te suspicari: cum abieris, quid fiet? *Eutropius.* Gainæ cædes mihi Cæsarem, inimicis timorem reddet. *Leo.* Non tamen spernenda sunt, quæ timet Lorinus. Sed fac nos de Gaina triumphum agere, quo te animo excipiet Gainæ frater, sub cujus imperio exercitus agit? Metuendum, ne aperte ad Tribigildum deficiat, & pereant omnia. *Eutropius.* Nimis anxii estis. Qui omnia metuit, nihil agit. Agamus, quod suadet major necessitas, & præsens occasio: eventus relinquendus est fati, aut consiliis Superum, si qui sunt. Nunquam immortalem se faciet, qui semper memor est, se esse mortalem. Nunc de Gaina cogitandum: deinde de me. Ardet supra modum vindictæ cupido ferox. Dum bibam sanguinem, non erit quies. *Lorine,* Senatum voca, & singulos, quos vocas, mone, ut sciant agi de causa jam a Consule judicata: proin unanimi voce Gainam damnent, ut solennius pereat. Ita velle Eutropium. *Lorinus.* Ut cæteri obediant, vereor, ne Aurelianus renuat, & Saturninus.

animus. *Eutropius*. Si mihi non obediunt, obediunt sibi. Ario addictus Gainas est, ipsi Christo. Illudam facile hominum pietati, & causam in Religionis contemptum traham. *Lorinus*. Ab eo. *Eutropius*. Tu loquere fortiter: nostra sunt suffragia: Gainas periit. *Leo*. Vive. *Eutropius*. Sed Præsul intrat; odi virum: imus. *

S C E N A S E X T A.

Personæ. Chrysostomus. Nonus.

Chrysostomus. Sisto me: eritne autem ad populatum pladation Cæsar? *Nonus*. Opinor. Turbæ, quæ aulam concitant, spondent primum in omne consilium. Atrox malum imminet, nisi Eutropius & Gainas sibi concilientur. *Chrysostomus*. Impius in impium sævit. Hoc agit Deus in obstinatos: quod olim in inferno facient, jam faciunt modo: torquent se mutuo: severa Nemesis alterum alterius carnificem statuit. *Nonus*. Utinam solo ipsorum damno! sed poena Cæsarem ferit prope quam ipsos graviôr. Periit Asia, jactatur Europa, Aula scinditur, totus Oriens tremit trium Procerum æmulatione concussus: hoc Arcadius meruit Catholicus Princeps, & pius? *Chrysostomus*. Catholicus & pius, utinam utrumque generose, & fortiter: hoc desiderem: hoc potentia exigit, quam concessit Principibus Deus: hoc Majestas, qua fecit Superis pares. His prærogativis qui timide utitur in domandam licentiam scelerum, reus est omnium criminum, quæ impedire non audet, cum posset, atque vel ideo etiam reus poenarum. *Nonus*. Quis prohibeat omnia? *Chrysostomus*. Prohiberi possunt plurima, possunt publica, possunt domestica. Cur in aulam, cur ad officia admittit Arcadius viros, non dico ineptos, ignotos, nullius


* Clauditur.

Theat. Polit. R. P. Neumayr.

M

meri-

meriti, sed nonnunquam infames, sævos, rapaces, hæreticos, Atheos? Talibus se, sua consilia, provincias, pacis & belli negotia committit: bonos non audet audire, vel certe auditis obsequi timet: & miraris, non esse felicem? Ego sæpe apud me de imperii fui calamitate querenti Cæsari in faciem dixi: Auguste, tum felix eris, cum quod ad portas Coeli affixit decretum Apostolus, hoc tu affixeris ad portas aulæ: neque fornicarii, neque adulteri, neque molles, neque masculorum concubitores, neque fures, neque avari, neque maledici, neque rapaces gratiam Cæsaris possidebunt. Domine, quantis Episcopus laboribus, qua contentione, qua patientia debet agere, ut obtineat bonum, quod obtinere Princeps hilari risu posset? ut corrigat malum, quod corrigere Princeps severioris oculi ictu posset? Sed eamus ad Cæsarem: forte vexatio dabit, ut tandem intelligat hæc.



CHORUS I.

Docetur, quam artes politicæ faciant exosum hominem apud Coævus. *

*Personæ. Claudianus. Apollo. Chorus Musarum
& Poëtarum.*

Claudianus. Heu! Coeli, terræque pudor!
Trabeata vetula se per urbes jactitat,
Et anni titulum Eunuchus Consul effœminat!..
Age, Claudiane, & si quid vales stylo ac carmine,
Osten-

* Theatrum exhibet Antiquarium poëticum. Claudianus patitur enthuſiasmum, Musæ dictantes: Poëtæ pingentes.

EUTROPIUS.

91

Ostende te hodie.
Fallor ! an faventem proposito
Apollinem video ?
Apollo. Invitat argumentum. Nullis ego vatibus
Assisto libentius,
Quam qui vel laudant Numina,
Vel reprehendunt scelera. *
Eja ! ingredi Antiquarium,
Et imaginem elige,
Quæ tibi sit prototypon,
Secundum quod describas Eutropium,
Et facias ectypon.
Claudiamus. Musæ ! quæ monstra objicitis ?

CHORUS.

Qualem nos effinximus,
Talis est Eutropius.
Sic describe hominem :
Talem habet speciem.

ARIOSE.

Musa 1.^{ma} Vides hic Enceladum
Contemptorem Superum:
2.^{da} Symbolum sævitie
Minotaurum aspice !
Utraque. Talis est Eutropius:
1.^{ma} Impius, sacrilegus:
2.^{da} Sævus, atrox, barbarus
Utraque. Talis est Eutropius.
1.^{ma} Summa illi Sacramenta

M 2

Pos.

* Aperitur, ** Exhibitiones.

EUTROPIUS.

Poëtarum sunt figmenta:

Et quæ punit scelera,
Nemesis est fabula.

Musa 2.^{da}

Quisquis se opponit, perit:
Cornu furit, clava ferit.

Avidus pinguescere
Ex oppressi sanguine

Utraque.

3.^{ta}

Talis est.

Quantis equus *Dardanus*

Fœtus est militibus:

Tantis est Eutropius

Semper fœtus fraudibus:

4.^{ta}

Quanta est tricorpori

Vastitas *Geryoni*:

Tanta in Eutropio

Eminet ambitio.

Utraque.

3.^{ta}

Talis est.

Gnarus artis architectus

Vix fœcundum quatit pectus,

Cum, qua vis non pertigit,

Viam dolus aperit.

4.^{ta}

Unus amat adorari

Judex, Consul, Dux vocari:

Unus cogit spurium

Orbem sub imperium

Talis est,

Utraque.

Musa 5.^{ta}

Turpi avaritia

In Harpyiam abiit.

6.^{ta}

Sordidus luxuria

Ut Chimæra diffusa

Utraque.

Talis est.

Musa

Musa 7.^{ma} Mille *Hydrum* Capitum
Fecit adulatio :
8.^{va} Et Trifaucem *Cerberum*
Mordax æmulatio :
9.^{na} *Sphingem* dant recondita,
Et ad innocentium
Posita interitum
Pessima consilia :
Omnes tres. Talis est.

C H O R U S.

Sic describe hominem :
Talem habet speciem.

Claudiamus. Cessate Deæ optimæ !
Nondum, ut video,
Qualis sit Eutropius, intelligitis bene :
Nulla formavit cæcypon,
Quod prototypo respondeat plene.
Monstrum est monstrorum teterrimum.
Apollo. Monstrum monstrorum teterrimum
Quid est, nisi monstrum ex omnibus monstris
compositum ?
Ergo agite !
Unum in corpus monstra omnia componite.

C H O R U S.

* Conjungimus, componimus !
Talis est Eutropius :
Sic describe hominem :
Talem habet speciem.

M 3

Cla-

* Ex omnibus monstris fit unum.

Claudianus. Sic est! . talis est! . quo me rapis, Vates Delie?
Pectus sentio plenum Numine.

A R I A.

Apollo. Age, age, jam cessa morari!
Acerbum te opus conari,
Commune poscit odium,
Quo ardent in Eutropium,
Qui alunt virtutis amorem in se.
Apollinem habes faventem,
Et pio labori plaudentem: *
Pro calamo do spiculum,
Pro atramento toxicum:
Sic decet in scelera scribere te.

Claudianus. Obedio. ** Timete scelerati!
Vix ferit mitius sagitta Apollinis,
Quam fulmen summi Numinis.

A R I A.

Non statim semper fulmina
Ad vindicanda scelera
De coelo jaciuntur:
Sed linguae loco fulminum
In scelerum supplicium,
Et calami stringuntur.
Nec levis est miseria,
Hanc poenam promereri,

Et

* Tradit telum & venenum Apollo. ** Clauditur.

Et inter mala publica,
 Ut pestis, recenferi.
 Commune odium
 Plerumque nuntium
 Est odii Deorum:
 Et ultimum reorum
 Est ad interitum.



ACTUS III.

SCENA PRIMA.*

*Personæ. Arcadius. Gainas. Eutropius. Leo. Saturninus.
 Aurelianus. Nonus. Senatus.*

Arcadius. **A**gnosce Dominum, Gaina, & arma pone! *Gainas.*
 Adoro Cæsarem! *Arcadius.* Agnosce Dominum,
 Leo, & arma pone! *Leo.* Adoro Cæsarem! *Arcadius.* Quod
 imperamus, Nonus exponat, qui nobis est a Secretis. *Nonus.*
 Causam dicere Cæsar imperat vobis. Gaina! accusaris de perfidia:
 Leo! ignaviæ reus diceris: uterque proditi Tribigildo imperii
 accusatur. Conceditur defensio. Si quid parastis, dicite.
Leo. Auguste, paucis, quæ me absolvunt, dabo. Tuis auspiciis,
 mandato Consulis uterque cum exercitu in Tribigildum profecti
 sumus ad Bosporum Thraciæ. Cum junctis viribus vindicanda
 esset Asia, Gainas tuendæ Europæ specie otiosus confedit:
 ego in provinciam transii. Sensi continuo, me proditum esse.
 Nam cum nihil de meo adventu hostibus, nisi per hunc innotuisse
 potuerit, tamen in præparatas insidias incidi. *Missi*
fine

* Aperitur Curia, & exhibetur confessus Senatorum.

sine mora, qui de periculo meo Gainam monerent. Juvare poterat: neglexit. Ita circumventus exercitus periit, paucis mecum fuga elapsis. En crimen, en scelus meum. De quo arguor? Num quod solus ingressus sim Asiam? in id, credo, missus eram, ut nobilissimæ regionis incendia otiosus spectator intuerer? Num quod non feliciter dimicaverim, vitiq; vertitur? Ab hoste deceptus, a socio proditus, quid poteram, nisi perire? Vide, Gaina, quam hæc te accusatio premat. Nam quid neges? desidem te assedis? Age, ubi fuit, ubi nunc est exercitus tuus? quem hostem vidit, nisi quocum tractasti proditionis consilium? Quam urbem recepit? quem agrum a populatione defendit? Quid obmutescis? Hem! Judices, iste Leoni ignaviam exprobrat? ubi quæretis milites ejus? Adhuc in Bosphoro hærent, & Thraciam devorant. Saltem movisses te, frater, requisitus a fratre supremi discriminis aleam subeunte. Nescisse te dices? Adsunt testes, quotquot comites miserabilis fugæ habui, quam celeriter, quam anxie tuam opem poposcerim. Sed perire debui, Judices, ut pudendæ paci, quam machinatus est proditor, color qualiscunque necessitatis allini posset. O rem auditu scdam! Pax rebelli promittitur: promissæ pignus spondetur Romani Consulis Caput. Inferi te perdant, Proditor, ita non modo perfidus, sed amens es! Stultitiam hominis obstupescite! Qui pacis conditionem ferat, non mittit Legatum, ipse venit: neque advertit miser, de suspecto cum Tribigildo commercio teneri se posse, si tam tetrae pacis suasor veniret. Adeo furor, & odium mentem everterunt. Tenetur, Vestrum jam est, decernere, non, num damnandus sit, qui desidiæ & proditionis convictus est: sed quam gravi pœna damnandus sit, qui se Romanum Consulem in manus hostium tradere voluisse confitetur, & jactat. *Arcadius*. Gravis accusatio! Quid dicitis Patres? *Omnes*. Reus est Gainas! damnamus! *Eutropius*. Fiat justitia, Cæsar! audiatur & altera pars. Si quid habet

habet Gainas, quò se tueatur, & me accuset, evomat rabiem, loqui liceat! *Arcadius.* Loqui licet. *Gainas.* Audiatur & altera pars! O sanctum Consulem! . nisi in tua unius æquitate, Cæsar, spei lætioris radius aliquis mihi micaret, frustra audirer apud eos, qui, ut audisti, incondito clamore jam necdum auditum damnarunt. Ignosce Cæsar, si, priusquam pro me dicam, contra hos judices pauca loquar: loquar autem libere, quia innocens, & miles, & in causa Capitis. Reus est Gainas, damnamus! uno ore clamabant: cujus ore, nisi Eutropii? Video enim plerosque omnes Consuli obnoxios esse. Quid enim? nonne Te ex Cerdone Senatorem fecit Eutropius? Tibi præturam Syriæ vendidit? Tibi opulentam litem contra propinquum adjudicavit? Tibi præfecturam Anatoliæ, cum primum vacabit, promissit? Te carnificis gladio, cui debebaris, subduxit? Tibi confrieto marsupio linguam devinxit? Tristis verecundorum hominum admurmuratio facit, Cæsar, ut credere possis, neminem istorum ab hac labe esse immunem: excipio, & honoris causa nomino viros clarissimos Saturninum & Aurelianum. Et hi judices mei sint? . Qui igitur latrones, si vos judices? nisi velitis Eutropii apparitores vocari, quibus sine novo examine licet occidere, quoscunque iudex mortis reos edixit. Reus est Gainas, damnamus! cur reus? de quo reus? Vidi enim aliquos vestrum dormitasse, cum iste declamavit, & nescire adeo, quid dixerit. Repetam ego, ut intelligatis nunc denique. Reus est Gainas, de quo? de desidia, de proditione, de turpissimæ pacis consilio. Nempe in Thracia hæsi, nec in Asiam transiens ad prælium Tribigildum adegi. Utinam quidem Leo tu ejusdem mecum criminis reus fores, non tot fortium virorum cadavera in barbaris regionibus inhumata putrescerent. Nempe hosti fortissimo, & multitudine prævalenti legiones paucas objicerem, & totius Europæ salutem in unius prælii incertum eventum projicerem? Sed quid mihi hæc contentio est cum

Theat. Polit. R. P. Neumayr.

N

fungo

fungo heri nato! ita stupidus es, ut etiam earpas, credo, Fabium illum maximum, qui cunctando restituit rem. At cur opem non tui periclitanti? certe prodidi deferendo. Nempe post cladem venissem, quæ prius facta est, quam nuntiata. Tu homo novus, cui egregius Consul heri primum gladium appendit ad latus, veterani Ducis consilio obtemperare debueras, nec a latere tui tutelæ discedere. Sed Leonis nomen fecit audacem, credo. Muta jam nomen: vicisses, vel cecidisses in acie, si Leo fuisses: fugiendo probasti te leporem esse. Satis tibi responsum est, puto. Venio ad id, Cæsar, quod gravissimum ineptus homo objecit: Consulem volui tradere. Faten-tem habes, Auguste, num ideo reum? Ita, si pacem acceptassem, si Tribigildo me adjunxissem, si Consulem te incio, te invito, per vim aut fraudem abreptum in hostium potestatem dedissem: at inducias pepigi, obsidem accepi, veni, pacis conditionem tibi Domino meo proposui: ut admitteres, suasi: quid egi contra officium servi? Iterum suadeo, Cæsar, Eutropium Tribigildo ut tradas. Cur suadeam, quæris: quia tibi est utile, ipse meretur. Tribigildo, Cæsar, pares non sumus. Perdidimus Asiam: Europa in periculo est: unius semi-viri scelere peribis totus. Oppressarum ab Eutropio provinciarum suprema suspiria commoverunt Tribigildum, ut arma corripere, non quibus Domino provincias raperet, sed quibus eas, quoniam aliud medium nullum erat, a rapinis servi defenderet. Trahatur ad poenas Eutropius: arma ponet, Asiam Tribigildus restituet, & impii Consulis capite toti Reipublicæ consulatur: quid potest honestas peti? Quid facilius dari? Nimirum innocens, & optime meritis petitur? Ignota tibi, Cæsar, hominis, nefarii flagitia sunt, nempe cui nemo est ausus narrare: aut qui narravit, fidem non meruit. Ego tibi, si pateris, hodie narrabo, meo periculo, Reipublicæ bono. *Omnes.* Cæsar, tacere jube. *Gainas.* Hem! amorem clientum! hem fidem!

ut

ut nuntum observant! ut cavent Patrono! Felix es, Eutropi! qui fideles adeo servulos numeras! *Omnes.* Cæsar, tacere jube! Gainas est reus! damnamus! *Eutropius.* Quiescite. Auguste, furiosi, quibus rationum inopia est, solent pugnare convitiis. Ego si per te licet, una interrogatione hominem perduellionis convincam. *Arcadius.* Age causam tuam. *Eutropius.* Gaina, quo obses au fugit? ubi Oranges? . . ut stupet Miser? *Gainas.* Provide, si fugit, egit. *Eutropius.* Nempe tu nescis? Auguste, quid agatur, non vides? en! novum scelus! Quem tibi obfidis specie Orangem tulit, mutatis vestibibus ad Tribigildum remisit. *Arcadius.* Grave facinus! *Omnes.* Gainas est reus: damnamus! *Arcadius.* Oranges, ais: effugit? *Eutropius.* Fugit, ajo: ne effugeret, curam habui. Lorinus cum servis missus est, ut retrahat. In momenta expecto. . . Quin ecce adest.

S C E N A S E C U N D A.

Accedit Lorinus, & Oranges.

Arcadius. Solum video sine Orange? *Lorinus.* Cæsar! ingens malum narro. *Arcadius.* Assueto narras. Dissimula nihil. *Lorinus.* Retractum ex fuga Orangem dum reveho, turmæ civium in foro erant. Visus circumfisor continuo: quem veham, interrogor. Filium Tribigildi, respondeo animose, qui tentavit effugere. Ergo non erit pax, inquiunt illi? non erit, inquam, nec esse potest cum perduelli. Exarsit ad hanc vocem Oranges, & ne credite, clamat, ne credite, cives: Pater perduellis non est. Non odit Arcadium: Eutropium odit, qui & vos ipsos odit: Eutropium tradite: erit pax. Interea, ut fit, plenum hominibus forum fuit, ad quos ille jam audacior: vivite cives, ingeminat: pereat Tyrannus Consul! *Eutropius.* Vah! versipellem? *Lorinus.* Repetunt votum cives, & impetu mihi

mihi Orangem eripiunt. Ego inter convitia, & lapidum jactus vix evasi incolumis. *Arcadius.* Periisti Gaina! hoc tuæ sævitæ ingenium est. *Omnes.* Gainas est reus! damnamus! *Arcadius.* Aureliane, militem dispone in ordines, compesce tumultum, & nobis provide. Tu Lorine observa, quo se furor ulterius ferat. *Eutropius.* Misenus etiam neglectæ custodiæ det poenas, Cæsar! *Lorinus.* Ipsum ego, nisi oculi me fefellerunt, inter bacchantes vidi. *Eutropius.* Novum argumentum. Seditio est. Det poenas caput! *Omnes.* Gainas est reus: damnamus! *Gainas.* Quem populus ad cædem postulat, reus est: damnetur. Commune odium, Cæsar, non cadit in innocentem. Neque hodie natum putes: adultum est, sed quod prodire in publicum non est ausum, donec vidit, secure prodire se posse. Hodie potest protectore Tribigildo. *Arcadius.* Gaina! Eutropi! quo me redigitis? *Eutropius.* Populum Auguste metuis? *Arcadius.* Execror proditores. Sic impero? Tribigildus invadit, Gainas deserit, Eutropius exosum subditis facit! Quo vertar? *Eutropius.* Hoc merui, Cæsar, tot annorum fide, ut una vox seditosæ plebeculæ ream innocentiam faciat? *Oranges.* Cæsar vive! *Gainas.* Salvus sum. *Arcadius.* O proditor! *Eutropius.* Perimatur! *Oranges.* Reddo me tibi Cæsar, ut intelligas, non te peti, sed Consulem tuum. Prodi ad concionem: querelas audi: scies non sine causa Eutropium ad necem peti. Placavi tumultum: audiendos promisi. Prodi! *Eutropius.* Quasi diceret: in mortem abi. Jube, Cæsar, ut pro te arma recipiat Leo: ibimus in rebelles! *Gainas.* Gainæ impera! *Saturninus.* Nihil est hoc impetu opus: si quid suadere Saturninus potest, populo te monstra Cæsar! quid postulet, audi. Non aliud, ut apparet, nisi liberas querelas petit, & benevolas aures. Aspectu Majestatis erit sedatior, & compositus verbo benigni patris. *Eutropius.* Male consulis. Concitata plebs non est reverentiæ memor: prematur metu. *Arcadius.* Sil. Non bene con-

animus. Despectas amplecti Aras ego ausim? Populus feret? Ir-
rito acrius: irrumpent, & victimam cives furori facient. *Chry-*
sostomus. Irrumpent, me vivente, intuente? nihil metue. Hoc
pectus pro muro erit. *Eutropius*. Vahut si dulce somnium mul-
ceret pectus, ita dubiæ spei suavitas timorem temperat. Quid?
Ego credidissim heri, fore, ut hodie ab omnibus deserto, opem
contempta Ecclesia, opem contemptus Præsul ferat? Quid ju-
ri sacro debuerim, nunc tandem disco. *Chrysostomus*. Et di-
scant ex te posterî, quam cetta, & gravi poena vindicet juris
sacri contemptum Deus. *Eutropius*. Ex me discant.

SCENA QUINTA.

Accedit Lorinus.

Lorinus. **E**Utopi, ultimum a tuo Lorino obsequium cape.
Amice moneo, latebras ama, fuge! *Eutropius*.
Quo loco sunt meæ res? *Lorinus*. Ut peiori esse non possint.
Tribigildi timor, Gainæ furor, tui odium ita populum effera-
vit, ut unus sit omnium clamor: tradatur Eutropius! pereat!
Eutropius. Et quid Cæsar? *Lorinus*. Selectos ex civibus decem
jussit ad se venire, & auditurum querelas promisit, atque ulti-
mis poenis ulturum, si intellexerit dignas. *Eutropius*. Interii!
Lorinus. Jamque itum est ad judicium, nisi verius ad supplicium
dicam. Dilapsi milites portas custodiunt alii, ne qua evadas:
alii diripiunt ædes, dejiciunt statuas, trophœa frangunt: ci-
ves scrutantur angulos in prædam avidi: nihil pacatum est. Fu-
ge, & vale. * *Eutropius*. Ergo cur non fulminat vindex Nu-
men orbi exosum caput? *Chrysostomus*. Ut inclines poenæ cle-
mentis Patris superbum caput. *Eutropius*. Pudor, timor, despe-
ratio, Pater, nihil jam sanum cogitare me sinunt. *Chrysostomus*.
Pudor bonus, timor bonus, bona desperatio est, quæ ad Deum

* Abit.

com-

compellit. In templum fuge! *Eutropius*. Ah! in templum! Maledicte sol, qui hunc funestis radiis illustras diem, æternis tenebris dignum! *Chrysofomus*. Nihil istæ querelæ juvant. In templum fuge. *Eutropius*. Nempe futurum spectaculum? *Chrysofomus*. Jucundum Deo, hominibus salutare! *Eutropius*. Aperiat se vorago stygis! abscondar melius. Templum, quod semper spreui, nunc credo, solatium feret? *Chrysofomus*. Asylum feret. *Eutropius*. Asylum triste! *Chrysofomus*. Perire mavis? *Eutropius*. Dura necessitas! *Chrysofomus*. Veni.

SALUTUS.

ACTUS IV.

SCENA PRIMA.*

Persona. Oranges. Misenus. Milites. Cives.

Oranges. **N**Ecdum repertum est probrum? *Miles 1.^{us}* Omnia scrutati sumus. Latet. *Oranges*. Ah! si evaserit! *Misenus*. Huc miles! huc civis adsit! *Oranges*! in templo latere, qui vidit fugientem, me docuit. *Oranges*. Irruite! Me sequimini! *Civis 2.^{us}* Irrumpere in sacram ædem non licet Domine? *Misenus*. Quid? Timasii conjugem per armatos ex templo exturbavit Eutropius, rapi ipse non potest? *Oranges*. Invadite. *Civis 3.^{us}* Petendus est a Patriarcha. *Misenus*. De lata lege non scitis? *Civis 4.^{us}* Legem impiam esse Præsul docuit. *Oranges*. Damnatus ad mortem: Eutropius est; implenda jussa Cæsaris. *5.^{us}* Sine injuria Dei. *Oranges*. Video, jam frigit furor. Sed hoc scitote: aut consulem dabitis, aut nulla est pax. *6.^{us}* Quid nos turbas? tradetur, peribit! *Omnes*. Tradetur, peribit *7.^{us}*

la

* Arcam templi exhibet Theatrum.

In stationes succedamus, nec hinc abibimus, donec se ipse tradiderit. *Misenus*. Aut scilicet occultis modis evaserit. *Omnes*. Non evadet: peribit. *Oranges*. Sed hem! templum se aperit. Adest scelestus! *Omnes*. Non evadet: peribit. *Misenus*. Furem, latronem, parricidam patriæ nobis trade, Præsul! *Omnes*. Furem, latronem, parricidam patriæ nobis trade, Præsul: damnatus est: pereat!

S C E N A S E C U N D A.

Accedit Chrysothomus, & Eutropius.

Chrysothomus. **T**Emperate furorem Cives! *Omnes*. Furem, latronem, parricidam patriæ nobis trade, Præsul: damnatus est: pereat! *Chrysothomus*. Silentium date! Nam ego vos interrogo, num homines sitis? Homines hominem videtis ex summæ felicitatis culmine in abyssum extremæ miseriæ repente præcipitem. Meministis, ut ingressus sit heri turba clientum stipatus, famulantum obsequiis cultus, prælatis fascibus & securibus formidabilis! Hodie, ubi est ille consulatus splendor? ubi coronæ, & aulæa? ubi applausus & theatra? ubi fucati amici, parasiti, & turba coquorum? ubi auri & argenti accumulata congeries? ubi arcus & statuæ? ubi palatia, & horti? Ecce vehemens turbo momento decussit hæc folia, ut vix nudum truncum quassata radix sustentet, jam & ipsa vacillans. Quanto esses felicior, O miser Eutropi, si prius hæc fieri posse cogitasses, quam fierent! Ego te, quoties ut cogitares, ut metueres, admonui? Rejecisti cum stomacho: cantus mollis præ duro placuit, adulatio præ veritate. Hem! vanitas vanitatum! Adeste huc pauperes, & gratias paupertati habete, quæ vos ab his casibus immunes facit! Adeste divites, & saltum ponite, quo supra inflatos utres turgetis! Ille, qui heri orbem suæ fortunæ terrore concussit, videte, ut hodie buxo

Theat. Polit. R. P. Neumayr.

O

pal-

pallidior, timoris vi velut catena fortissima alligatus est sacris Altaribus ! Triste silentium, oculi inquieti, titubans caput, collisi dentes, collabentia membra satis loquuntur, quid patiatur animus, exacutos gladios, & carnificis rabiem in momenta expectans. Quid vero? Num insultans hæc loquor? imo commiserans, & commiserationem expectans. Injurias vobis fecit? fatetur, deprecatur, deplorat. Necem est meritus? Necem ego deprecor. Cui? Furi, latroni, parricidæ Patriæ? Eutropio Consuli. Satis miser est, cives, qui ex felice fit miser: quid ei vitam miseram invidetis? Homines in hominem humani este. Quod scelestus abdiderit se in Ecclesiam: quod ab Ecclesia propugnetur, qui toties oppugnavit Ecclesiam, indigne hoc fertis? Laudo zelum, Religionis fervorem probo: vos Dei justitiam adorare, qui in eam necessitatem conjecit Eutropium, ex qua Ecclesiæ & potentiam disceret, & clementiam. Potentiam agnosce, Eutropi: nam quia contempsisti Ecclesiam, contempsit te Deus, & exposuit te totius orbis contemptui. Clementiam vos commendate, videntes, quod Ecclesia injuriarum oblita velut obtento scuto miserum tueatur, & ab ira Imperatoris defendat. Nunquam hoc Altare fulsit illustrius, quam cum ad ejus pedem Leo victus prosternitur, qui everfurus accesserat. Hoc trophœum potentiæ Ethnicæ stupent, agnoscunt Judæi, venerantur hæretici: hoc exemplum clementiæ imitentur Christiani. Desinite, cives mei, desinite sævos clamores! Sinatur vivere Eutropius! donetur Ecclesiæ!.. Placet silentium. Confide Eutropi, vives, ut possis errata corrigere. Agite, ad Cæsarem sequimini me: vitæ gratiam captivo oramus: ita homines, ita Christiani, ita filij Ecclesiæ sumus. *Civis 1. mus* Præi Pater! ad Cæsarem imus. *Omnes*, Præi Pater, ad Cæsarem imus. *Chrysostomus*. Miles ad fores subsiste, ne fraus aut vis pios conatus eludat....

S C E N A T E R T I A.

Manent Oranges & Misenus.

Misenus. Quid stupes, Oranges? *Oranges.* Possumne meis oculis, meis auribus credere? ita subito ultimus impotentis populi furor detumuit? Episcopus hoc unus, & solus possit? *Misenus.* Nempe quem commendat opinio sanctitatis. Nondum tu Chrysostomum nosti. Summa viri æstimatio est, summa facundia, summa sapientia, summa virtus, atque quæ ex his gignitur, summa auctoritas. Nondum integer annus abiit, quo sedem Constantinopoli Episcopus tenet: audi jam, quanta præstiterit. Primum Montanistas ex omnibus Imperii urbibus lata lege, quam ab Arcadio impetrarat, eiecit: deinde gravissima Episcoporum cum Pontifice Romano dissidia composuit: tum Cleri mores correxit prohibito virginum, quas Agapetas, & sorores adoptivas vocabant, cum illis commercio, & sublati victus lautitiis. Præterea damnato Luxu Nectarii, qui ante ipsum rexit Ecclesiam, sustulit inutiles sumptus, & in ædificanda nova Xenodochia expendit: tum in defensionem pupillorum ac viduarum incubuit contra potentum injurias, quorum etiam fastum, profusas expensas, morum licentiam, peccandique notam audaciam objurgare non cessat. *Oranges.* Et impune? *Misenus.* Habet inimicos multos ac magnos, quos inter primum, istum Eutropium numeraveris, cujus saluti modo tam avide se impendit. Sed, quid agatur, si vel orbis universus in ipsum insurgat? Vir est, qui nihil timet, præter peccatum. Episcopatum non desideravit accipere, non desiderat diutius tenere. Si deturbetur, redibit in solitudinem gaudens: dum sinitur, pastoris officium aget intrepide. Hæc sunt, quibus auctoritas viro stat, & ea causa est, quod monueram Gaiam, ut laboraret Chrysostomum sternere. Eo stante fore,

ut nostri Aarii doctrina floreat, aut templum nobis vel unum in urbe struatur, sperari non potest. *Oranges.* Sterni & ipse potest, uti potuit Eutropius. *Misenus.* Falleris. Chrysostomus populo in amoribus est, Eutropius in odio fuit: grande discrimen habes. Quamquam quid si & Eutropius a casu resurgat? Populum mutatum vides. *Oranges.* Milites erunt iidem, quamdiu Gainas cum ipsis est. Age tamen, accedimus ipsum, ut, quid sit actum, cognoscat. Sed ipse prodit.

SCENA QUARTA.

Accedit Gainas.

Gainas. **O** *Oranges!* in idem recidimus Chaos: placatus est miles Eutropio, placatus populus. *Oranges.* Vah! Miles etiam? *Gainas.* Arcadii reverentia, qui populi a Præsule adducti precibus gaudens, vitam donabit Eutropio: ita existimo. Quid? etiam nos donabimus vitam? *Misenus.* Nisi nos novis periculis velimus exponere. *Oranges.* Hic latet. Custodibus in fugam actis confisimus hominem. *Gainas.* Consilium temerarium est. Quid intus agit? *Oranges.* Paveris expectat sententiam. *Misenus.* Vos non pavetis? Nondum absolutus iudicio es, Gaina. Quiete reddita populo, si rursus ceteris, quid fiet? *Gainas.* Vanus metus est. Nam irritare Tribigildum nova audacia non audebit Arcadius. Eutropium deposuisse contentus, mittet me potius ad pacem firmandam, cuius te obsidem habet. *Oranges.* Sed pacem vix faciet Pater, nisi ducas Eutropium tecum. Scis, illum peti. Sic ego diu captivus ero. Et si interea nova ab Honorio auxilia, ut rumor est, contra Patrem advenerint: Si praelio, ut varia fortuna est, Pater succumberet: quid filio fieret? *Gainas.* Multa prospicis. Itaque si hoc agimus, ut hodie Eutropius pereat penitus, tum credo, prospe-

prospectum satis. *Misenus*. Sed arduum est facinus. *Gainas*. Tribigildum metuit populus: hic metus juvat: hic securam omnem audaciam facit. Invigilo occasione.

S C E N A Q U I N T A.

Accedunt Chrysostomus. Aurelianus. Saturninus. Eutropius.

Aurelianus. **G**Aina, te Cæsar petit avidus loqui, *Gainas*. Utinam quod Tribigildus velit, loquatur! Eamus! *Oranges*. Non ita facile, ut creditis, inimico placatur pater. Sanguinem sitit. *Chrysostomus*. Lacrymæ si propinentur, contentus erit. *Saturninus*. Vel si tigris foret. *Misenus*. Docebit exitus. * *Chrysostomus*. Eutropi, gratiam vitæ Cæsar juramento fecit. Securus prodi. *Saturninus*. In poenam exilii mutabitur mortis sententia. Animum compara, qui decet virum. *Aurelianus*. In prætorio pones purpuram, & locum audies, ubi reliqua ducenda est vita. *Eutropius*. Ergo extremum visa est hæc ara mihi! .. O tristis abitus! . Occultus saltem ex urbe ibo? Nam ut ferre possim supremum dedecus, & quos solebam lictores sequi, videre comites? *Chrysostomus*. Quod ferre necesse est, ferendum moderate. Tandem sit cura animæ: aliud quod perdas, nihil superest. Opes, voluptas, gloria, honor, fama jam periit: animam serva. Vixisti hætenus, quasi totus moriturus: nunc vive tandem, tanquam qui animam habeas, quæ victura est semper, & corpus, quod ad vitam resurget. *Saturninus*. Scilicet hæc cogitare felicibus non lubet, infelicibus non vacat. Utrisque cogitanda sunt tamen, illis, ne inebrientur dulcedine bonorum præsentium: his ne mergantur in amaritie malorum. *Aurelianus*. Lectio Eutropiis nova, nec facilis intellectu. *Chrysostomus*. Certe. Et quis præsentium avidus de

O 3

futu-

* Abscunt.

futuris sit anxius? Absorbetur memoria. Fatere de te. Nonne si subibat cogitatio hæc vel similis: Eutropi, quamdiu hæc felicitas erit, & quid deinde? excussisti pro importuna, id existimans, quæ de futuris narrantur, aut incerta esse, aut saltem remota? Certa nunc saltem crede: propinqua fortassis senties. *Eutropius*. Quid me ista solari possunt, quæ non capio? Reddite Cæsaris gratiam, & bona perditæ: hæc jactura afficit: hanc intelligo. *Saturninus*. Præsul, animal loquitur. Quid disputare juvat? in prætorium eundum est. *Eutropius*. Heu! oculos fubeam irati Principis! *Aurelianus*. Si unquam, hodie certe te semi-virum probas. Foemineos quæstus mitte: aut si plangere juvat, culpam, non poenam plange: nihil supra meritum pateris. *Eutropius*. Suspiria prohibes? Quod est levius solatium misero? *Aurelianus*. Suspiria prohibeo impatientis animi, non poenitentis. Miles in prætorium trahe. *Eutropius*. Festina optata nox! involve tenebris infelix caput! *Chrysostomus*. Sic omnis ferocia in lachrymas abiit. En Saturnine, hæc impiorum est fortitudo: multa mala agere, nulla pati. *Saturninus*. Hæc est: sequamur Præsul, & ultimum spectemus tragoediæ actum. *Chrysostomus*. Opto, ut intelligat denique choragum Deum.



CHO.

* Absunt.



CHORUS II.

Docet, quam Artes politicæ faciant hominem ex-
sum apud Posteror. *

Personæ. Apollo. Claudianus. Æternitas. Chorus
Sæculorum.

Apollo. Approbo opus egregium.

Claudianus. Tuum beneficium.

Apollo. Repeto:

Dedicetur Æternitati: *ita censeo.*

Jamque stamus in atrio.

Sciant futura sæcula,

Quale tulerint monstrum præsentia tempora.

Claudianus. Sciant, & horreant scelera,

Quorum hîc legent supplicia.

Quanquam quid licet sperare?

Video antiqua exempla,

Quæ sæcula dederunt præterita.

Multi ante me scripserunt:

Post me, qui scribent, plures erunt:

Nec tamen stylus curiæ mutabitur,

Nec mundus emendabitur,

Apollo. Non ideo frustra scribitur.

Saltem perpetua

Scele-

* Theatrum exhibet aulam Æternitatis. Sæcula præterita circumstant ut statuæ. Futura exeunt cum ipsa per portam magnificam. Claudianus libros suos in Eutropium dedicat Æternitati.

EUTROPIUS.

Sceleribus hæret infamia,
Cujus pudore si mali non emendantur,
Boni tamen conservantur.

A R I A.

Sint Scythas inter barbaros,
Qui vestros olim calamos
Ridebunt.

Qui boni erunt animi,
Quid feri dicant Posteris,
Timebunt.

Cessate scribere :
Jam timor secuturæ
Sublatus est infamiæ :
Et nunquam desituræ
Corrupta stirps propaginis,
Amota falce, impiis
Luxuriabit undique
Eutropiis.

Claudianus. Hæc saltem spes
Nostros solatur labores.

Apollo. Sed prodit Regina. . . . * *Fit plausus.*

Eternitas. Quid me postulas, Phoebe,
Deorum humanissime?

Apollo. Dea suavissima, patere,
Ut tibi dedicem opus hoc mei Poëtæ!
Dignum est, quod immortalī cedro inscribatur,
Et custodiendum futuris sæculis committatur.

Eternitas. Quod est operis argumentum?

Claudianus. Monstrum turpissimum.

Vir,

* Prodit Eternitas cum pompa,

Vir, non vir, servus & liber,
Dives & pauper, felix & miser,
Semper alius
Et semper idem Eutropius. . . meretur,
Ut ipsum Æternitas excretur,

A R I A.

Qui sua per facinora
Hæc funestare tempora,
Et suavem placidorum
Quietem populorum
Est ausus perturbare:
Ut ipse post mortem in pace quiescat,
Et placide sui securus putrescat,
Non decet tolerare,

2.

Si scelerum memoria
Ad tartara cum anima
Eodem casu rueret,
Quis bonos, quis subtraheret
Furori Tyrannorum?
Qui mortuos lacerant *calami* dentes,
In ipsum cadaver post mortem furentes
Sunt terror successorum,

Æternitas. Vah! quid lego? . .

A R I A.

Nefanda artificia!
Assurgere per scelera

Theat. Polit. R. P. Neumayr.

P

Et

Et fundamentum ponere
 Ruinam honestatis !
 Vos prohibete Coelites,
 Ne fraudum hi artifices
 Magistri forte posteræ
 Sint etiam ætatis.

Apollo. Ut hoc malum impediatur,
 Omni ætate Claudianus legatur!

Æternitas. Legatur! *
 Eutropios Aulæ horreant
 Castra caveant,
 Urbes expaveant !


Claudianus. Et sit hoc primum documentum, hoc præcipuum,
 Hoc frequentissimum,
 Quod Matres parvulis
 Inculcent filiis:
 Fili, si gratus Coelitibus,
 Si charus hominibus,
 Si felix esse vis,
 Cave, ne Eutropius sis.

Apollo. Quod si quis tamen ejus facta imitetur,
 lisdem cum ipso suppliciis mañetur,
 Et pariter perpetua laboret infamia.

* Tradit librum sæculis.

CHORUS.

* Lingua, stylo laceffatur!
 Maledictis configatur!
 Laceretur fatyris!
 Ab amicis deferatur,
 Ad tribunal rapiatur:
 Tremat in judiciis:
 Nemo fit, qui deprecetur,
 Nemo, qui patrocinetur,
 Nemo, quem misereat:
 Nulla poena remittatur:
 Accusetur, vincatur,
 Condemnetur, pereat!



ACTUS V.

SCENA PRIMA.

Personæ. Gaius. Oranges. Misenus. Nonus.

Gaius. **A** Ge, audire juvat latæ sententiæ formam. *Nonus.*
 Legam ex tabulis: Arcadius & Honorius Augusti,
 Aureliano præfecto prætorii. Omnes res Eutropii, qui quon-
 dam Præpositus sacri cubiculi fuit, ærarii nostri calculis ad-
 junximus, crepto splendore ejus, & consulatu a tetra illuvie
 & commemoratione nominis ejus, & cœnosis sordibus vindi-
 cato: ut ejusdem universis actibus antiquatis omnia mutescant
 tempora: ne ejus enumeratione, sæculi nostri labes appareat:

P 2

nec

Præcinit Claudianus.

nec ingemiscant, aut qui sua virtute ac vulneribus Romanes fines propagant, aut qui eosdem, servandi juris æquitate custodiunt, quod divinum præmium consulatus, lutulentum prodigium contagione foedavit. Patrilius etiam dignitate, atque omnibus inferioribus spoliatum se esse cognoscat, quos morum polluit sævitate. Omnes statuas, omnia simulacra tam ex ære, quam ex marmore, seu ex fuscis, quam ex quacunque materia, quæ apta est effigendis, ab omnibus Civitatibus, oppidis, locisque privatis ac publicis præcipimus aboleri, ne tanquam nota nostri sæculi, obtutus polluat intuentium. Adhibitis itaque fidis custodibus, ad Cyprum insulam perducatur, ut ibidem pervigili cura vallatus, nequeat suarum cogitationum rabie cuncta miscere. Datum 16. Calendas Februarii Constantinopoli. Theodoro Manlio Consule. *Oranges*. Bene habet. Et quando abibit? *Nonus*. Parata stat navis. Pudori ut consuleret expuncti Consulis Cæsar, iussit, ut dum Præco latam sententiam frequenti populo nuntiat, ipse eodem tempore ignota sub veste latens per vicos spectantibus vacuos ducatur ad mare. *Misenus*. Nobis pasti & expediti stant equi, ut, quamprimum abierit, ad Tribigildum avolemus, relaturi, optatam pacem. *Nonus*. Ita vos Cæsar amet. *Gainas*. Ita promissimus. *Nonus*. Ego mandata exequor tristibus annalibus digna. *Gainas*. Qui custodes addentur? *Nonus*. Præmissi jam ipsi etiam servant littus: solus per urbem perget, ut observetur minus. *Oranges*. Vis dicere, ut effugiat certius. *Gaina*, fallimur! An hæc enim non ficta sunt omnia, ut Pater meus decipiatur? *Nonus*. Nihil hæc metue, Princeps: ne qua ei porta ad fugam tuta sit, cautum est satis. *Gainas*. Vade. Ego, Oranges, cavebo tibi. Tempus, locus, occasio ad cædem favent. Tu te ex aula proripe cum Miseno, & decorum inimici cruore Gainam expecta brevi. Ad pacem,
de.

deposito Consule, a Tribigildo repetendam legatos, nemo remorabitur. Exhibimus securi. *Oranges. Belle. Imus. Misenus.* Et tu denique audacius laborabis pro Ario. *Gainas.* Tum denique. Exulta mucro! sanguinem cupitum bibes.

S C E N A S E C U N D A.

Personæ. Arcadius. Chrysostomus.

Arcadius. Sic me miserum mei faciunt. Tribigildo obedire cogor, Eutropium odisse, Gainam timere: & Princeps sum! Si vivo, pares cum Eunuchis mihi poenas uterque dabit. Nunc Tribigildum punire non possum, Gainam non audeo: & Princeps sum! Hæc mihi dies oculos aperit. Ut ego cæcus fui, qui his hominibus omnem poene potestatem concedidi! Quo mei honoris, quo totius Imperii damna, nunc primum video, postquam occultus morbus in apertam pestem erupit. Superi! Ignota Arcadio Eutropii esse scelera potuerunt tam diu? Quæ scivit Imperium, potuit Imperator nescire? *Chrysostomus.* Potuit, quia audire querelas noluit gementium subditorum. Da veniam, Cæsar, libere arguenti, in quo te ipse agnoscis errasse. Eutropium tua credulitas improbum fecit. Videbat, se tibi placere, sibi confidi omnia, sibi credi, nec esse aliquem, cui sit ratio reddenda actorum: probare te omnia: miraris jam, tanta fuisse ausum? .. Poterat securus audere: hoc errasti. *Arcadius.* Curarum onus igitur totum unus & solus feram? Nec transferam in alienos humeros partem saltem? *Chrysostomus.* Imo maximam. Sed id curandum, ut qui subeunt oneri, intelligant, onus se tibi ferre, non sibi: ac viri sint, qui ferendo sint pares & robore, &

voluntate. Itaque quos posthac Ministros leges, tibi que fideles, & Imperio utiles cupies, tribus ut dotibus ornati sint cura, religione, prudentia, & justitiæ laude. Cui nulla religio est, nullus est horror scelerum, quæcunque possunt occulta esse. Qui prudentia caret, impetu agit, quod suadet affectus, non quod imperat ratio. Quem non commendat justitia, odit populus, qui jugum patienter non tolerat, nisi suave faciat amor. *Arcadius*. Scimus hæc axiomata. Sed quis mihi singulorum corda aperiât, & in fodinis tam abditis aurum spurium discernat a vero? Hypocrisis religionem mentitur, astutia prudentiam, avaritia justitiam simulat. Decipimur. *Chrysostomus*. Non una dies detegit fraudes. Itaque donec quid lateat, scias, festina lente, nec hominem promove. Nihil sanguis, nihil opes, nihil patroni te moveant: An religionis sit cultor, an studiosus prudentiæ, an justitiæ amans, hoc interroga, hoc æstima, si vis beatus regnare. Sermo audax & petulans de summis Mysteriis contemptum religionis prædit: consilia, quæ placent tantum, & profunt nihil, arguunt defectum prudentiæ: amor pecuniæ odium justitiæ parit: quem tale aliquod stigma notat, cavendum puta. *Arcadius*. Nunc quem ponam in Eutropii locum? *Chrysostomus*. Aurelium & Saturninum habes, probatos viros, quibus utinam paruisses pridem. *Arcadius*. Utrumque Gainas odit, uterque Gainam: novas turbas prospicio. *Chrysostomus*. In turbis tenebunt clavum. Aut quid? regendam navem Gainæ trades? *Arcadius*. Id est, quod expetit. Hominis audaciam stupefce, Præsul! Mihi cum Tribigildo colludere jam non est dubium: sed modus vindicandi non est. Hac spe inflatus, cum stratum nocentem vidit, involvere eadem strage innoxios cupit. Aurelium & Saturninum exulare cum Eutropio, ut jubeam, suavit, si vellem pacem


cem habere integram. *Chrysostomus*. Pro! Temerarium! *Arcadius*. Ego iram pressi, & linguam momordi fremens. Tum ille silentio animosior, ego vero, inquit, Cæsar, pro labore compositæ pacis hanc unam gratiam peto, ut sectatoribus Arij Constantinopoli templum concedas. *Chrysostomus*. Vah audaciam! Ego vero, Cæsar, ut id permittas, nunquam patiar. Violatum templi honorem Eutropij Casus restituit: hic terrere Gainam debuit, non irritare, nisi jam ipsum etiam graviore supplicio divina Nemesis destinavit. Daturum promissisti, Auguste? *Arcadius*. Deliberaturum respondi. Nec enim negare tutum fuit: Vir potens est, ferox, & armatus. Ita Imperator sum! O Pudor! *Chrysostomus*. Nihil time, Princeps, nisi timorem tuum: tum Imperator eris.

SCENA ULTIMA.

Accedunt Eutropius. Aurelianus. Saturninus.

Aurelianus. **V**Ive Princeps! & ultimo obtutu dignare Eutropium. Pridem hic habitus Eunuchum decuit! Tandem fortuna jocata est satis, & ridiculum Consulem abire theatro jubet. *Arcadius*. Sic places, Eutropi. Age jam, ubi sunt artes tuæ, quibus toties illusisti Arcadio? Non prævidit hunc casum astutia tua? Credidisti, viduarum & pupillorum clamorem, tot subditorum, quos oppressisti, lamenta, non denique penetratura nubes, & eruptura in fulmen? *Saturninus*. Scilicet putavit miser, non dari Numen, quod oculos habeat, ut videat scelera: aut manus, ut puniat. *Arcadius*. Exemplum te debuit Rufini terrere. Plus, quam decebat subdito, elatum tu non tulisti, tu stravisti. Quod damnasti ipse, cur es imitatus?

tus? Sic te omnis prudentia destituit, ut non videres, fieri non posse, ut magna scelera lateant diu? Ego gratias Cœlo refero, quod me amat, cum liberat a servitute, quam turpem nequissimo servo servivi. Nunc respiro, tot vinculis liber, quot fraudibus tenuisti devinctum. Superi! quantum toti Orienti unus hominis ambitio & avaritia nocuit! Tu documentum posteris eris, ut discant Reges, a quibus ministris sibi & suis cavendum sit. *Eutropius.* Auguste, tandem abire jube. Plus omni poena tuus aspectus cruciat. *Arcadius.* Me tuus delectat.. Quanquam i, purga regnum, pestis, nec ultra venenato halitu hunc aerem infice! *Aurelianus.* I, & omne malum tecum trans mare avehe! *Saturninus.* I, & quam sceleribus foedasti, lucem fuge. *Chrysostomus.* I, & desertus ab hominibus te tandem ad Deum verte! *Abeunt.* *Eutropius cum gravi suspirio mutus & ipse abit.*




PAPINIANUS
JURIS - CONSULTUS.
TRAGŌEDIA
ACTA
LUDIS AUTUMNALIBUS
ANNO MDCCXXXIII.

Theat. Polit. R. P. Neumayr.

Q

ARGU.



ARGUMENTUM.

PErpetuis inter se discordiis dissidebant Imperatores fratres Caracalla & Geta, & exarsit tandem ira in eam rabiem, ut Caracalla Getam occideret. Cædi fratris addidit cædem omnium ejus amicorum, quorum numerus ad viginti Milia ascendit. Eminuit inter illos Papinianus Juris - Consultus optimæ notæ, & tunc Præfectus palatii, una cum filio jam Quæstore securi percussus, quod noluerit scelus pro jure defendere. Ut facilius intelligamur, notamus ex historia

1.^{mo} Quod Caracalla Severo ex prima conjuge natus sit, Geta ex 2.^{da}, quæ Julia vocabatur, & a Caracalla sic perditæ amata est, ut eam, post necem Getæ, per abominandum incestum uxorem duxerit.

2.^{do} Quod Lætus, qui Caracallæ occidendi fratris Auctor fuit, ab eodem postea mori veneno sit jussus. *Spartianus.*

PERSONÆ.

Papinianus, Præfectus prætorii.

Caracalla Imperator.

Geta Imperator.

Lætus, Præfectus cohortis Imperatoriæ.

Papinianus junior Quæstor.

Maternianus, a Cubiculis Caracallæ.

Helvius Prætor.

Serenus a Cubiculis Getæ.

Macrinus Dux Militum.

Lysander Tribunus.

Ephebi.

Milites.

PRO-

PAPINIANUS.



PROLOGUS.

Jupiter, ut solus regnaret, Saturnum Patrem Cælo expellit: infame facinus ut pro jūsto defendat Themis, per Mercurium agit.

Personæ. Jupiter. Saturnus. Berecynthia. Neptunus. Pluto. Pallas. Mercurius. Fauni. Tritones. Gigantes.

Saturnus. Quid? Hoc ausit in Patrem Filius?

Jupiter. Non bene in uno Cælo sol fulget geminus.
Jam solus regnabo: solus sum Dominus.

Saturnus. Filii! Pluto! Neptune!
Berecynthia uxor dilectissima!

Berecynthia. Ni fallor, meum Saturnum audio.

Saturnus. Nunc fidem tuam exigo.

Neptunus. Quis Neptunum?

Pluto. Quis Plutonem invocavit?

Saturnus. Pater opem imploravit.

ARIELLA.

Arma, arma, & bella parate!
Cælo pulsum Parentem juvate!
Quid non timeant fratres & Mater,
Si a Jove hoc sustinet Pater?

Q 2

Vah

* Theatrum exhibet aulam Jovis in nubibus: Saturnus dejectus Cælo opem clamat: ex cryptis Fauni, ex mari Tritones, ex inferis gigantes prædeunt.

PAPINIANUS.

Ambitio, quantum es ausa!
 Sum exul, hac una de causa,
 In Cœlo ut Jupiter solus sit Rex!
 Libido regnandi est unica lex!

Neptunus.
Pluto ad Jovem.
Berecynthia,

Scelus immane!
 Quid egisti insane?
 Ulciscamur injurias!
 Puniatur parricidæ temeritas!

ARIETTA.

Nihil time! fidem damus:
 Uxor, nati, pro te stamus:
 Favet causæ bonitas.
 Stet tyrannus! paret bella!
 Armet astra, pluat tela!
 Nihil timet pietas.

Neptunus.
Pluto.
Saturnus.

Io! Sonent classica!
 Ad arma Dii Montium! Dii vallium!
 Dii Maris, & fluminum!
 Dii Stygis, & Manium! ad arma!
 Quod videbitur, facite.

Neptunus.

Ego aurea promitto vobis sæcula,
 Si mihi per vos reddatur potestas perdita,
 Interea juvat latere,
 Et quidquid de me fata statuerint, ratum habere!
 Maçi animis socii! quisque suum sequatur ducto-
 rem:

Pluto.
Berecynthia.

Pro aquis tenebimus æthera.
 Pro inferis sydera.
 Pro antris & tesquis Coeli palatia!
 Pro Saturno contra Jovem! Hæc belli sit tessera.

CHO.

CHORUS. *

Contra Jovem nos armamus!
 Pro Saturno nos pugnamus!
 Sta tyranne! para bella!
 Arma astra! plue tela!
 Nihil timet pietas:
 Favet causæ bonitas.

Jupiter. Sic impero!

Audisti rebelles? . Quid consulis filia?

Pallas. Pater! Si me audis, uteris clementia.

Suadeo, ut ad Themidem mittas Mercurium,
 Qui Deam permoveat, causam ut tuam suscipiat.
 Illa subditis demonstrat, quod Saturnus ab arce syde-
 rum

Ex æquo pulsus sit in exilium:

Magna est Themidis auctoritas,

Illam, si quod agis, probare creditur, feliciter imperas.

A R I A.

Quem Regem Themis prædicat,
 Adorant subditi:

Quem illa Regem improbat,
 Probatur nemini.

Vocere Potens, Inclytus,

Augustus, Fortis, Maximus:

Et quidquid titulorum est:

Non rapis animos:

Cognomen *Justi* solum est:

Quod tenet subditos.

* Dii se subducunt.

Q 3

Jupi-

Jupiter. Probo consilium sapiens. Age, Mercuri!
Quid desiderem nuntia Themidi.
Tua facundia utere.

Mercurius. Quid! si renuat votis annuere?
Jupiter. Num audebit se Tonanti opponere?
Perge! sequar ipse, & ibo suppetias,
Ut, si forte contemnat absentem,
Cogatur vereri praesentem.*

Mercurius. Mercuri! grave tibi incumbit negotium.
Suadendum est Themidi,
Ut faveat sceleri.
Si unquam, nunc certe callida
Utendum est Rhetorica.

A R I A.

QPortet blande agere,
Et se insinuare:
Prudenter rem narrare;
Multa dissimulare:
Et si quid vult opponere,
Ridendo confutare.

2.

Non quadrat stylus humilis:
Figuris est utendum:
Conceptus sunt turbandi:
Affectus variandi:
Et aptis est Metaphoris
Ingenium fallendum.

* Clauditur.

3. Ars

3.
 Arx vi non superabilis
 Per dolum expugnetur !
 Si arma repellantur,
 Si machinæ frangantur,
 Agendum est cuniculis :
 Hac arte evertetur.



ACTUS I.

SCENA PRIMA.

Personæ. Papinianus Pater & Filius.

Filius. **P**ROpinquus est Geta, Pater : festina certiores facere Caracallam, ut fratres in optatos amplexus ruant.

Pater. Monui Maternianum. Ingressus est. Responsum a Principe expecto diu : nemo se movet. Suspicio aliquid. Secreta sint consilia, est necesse, ad quæ Papinianus non admittitur. Timeo novercæ dolos. Vocata est, ut esset sequestra pacis :

Quid? si novæ discordiæ accendat facem? *Filius.* Julia intus agit? *Pater.* Venisse turbatam animo, narravit Maternianus,

& vultu pallido, lividis oculis, voce fracta. Ominosus occursum fuit. Nihil est ad tollendas discordias utilius fratribus, quam ut imperium dividant. Suasi : assensi sunt : hoc scilicet affliget foeminam. *Filius.* Ut dividant imperium, hoc suastis?

hæc conditio pacis erit? *Pater.* Hæc : Orientis Geta, Occidentis Caracalla sit Dominus : ita Castor & Pollux erunt, semper pacifici. *Filius.* Et assensi sunt? *Pater.* Unus desideratur assensus matris, Cum dixerit, fiat! signabunt tabulas. Sed cre-

de

de mihi, mulier tenebit manum. *Filius.* Non puto. Sævam Caracallæ indolem non nescit Julia: quam sæpe ille insidias Getæ struxerit, certa est: cessare periculum, si dividatur imperium, intelligit: cur se opponat? Aut quid est pace optandum magis? *Pater.* Non semper, quod est optandum, optatur etiam. Sunt, qui bonum commune dissipant, ut servant suum. *Filius.* Inani metu funestas diem, qua lætiorem diu non vidit Roma. Quid Julia diviso imperio perdet? In sententiam & Reipublicæ, & filio suo Getæ tam salubrem non potest non concedere: mater est. *Pater.* Mater est, sed quæ Caracallam privignum, præ filio Geta diligit, nisi Getam oderit etiam. Tu multa nescis. *Filius.* Atrox suspicio! *Pater.* Sed non concepta temere. Julia mulier ambitiosa est: dum vixit Severus, assueta imperio. Nunc cum viro illata est tumultu uxoris auctoritas: hoc male superbam habet: imperant filii, non ex matris placitis, sed ex consiliis Procerum: hoc affligit: unam esse viam, qua ad imperium redeat, si nubere privigno possit: hoc videt. Getam, si vivat, haud passurum istud dedecus suo sanguini fieri, hoc intelligit: & putes amare? *Filius.* Exhorreo. Neque tamen, quid dicas, percepi satis. Nubere Julia Caracallæ ne velit, hoc metuis? *Pater.* Non timerem hanc Phædræ, si in Caracalla Hippolytus viveret. Sed, o probum! amatur Caracalla, & amat, adhuc, quod sciam, non impudenter quidem, minus tamen, quam agere decet cum noverca, reverenter. In tetrum erumpet incendium latens ignis: hinc festinabam fomenta subducere. Aspectus mutuus, congressus, colloquia, sermones blandi amorem nutriunt: omnia tollit divisio. Itaque divisionem suadere cum videor, ut tollantur discordiæ, ego malis duobus mederi cupio. Divisio & fratrum tollet odia, & hos amores nefandos. Sed hoc scilicet metuit Julia. Vel enim cum Geta in Asiam itura esset: & periret conjugii incesti spes: vel in Europa cum privigno hæsuræ: & periret spes mortis Getæ per tempus pacis:

nec

nec vivor Geta tenere ipsa, quod ambit, potest. Itaque quin tota vi oppositura se Julia meo consilio esset, nunquam dubius fui. *Filius.* Hæc si ita sunt, & tu obstitis, Pater, non vides, Julia quam timenda sit tibi? Mulier potens, quid non audet, cum amat? semper amoris foedo socius furor est. Prospicio furorem imminentis procellæ in nostrum caput. *Pater.* Prospexi diu. Nihil sapientibus casu accidit. Certe nulla miseria opprimat non præparatos. Ego de his quæ aguntur, studiose tibi sermonem intuli, ut in futuros eventus armes animum, ne improvisa calamitas fortitudinem obruat. *Filius.* Dedisti consilium bonum, cum divisionem suastisti. Fecisti satis. Si non acceptent Principes, sibi tribuant mala, quæ post se iste contemptus trahet. Tu extra culpam es. Urgere cessa, obsecro, quod cum tanto tuo periculo urges. *Pater.* Ignavo silentio Rempublicam perdas? *Filius.* Inutili consilio familiam perdas? nam quæ spes bona compensat periculum? *Pater.* Periculum, si vel vitæ sit, postponi debet etiam modicæ spei de magno Reipublicæ bono. Moriendum aliquando est: quando possum gloriosius mori? Quanquam cur spes modica sit suffocandi amorem, qui nondum erupit in flammam? Non est bonus Consiliarius, qui cito desperat. Urgendum est consilium bonum: mutantur Principes: forte, quod hodie displicet, placebit cras, si sit, qui repetat. *Filius.* Sæpius tamen videmus monitores ejusmodi molestos esse, & excidere gratia, quæ pollebant. *Pater.* Hic timor in virum constantem non cadit. Principis gratiam desidero, quantum Reipublicæ prodest. Quæ huic non prodest, quid mihi prodest, nisi ut justis odiis in me ardeant omnes, quotquot Rempublicam amant. Tune inter eos numerari me velis, qui sputa Principum pro melle lingunt? Papinianus sum: absit a me tam abjecta servitus! Placere Domino, curæquitas displicet, ego non ambio. De malis, quæ ex amisso Principis favore metuunt alii, nihil angor: sic in animum sapientis ad-

versa incidunt, sicut grando in testa. Grando in tegulis diffultat, crepitat, solvitur: Inquilinus intus in cubili quiescit securus sui. Sed en Maternianus,

SCENA SECUNDA.

Personæ. Papinianus uterque. Maternianus a cubiculis Caracallæ.

Maternianus. **P**apiniane, quod timebas, evenit: dividendi imperii consilium evertit Julia: i, nuntia Getæ.

Papinianus Pater. Materniane, consilio obstat Julia! non ideo eversum est penitus! Sustentat Geta: Getæ assistamus comuni opera, tota virtute: cedit mulier, si viri non cedimus. Instemus Caracallæ: tu adde suffragium tuum mihi, adde reliquorum Procerum: forte, qui unius consilium rejecit, omnium acceptabit. Princeps prudens non facile adversatur sententiæ multorum prudentium. Si, quod deterius est, eligit Cæsar, nostra dissensio causa est; & eorum imbecillitas, qui per sua consilia placere malunt, quam prodesse. *Maternianus.* Caracallam nôsti. Irascetur, si quis abjectum consilium obtrudat rursus.

Papinianus Pater. Si sapit, irasci non potest. Aut cur alit Consiliarios, si non licet consulere? Ego prodesse Principibus nihil, nisi consilio, possum. Si hoc prohibeor, cui bono in aula vivo? Fungus sum. Abdicare me officio malim. Non decet Papinianum in aula vivere inutilem aulæ. *Maternianus.* Obstat Julia: quid movebimus? *Papinianus Pater.* Uni sumus. Ut ingratum consilium sit, tamen, si uno ore ostendimus, quam sit necessarium ad pacem, utile ad tutelam, optabile ad gloriam, non ita brutus est Caracalla, ut non imperaturus sit tibi. *Maternianus.* Jam aliud imperavit. Mihi, ut, quo sis erga se animo, explorem, præcepit, priusquam ipse loquatur tibi. *Papinianus Pater.* Quo

finis.

firm animo, dubitat, post tot experimenta? *Maternianus*. Hodie
 experiri maxime cupit. Scit, apud Getam te posse omnia. *Papi-
 nianus*. Multa, fateor. *Maternianus*. Sperat igitur, nihil te
 omisurum operæ, qua efficias, ut pax, in quam coituri sunt
 fratres, stabiliatur perpetuo foedere, & non solubili. *Papinia-
 nus*. Fieri non potest, nisi approbetur divisio. *Maternianus*.
 Alia conditio est. Ut imperio se Geta sponte abdicet, desiderat
 frater. Hoc si fecerit amicum habet. . . Videris commotus esse.
 Quid est? Suadere hoc Getæ non audes? *Papinianus*. Cur Cara-
 calla non facit, - quod suatum vult Getæ? Ipse se abdicet: erit
 Pax. *Maternianus*. Licetne hoc responsum ad Cæsarem ferre?
Papinianus. Ipse feram. Sed Getæ hoc non suadebo. Moriens
 Severus utrumque Cæsarem dixit: utrumque meæ fidei com-
 mendavit. *Maternianus*. Uterque imperet! hoc studium pacis
 est? *Papinianus*. Geta se abdicet! hoc studium pacis est? Ma-
 terniane, nunc fervent dissidia, cum domo, mensa, aspectu di-
 visi sunt fratres: conjuncti concordēs erunt? Fratres ex gemina
 matre, contrariis ingeniis, diversis moribus, affectionibus nun-
 quam iisdem? Cinctus militibus Geta, a fratris insidiis vix vivit
 securus: nudo nihil timendum erit? Non verbum audacius, non
 gestus liberior, non delator rabula sufficiet, ut reus affectati
 rursus, quo se abdicasset, imperii fiat? Ipsum Getam quam
 facile poenitentia subibit potestatis depositæ? Et, cum amabi-
 lis sit, quam facile offensus a fratre, in partes populum trahet?
 Populus etiam Caracallæ per sese addictus parum, quam facile
 Getam vel invitum reponet in solio, & armabit in fratrem?
 Vides consilium nec Reipublicæ, nec Getæ, nec Caracallæ pro-
 ficuum fore. Amat Geta Collegam fratrem? Dominum ferre non
 vult, non debet, non prodest. *Papinianus Filius*. Mihi, Pater,
 hoc consilio novæ discordiæ occasio videtur queri. Si opponat
 se Geta, pro hoste erit. *Papinianus Pater*. Quid Julia? Probat,
 ut solus privignus imperet, filius privatus vivat? *Maternianus*.

Permittit concordiae causa. *Papinianus Pater.* Novum argumentum amoris incesti! Amice, scis, quid ingemiscam. Sed age, utrique Cæsari juravimus fidem, utrique hæreamus. Urgeamus consilium, non quod jucundius est Caracallæ, sed quod æquius, & utrique utile magis. *Maternianus.* At Geta ingreditur. Nuntio Imperatori.

SCENA TERTIA.

Personæ. Geta. Lætus Præfectus custod. corp. Uterque Papinianus. Serenus Cubicularius Geta. Helvius Prætor. Macrinus Dux militum.

Papinianus **A**H! Cæsar! pauculos tecum amicos video: cur
Pater. nudum adeo prostituis latus? *Geta.* Spe pacis lætus; nolui me suspectum de diffidentia facere. Fefellisti me Læte? in aulam, an in carcerem ducis? *Lætus.* In fratris cubile se contulit Mater: ipsa transigere cupit negotium pacis: ipsa invitatum te voluit: Matrem times? *Geta.* Matri fido. Quid igitur tu metuis. *Papinianus Pater.* Omnia. Dividendo imperio opponit se Mater: frater cessit: pax erit nulla. *Geta.* Ergo ut me ad meos recipiam, suades? *Papinianus Pater.* Si possis sine periculo, mallet, ut divisioni insistas, dum occasio favet. Amabilis facundia Filii forte in sententiam trahet matrem. Instabimus, ut in eandem & frater redeat. Quodsi pertinax resistat usque Julia, vos imperatis. Estis filii: honorate Matrem: sed etiam estis Patres Patriæ, quæ amanda præ Matre est. *Geta.* Aliud dubito. Si evicero, ut divisionem acceptet Mater, quis nostram illam tenebit sibi? Ego illam in Europa relinquam fratri, de quo scitis, quam non immerito incestum amorem suspicer? *Papinianus Pater.* In Asiam aufer Matrem: omne malum auferes. *Geta.* Frater non sinet: ipsa non ibit. *Papinianus Pater.*
 Non.

Nondum robustus, nondum impudens, adhuc timidus amor est, quo in privignum ardet Julia. Amorem amore vinces: filius loquere: Mater audit. *Geta*. Vix tolerabile tormentum est amanti-
bus, dividi. Timide spero. *Papinianus Pater*. Morbi tam tetri unica medicina est sectio. Persuadendi sunt ægri, ut admittant. Constanter urge, Princeps! metus est minor spe. Matris te gremium habet: asylum tenes. Cautelam tamen periculum suadet, ne cogi possis ad permittendum, quod te non decet. *Lætus*, Ibo, & militem ordinabo in quemvis eventum. *Geta*. Amo te Læte! Aurum ex ærario porrige quæstor, quantum postulat. Oculos militum facilius fascinabis, quam aures. *Papinianus Filius*. Quod imperas, factum puta. *Geta*. * Ego ingredior, ut tentem, quid possim. *Papinianus Pater*. Magno dedecori te, Fratrem, Matrem eripis, si fortiter agis. Pugnandum est & maternis blanditiis, & fraternæ ferociæ. Timendus uterque hostis animo timido, generoso neuter. *Geta*. Agam, quod me decet. Vos mihi sedulo invigilate.

SCENA QUARTA.

Personæ priores præter Getam.

Papinianus **S**trenue nos, Amici, extremis malis extremum ad-
Pater. hibeamus remedium. Sicut divisi sunt animis Cæsares, sic ut dividant imperium, unanimes urgeamus, ne feramus, ut Julia Imperatoribus imperet: si cessamus, prodimus Getam, & cogetur se abdicare imperio: nam jam hoc ausus est Caracalla optare. Silui apud Getam, ne exterritus absurda petitione, metueret consilio divisionis insistere. *Helvius*. Hem! quo assurget ambitio? Et occupatus adeo vehementi affectu Caracalla, credis, patienter nos audiet? Non est jam

R 3

capax

* Aperitur Aula.

capax consilii boni : concedi aliquid suis desideriiis, suis amoribus, suæ impatientiæ vult. *Papinianus Pater*. Et nos nempe hoc ex officio agimus, ut, quidquid ille vult, probemus? Ceddendum ad tempus furiosis affectibus est; sed non alenda hæc monstra sunt in Reipublicæ perniciem, quam ipsius Principis sequetur infamia, & publicum odium. Non istud decet Ministros bonos. *Serenus*. Consulere tamen, quod displiciturum prævideo, audacia est plena periculo. *Papinianus Pater*. Consulere tamen, quod placiturum prævideo, consultoris est de quolibet trivio. Viri fortis & prudentis est affectui male domito Principis sapienter occurrere, temperare calorem, affectu contrario imbuere animum, ut nihil decernat, nisi quod ratio probat, aut virtus comendat, & pietas. Nos timidi sumus, & credimus, Caracallam impatientem esse omnis consilii boni. Utut sæva sit indole, non furit semper. Est modus, est hora in consulendo servanda: audiemur, etiam cum dicemus ingrata, modo dum suademus pacem, ipsi concordēs simus. *Macrinus*. Jungamus nobis, quos ipse amat. Si Gajus, si Piso, si Lentulus accesserint nobis, sperabo conatum felicem fore. *Latus*. Viri prudentes sunt, Tentantur secure. *Helvius*. Tua apud illos valebit auctoritas. *Papinianus Pater*. Tentemus. Concordibus armis impetita discordia fratrum herbam Reipublicæ porriget. *Macrinus*. Spes bonas fortunent Dii! *Latus*. Ite faustis avibus. Filium, Papiniane, mihi cedes, ut pecunias numeret, quibus militem emam. *Papinianus Pater*. Ex officio Quæstoris aget. Læte, si efficias, ut divisionem imperii exercitus probet, victores sumus. Vide, quid possis. *Latus*. Nihil omittam. *Papinianus Filius*. Quanta summa est opus? *Latus*. Decem millia coronati cum spe plurium sufficiunt hodie. Eamus. *Papinianus Filius*. Venio,

SALTUS IN AULA.

ACTUS II.

SCENA PRIMA.

Personæ, Caracalla. Lætus. Maternianus.

Caracalla. Credo tibi. Neque enim ausus fuisset Geta sic se mihi opponere, & Matri simul, nisi fideret adhærentibus sibi. . . Materniane, apud Gajum conventus est: accede, & ne quis audeat Getæ consilia pertinaciter tueri, serio admo-
ne. Decretum est: solus regnabo. Hic erit discordiæ finis. Deinde excubias gemina: intrare nemini, nemini exire liceat, donec perfectum negotium sit, & se abdicaverit frater. In potestate est: cogi potest. *Maternianus.* Imperium exequor. . *Lætus.* Quam belle se & Getam Papinianus decepit, cum credidit, in divisionem imperii te serio consentire, serio de pace agere. Non alia, nisi hac fraude allici Geta potuit, ut se traderet tibi, imo ab ipso Papiniano traderetur. *Caracalla.* Ah Læte! quam male me habeo! Tumultuantes in se affectus discerpunt animum. Crucior! *Lætus.* Quid affligere potest? Matrem, Fratrem, Papinianum tenes: occasio favet: quid. . *Caracalla.* Mater, Frater, Papinianus terrent, ne utar, & Senatus, populus, miles præterea. *Lætus.* Quid est timendum? *Caracalla.* Omnia. *Lætus.* Nihil. *Caracalla.* Parricida, tyrannus dicar. Probrum feram? *Lætus.* Hodie hoc cogitas primum, quod toties contempsisti? *Caracalla.* Horror vicini sceleris gravius afficit. *Lætus.* Leonem intentum propinquæ prædæ obstrepentium anserum garritus non

non ferret. Loquantur homines, quod volunt, modo non audias. Quanquam quid tandem loquentur? Dic, insidias tibi a fratre factas esse: occupatum perfidum meritis poenas dedisse: quis audebit negare quidpiam? Facile est subditis verba dare, quibus factum defendas: nemo Cæsarem in quæstionem vocabit. Populus, quod cupis, credet: interest, quis rumor se prius diffundat. Militum venalis est anima: devinciri tibi pecunia possunt, quod ut ante dixi, perficiendum mihi negotium sumo. Ex Senatoribus, si qui improbent factum, rei Majestatis habentor. Sic te liberum facies. Quin & brevior via est ad vitam tranquillam. Papiniano ab amore justitiæ ingens apud Senatum, populum, & exercitum auctoritas est: tu cædem perage: Papinianus juste peractam esse, cogatur defendere: Senatus, populus, exercitus totus quiescet. *Caracalla*. A Papiniano impetrare hoc sperem? *Lætus*. Imperare potes. *Caracalla*. Ut probet Papinianus cædem innocentis? non obediet. *Lætus*. Innocentis? Adeone innocens tibi videtur Geta? Jamne oblitus es, quod dixi, quod pecunias a Quæstore imperaverit mihi, ut ei milites conciliem? Quod imperaverit te ignaro, velut jam solus regnaret? Quod obediaverit Quæstor, & obedire Papinianus non modo sit passus, sed laudaverit etiam? Vere, Princeps, ego non credo, securum te vitæ esse, dum vivit Geta. Milites, populus, Senatus vestrorum dissidiorum impatiens est: Geta præ te amatur: optatur Pax: medium facile est mors Caracallæ: vide, quid immineat. Nihil consulo mihi: tuum agitur bonum, felicitas, vita. *Caracalla*. Sed Julia obstat. Averfabitur parricidam, nec jam oculo dignatura. *Lætus*. Julia? nihil metue. Amat te. *Caracalla*. Amat, nunquam alias magis, quam hodie, sum expertus. Credidit serio agi de dividendo imperio: accurrit gemiscens: amplexu strinxit: oravit cum lacrymis, ut dividi se potius, quam imperium paterer, ne viva separaretur a me. Parum abfuit, Læte, ut pro filio me sponsum voca-

vocaret. Tremuit pectus istū valido, & cum tacito gemitu dixi
mecum: utinam Mater non esses! deinde voce clariore, &
blandum arridens: cessa lacrymas, inquam, non dividemur
Mater: amo te. Vidisses illico ficcari lacrymas ad hanc vocem,
& labia in risum duci. Amor, Læte, amor: sensi. Sed si Ge-
tam occido, quid? adhuc amabor? *Læte*. Nescio, an non
etiam magis. Absconditum nunc ignem alit dubia, ne fumus
offendat Getam: clam simile tuo non nunquam audiui suspi-
rium: utinam Caracalla sponsus esse pro filio posses? *Caracalla*.
Quid obstat vero, ut esse possim? *Læte*. Si velis, nihil, nisi
quod utique Geta opponeret se, si vivat. *Caracalla*. Utinam
moriatur! *Læte*. Nimis lentæ sunt Parcæ: frigesceat amor, si
expectas, dum ipsæ abscindant filium. Tu abrumpe. *Caracalla*.
Jus, æquitas, Dii prohibent! *Læte*. Ita, si interrogas, Papi-
nianus docebit. *Caracalla*. Certe. *Læte*. Gravis Auctor!. At
alii licere affirmant Regibus, quod libet. Cur non istis credas
potius, & æque sapientibus, & numero pluribus, & magis re-
verentibus tui? Jupiter in Coelo regnat: tu in terris es Deus:
hostis est, qui non adorat nutum. *Caracalla*. Jovem me crede-
rem, si non viderem parem. Hæc me ambitio torquet. Infelix
sum. *Læte*. Infelix! quis prohibet, si imperare vis solus? *Ca-
racalla*. Omnes pro tyranno horrebunt. Saltem si tegi aliqua
honesti specie posset facinus! *Læte*. Non tegi modo, sed esse
honestum potest. Jurgari incipe, venietis ad manus: Geta ca-
det: tu non modo facti veniam, sed & victoriæ gloriam feres. Ni-
mis hæc anxie, & ad scrupulum ponderas. Vis pro jure semper
magnis Cæsaribus fuit: in ipso Romulo, qui hujus imperii Fun-
dator fuit, exemplum habes. Sciebat leges subditis scriptas
esse, non Principibus. Quid ab ore unius Juris-Consulti pendes?
Num solus sapit? plures jube suffragium ferre: plurium vocem
audi: Papinianum tacere jube, si non vult loqui, quod tibi
placet. Nam quis Imperator est? *Caracalla*. Ipse indignor mihi,
Theat. Peliz. R. P. Neumayr. S quod

quod rumpere non aſſim vincula , quibus ligor. Quoties mortuus jam eſſet Geta , ſi opportune potuiſſet occidi ! nunc cum captus eſt , trepido. *Lætus*. Dedi conſilium. Jurgandi occaſionem ſi captas , in rixam incaleſcet audacia , ſequetur optata cædes. Favet hora , ut excutias onus , quo te Geta premit , & preſum videre Papinianus perpetuo cupit. Unius nece ſolus poteris imperio , quod ambis : poteris Julia , quam deperis : & deliberas , num velis felicem te reddere ? *Caracalla*. Deliberatum eſt. Morieris frater ! Læte , places. Poſteſt latere ſcelus ſub juris ſpecie. *Lætus*. Sed en ipſe Geta.

SCENA SECUNDA.

Perſonæ. Caracalla. Geta.

Caracalla. Solum cum ſolo ſine. Quid turbaris frater ? Num monſtrum ego videor funeſtum tibi. *Geta*. Fatebor , quod res eſt. Inventurum me in hoc loco Papinianum putabam , non Caracallam. *Caracalla*. Scio , nec ſine ſaſtidio ſcio , quantum ab illo Magiſtro pendeas. *Geta*. Magiſtrum non veneror : Miniſtrum amo fidelem ac providum. Amare moriens Pater juſſit : nec tibi ipſi , quod ſciam , alius Procerum huc uſque amatus eſt magis. An non meretur ? *Caracalla*. Merebatur , quamdiu æquali cura mihi ſerviebat , & tibi. Nunc in te pronior , neſcio , num non in meam perniciem conjuraverit tecum. *Geta*. Frater ! atrocem animo ſuſpicionem alis , aut fingis alere : ex quo ſum meritus ? *Caracalla*. Quid diſſimulas te ? Si nullius tibi fraudis es conſcius , frater , ecce illuxit dies , quam Dii fauſtam Reipublicæ per tuam virtutem cupiunt. Severus Pater , ut acciperet coronam , cogi debuit : magna gloria ! major eſt tua , ſi ſponte ponas , & vivere privatus malis , quam Imperator. Factum ſera poſteritas laude perpetua colet. *Geta*. Intelligo , in quos me caſ-

casses imprudens conjecerim. Matri fidebam miser : Mater me
 prodidit : vidi oculos rubentes fletu : audivi vocem supplicis ,
 depressa superbia : sensi , quam nihil sollicita mulier sit aut pro
 Geta , aut pro Republica , hoc unum metuens , ne a privigno
 divisa viveret : tantus jam invaluit amor , nescio , num hone-
 stus saltem. Heu !. deceptus sum ! sed hoc scito , frater , ad di-
 videndum imperium veni , non ad abdicandum : æquali jure
 impero tecum. Tu 'si abdicare te velis , cedo virtutis laudem :
 imperium non cedo. *Caracalla.* Imo cedes , velis nolis. *Geta.*
 Ah ! loquamur , ut fratres decet. Europam relinquo tibi , mihi
 exilium eligo , in Asia trans mare inter Barbaros acturus vitam :
 num patrum facio ? *Caracalla.* Aliquid. *Geta.* Plus nec poscat
 Julia , nec probeat Severus Pater. *Caracalla.* Severus est mortuus :
 nulla illi de viventibus cura. Julia , quid poscat , audisti ipse.
 Si reverentia Matris est , cur non obedis ? Obijcis amores , invi-
 de , & pro scelere audax computas : ita te livor dementat. Co-
 leres Matrem , ut ego solo , amaret amore pari. Sed teneo te.
 Vide , num lubens velis , quod velim. *Geta.* Quo prorsus ? Sic
 te decet loqui cum pari ? *Caracalla.* Ego impero. *Geta.* Num
 sine Geta ? *Caracalla.* Solus. *Geta.* Quo jure ? *Caracalla.* Volo.
 Intellexi vafritiem ambitionis tuæ , cui humeros Papinianus sup-
 posuit. Ut dividatur imperium , cupis , quo rapere totum pos-
 sis. Hoc animo facinus sedet. Potitus Asia , totam barbariem
 in Europam effundes , ut exsatures odia , quibus impetis imme-
 ritum fratrem. Abducere matrem statueras tecum , ne mihi
 obses remaneat datæ fidei , quam esses violaturus impune. Ex-
 ercitus adeo abstrahere in partes jam nunc moliris , perfide , ut
 nudus parricidio prostem. Nam quid sibi vult auri moles illa ,
 quam paulo ante , ignaro me , ex ærario raptam jussisti militi-
 bus dividi ? Quid conventus ille , qui hac ipsa hora apud Ga-
 jum habetur ? Papinianus huc se contulit , ut Proceres amicos
 mihi , conciliet tibi. Texuntur funes , parantur laquei , nec jam

imperium, nec vita adeo in tuto est. *Geta*. Multa congeffisti frater, quibus infontem obrueres: ad fingula respondebo. *Caracalla*. Uno solo responfo eft opus. Affectatæ tyrannidis reus es mihi, nifi imperio fponte te abdicas. Hoc fi facis, infontem te credam: hoc unum innocentie argumentum accepto. Si abnuis, videbis, quid poffim. Ipfe Papinianum huc adducam, ut habeas, quocum deliberes. Hæc optio eft, ut aut imperio cedas, aut vita.

SCENA TERTIA.

Geta folus.

NUM frater eft, qui loquitur? . Hem! quo adductus fum?. Quo verto me?. Prô! quis me ftupor tenuit, ut me inermem, & folum blandienti latroni crederem! . Infelix Mater! tu me decepifti! pacem quærebam, & necem invenio, necem cum parricidæ opprobrio, quod toties frater meruit, nunquam a me offenfus! . Stolide Geta! . Ut mentem adeo turbaftis Dii, quo tempori viderem periculum? . Ah! Papiniane, nunquam te audiffe poenituit: hodie poenitet. . Saltem fi effet fugæ locus! . Vana fpes! . Captivus fum. Amici! Amici! . Vah folitudo! . Desertus a meis faltem me ipfe non defero. Decretum eft, vita potius quam imperio cedere. Falleris tyranne, fi frangi minis poffe hoc pectus credis. Ut nudus præfidio meorum fim, adhuc ferrum ad latus pendet. Peribit, quisquis primus intulerit manum. Te teftor Severe Pater, inultus non ibo ad inferos,

SCE-

SCENA QUARTA.

Personæ. Geta. Papinianus.

Papinianus. Quid nudus chalybs, Auguste, micat? Cede temporis! Sapiens est, fortiter ferre malum, quod vitari non potest. *Geta.* Quid audio? Tunc etiam a fratre stabis? Me miserum! *Papinianus.* Imo nunc maxime tuus sum. *Geta.* Ut imperio me abdicem, tu suades? *Papinianus.* Furenti cedendum est. *Geta.* Sic te mutari posse? *Papinianus.* Mutare animum vir prudens debet, cum primum consilium evertunt Dii, & aliud necessitas imperat. Ad Gajum convenimus amici tui, hoc animo, ut addictos Caracallæ traheremus in divisionis sententiam. Momentum abiit, cum in cubile irruit furens Cæsar, & velut attonitus, quis furor est, inquit: video conjurari in nostrum caput! mox loco se movere cæteros vetat, & ad me versus: Papiniane, dixit, graviter suspecti estis. Tu effice, ut sine mora imperio se abdicet Geta, aut peribitis cum Geta omnes. Hæc prolocutus vertit tergum, & nullo expectato responso se propriiuit e conspectu. Scissimus in mora periculum esse. Cūcūri rogatum te, ut cedere furenti velis, & saltem simulare animum non omnino alienum a postulato, si spatium deliberandi frater concederet. Nihil certius iræ impetum, quam mora frangit. *Geta.* Mora non datur: actum est. Incautus opprimar? inultus cadam? Hoc absit. *Papinianus.* Saltem ad Matrem fuge, dum primus detumuit furor. *Geta.* Imo hinc expectabo tyrannum reducem. Ferro, si vir est, decidemus litem, quam jure non vult. *Papinianus.* Polluetis Regiam fraterno sanguine? Et tunc parem te fratri credis? Quo te abripit inconsulta temeritas?

SCENA QUINTA.

Personæ. Geta. Caracalla. Papinianus. Tribunus. Milites.

Caracalla. Adsum. Ferro decidamus litem! congregere! *Papinianus.* Héu! fuge Princeps! *Geta.* Tuere Getam, miles! *Papinianus.* Fuge, obsecro! *Caracalla.* Loco cede! *Papinianus.* Non nisi per istud pectus transfodies fratrem. *Tribunus.* Accurre miles! *Caracalla.* Nihil vobis est opus mihi. *Papinianus.* Per Severum obtestor, utrique communem Patrem! *Caracalla.* Provocatus sum. Obsistere cessa! aut! *Papinianus.* Victimam pro Geta cadam! *Caracalla.* Tenete hominem! *Papinianus.* Absistite! *Tribunus.* Persequere miles.

SCENA SEXTA.

Personæ. Caracalla. Lætus. Maternianus. Tribunus. Milites.

Lætus. Quem persequitur Cæsar, Tribune? *Tribunus.* Fratrem puto. *Lætus.* Hem! cadet Geta. Hoc erat, quod diu prævideram: sic finientur discordiæ. Tumultum faciet populus. Nostrum est, tenere jam fidem, & Caracallam transferre ad castra, priusquam decæde rumor in urbem fusus plebejam rabiem in Cæsarem concitet. Securitas Caracallæ præstanda, ne dies una utrumque rapiat. *Tribunus.* Exspecto imperium. *Maternianus.* Heu! periit Geta, Læte! *Tribunus.* Miseret me boni Principis! *Lætus.* Miseret! sed abstinete lamentis, obsecro. Pro hoste erit Caracallæ, si quis defleat mortem Getae. *Maternianus.* Tamen horridum factum est. Assecutus fugientem percussit in ipso limine, cum ad Juliam se recepturus clamaret: juva Mater! occidor! adjuva! has inter voces confossus corruit, & in ipsum accurrentis Matris gremium animam effudit

effudit cum sanguine. Ego clamore consternatus ut adpropinquavi, vidi Caracallam jurgantem cum Julia, & lugere prohibentem de morte filii plures jam mortes meriti. *Caracalla.* Jacet hostis! Amici plaudite! *Lætus.* Triumphate Cæsar! jam erit pax! *Caracalla.* Cadendum alterutri fuit. Provocatus vici! Diis grates! *Omnes.* Diis grates! Vive Cæsar, & impera felix! *Lætus.* Sed tutus, Princeps, in aula non es, non omnes oderunt Geta. In castra te confer, ut inde in urbem rediens militari præsidio formidabilis secure triumphum agas de fratre perfido. *Caracalla.* Recte mones. Amicos habuit Geta, & socios sceleris, quod meditatus est. Instituenda est quæstio. Senatores de imperio monebis, Læte: Judex erit Papinianus: experiar fidem viri. Tu solare Juliam: celeriter ipse sequar. Ducite me. *Tribunus.* Vive Cæsar, & impera felix!



CHORUS I.

Themis recusat Jovis postulata probare. Jupiter ejus templum incendit, & ipsam honore privat, quo inter homines colebatur. **

Personæ. Jupiter. Themis. Venus. Cupido. Mercurius.
Chorus Deorum.

Mercurius. **A**H! Dea tibi Consule!
 Jupiter impune non spernitur:
 Poenitebit pertinaciæ.

ARIA.

* Clauditur. ** Theatrum est sylva. Interius templum Themidis primo clausum, tum apertum.

A R I A.

CEde Jovi, cede Dea:
 Bonum est, quod suadeo.
 Non tractatur causa mea:
 Tibi Dea servio.
 Jovis preces sunt armatæ,
 Cum vult, potest cogere:
 Orat: sed cum majestate,
 Quam non licet spernere.

Themis. Verba perdis nihil proficua.
 Quod dixi, dixi:
 Non possum excusare, quod accusat justitia.

Mercurius. Audisti tonitru!
 En ipse descendit, nec jam in habitu supplicis,
 Sed cum Majestate Judicis.

Venus. Themis, rea diceris multorum criminum:
 Citaris ad judicium!

C H O R U S.

Ad judicium! ad judicium!

Themis. Cujus sceleris rea sum?
Cupido. Læsæ Majestatis Deorum prope omnium.
 Jupiter optime, maxime,
 Tuum est tibi, & nobis consulere,

A R I A.

- * Descendit Jupiter cum Diis superis per nubes dispersis.
- ** Prodit Cupido ex sede Jovis, quæ primum clausa, nunc se aperit.

A R I A.

HOc, hoc est scelus Themidis,
 Quod vulgi nos ludibriis
 Exponat, & disteriis
 Proscindi patiatur!
 Quid tandem erunt Numina,
 Quam nuda, foeda nomina,
 Si non hæc impudentia
 Mulieris plectatur? . .
 Plectatur!.

2.

Mars latro est mortalibus:
 Fur dicitur Mercurius:
 Quis ferat hoc? nequissimus
 Sim ego puerorum.
 Stultorum Bacchum Principem,
 Et Moecham vocant Venerem:
 Tu, Pater, tu (quid memorem?)
 Es Dux adulterorum.*

Themis. Intelligo: facitis causam communem:
 O nobilem artem!

Jupiter. Audiamus & alteram partem,

Themis. Erratis, o Dii, erratis!
 Rifui per me non prostatis:
 Ipsi vos prostituistis,
 Cum scelera tam infamia commisistis.

* Dividuntur nubes, & Jupiter se ostendit.

Theat. Polist. R. P. Neumayr.

T

ARI-

ARIETTA.

In homine damnatis,
 Et ultima supplicia
 Decernitis in crimina,
 Quæ ipsi perpetratis :
 O sancta Numinat.
 Si possunt excusari,
 Cur plectitis in aliis ?
 Si non, cur ipsi facitis ?
 Quis vetet imitari,
 Quod fit a Superis ?

Cupido. Audis, Pater, vides insultantem : & parcas ?
Jupiter. Parco, & parcam Themidi,
 Si probet, quod probant Dii cæteri.

D U E T T O.

Jupiter. Exemplis te sine doceri :
 Tonantem te decet vereri :
Themis. Sum Themis : non possum moveri,
 Ut scelera velim tueri :
Jupiter. Non colis nostra Numina ?
Themis. Non colo vestra vitia :
Jupiter. Jupiter sum !
Themis. Themis sum.
Jupiter. Ergo coite atra nubila ! ruite fulmina !
Cupido. Arbor, quæ flecti non potest, frangatur.
Mercurius. Subsidat in cineres templum impie Deæ ! incendatur !
 Nulla posthac Themis colatur.
Jupiter. Incendatur ! *

CHO.

* Dii disparent lente. Fit tempestas. Fulmen. Incendium templi.

CHORUS DEORUM.

Terra treme !
Coelum freme !
Fulmina ruite !
Themidem sternite !

Firma , o Pater , sententia stet !
Poenas audaciæ impia det !

Themis. Bene est ! in cineres subsidant altaria ,
Illustrior micat Gloria.
Themidem pati pro Themide ,
Fatum est optabile.
Libens exulo : vale Thessalia ! . .
Sed vos improvida Numina :
Intelligetis ex mea absentia ,
Quantum vestro imperio sit Themis necessaria.
Senties Jupiter , quis tibi debeat esse potior ,
Syncerus admonitor , an putidus adulator !


A R I A.

Qui laudat , quod laudandum ,
Qui damnat , quod damnandum ,
Qui scapham scapham nominat ,
Hic causam tuam protegat :

Hic amat te

Qui , quidquid probas , probat
Et , quidquid damnas , damnat :
Sacravit linguam tibi :
Cor autem Servat sibi :

Non amat te ,
Sed quærit se.



ACTUS III.

* SCENA PRIMA.

Personæ. Caracalla. Maternianus. Milites.

Caracalla. **E**At in ordines miles, & in sua quisque statione pervigilet. Accede Materniane, narra, quid agit Julia? *Maternianus.* Luxit: sed ad imperium terfit lacrymas. Filii conspersam sanguine flevisse decuit, si tegere voluit gaudium, quod attulit spes ex morte Getæ concepta. Loqui cupit. *Caracalla.* Venio. Tu interim quæstioni assiste, quam de amicis Getæ Papiniano præcepi. Attende, num sedulo omnia, num recte fiant. *Maternianus.* Auguste, quid crabrones moves? irritas multos, & in te concitas. Ceciderunt cum Geta animi affecti Getæ: nemo movebit se, nisi motus. Superfedere nos quæstione crudeli jube. *Caracalla.* Quid ita? Tunc etiam Getam tueris? *Maternianus.* Non defendo. Sed jam solus imperas; tua est Julia: Quid petis amplius? *Caracalla.* Imperium, vitam Geta perdidit: famam non perdidit. Creditur innocens occisus esse: hoc mihi nocet. *Maternianus.* Si cadant amici Getæ, quid istud proderit? non oberit etiam? nunc præcipue, cum formam imperii novam capis? *Caracalla.* Imo nunc nihil est mihi necessarium magis. Sic purgabor. Merito cæsus Geta videbitur, si publico judicio damnentur amici Getæ. *Maternianus.* Si esse Judex Papinianus recusat? *Caracalla.* Se ipsum damnat. Quid disputas? Ita fieri volo, impero. Non quiescis? Obediendum est. Me Julia vocat.

SCE

* Aperitur aula. Adest Imperator cinctus milite, qui in stationes dividitur.

SCENA SECUNDA.

Personæ. Maternianus. Papinianus.

Maternianus. Incipit effrænis currere: curret in omne nefas. Nec jam Papinianum audiet, quem pro oraculo coluit. Ipse intrat. Ah! *Papinianus.* Quid ingemiscis Materniane? Intelligis, credo, quam suaserim bene, ut concordibus studiis, & communi opera urgeamus divisionem imperii. En fructum imbellis timoris. Scelus infandum, quale jam quartum exhorret Roma! in qua barbarie vivimus? Hæc vestra peccata sunt canes muti, quibus lingere ulcera voluptas est, nulla cura sanare. *Maternianus.* Parcius ista. Factum infectum non facies, Papiniane! quid te fatigas? Quæ futura sunt, ne fiant, obstare potes. Sic laboras utiliter. *Papinianus.* Quid laboro utiliter, si solus laboro? Juvate me! aut saltem, quod ædifico, non destruite: lætus sum. In quæ tempora servastis me Dii! jam defendere etiam scelus pro jure jubeor, de amicis Getæ quæstionem facere, habere pro reis, damnare omnes, quotquot mortuum lugent! O sancta jura! *Maternianus.* Fratris necem agitalle animo Geta dicitur: inferre pronum est, communicasse cum aliis. *Papinianus.* Dicitur! si dici sufficit, quis erit innocens? Sed quid momentum perdo? ibo ad Cæsarem, & quod nemo loquitur, ego loquar, si vel capite luam. Intelliget, si sapit, unum saltem ex Ministris se habere, qui officium faciat. *Maternianus.* Non invenies modo: nam apud Juliam est. *Papinianus.* Hoc est: proxime laudabitis incestum etiam! *Maternianus.* Timeo, ne cogamur. *Papinianus.* Vir fortis mori potest: ut scelus laudet, cogi non potest. *Maternianus.* Quid igitur? Non habebis quæstionem de amicis Getæ? *Papinianus.* Habebo, si jubet. Sed in gratiam Cæsaris nullum damnabo. Quodsi,

ut video, æquitas postulabit, ut innocentes pronuntiem, ipse viderit, quid ex hoc judicio pro se possit sperare. Docere Principem ante cupio, quod causam Getæ judicare aliud nihil sit, quam damnare Caracallam. *Maternianus*, Vis, ut te adesse moneam? *Papinianus*, Mone.

SCENA TERTIA.

Personæ. Papinianus uterque.

Papinianus junior. **H**Eu! Pater! quod triste spectaculum vidi! Cadaver Getæ amici curant, & lavant lacrymis palmarum vulnere hians pectus. Prò! ut me iste aspectus conterruit ingressum aulam, & nova lætiora audire certum. Ergo helluatus est demum furor in fratris sanguine, quem sitivit tamdiu? *Papinianus senior.* Geta occubuit: cessa gemitus, qui nihil profuit. In futuros te casus arma. Pecunias ex ærario datas militi in Getæ gratiam aut scit, aut sciet Cæsar: quomodo te defendes miser? *Papinianus junior.* Jubente Geta dedi, exigente periculo, optima mente, pro Geta quidem, sed non contra Caracallam. *Papinianus senior.* Dedisti. Si quæritur titulus, ut pro scelesto possis damnari, iste sufficit. Tu, gaude, si sine scelere non possis. Damnari malum non est: merito damnari, est malum, quod oportet horrere.

SCENA QUARTA.

Personæ. Papinianus uterque. Macrinus. Helvius. Serenus. Maternianus.

Macrinus. **P**Apiniane, nondum detumuit tyranni furor, etiam in mortuum sævit. Quid audimus? Tu Patronus Caracallæ, tu Judex amicorum Getæ esse juberis? *Papinianus senior.*

senior. Suscipio vestram, & Getæ causam: forti animo este! aut vincam, aut moriar. *Helvius.* Captivus sumus. Exire aula prohibet circum undique fusus miles. Amasse Getam si crimen est, absolvisti iudicium, Papiniane, habes fatentes reos: sententiam profer. *Serenus.* Quanquam contra te ipsum proferes: nam & tu amasti Getam. Sed fac, ut sciamus, quid immineat mali. *Maternianus.* Audire te Cæsar cupit. Intrare licet. *Papinianus senior.* Benevolum Auditorem habebo? *Maternianus.* Tranquillus est. Julia pacavit animam prompto obsequio, filii cædem probans. Idem a te, idem a vobis expetit in novi homagii vicem. *Papinianus senior.* A me non impetrat. Exemplum sceminæ nihil moveat viros. Vel ex hoc capite improbandum est facinus, quia Julia probat. Ibo, ibo, & loquar Cæsari, quæ loqui me decet, & ipsum audire juvat.

SCENA QUINTA.

Personæ. Papinianus junior. Macrinus. Helvius. Serenus. Lætus.

Serenus. **T**Repido expectatione eventus futuri. *Helvius.* Quid tu affers Læte? Vultus fiduciam prodit. *Lætus.* Licetne loqui audacter? *Macrinus.* Amicos vides, cum quibus in eadem es navi jamjam passura naufragium, nisi consilio quodam possis detorquere a scopulis. *Lætus.* Gubernabo, si panditis vela, & remos intenditis. Heu quantorum sanguinem hic dies fundet, nisi celeriter occurrimus malo! *Papinianus junior.* Quid suspendis trepidantes animos? *Lætus.* Non credit Caracalla, me a partibus Getæ stare. Itaque confidens mihi Senatū convocare me iussit, priusquam abiret in castra. Inde redux, ingressus curiam cum omni milite, primum truci vultu, & minacibus oculis attonuit Patres: tum; occidi fratrem, dixit:

xit! atrox videri facinus potest, illis scilicet, qui ignorant, quam non fraterno Geta erga me animo fuerit. Sæpe insidiis, sæpe beneficiis impetiit vitam: postremo provocavit ad pugnam: comparui! vici! jam regno solus. Vos Diis gratias agite, quod alterum vobis Principem servaverint, quem si amatis, contra amicos Getæ defendite. Sunt, qui ulcisci perfidum volent. Quæstio habeatur: quotquot mortuum deslent, rei sint. *Omnes.* Atrox sententia! *Serenus.* Et quid Patres? *Lætus.* Quid facerent circumfusi armatis? & credere, quæ dicebantur, & quod jubebantur, probare se, uno annutu monstrabant. *Helvius.* Ipse adeo Papinianus? *Lætus.* Væ parenti tuo! Advertit Caracalla ipsum in Senatu deesse, quem præ ceteris cupiebat videre. Ad me conversus, ecur, aiebat, Papinianus non adest? Adduxi humeros. Ille commorsis labris frendens ingressus est Regiam. Ire in stationes jussus miles expectat in horas imperium, Papiniano, vobis, mihi fatale, nisi cavemus. Nec enim latere possumus, Papiniane, quod Getæ nomine pecunias tu mihi dederis, ego acceperim. *Papinianus junior.* Hoc idem monuit Pater. Sed quid agamus? *Lætus.* Loqui secure licet? *Helvius.* Quid ambigis? uno animo sumus. *Lætus.* Præcipitetur in foveam Caracalla, quam nobis fodit. . . Quid stupetis? An, num fieri deceat, dubitatis, an num possit? *Serenus.* Deijci solio quin mereatur, quis dubitet? Tyrannus est. *Macrinus.* & tyrannidem, nisi obsistimus, exercebit in nos. *Papinianus junior.* Exercebit in Patrem meum. Læte, si facinus meditaris, quod laudet Roma, socius sum. *Lætus.* Juvat ulcisci Getam, & nobis cavere. Modus in promptu est. Addicitis fidem? *Omnes.* Et manus. *Lætus.* Bene est. In stationes, ut dixi, dispositus miles est, & ipse amans Getæ, ac miseram vicem dolens. Vindicabit si habeat ducem. Vestra nomina si conceditis insusurrare auribus, milites vestri sunt omnes: periit Caracalla. *Papinianus junior.* Amor & timor assensum suadent. Amici! exequamur

con-

consilium! *Helvius*. Factum populus, exercitus, Senatus laudabit: accedo sententiæ. *Macrinus*. Idem est animus. *Serenus*. Et mihi. *Latus*. Jurate. Quod igitur Dii bene vertant, & piis Manibus optimi Getae jucundum accidat, Caracallam inferias dabimus. Peribit! *Omnes*. Peribit! *Latus*. Et si quis nostrum (quod averruncet Superi!) communem causam proditor deserat, eum fulminator Jupiter trifulcis ignibus perimat! *Omnes*. Perimat! *Latus*. Jam dum calet, cudamus ferrum! propero adducere militem vobis. Hic subsistite. Irruemus in cubile deinceps, oppressum securum, ut cadat, ubi cecidit Geta, suoque similiter sanguine contamineat Juliam. *Helvius*. Si renuat accedere miles? *Latus*. Inanis est metus. Ostentabo pecunias, quas dedisti. Servient in bonum mortui, quas vivo maluissem impendere.

SCENA SEXTA.

Personae priores excepto Lato.

Papinianus junior. **A** Ge celeriter. Amici, magno malo liberam hodie Reipublicam facimus, Caracalla sublato. Cumulemus beneficium, & Principi pessimo optimum substituiamus. Cui fertis suffragium? *Helvius*. Ego in Principe prudentiam exigo: nihil agat ex impetu: nihil sine consilio: ita populi felices erunt. *Macrinus*. Ego fortitudinem magis requiro. Qui aut timores horret, aut timet pericula, consultando, se, & subditos perdit, quia nihil exequitur. *Serenus*. Ego temperantem præcipue cupio. Ad rationem vivat, qui regnat, non ad libidinem. Quod est miserius regnum, quam cui præest is, qui subditis imperat omnia, sibi nihil? *Papinianus junior*. Ego justitiam maxime laudo. Prudentem Principem venerantur subiecti, fortiter confident, temperantem mirantur: Sed justum ad-

Theat. Polit. R. P. Neumayr. U rant,

rant, timent, & amant. Quanquam si Imperatorem quæritis, in quo sint omnia, parentem eligite. Quod si suspectum est suffragium filii, ipsi decernite, quis est Papiniano prudentior, quis fortior, quis temperantior, quis justus magis? *Helvius*. Nihil irascor voto: dignissimum nominasti. Et si Plato felicissimum Regnum pronunciat, cui præest Philosophus, quam beata erit Roma, si Papinianum præficiat! *Macrinus*. Nec mihi occurrit dignior. Testimonium virtutis amor præbet, quem sibi ab infimis æque ac summis Papinianus promeruit. *Serenus*. Quantis acclamationibus proclamationem excipiet populus! Probo sensus vestros. Hæc Patrem Cæsarem. Tollatur in clypeos: vivat, imperet Papinianus! pereat Caracalla! *Omnes*. Imperet Papinianus! pereat Caracalla! consilia secudent Dii.

SCENA SEPTIMA.

Accedunt Caracalla, Papinianus senior, Tribunus, Milites, Maternianus.

Caracalla. **M**ODESTIUS, rebelles, modestius, ne Imperator vos audiat! Invade perfidos miles! *Omnes*. Vah infortunium! *Papinianus senior*. Vah! improvidos! Hem! quo vos abripuit insanus timor? Et tu, fili mi! *Caracalla*. Vive, impera Papiniane! pereat Caracalla! i, tuere, defende clientes tuos. *Papinianus senior*. Ah! ut infelix sum Pater! *Caracalla*. Scelestum voca. Nam ut ausus sit filius cogitare immane facinus, ignaro patre? *Papinianus junior*. Auguste, nihil pro me deprecor: suppliciis ultimis devotus sum! Sed Patri parce! solus sum reus: ignarus omnium, quæ feci, Pater, *Papinianus senior*. Imo quod tantum probrum genuerim, sum reus satis. *Omnes*. Nos rei sumus: innocens Papinianus. *Caracalla*. Abstrahite Tormentis quærat veritas. *Omnes*. Nos rei sumus! *Papinianus*

Dus est innocens. *Caracalla.* Materniane, tu Papinianum custodij. Tempus, quo deliberes habes. In quo articulo rerum tuarum deprehensus sis, vides. Si Getam damnas, absolvis te. Sin, jam ne hoc quidem habebis solatium, quod innocens moriaris. *Papinianus senior,* Se ipsum solatur animus bene conscius sibi.

S C E N A O C T A V A.

Persona. Caracalla. Letus.

Letus. **N**On belle instruxi fabulam, Cæsar, ut intelligeres, quo in te animo sint amici Getæ? Vix classicum cecini: jam illi strictis ensibus in te emicuerunt. Credere tu narranti potuisses? Sed quod auribus hausisti, vidisti oculis. *Caracalla.* Graviores metuo. *Letus.* Urgenda sunt coepta, donec nemo supersit, qui metui possit. Miles omnis est tuus: irruere nos in eos jube, qui desint Getam: clade aliqua exterrendus est populus, ut credat, immane facinus tentasse Getam, quod vindicta tam horrida expiet. Atque quo celerius exequi sententiam tibi utilem jubes, hoc efficacius remedium est. Quos duci ad tormenta jussisti, plestantur cito: alius quisquis gemit de Geta, quisquis murmurat, luat Capite: ita facies fidem, merito occisum esse. *Caracalla.* Si porro probare factum Papinianus recuset, quis justum credet? *Letus.* Necari & ipse potest: imo jam debet, si velis vivere. Animo obstinatus est, reum filium videt, Imperatorem se audivit prope jam proclamatum, & nihil animo agitet adversum te? Timendus est ille vir, nunc maxime, cum in filio debet offendi. *Caracalla.* Cogitabo. In tua fide, Læte, reposita est mea salus. Turbis provide, & si est opus, mone tempori! me vocat Julia. *Letus.* Securus frui.



SALUTUS.

ACTUS IV.

SCENA PRIMA.*

Papinianus senior. Maternianus. Milites.

Maternianus. **H**ic te audiet Cæsar. Prodibit continuo. Sece-
de miles. Sed tu pone tandem, si amicum au-
dis, illam tuam Philosophicam severitatem, & memento te Do-
mino loqui. *Papinianus senior.* Num in reverentiam tibi peccare
videor, si libere loquar? *Maternianus.* In prudentiam certe.
Nam si resistis porro postulatis, quid sperare per hanc audaciam
possis? *Papinianus senior.* Si non efficio, ut minus audacter pec-
cet, saltem ego non pecco. Aut num defendere scelus aliud
videtur tibi, quam committere? Si Caracallam incitassem ad
inferendam fratri necem, scelestus viderer etiam tibi: nunc si
probo factum, si laudo, quid facio minus? Quo nos abjici-
mus? Fidem juravi Cæsari: num ideo conscientiam tradidi? .
Cæsarem hoc offert, quod imperet. Sed consideret, quibus im-
peret. Stolidis, barbaris, impiis si imperat, imperet, quæ vult.
Si viris, honestis, imperet honesta: obediemus. *Materniane*,
omen est bonum, quod me Cæsar ad alloquium vocet: & ve-
nio præparatus. Forte vexatio, quæ turbat aulam, dat in-
tellectum, ut capiat, quam bene ipsi Papinianus velit. *Mater-
nianus.* En ipse.

* Theatrum exhibet Castra.

SCENA SECUNDA.

Personæ. Papinianus senior. Caracalla. Maternianus.

Papinianus senior. Quid sibi vult, Auguste, hic occurfus graciosus, hic aspectus solito blandior? num sperare possum, mutata mente, agnovisse te demum, fieri non posse, ut Papinianus excuset, quod accusat natura, quod damnant Dii? An timere debeo, ne insidieris constantiæ, filio usurus pro ariete, quo Patris pectus evertas? Obsecro, ne diu suspensum me teneas: scire oportet, utrum Domino loquar, an tyranno? *Caracalla.* Audacter & temerarie agis ex more tuo, in ferocia complacens tibi, quam elegante vocabulo libertatem appellas, aut etiam fortitudinem. Sed dandum aliquid morituro est: frueri licentia, quam concedo brevem, & ultimam, nisi pertinaciam ponas, & obedias imperanti. Audi tranquille, quæ dicam; intelliges, opinor, merito imperare. Utinam sapientius ordinasset imperium moriens Pater, & quod suaseras tu, Orientem uni, Occidentem alteri filiorum tradidisset regendum; nunc cum orbi toti utrumque cum æquali potestate præposuit, quid fecit aliud, quam ut jam ante discordes in mutuam perniciem concitaret? Geta majorem nolebat ferre, ego æqualem non poteram. Accessit ab indole stimulus, accessit a suspicionibus, a dissidiis, a susurronibus: neque hodie primum periisset Geta, si se obtulisset alias occasio opportuna magis. Quanquam & hodie exhorruī scelus: neque me obstrinxissem, opinor, nisi refugientem animasset Lætus, ut utar occasione non facile reditura, hortatus. *Papinianus.* Præ! quid audiō? Lætus hortatus est, Auguste, quo ego vix alium Getæ amicio rem putavi? *Caracalla.* Ita Lætus, qui & filium tuum cum sociis induxit mendacio, ut, quod vidisti, adversum me conjurarent. *Papinianus.* Vah! perfidiam! *Caracalla.* Sed ille mihi, cum minime pu-

tabit, poenas suorum scelerum satis acerbis dabit. Jam te, Papiniane, quid agere necessitas postulet, considera. Occisus est Geta: quid faciam? Poenitet! sed ille non ideo reviviscit. Amavit Getam populus: cum innotuerit, cæsum per injuriam esse, tumultus fiet, & incalcescet seditio vix nisi multorum sanguine restinguenda. Moriendum omnibus erit, quotquot vivunt amici Getæ: nec enim meæ me vitæ aliter securum puto. His tu occurrere malis tantis potes facile, si prodicens ad concionem Getam merito occisum doceas, quod id & mea, & Reipublicæ exigeret salus. Sciunt omnes, quam Getam amaveris: sciunt, quam ames justitiam: itaque quin sint vera, quæ dicēs, dubitabit nemo: omnes damnabunt Getam, omnes se mihi inclinabunt: Caracalla tranquillum imperium, Respublica pacem, plurimi vitam debebunt tibi. *Papinianus*. Ah Cæsar! si ego filium meum defenderem: si merito & recte contra te conjurasse assererem, quibus me oculis aspiceres? quo animo audires? Tamen hoc affirmo: minus in te filius meus peccavit, quam contra Getam peccasti tu: & te vis defendi? Cessa, obsecro! quod vis, impera: promptum ad omnia Papinianum habes. Sed scelus imperanti obedire non possum. Sedandorum tumultum aliud remedium est. Intelligat populus, quod te facti poeniteat. Intelliget vero, si facti auctorem Lætum digno supplicio eneces. Sic placabis furentes: sic demonstrabis, te Principem esse, qui ut errare, sic erroris concipere poenitentiam possit: sic ostendes, quam Proceres male consulant sibi, dum tibi consulunt malum. *Caracalla*. Bene est: non consulis male. Et vide, quantum tuæ virtuti deferam. Judicem te Læti constituo, & Judicem tui filii. Uterque reus est: si tantus est amor æquitatis, quantum prætefers, amborum causam examinabis ad leges: & ego, quam de utroque feres sententiam, ea stabo. *Papinianus*. Judex sim, Domine, cum ipse tibi videar de ambitu reus? *Caracalla*. Innocentem te scio: absolvo. *Papinianus*

nius. Reus unus inimicus est, alter filius: & Judex sim! *Caracalla.* Judicabis. Quid disputas? num iterum scelus impetro? *Papinianus.* Haud scelus quidem, sed rem difficilem Patri, *Caracalla.* Amorem filii amor justitiæ vincet, si es fidelis. Causam indaga sedulo! priusquam sol occidat, dicenda sententia est, & executioni mandanda. Filium primum cum sociis ad examen citabis: Lætum postea Maternianus adducet. *Papinianus.* Obedio.

SCENA TERTIA.

Personæ. Caracalla. Maternianus.

Maternianus. Quam gaudeo, Cæsar, te placidum Papiniano videre. Viri tanti mors quam multorum odia concitaret tibi! quæ pericula acciret! *Caracalla.* Video; hinc titulum quero, ex quo juste possit damnari. *Maternianus.* Prô! quid audio? *Caracalla.* Judicem constitui, ut fiat reus. Absolvit filium: favet hosti Cæsar: damnat Lætum: damnat amicum Cæsar. Judices, a quibus de judicio aut per odium, aut per amorem perverso judicetur, inveniam facile. Liberare me volo ab homine audace, & obstinato. *Maternianus.* Decretum est igitur. . . *Caracalla.* Decretum. Hodie morietur. *Maternianus.* Ecquid te movet ad facinus adeo horridum? *Caracalla.* Libertas, securitas, majestas. *Maternianus.* Non, non facies: fieri non potest, ut vel mente designes tam atrox facinus. *Caracalla.* Quid nî? *Maternianus.* Superi! num perpendisti adeo, quem virum destines neci? Quid de te sentiet orbis? *Caracalla.* Quid? num semper ero Ministri servus? & Imperator cum sim, nihil licebit agere, nisi quod ipse probet? *Maternianus.* Ille vero nihil probat, nisi quod prodest. Memento Severi Patris, quam te anxie commendaverit Papiniano: neque credidit, fieri posse,

ut

ut felix imperes, nisi ex consilio hujus viri imperes, quem ad hæc tempora servarunt Dii, ut sua prudentia collabens sustentet imperium. Cogita, quantum ipsi debeas. Vel maxime placere tunc debet, cum loquitur, quod displicet tibi. Hinc enim, quod te amet, manifestat, incurius sui. Libertas, securitas, majestas tua ab ipso fulcientur. Nunquam major eris populis, quam cum ad latus proxime assidere vident Ministrum in administranda justitia & peritum & sedulum: nunquam securius imperas; quam cum nemo habet, quod queratur contra vicarios præsidēs: nunquam præcipies liberius, quam cum populi credent, præcepisse te ex Papiniani consilio. Quam felices fuissent alii Cæsares, si Ministrum ejusmodi aut habuissent, aut audissent! Neronem totus orbis & amavit, & timuit, quamdiu cohibuit Senecam. Cum Senecam sustulit (quod mihi facinus atrocius videtur, quam quo sustulit Agrippinam) cum Senecam sustulit, timere debuit omnes, a nemine amabatur. Te ipsum, Auguste, quanta subibit poenitentia, cum, quantus fuerit Papinianus, ex aestura advertes. Si Principes Dii essent, immortales facere tales Ministros deberent, quales utique non omne sæculum tulit. Ah! quam ille tibi affectus est pessime, quam nihil tuæ gloriæ, nihil salutis studiosus, qui te in Papinianum irritavit! & nempe Lætus, Lætus incitavit te ad necem fratri inferendam; quis alius in Papinianum accenderit? & quis est ille Lætus? quando unquam aliquid salubre suavit? Affectui se tuo accommodat, ut placeat, in omnes formas mutabilis Proteus. Huic ego regendum me traderem, si Rector essem? *Caracalla.* Versas me, & turbas animum. Delibero, quid agam. Adhuc tamen funus nobile ista videbit dies, nec sine pompa, aut Papinianus cadet, aut Lætus: alterutrum fata postulant, & meæ res. Paretur ferale pegma, liçtores, enses, venena in promptu sint. *Impero. Maternianus.* Obsequor. Dii faciant, ut dira sententia meritum Caput feriat!

SCENA

SCENA QUARTA.

Personæ. Caracalla. Lætus.


Lætus. Domine, rumor de nece Getæ in urbem sparsus turbas concitat: audiui murmura, diseria, minas: conventus fiunt: nisi nos opponimus initis, erit seditio: Majestatis periculum subis. *Caracalla.* Credo. Quis modus pacandi est male contentos? *Lætus.* Vis, & ars. Si Papinianus de jure facti pro concione populum doceat, acquiescet. *Caracalla.* Non impetro. *Lætus.* Ergo irruendum in obvios, & quisquis vel nomen Getæ cum affectu usurpat, necandus est. Hic terror suffocat impetum recentis audaciæ. *Caracalla.* Consilium atrox! *Lætus.* Sed necessarium. Huc te Papiniani obstinatio adigit. Ego si Cæsar essem, næ ille mihi pertinaciam capite lueret! Qui tibi contradicere, Cæsar, non timet, quid timet denique? *Caracalla.* Nihil habet, quod timeat, qui recte agit. *Lætus.* Nondum prohibuit nuptias etiam, quas cum matre agitas? Nam ad tribunal suum jam citavit amores tuos ille Rhadamantus: nondum damnavit? *Caracalla.* Quid? ausus est carpere? *Lætus.* Palam. Phædræ comparat Juliā: de te ait, optare se, ut Hypolytus sis. *Caracalla.* Quid optat? clarius loquere. *Lætus.* Ut Hypolytus sis, qui novercæ suæ blanditias crudo contemptu derisit, meritis propterea, ut devoraretur a Phocis. Et addidit. . . *Caracalla.* Quid? *Lætus.* Se ex hac maxime causa suafisse, & urfisse divisionem imperii, ut te a matre divideret. Vides, quantum sibi arroget juris in te. *Caracalla.* At ego dubito, Læte, uter mihi pejus affectus sit Papinianus, an tu. *Lætus.* De me suspicaris hoc malum, Auguste? Quando improbavi aliquid, quod tibi placebat? Cupiebas fratrem in potestatem venire: adduxi. Ut Julia mentem suam de te ducendo clarius aperiret, efficere: effeci! Quo in te animo post Getæ cædem

Theat. Polit. R. P. Neumayr.

X

ejus

eius amici essent, explorare: exploravi. Exercitum tibi adjungere: adjunxi. Quid amplius imperas? Si, vel ut Jovem deturbem de solio, præcipis, expugnabo nubila, aut si glorioso conatui non respondet eventus, impavido pectore excipiam fulmen, quod me in exercitio nobilis obedientiæ sternet. *Caracalla.* Invisum subditis fecisti me! Nisi tu institisses, fratricida non essem. Nunc vis, ut Papinianum adjungam: quis me amabit? quis non maledicet? *Lætus.* Obsecro, Princeps cave, ne hic animi tui sensus emanet in vulgus. Gladios stringerent Romani, si scirent te linguas timere. Nudos enses ostenta, tacebunt, imo si instas, laudabunt præterea. Romulus, Domitianus, Nero, cum statuerunt fratres occidere, num quid dicturi sint subditi, cogitarunt? Jupiter cum Patrem cœlo expulit, cum sororem uxorem duxit, cum in cygnum, in aquilam, in bovem se transformavit, nunquid anxie deliberavit, quid desolaturi sint Fauni ac Satyri? Liberrime vivendum est Principi, si vivere felix cupit. Juliæ, si vis, libellum repudiî feram: nam si de sermonibus angeris, actum de nuptiis est. Illa, quo animo exceptura sit nuntium, facile capis. Aut ridebit, aut indignabitur, timeri a viro, quod non metuit foemina. Quanquam si attendendum est, quid dicant homines, attende, Princeps, quid dicat, quid dictura sit Julia: illa tibi præ toto genere humano sit. Oderint te omnes homines: non tam infelix es, quam si illa te cesset amare. *Caracalla.* Explorasti de Papiniano etiam Juliæ sensum? *Lætus.* Pertinaciam in defendendo Geta, ipse nosti, ut damnet Julia. Veretur nempe, ne... *Caracalla.* Ibo, interrogabo Matrem. Si mori vult hominem, perit. Tu occurre tumultibus. *Lætus.* Omnis miles in armis excubat. Quisquis commoverit se, pro hoste erit: & tu intelliges, Cæsar, quanto ferventius tuæ felicitatis, salutis, gloriæ studiosus sit Lætus, quam Papinianus. *Caracalla.* Recte.



CHORUS II.

Jovem, cum omnia sus deque verti videt, de pulsa
Themide poenitentia subit. *

*Personæ. Jupiter. Mercurius. Pallas. Ceres. Pomona.
Pales. Hortulani. Pastores. Rustici.*

A R I O S E.

Bellona. **A** Rma viri! procul curas!
Jam valebit vis pro jure:
Tantum quisque possidet,
Quantum sibi rapiet.

Chorus Prædantium.

Rapite, capite!
Nemini parcite!
Sine discrimine
Sternite, cædite!

** Mare & terra sus deque vertantur! *intus fit clamor.*
Modo res vestræ in cœlum tollantur.

Mercurius. Superat famam malitia. * *Prodeunt hortulani.*
Pales. O Cœlum! o Sydera!

X 2

Ju-

* Prodeunt Jupiter & Mercurius personati.

** Theatrum exhibet castra. Interius Bellona in turrito Elephante
equis circumdata. Alii parant naves. Alii effodiunt aurum, alii
arma lævigant ad cotem. Adsunt cumuli galearum, ensium, te-
lorum &c. fit prædatio, cædes, fuga, clades &c. abscissa capita
in hastis, abjecta arma visuntur. &c.

Jupiter. Iterum nova lamenta.
Ceres. O Jupiter adjuva!
Mercurius. Secedamus,
 Ut, quid querantur, certius audiamus!

A R I O S E.

**Pomona.* O mea pomaria! **Paſtores, Ruſtici.*
Pales. O oves!
 O boves!
Ceres. O agri! o jugera!
Omnes. O meæ res!
 O meæ ſpes!
 Ah! Cœlum! ah Sydera!
 Ah! Jupiter adjuva!
Ceres. Quid frustra clamamus?
 Videtis, ? ut nihil ſe moveat durus tyrannus!
Pales. Pulſa Themide
 Quis noſtram apud eum cauſam velit ſuſcipere?
Pomona. O Themis! Dum te non amplius audit Jupiter,
 Quam nihil agit regaliter!
 Lex nulla ſervatur:
 Pro libidine vivitur: ſcelus addoratur.
Ceres. Cur ergo tributum Jovi ſolvimus?
Pomona. Cur Regem alium non eligimus?

A R I E T T A.

Pomona. Cur ego hortorum delicias?
Pales. Cur ego de pecorum decimas?
Ceres. Pro Jove cur cogor arare,
 Si nihil laborat pro me.

Omnes.

- Omnes.* Ut jure tributum , quod imperas ,
A subditis , Jupiter , exigas :
Pro subditis debes regnare ,
Non debes regnare pro te.
- Jupiter.* Quousque tandem ?
Omnes. Heu ! fuimus ! perijmus !
Jupiter. Quid agendum Mercuri ?
Pallas. O Pater ! quanti sum sceleris nuncia !
Dii fratres in Coelum evaserunt ,
Deos cæteros in fugam egerunt :
Turbata sunt omnia !
- Jupiter.* Dies nefasta ! ubi , ubi sunt fulmina ?
Pallas. Pater ! siste impetum !
Et Majestatem ludibrio subtrahe !
Ad horam juvat cedere , ut possis securius vincere !
- Mercurius.* Cum Pallade sentio ,
Et ut ad tempus te occulas , suadeo .
Interim ego Saturnum Coelis ,
Pallas Themidem restituet aris :
Restitutam rebelles Dii audient ,
Et Coeli imperium tibi restituent ,
Unde cum rursus tonabis ,
Homines facile a sceleribus revocabis .
- Jupiter.* Ite , quod videbitur , agite .
Ego ibo , quo me rapient pudor , dolor , timor , furor .

A R I A .

Erravi ! vah ! Erravi !
Cum Themidi peccavi ! , .
Perite blaterones !
Qui blandos per sermones

PAPINIANUS.

Palpatis aures Principum! . .
 Est falsum, est mendacium,
 Quod Reges
 Sint exleges!

2.
 Exemplum do Rex Regum,
 Quid profit cura legum:
 De Jove exul factus sum! . . .
 Quid restat quam suspirium
 Erravi! . . .
 Erravi!



ACTUS V.

SCENA PRIMA.

*Personæ. Papinianus senior. Maternianus. Liçtores.**

Maternianus. **A** Des Papiniane! . quid te hic aspectus feralis juvat? *Papinianus senior.* Salve sancta Justitia! .
Materniane, cui hanc Scenam instruis? *Maternianus.* Tu Judex es. Qui a te damnatus fuerit, ense, securi, fune, veneno, morte, qua decreveris hæc hora cadet. Præcepit Cæsar. *Papinianus senior.* Eccur ad judicium non rapitur Lætus? *Maternianus.* Dilatum est. Tumultus timetur populi: invigilare est iussus. Nihil metuit: non evadet. *Papinianus senior.* Bene est. Ergo præcedat filius. Liçtor secures expedi! Tu Cæsarem ad spectaculum evoca, ex quo discat, quam chara Papiniano justitia sit. *Maternianus.* Damnasti filium? *Papinianus senior.* Meruit. Serenus, Macrinus, Helvius ducantur simul: æquale erimen

* Apparatus funebri contra omne genus delicti.

crimen poena æquali luent. Jamque ingredi vides. *Maternianus*. Funesta dies ! Hic vultus, hic habitus, hic incessus viros præclaros decet ! Cæsarem evoco.

S C E N A S E C U N D A.

*Personæ, Papinianus uterque, Serenus, Macrinus, Helvius.
Milites. Tribunus. Lictores.*

Papinianus senior. **O**pprime naturam virtus ! Gemere Patrem decet, non decet Judicem. *Tribunus*. Adduxi reos. Ultra quid velis, impera. *Papinianus junior*. Pater ! *Papinianus senior*. Vocabulum sile, quo mihi pectus scinditur. Quanquam si moriendum innocenti foret, non dolerem : nunc, non quod moreris, lugeo, sed quod nocens moreris, infelix ! Et quod filium genui degenerem adeo. Prô dedecus meum ! *Papinianus junior*. Feci vindicandi Getæ causa, amore tui concitatus, fraude Læti deceptus. *Papinianus senior*. Sile probrum ! non est scelus scelere vindicandum, nec Geta ipse sic vindicari se velit. Tunc amabas me ? sic nosti Patrem ? Is tibi videri potui, qui conscendere vellem solium mei Principis confersum sanguine, mei filii pollutum scelere ! Novum crimen ! Quid fraudem jactas ? Excusatio te ipsa accusat. Hem ut miseri parentes sumus ! Quantis mihi curis tua educatio constitit ! quam sollicite avocabam a vitiis ! quam sedulo ad cultum virtutis urgebam ! & videbas mihi non arasse in littore : Spes lætissimas repentina grando decussit. Lætum audire contra Patrem oportuit ? . . Vestrûm me miseret, Amici, quos hoc scelus in societatem traxit improvidos sui ! Si quater mori filius posset, poenas mihi pro vobis daret, quater reus, & quod ipse Læto accefferit, & quod male suaserit vobis. *Helvius*. At tu, quid nos torques ? Damna-
nasti : an non est satis ? Adhuc subire oculos tyranni coges ?
Quid

Quid hæc meruimus? Expeditus est liſtor: duci jube! *Papinianus ſenior*. * En ſubit ipſe! curvate gœna! Deprecari ſcelus oportet, & mori. *Helvius*. Me deprecari! Quam lubens morerer, ſi peregiſſem facinus glorioſum & ſanctum! *Papinianus ſenior*. Quid loqueris ferox? *Serenus*. Tene adulari tyranno decet? ſic Papinianus es? Optime de Roma meritos viros, amicos, filium damnas, ut placeas Caracallæ! hic juris cultus eſt? hæc virtus tua? *Papinianus ſenior*. Superi! hic furor viros bonos corripere potuit, ut negent ſe mortem meritos? *Macrinus*. Paſce oculos crudelis! in hac miſeria! Hoc decet indolem. Ut calet, ut ardet anſhela crudelitas! Quid ceſſas liſtor? Sanguinem ſitit: propina potum! *Serenus*. Propina. Vivat fratricida in ruinam imperii! *Macrinus*. Vivat, ut pereat Roma, & poenas ignavæ patientiæ luat! *Helvius*. Vive, triumphâ Cæſar! Major Aſſricano, major Macedonico es! Getam occidiſti: Geticus appelleris! *Papinianus ſenior*. Quouſque patiens audies, Auguſte, maledicos canes? nam ego amicos abſdico. Amicus, affinis, filius ſit: hoſtis eſt meus, qui Cæſaris eſt. Juſſiſti judicium facere: lata eſt ſententia: moriantur! exequi jube! *Papinianus junior*. At ego tibi ſupplex; Auguſte, accido: probe ſententiam, meruiſſe mortem fateor: ſed per quicquid eſt charum, deprecor. Ætati parce, Domine, parce Generi, Patri parce! *Papinianus ſenior*. Quæ me ruſſum ferit vox! Ignave! degener! Tu, quam meruiſti, mortem metuis? deprecari audeas! Hoc abſit, Cæſar, ut ego iſtud dedecus ultra intuear. Fiat juſtitia! moriatur.

* Prodit Caracalla.

SCENA TERTIA.

*Personæ. Papinianus senior. Caracalla, Maternianus.
Ephebus.*

Caracalla. **A** Bripite ex oculis monstra! reducantur in carcerem. Moriemini morte, qua sentiatís vos mori! delibe-
rabo. Tuam ego fidem suspicio, & amorem justitiæ. Fa-
ciam, ut de tuis laudibus nulla unquam posteritas conticescat.
Unum exigo, ut sicut æquus es Judex, ita sis Minister fidelis,
pro tui Domini honore & salute sollicitus. Getæ mortem po-
pulo proba! Num obedies tandem? Quousque te oppones?
Cum tu probaveris, probabunt omnes. Amasti Getam: hic amor
obstat. Amorem vincat amor, quem jam soli mihi totum
debes. Exemplum sceminæ imitari ne pudeat. Luxit filium
Julia: lugere desit, cum imperavi. Quid files? Mortem vel
te judice meritis est filius tuus: meriti amici tui: libertatem,
vitam, honores pristinos & majores debebunt tibi, si obedie-
ris. Si non obedis, vide, quo me adigas. Venenum & pu-
gio in promptu sunt: alterutrum eliges. *Papinianus senior.*
Quam prompte obediverim, Cæsar, quoties, quod honestum
est, imperasti, exempla habes. Patrem exui, ut subditus esse
possem: quid amplius exigas? neque desidero, ut absolvas fi-
lium, quem ego damnavi. Moriatur infelix! Illius ego mor-
tem ne gemitu quidem dignabor. Si mori me cum ipso jubes,
felix sum! Neque enim miseram mortem aliud, quam misera
causa facit. Amavi Getam: quod tamen non probem necem
Getæ, amor Getæ non facit: amor justitiæ facit. Exemplum
Julia movere Papinianum non potest. Cur cessarit lugere,
facile divinavi. Heu! quæ non dedecora cogar probare, si

Theat. Polit. R. P. Neumayr.

Y

ne-

necem Getæ probem! Non probo: non possum probare: Fidelis Minister sum: adulator non sum. Sed nec iudex adversum me ipsum sum: mortem neutram eligo: tu decerne. *Caracalla*. Obstinate! *Maternianus*. Ah! Papiniane! tantine paucula verba sunt, quæ ad concionem dicas, ut malis. . . . *Papinianus senior*. Scelus sunt. Cæsar! quod imperas mortis genus? *Caracalla*. Insultat! In carcerem ibis, & ipse ad carnifices feres sententiam. *Macrinus*, *Helvius*, & *Serenus* te spectante jugulentur statim! tum item in oculis tuis tuus filius caput securi subiciat, quem tu sine mora morte pari sequeris. *Papinianus*. Obedio per omnia. Oro Deos, ut mea mors pluribus exemplum, quam miraculum sit. Vale Cæsar! *Materniane* vale!

SCENA QUARTA.

Caracalla. Maternianus. Lætus. Ephebus.

Maternianus. AH Cæsar! Qualem virum condemnas? *Caracalla*. Contumacem. Ipse se damnat. Vidiſti, ut me provocarit audacter? Ut nihil exhorruerit ad sententiam? Ut velut ad convivium abierit? *Maternianus*. Obstupui robur animi. *Caracalla*. Semper æstimavi hominem, amavi semper: quid omisi, ut possem absolvere? absolvissem, quam noxium exemplum foret! Quis non auderet similia, & se imperanti opponeret. *Maternianus*. Ut paveſcet, ut horrebit te populus, cum de novo facinore audiet! *Caracalla*. Hem Lætus. Ex ipso intelligam, quid in urbe agatur. Tu vide, quid fiat in carcere. Gaudium feres, si mihi lucraberis virum.

SCE.

SCENA QUINTA.

Caracalla. Letus. Ephebus.

Letus. **V**ive Cæsar! jam regnas securus! Cæsi sunt, quotquot amarunt Getam. Viginti fere millia computavi. Irruere tota urbe militem in turbas jussi, & quotquot de Getæ morte plorantes invenirent, sine discrimine cadere. Tremunt cives: nemo movere se audet: agere, quod libet, licet. Fruere imperio, fruire Julia: nemo tyrannidem carpet, nemo, quas cupis, nuptias. *Caracalla.* Ut nemo supersit etiam, qui me impellat ad tam funesta consilia, hoc poculum propino tibi. Libemus Diis! Adeffe furie, & hanc imperii mei pestem auferte vobis! Bibe. *Letus.* Cæsar! *Caracalla.* Per stygem bibes! *Letus.* Ah! Audi supplicem! & moram saltem defensionis concede! Nam cur occidor! *Caracalla.* Interrogas? occisus Geta, decepti procures, turbata aula, Papinianus infelix, viginti millia occisi, ego tyrannus, infamis, toti orbi exosus, omni posteritati execrabilis tua scelera sumus: & adhuc de defensione cogitas? Quamquam ut sumus justi, age, defensionem te para. Quem judicem optas? *Letus.* Impera Domine! *Caracalla.* Papiniano te trado. Cur re puer! *Letus.* Ah Cæsar! *Caracalla.* Nempe hunc times miser? Heu! Materniane, quid affers?

SCENA SEXTA.

Accedit Maternianus.

Maternianus. **P**apinianus vixit! *Caracalla.* Tuum est scelus!
 Bibe! bibe! *Lætus.* Obsecro! *Caracalla.*
 Aut bibes, aut ilia perfoffus cades. *Lætus.* Sentio ultores
 Deos! Bibam, tyranne, bibam! . Placere volui, hoc sce-
 lus meum! *Caracalla.* Hauris ocyus! . Habet. In carce-
 rem extrude monſtrum, donec epota vipera jecur exedat.
Maternianus. Nunc juſte ſævis Cæſar! ſic mori adulatorem
 decet. Venenum ex auro bibat, qui venenum in auro Prin-
 cipi propinavit. Crepa!



ANASTASIUS

DICORUS.

TRAGŌEDIA

D A T A

LUDIS AUTUMNALIBUS

ANNO MDCCXXXIV.



ARGUMENTUM.

NUnquam impune illudi Coelo, Anastasius Imperator testis est, Dicorus appellatus a discoloribus oculorum pupillis, qualis & vita fuit, bona initio, deinceps pessima, nisi rectius pessimam semper dixerimus, cum videri bonus semper, esse nunquam voluerit, obstinatus hypocrita. Imperio post Zenonem potitus, juravit Euphemio Patriarchæ, & juramentum syngrapha confirmavit, servaturum se, & contra quoscunque tuiturum Synodi Chalcedonensis decreta: nihil præstitit minus. Favit enim paulo post Manichæis, Acephalis, Eutychianis, Hæreticis omnibus: solos Catholicos persecutus est, velut pacis reipublicæ, quod se hæreticis opponerent, inimicos. Itaque Euphemium & Macedonium Patriarchas multavit exilio: Timotheum & Severum pessimos Hæresiarchas, illum Constantinopoli, hunc Antiochiæ præfecit: inter aulicos, quisquis Catholicus fuit, suspectus de insidiis fuit. Eminebant Justinus, ac Justinianus, quos, cum esse captivos iussisset, Vitadianus Ducum unus nepotem Cæsaris Hypatium cepit, & populo in partes pertracto Regiam obsidens, coëgit Imperatorem primum captivos reddere, deinde Catholicis, quæ pro bono religionis postulabant, promittere. Ita reddita est, quam populi placandi causa deposuerat, corona, non item diuturna pax. Nam continuo rediit ad ingenium simulator, nullis aut monitis, aut minis correctus. Urgebant promissorum fidem legati Hormisdæ Pontificis, eiecit, & navi perforatæ impositos

redire in Italiam iussit: instabant Episcopi, maxime Oenian-
 dus Vir omnis sanctitatis laude clarissimus, contempsit: vide-
 rat malorum incentorem Timotheum repentina morte ab ulto-
 re Deo punitum esse; neglexit: ipsimet Vir gravis in somno
 apparuit, quatuordecim vitæ annos ex libro, quem tenebat
 manibus, se illi propter impietatem delere professus; frustra
 omnia. Pharaoni se fecerat similem in vita, simili cum eodem
 & morte perlit, hoc est, repentina, non aquis quidem, ut ille,
 haustus, sed fulmine de Coelo stratus, quo fracta est arbor,
 quæ flecti non potuit. *Baronius.*

PERSONÆ.

Anastasius obstinatus hypocrita.
Timotheus Patriarcha hæreticus.
Hypatius Anastasii nepos.
Justinus aulicus Catholicus fervens.
Justinianus aulicus Catholicus bonus.
Vitalianus Dux Catholicus utrumque amans.
Oenianus Episcopus sanctus.
Amantius Præfectus aula vir ad hominem.
Marinus Dux Militiæ homo de ambitu.

PRO-

PROLOGUS.

Plausum, quem Constantinopolis plaudit Anastasio,
vigesimalium septimum ab adito Imperio Anniversa-
rium agenti, Deus mutat in Lessum. *

Personæ. Constantinopolis. Roma. Chorus.

CHORUS.

Io! Io!

Constantinopolis

Exulta, ride, plaude:

Fortuna Principis

Felicem facit, gaude!

Vivat! Princeps plurium

Per seriem annorum!

Vivat! hæc est omnium

Vox una subditorum.

Roma. Festiva quid sonant tympana?

Constanti- Vota, soror, junge, & cantica,

nopolis. Est annus septimus supra Vigesimalium,

Quo Anastasius tenet Imperium:

Diem celebros anniversarium.

Roma. Utinam dixisses, vitæ tyranni ultimum!

Est annus septimus supra vigesimalium,

Quo Anastasius affligit Imperium!

Heu! Quousque feremus jugum tristissimum!

ARIA.

* Theatrum exhibet arcum triumphalem Anastasio erectum.

A R I A.

O Deus gementium spes
 Quam lentus ad fulmina es!
 Terge fletus!
 Longos metus:
 Tandem a me abige!
 Quousque & despici te,
 Et pateris opprimi me?
 Tandem surge!
 Fata urge,
 Et tyrannum percutite!

Constanti- Eadem vota voveo, sed in silentio;
nopolis. Ita imperat Status ratio, ita servæ conditio.

A R I A.

Lingua & animus duæ sunt res:
 Nisi has dextere
 Scias distinguere,
 Et verba pro more
 Formare in ore,
 Perdita es.

Aulis hæc posita pridem est lex:
 Heliogabalos
 Ut Theodosios
 Debemus laudare:
 Debemus clamare:

Vivat! triumphet! & imperet Rex!

Roma. Apage turpem Noeniam!

Nunquam Roma didicit tam dissonam musicam.

Mihi consonant lingua, & animus:

Theat. Polit. R. P. Neumayr.

Z.

Vin-

Vindictam, Vindictam oro,
 Ut ab obstinato Cæsare de tot sceleribus
 Tandem exposcat Dominus. . . .
 Eja intonuit! preces Deus audiit!
 Procidamus! adoremus! .^{1*}

C H O R U S.

Vindica Domine!

Deus. Vindicabo!

Tu signa, quæ locuta sunt, septem tonitrua.

Angelus. Audi, & vide, Roma! ^{**}

Juro per viventem in sæcula,

Quia tempus non erit amplius!

Hodie morietur Anastasius.

Hominum scelestissimo

Quatuordecim annos vitæ, qui superessent, deleo.

Hodie morietur!

C H O R U S.

Moriatur! Moriatur!

Laus sit Deo Vindici!

Jubilamus! plausum damus,

Plausum justo Judici!

Constantinopolis. Superi! quid vidi? & ubi sum?

Roma. Hem! ut Deus subito mutavit theatrum!

Eja! hic age diem anniversarium!

Constantinopolis. Hodie moriturum Anastasium, quis credet?

Roma.

* Mutatur Theatrum; Fit tonitru septies, & Anastasius effigies fulminatur.

** 24. Seniores coronas suas ponentes ad pedes Antiqui dierum.

*** Angelus Apocalypticus cum uno pede in mari, altero in terra.

Roma.

Utinam ipse crederet !
 Sed serum est votum.
 Decrevit Deus. dare spectaculum
 Horridum oculis,
 Utile animis,
 Ut hæc gravissima veritas assidue
 Hæreat memoriæ:
 * *Anni impiorum breviabuntur.*

A R I A.

*Qui habet aurem , audiat ,
 Quid dicat Spiritus ;
 Citato equo advolat
 Mors peccatoribus :
 Peccatum mortis stimulus ,
 Peccatum calcar est ,
 Quo equus hic admonitus
 Absolvit cursum citius
 Et cum abesse longius
 Putatur , hinnit proximus ,
 Et ante fores est.*

Da Capo.

Repente cadunt impii :
 Et Filum rumpitur :
 Mors figit telum pectori :
 Infernus sequitur.

* Mors equitans , & post se infernum trahens.



P A R S I.

ANASTASIUS. ADMONITUS.

S C E N A P R I M A.

*Personæ. Anastasius * Hypatius Nepos. Marinus Dux militum.*

Anastasius. **H**Ypati! adhuc trepido. Tanta erat majestas viri: tam grave tonitru denuntiantis propinquam necem, cum annos vitæ quatuor supra decem deleret. *Marinus.* Horridum somnium! At somnium tandem, non oraculum. Aut, si credis, Auguste, verum esse nuntiatum malum, quis tibi visus est auctor mali? Eludere præsagium licet nocentis cæde. *Anastasius.* Jam cogitavi. Sed, o Marine, etsi omnes occido, in quos cadere suspicio potest, ausuros aliquid aduersum me: nihil ago. Ita tinniunt ambæ aures, velut feralem susurrum ingeminaret aliquis: hodie moriendum est! O chare Nepos! disce ex me, quam miseri etiam Principes sint, quamdiu coguntur Coelum suspicere, superbum illud Coelum, quod non minus palatia, quam tuguria fulminat. Heu me! Ergo non licet mihi, quod libet, facere, & est aliquid Imperatore Græcorum majus? Mortis sententiam ausus est aliquis in Anastasium ferre? In Imperatorem? Et ante tempus destinatum a fati? Ergo quid me urbium munimenta, quid armatæ classes, quid centum exercitus juvant? Miserum est mori posse, miserius mori debere, miserrimum ante tempus debere. Crudele Coelum! Unde imperium tam despoticum tibi? *Marinus.* Pavor confudit mentem Auguste! Parum coherentia loqueris. Quid Coelum accusas? Si odisset te, ful-

minas-

* Aula cum throno. Anastasius ex somnio turbidus.

minasset incautum, non monuisset. *Anastasius*. Monuit, ut diutius cruciet. *Hypatius*. Vive felix, Auguste Patruë! quid times somnia? Anniversarium hunc tibi imperii diem, ut Superi jucundum velint, toto animo precor. Admitte, quos paravimus ludos, & disparebunt spectra, quæ tumultum in animo faciunt. *Anastasius*. Ita, ita! Ludum ludam hodie tragicum & cruentum! *Hypatius*. Ah! minas cessa! Neminem possunt somnia scelestum facere. Et quousque te vultu averso conspicio? an vota displicent, an, qui vota Hypatius facit? *Anastasius*. Placet Hypatius, & vota placent, nisi fierent capiti hominibus invisio & Superis. *Hypatius*. Hem! Quo te proripis? *Marinus*. Relinque, Princeps, dum evigilet plenius, & phantasma dispareat. *Hypatius*. Avertant omen Superi! pupillus forem. *Marinus*. Imo pupilla imperii es. Te in oculis ferunt subditi: te amant omnes, præter eos, qui se Catholicos dicunt, & Episcopo Romano jurarunt fidem. *Hypatius*. Ego non odi homines: quid illi in me oderunt? *Marinus*. Sanguinem cognati Cæsaris, quem, nisi me triste omen fallit, hodie periment. *Hypatius*. Inanis est metus. Non hoc sunt animo, non illis moribus isti homines, ut facinus tam atrox liceat suspicari. *Anastasius*. Molesta solitudo! . Nepos! fiant parati ludi, admitto: sed tibi, non mihi fiant. Ascendes solium, dum ego in tumulum ruo. *Hypatius*. Ah! Quid aures crucias tristi Noenia? *Anastasius*. Marine, juvat in omnem eventum providere imperio. Patriarcham adesse jube, aulam convoca, populum admone: coronam hodie in Hypatium transferam. Imperabis, Nepos, & vel ringente Coelo Anastasius etiam occisus vivet in te! *Marinus*. Vivite Principes, uterque felix! Festino exequi imperata. *

* Abit.

SCENA SECUNDA.

Anastasius. Hypatius.

Hypatius. **V**ivis & vales, Cæsar! nihil obsecro, de transfere-
 rendo imperio cogita. *Anastasius.* Imo impera!
 & infelicem Anastasium onere curarum leva, ut hilarius mori-
 riatur. *Hypatius.* Ah! Quousque de morte memoras? Num occi-
 sum me tecum cupis? *Anastasius.* De me decretum est. Invi-
 det atrox Numen diuturnius imperium mihi, & longiorem di-
 sciplinam tibi: præcepta tamen imperandi compendio dabo.
 Cave, degener sis! Nemo quamdiu tu imperabis, mortuum
 credat Anastasium esse. *Hypatius.* Audio, quid imperes, quo-
 niam ita placitum. *Anastasius.* Vides hoc solium, Nepos? Per
 gradus ascenditur, quorum supremus, non nisi unum sedile ca-
 pit, ut intelligas, uni tibi competere, ut sed eas: cæteris, quo-
 cunque gradu sint, standum est. Est enim omnis homo natus
 ad laborem, solus Princeps ad otium. Itaque imperii delicis
 tu frui: molestias Ministri ferant. Si quis obstrepat, calca.
 Jam quale conopœum se explicet, vide. Hoc tu pro Cœlo
 habe: aliud, de quo Monachi garriunt, nullum spera. Hic
 fulge! Non sicut Sol, quem, quia beneficus est, nemo sus-
 picit: sed sicut cometa, quem quisquis aspicit, pallet. Opti-
 mus majestatis satelles est timor. Coronam auream crux or-
 nat gemmea; splendet, non ardet: symbolum religionis est,
 quæ in te videri debet, esse non debet. In varias sectas sub-
 diti sunt divisi: nemo sciat, cujus sis tu: quisque credat te
 esse omnium. Sceptrum porro potestatis est signum, qua pol-
 les. Utere pro libidine: lex te non ligat. Alius in Cœlis,
 tu in terris es Deus. Istæ quam nihil respiciat coronatos ver-
 tices, in me exemplum habes. Bene an male agas, perinde
 est: cum præcipitandi erit lubentia, præcipitabit. Cogimur sub-

subesse ! . Utinam non cogamur ! . Saltem hanc non habeat gloriam ostentator , quod subimus volentes . Non meretur a Rege pro Deo coli , qui inter Regem & rusticum discrimen non facit . Vah ! quid sibi dejecti oculi volunt , & quid os aversum ? *Hypatius* . Exhorret animus ad hæc præcepta ! Auguste , nunquam sic auditis es loqui . Obsecro , ne Deum , quem sentis majorem te , irrites acerbius . *Anastasius* . Nihil expecto acerbius morte , cujus sententia jam est lata ab eo , qui mutari non potest . Nec ego me muto . Tu , credo , supplicem me vis accidere , deprecari errata , flere ? Istud non decet Principem . Etiam cum erraveris , tuenda constantia est , & error obruendus errore , non retractandus . Prostituit majestatem Princeps mutabilis . Ut vixi , moriar , Soli similis , qui semper est idem , etiam cum in occasu est . Tu cape animos tanta fortuna dignos , in quantam ego te eveho , non ille , quem pueriliter trepidas , non ille Deus : ego te eveho ! . Quid stupes silens ? Loquere , ut videam , qui sis ! *Hypatius* . Attonuisti miserum diris vocibus ! timeo Tonantis iram . *Anastasius* . Audio degenerem vocem . Pro ! Cur Oeniandum tibi Moderatorem dedi ! Alia te omnia Severus docuit : potuit Oeniandus , uno mense profundum inscripta eradere principia , quæ Principem decent ? *Hypatius* . Alia Severus docuit , sed meliora Oeniandus , atque adeo vel unius mensis labore pinguiorem meritis Episcopatum , quam quo impium Severum donasti . *Anastasius* . Quid , & cui loqueris , audacule ? Quid igitur te docuit Oeniandus ? *Hypatius* . Initium sapientiæ esse timorem Dei . *Anastasius* . Grave axioma ! Puer , aliam mentem indue ! aut in monachum tondebo te , & pro corona cucullum feres . *Hypatius* . Si sic regnandum est , subesse malo . *Anastasius* . Hem ! Novum malum ! Sceptra contemnit puer ! Abscede , vappa ! Hunc ego in folio collocem ! Tempori ades Moderator præclare ! . Vah ! Quos tecum trahis ? SCE.

SCENA TERTIA.

Accedunt Oeniandus. Justinus. Justinianus. Amantius. Milites.

Oeniandus. **Q**ui tuum omnes adorant imperium. *Anastasius.* Occursus feralis! Hypati! Aut Justinum in forinīs vidi, aut Justinianum: Confusa est memoria: Utrum nescio: alterutrum certe vidi: Justinum tamen certius. Aspicere me! . . . Sic fulgurabant oculi: sic os horrebat: sic frons in minas ibat. Teneo parricidam. Huc ades miles! Justinum rape! Huc miles cito! *Justinus.* Quid enim peccavi, Cæsar! *Anastasius.* Rape ocius! *Justinianus.* Si quid Justinus peccavit Auguste, conscius peccati certe & Justinianus fuit. Amici sumus: amicum liceat in carcerem sequi. *Anastasius.* Dignus est carcere, qui præ Principe amicum amat. Sed bonus sum: liberam custodiam dabo. Reus est mortis, qui aula extulerit pedem, donec discussa sit causa. *Uterque.* Reus sit! *Anastasius.* Amanti! designa locum, & vigiles pone. *Amantius.* Imperium facio. *Anastasius.* At te, Oeniande, quæ causa ad me adduxit? *Oeniandus.* Diem anniversarium gratulatum accessimus. *Anastasius.* Quem vos nefastum facitis. *Oeniandus.* Nescio, de quibus loquaris, Cæsar. *Anastasius.* De vobis loquor, quotquot adoratis Romanum Pontificem. A vobis est malum omne, inquiēs, turbæ, tricæ, pugne! Vah! ut male pensatis labores meos! Cum volo, ut de Religione sentire cuique, quod libet, liceat, quid aliud, quam pacem, volo; cui istæ de incertis articulis lites, quantum sint inimicæ, quis non experitur? Silere jussi dissidentes: silent omnes præter vos: & si in contumaces animadversurus Imperator videtur, vide; quo sit propositum, jam de vita periclitor. Oeniande, paci fave! Episcopus pauper es; augebo redditus, & alterum Episcopatum adji-

adjiciam. *Oeniandus*. Nihil paupertas me angit, Princeps: Episcopus oves, non lanam quærit; & si habet, unde alatur, & quo se tegat, debet contentus esse: sic Apostolus jubet. Gravius malum est, quod, si libet, ex his literis tibi communico, & merito acerbissime sentio, si est verum. *Anastasius*. Narra vero: non terres assuetum turbis. *Oeniandus*. Rem lego auditu horridam. Michaellem Archangelum nuper mortuum esse. Si ita est, quis erit posthac defensor Ecclesiæ? *Anastasius*. Episcopo, ludis, an ineptis? aut, num non videtur ridiculum tibi, Angelum mori posse? *Oeniandus*. Auguste, si ego ludere, si ineptire videor, cum narro, Angelum esse mortuum: quid de te sentire nos vis, cum ex doctrina Eutycheis credis, & defendis esse mortuum Deum. *Anastasius*. Sophista! Christum esse mortuum Eutyches docuit, non Deum. *Oeniandus*. Atqui naturam humanam Christi a divina absorptam, in divinam conversam esse Eutyches docet: si igitur Christus est mortuus, haud dubie secundum illam naturam est mortuus, quam habuit: & cum aliam præter divinam, ex mente Eutycheis nullam habuerit, an non secundum divinam est mortuus? quod quid est aliud, quam credere mortuum Deum. Ergo non immerito Chalcedonensis Synodus Hæresiarcham damnavit! Et potest huic blasphemie Imperator favere? Et sperare potuit, fore, ut sibi *Oeniandus* assentiatur? *Anastasius*. Ego *Oeniande*, imperare didici, disputare non didici: neque tutum est, litigare mecum, sed obedire. Jam hoc impero, ut Papæ legatos adiens tua auctoritate permoveas, ut Thimothæo Patriarchæ communicent, & de Synodo Chalcedonensi posthac fileant: deinde volo, ut conscensa cathedra palam doceas populum, non esse damnandos eos, qui trisagio, sanctus, sanctus, sanctus, hæc verba addunt: qui pro nobis mortuus est. Demum ut Episcopis & Monachis omnibus exemplo obedientiæ præceas, & omissis altercationibus quemque libere sentire sinas, quod

malit. Ecce in hunc finem ex Asia vocavi te : in hunc regendis moribus Nepotis præfeci. *Oeniandus*. Auguste, quam sentire stricte ad regulas fidei, tam libere loqui ego didici, adulari non didici. Tandem ponis larvam, & aperte Eutychianum fateris te, qui cum juramento, & data syngrapha olim damnasti Eutychen, & Chacedonensis Synodi decreta defensorum pollicitus es? Mortalem te esse, num jam oblitus es Domine? Quid si hodie comparendum sit coram iudice Deo?

Anastasius. Sile bubo feralè carmen! *Oeniandus*. Imo per illam reverentiam, quam debemus uterque communi Judici, obtestor te, sustine paulisper salutaria loquentem tibi, quoniam hæc prima, & forsan postrema occasio est: nam toto, quo adsum mense, non sum auditus. Hodie, ut ego loquar, te, ut audias, Deus monet: si hodie, inquam, comparendum sit coram Iudice Deo, scilicet accedes hac fulgens purpura, his gemmis nitens, stipatus multo satellite, corona procerum nobilis! Minime gentium! nullus ad illud tribunal Imperator, sed nudus, solus, tremens Anastasius stabit. Hæc parerga, quæ osculamur, mors volutabit in pulvere. *Anastasius*. Nondum finiisti? *Oeniandus*. Audi, quæso, Princeps, quod raro audis, & meminisse quotidie debes. Loqui timerem, nisi te plus, quam me amarem. Septem supra viginti annos Constantinopolitanum solium tenes: quo Ecclesiæ, quo Reipublicæ fructus Statuam hic collocasses, quid profuisset minus? At nihil nocuisset saltem: tu vero quatuor Pontificum sollicitudinem fatigasti; duos Patriarchas Catholicos, plures Episcopos ex suis Ecclesiis ejecisti, substitutis hæreticis: juratam Synodo fidem violasti: plura millia subditorum in hæresi confirmasti: multa exemplo, promissis, minis induxisti: cum libertate credendi, quod libet, dedisti licentiam vivendi, ut lubet: inde contemptus Præfulum, monachorum vilipensio, Cleri nulla reverentia, Nobilium summa petulantia, populi ingens impudentia, ubique

que inundatio scelerum, quia sceleratus Imperator. Vide, quid tibi tua hypocrisis prosit, qua subinde te tegis. Palam nota sunt omnia, & toto vulgata imperio. Nulla enim tegitur impietas diu: vident fumum, qui ignem non vident. *Anastafius*. Heus, tu! nondum obstupescis patientiam meam? *Oenianus*. Admiror, laudo. Sed ut utilior sit, adhuc modicam dona viro pro tua fama, pro anima, pro salute unice anxio. Ecce tu disputare te non didicisse, ajebas, didicisse regnare. Si disputare non didicisti, cur inter disputantes te arbitrum facis? Imo cur disputatis, & Synodo definitis non acquiescis? Et si regnare didicisti, quid igitur est esse Imperatorem? Nomen, vestis, pompa Imperatorem non faciunt: Imperatoriæ virtutes faciunt. Hoc solium respice! Per gradus ascenditur: tu in summo sedes, ut a subiectis omnibus videaris, & omnes videas: a nemine erubescas videri, neminem videre contempnas. Hæc prima dos Regum, ut regulam morum se subditis faciant. Deinde conopæum hoc protectionis te admonet, quam subditis contra misérias debes. Tradita tibi a Deo & hominibus Respublica est, sed nempe tradita in sinum, ut foveatur. Coronam crux ornat in summo apice posita, ut intelligas, quod cura prima esse debeat puritas Religionis, & splendor. Præcipuum decus perit, si crucem aufers. Sceptrum datur rotundum & breve, signum potestatis constrictæ & moderatæ. Malus est Princeps, qui in imperio non nisi imperium cogitat superbus & deses: quique se non subditis datum credit, ut regat, sed subditos sibi, ut emungat. Hominibus præes, hominum causa, nec Dominus solum, sed Tutor. Optimum crede, qui duas res diversissimas, potentiam & modestiam miscet, quem prodeuntem subditi velut beneficium Numen aspiciunt, dubitantes, Dominum salutent, an Patrem. Dedi speculum, Princeps, inspicere, & erubescere, imo, ut salubrius loquar, contremisce, nam potentes potenter tormenta patientur, & illi præ

aliis utique, qui Numinis patientia diutius abusi, cum Pharaone animum obstinaverunt in malo. *Anastasius*. Et hæc nempe axiomata Nepoti tradidisti? *Oeniandus*. Tradidi. Num mala videntur? *Anastasius*. Speculationes! Tu si esses Imperator, an ex his regulis regeres? *Oeniandus*. Certe, si bonus essem. *Anastasius*. Equidem fatebor, Pater, hodie in metu me posuit Deus: vereor, ne quid ingruat mali. Si quid credendum est somniis, hodie moriar. Est ne obtinendi inducias spes? *Oeniandus*. Per celerem poenitentiam, *Anastasius*. Ah! Curæ & timores de poenitentia cogitare non sinunt.

SCENA QUARTA.

Amantius. Oeniandus. Hypatius. Vitalianus.

Oeniandus. **H**Em! Quid Deus vel per somnium possit! Agitatus affectibus animus fluctuat vehementer! Utinam ejiciatur in littus insulæ fortunatæ! *Hypatius*. Quid effectum est, Moderator, sermone tam longo? *Oeniandus*. Multa opinor, favente Deo. Momordit hamum piscis: vulnus sensit. *Hypatius*. Sed impatienter. Vereor, ne rumpat funem, & ex vulnere pereat. Nam quantas paulo-ante locutus est blasphemias mihi! *Oeniandus*. De quo somnio queritur? *Hypatius*. Virum vidit, qui annos illi quatuordecim, quos supervixisset, propter impietatem delevit. Hoc turbat mentem suspicionibus, terrore, ira, desperatione, tristitia. *Oeniandus*. Heu me! nunc intelligo, cur adeo ad conspectum Justinii horruerit! Quid si misero luenda morte suspicio foret? Virum ex asse Catholicum juva, Princeps, & periculo exime! *Hypatius*. At Amantius redit. Quid ajunt captivi? *Amantius*. Nihil sibi conscii, nihil metuunt. *Hypatius*. At ego metuo. Si me amas, amice, exploras penitus Augustum Patrum, & suppeditas consilium

nobis,

* Abit.

nobis, quo juvemus viros optimos, & de imperio bene meritos, bene merituos. Et tu quo properas, Vitaliane! *Vitalianus*. Scilicet ut adorem te, Princeps, & imperaturo homagium præstem. *Omnes*. Commune omnium votum est. *Hypatius*. Votum intempestivum. Ego capiti patiar coronam imponi ea die, qua Justinus & Justinianus periclitantur de capite! *Vitalianus*. Fulminor! Jam ab Episcopis ergo in proceres se vertit tyranni furor? *Oeniandus*. Patientius Vitaliane! Nondum damnati sunt. *Vitalianus*. Anastasio. periclitari & damnari sunt idem. Ah! Princeps! Impera cito! Nam quousque feremus durissimum jugum! *Hypatius*. Moderare vota. Venite mecum, quid agendum sit nobis, conferte consilia. *Oeniandus*. Terror, qui Cæsarem habet, spem omnem bonam probabilem reddit. *Amantius*. Consultate, tanquam ageretis de vestro capite: nam quod non nutat ad Anastasii nutum? *Vitalianus*. Possessor cordis es. Fideliter refer, in quem excoquat bilem. *Amantius*. Fideliter, scilicet in rem meam,

SCENA QUINTA.

Anastasius. Amantius.

Anastasius. **N**ON sum quietus. Quocunque vertor, mors se objicit oculis; & auribus redit tremenda vox: quatuordecim annos deleo. *Amantius*. Quietum jam esse licet, Auguste! Parricidas tenes, quos somnianti Coelum prodidit: quid ultra metuis? *Anastasius*. Teneo? *Amantius*. Puto. *Anastasius*. An omnes? *Amantius*. Puto. *Anastasius*. Nomina mihi. *Amantius*. Justinum nomino & Justinianum. Eos animat Vitalianus, & . . Quartum, ut sileam, sine. *Anastasius*. Tu es, nisi nominas. *Amantius*. Tuus Hypatius est. Et quidni quintum dicam Oeniandum? *Anastasius*. Atrox indicium! Pro-

bare potes? *Amantius*. Si auscultasses, Princeps, sermonibus, quos ego audiui, non ambigeres. *Anastasius*. Quid audisti? *Amantius*. Quod cum Justino est actum, reprehenderunt omnes: de liberando cogitant: Vitalianus aperte ausus est vocem feditiosam tollere; quousque feremus durissimum jugum! Et Nepos acceptavit hilaris vota, ut Imperatori jam facta. *Anastasius*. Hoc puer? *Amantius*. Animatus a viris, & spe propinqua promissæ coronæ inflatus. Et quis te, obsecro, Auguste, in hoc consilium malus genius egit, ut transferre coronam vivens in aliud caput velles? *Anastasius*. Malum somnium egit. Consulere sanguini volui, ne me sublato sine liberis, in humeros alienos injiceretur purpura. Nunc ero saltem in Nepote superstes. *Amantius*. In ingrato, degenerē, parricida! Magnum solatium! Hoc momento opprimere omnes sine tumultu potes: apud Hypatium consilium habent. *Anastasius*. Aliud placet: Vitalianum ad me voca, tum Justinum & Justinianum ad ipsum, velut ad me adduceres, perduc: arbitrabor colloquium, ex quo forte convinci secure poterunt. *Amantius*. Quanquam en ipse. Te, Cæsar, postulat.

SCENA SEXTA.

Anastasius. Vitalianus. Amantius.

Vitalianus. **E**GO tibi volebam verbum, *Anastasius*. Tu iussa perage. *Vitalianus*. Impera Princeps! *Anastasius*. Vitaliane, res magna agitur. In tua fide posita est mea salus. Spondes operam? *Vitalianus*. Etiam sanguinem. *Anastasius*. Confido tibi. Justinus & Justinianus suspecti sunt mihi de flagitio infando. *Vitalianus*. Audiui cum gemitu. *Anastasius*. Scio, amicos amas. Neque id improbo: quin ut amicitiam erga homines nunc maxime probes, velo, jubeo. Opto, ut possim suspitione absolvere. Tu potes, ut possim, *Vitalianus*.

Heu

Heu perditī sunt. In causa tam delicata reus est, quisquis suspectus est. *Anastasius*. Non ita. Age, quod jubeo: Non est modus evidentior, quo innocentes se probent, si vacant culpa. *Vitalianus*. Jube, Cæsar! quamquam, obsecro, unde vel suspicio criminis tam atrocis potuit in homines tam probos cadere, & tam fideles? *Anastasius*. Suspecti sunt. Huc eos adducet Amantius: tu, cum venerint, te mihi iratum finge ipsorum causa. Quærentur ipsi de injuria: querelas exaggera, ultimum describe periculum, remedium ostende, parricidium suade. Si assensu fuerint, rei sunt: si restiterint, innocentes putabo. Age serio, & ardentem. Ego post siparium stabo, & vel nutuum observans ero. Si timide ages, si dissimulare amicum nescies, reos ambos, & reum te ipsum credam, quippe qui nescire me velis, an rei sint illi. *Vitalianus*. Ego amicos prodam? *Anastasius*. Nisi Cæsarem malis. *Amantius*. Approperant. *Anastasius*. Vide quid agas. * *Amantius*. In Vitalianum incidimus. *Vitalianus*. Vah! Quid loquar!

SCENA SEPTIMA.

Vitalianus. Justinus. Justinianus.

Justinianus. QUæ, malum! Fortuna te huc adduxit, amice ut in periculum te nostrum mitteres? Ocyus de fuga prospice, nisi perire velis. *Justinus*. Qui sit, in nobis, credo, manifestum se tyrannus dabit, cui, non video, quo alio nomine rei simus, nisi quia Catholici. *Vitalianus*. Vultis, ut in libertatem vos asseram? *Justinus*. Potes sine periculo tuo? *Vitalianus*. Amicitia non timet periculum. Audete facinus gloriosum & dignum annalibus. Hic gladius vos a morte, rempublicam a tyrannide, Ecclesiam ab hæresi liberam

* Occulte arbitratur.

ram faciet. Maſti animis , condicite amici , hodie ad inferos tyrannus ibit. *Justinus*. Exhorrent aures atrox facinus , & periculo plenum. *Vitalianus*. Nobile voca , & periculo caſſum. Tueri innocentiam natura concedit , neceſſitas ſuadet : quid ambigui eſtis ? *Justinianus*. Quis erit modus ? *Vitalianus*. Facilis , certus. Populus ad ludos coit : ibo , narrabo , quo in articulo vos crudelitas teneat , jubebo arma corripere , & obſidere palatium. Ibi ego advigilabo : vobis cohortem , cui præſum , intro mittam : excipite , tyrannum invadite , maſtate obſtantes , ipſum vel vivum , vel mortuum ad nos ejicite , ut ſpectaculo exhilaratior populus libentius acclamet glorioſo facinori. *Justinus*. Vivum trademus ſaltem , ut tonſus in monachum tempus habeat poenitentiae dandum. *Justinianus*. Aſſentior pietati. Parcamus animae , ne ſimus crudeles nimis. Sed tu matura opus , ne præveniat juſtitiam ſceluſ. *Vitalianus*. Heu me ! audivi , audivi atrocem ſententiam ! Vah ! Hoc animo facinus ſedet ? Tantum flagitium placere poteſt ? Sceleſti ! Impii ! Amicos abdicō. Prodi , Auguſte , prodi. Reum Majeltatis utrumque tenes : liſtori trade ! *Justinus & Justinianus*. Perſide ! Sic tu amicos !

SCENA OCTAVA.

Anaſtaſius. Vitalianus. Amantius. Milites.

Anaſtaſius. **I**N vineula , miles , utrumque rape , in tetrum carcerem ! Hac hora luetis ſcelus morte , qua ſentiatuſ vos mori . At tibi , Vitaliane , me debeo : probaſti fidem. Tuus ſum. *Vitalianus*. Ah ! Auguſte ! egone de Juſtino & Juſtiniano vel ſuſpicari potuiſſem tantum nefas ? Pudet fuiſſe amicum. Transfode cor , Auguſte , quod amare hoſtes potuit tuos ! *Anaſtaſius*. Vive mihi ! *Vitalianus*. Saltem hoc impera , ut ego obeam carnificis munus , & ſceluſ plectat hæc ipſa manus , quæ
toties

toties porrecta est reis. *Anastasius*. Aliud volo. Populum, quid actum sit, doce, & ne tumultus se moveat, cum rapiuntur ad poenam, cave. Nam statui, palam plectere, ut noscat vulgus, quos habeat duces. *Vitalianus*. Imperium facio. . . Imb non facio. Quis barbarus tyrannus amicos coëgit esse perfidos! At non fui! Probabo fidem. Cum vulpe vulpinandum est: vivetis, amici, vivetis! Quos trusi in carcerem, in solium eveham. Quis sit Vitalianus, nemo novit, præter me, & hoc est satis.

CHORUS I.

Imago Animæ obstinatæ.

In verba meretricis Babylonix: *Sedeo Regina, & vidua non sum, & luctum non videbo.* Apoc. 18. *

Persona. Babylon. Tres Prophetæ. Pseudo-Propheta. Chorus.

Babylon. Sedeo Regina, & vidua non sum, & luctum non videbo.
Puer, porrige poculum! Bibamus procures! vivamus hilares!

CHORUS.

Vivat Regina! Hoc omnes optamus!

Vivat! Hoc uno clamore clamamus!

Pseudo-Propheta. Sydera noxios

Condite radios! *Chorus. Vivat!*

Saturni aut Martis ne fulgeat lux, *Chorus. Vivat.*

Intempestivos Sol frange calores!

Luna nocivos ne plue humores! *Chorus. Vivat.*

* Aula Meretricis Babylonix. Augures ex globo Cœlesti.

Theat. Polit. R. P. Neumayr.

B b

Bone

ANASTASIUS.

Bone tu Mercuri

Junge te Veneri! *Chorus. Vivat.*

Micate, qua nobis est Jupiter Dux! *Chor. Vivat.*

Propheta 1. Non, non vivet Babylon.

Descende, sede in pulvere Virgo filia Babylon.

Sede in terra!

Non est solium filiae Chaldaeorum!

Quia ultra non vocaberis mollis, & tenera,

Audi Isaiam: Hæc dicit Dominus;

Dispone domui tuæ, quia morieris tu, & non vives.

Audâ hæc delicata:

Veniet super te repente miseria, quam nescies.

Propheta 2. Heu! Heu! heu! hæc est lamentatio Jeremiæ Prophetæ.

Fugite de medio Babylonis,

Et salvet unusquisque animam suam?

Nolite tacere super iniquitatem ejus,

Quoniam tempus ultionis ejus a Domino,

Vicissitudinem ipse retribuet ei!

Calix aureus Babylon in manu Domini

Inebrians omnem terram:

De vino ejus biberunt omnes gentes,

Et ideo commotæ sunt:

Subito cecidit Babylon, & contrita est!

Ululate super eam!

Propheta 3. Hæc est Apocalypsis Jesu Christi, quam dedit illis Deus,

Palam facere servis suis, quæ oportet fieri cito.

Væ! Væ! Civitas illa magna Babylon!

Civitas illa fortis

Quoniam non hora venit judicium tuum!

Sustulit tuus Angelus fortis lapidem, quasi molarem ma-

Et misit in mare, dicens:

(gnum,

hic

*Hoc impetu mittetur Babylon Civitas illa magna,
Et ultra jam non invenietur.*

Babylon. Heu ! quis tetror me concutit ? *

Proceres , sustinetè labantem !

Cogitationes meæ conturbant me !

Compages rerum solvitur , ita , ut genua collidantur.

Pseudo-Propheta. Regina nihil metue , quod hi canes baubantur.

A R I A.

Quid tibi cum Hebræis ?

Non novi Isaiam ,

Non vidi Jeremiam :

Apocalypsis græcum est :

Quid velit vox , incertum est :

Tu crede te Chaldæis :

Quid tibi cum Hebræis ?

2.

In astris ego legi

Longævam sanitatem ,

Et omnem faustitatem

Quam tibi favens aureis

Descripsit Deus lineis :

Hi fraudum sunt strategi :

In astris ego legi.

Babylon. Ah ! habeo me pessime.

Pseudo-Propheta. Cito , cito poculum reddite !

Propheta 3. Frustra sunt omnia.

* Patitur deliquium.

Tres Prophetae.

Finis venit, venit finis,
 Jam nunc finis super te!
 Intra horam eris cinis,
 Quid agendum: provide:

Pseudo-Propheta.

Non, non, non, non erit finis:
 Nihil mali metue!
 Non caremus medicinis:
 Bibe! vives optime.

Babylon. Respiro. Redit sensus, & Vigor!

Pseudo-Propheta. Gaudeo! sed ut valetudo sit firmior, suadeo,
 Ut ex istorum sanguine conficiatur potio,
 Quam si biberis, crede mihi, ebria deliciis,
 In Paradiso esse te, tibi imaginaberis.

Babylon. Certe causa mali fuistis. Luctis,
 Abripite! occidite!

Propheta 3. Sit sanguis noster super te!
 Sit super te! sic valebis optime!

Pseudo-Propheta. Pellendæ propter futura tristitiæ
 Non est medicina efficacior, quam Prophetas occidere,
 Probatum est.

Babylon. Occidantur, qui malum Babylonî minantur!

A R I A.

Jubilemus! sonent tubæ!
 Adhuc cœlum est innube!
 Nondum micant fulgura!
 Nihil credo plus Prophetis,
 Quam credendum est Poëtis:
 Ambo amant somnia.

CHORUS REPETIT.

* *Ephebus.* Vive Regina!
 Ecce tristitia obmutuerunt oracula!

Baby.

* Afferunt capita occisorum.

Babylon. Vah! qui exitium mihi cecinistis,
Et malum ipsi vestrum non praevidistis.
Nunc canite! nunc volo credere!
Pseudo-pro- Silent. Ego potum propino, Domina,
pheta. Quocum bibas longa malorum oblivia!
Babylon. Sapit. Totum ebibo.
Pseudo-pro- Proficiat. *
pheta.

A R I A.

Babylon.

Est nobilis potus, & fortis...
Delicium pavidi cordis!...
Sento Dominum:
Gyrat se Cerebrum:
Evohe, Evohe abripis me!
Hei! qualis se aperit scena!
Quam pulchra, jucunda, amoena!
Video, audio,
Quid? . . . Nescio.

Pseudo-pro-
pheta.

Non, capio me.
St! indormiit, Eamus! personam mutamus!
Misera! decipi voluisti:
Decepta es: periisti.

A R I O S E.

Qui credit facile
Quod cupit credere:
In arena labili
Non in petra stabili
Suas male fundat spes.
Quoties expertus es?

- B b 3

PARS

** Incubriatur meretrix, & putat ex aula in hortum seduci.

dum experto aularum mores. *Hypatius*. Nec nosse velim. Piget videre sæpius, quæ vidi, aut experiri, quod tibi evenit. *Anastafius*. Experieris, cum imperabis. *Hypatius*. Hoc dico: imperare non lubet: in alium, obsecro, beneficium transfer, quod mihi est grave. *Anastafius*. Iterum, recalcitras puer? Unus superes nostræ stirpis furculus: in te arefcat? *Hypatius*. Arescet denique. Serius an citius, quid refert? stirps una deficiet, plures surgent. *Anastafius*. Rursum audio Oeniandum loqui.

SCENA TERTIA.

Accedunt Amantius, & Marinus. Hypatius. Ephebi.

Amantius. Infelix dies! ergo nihil hodie, nisi malum, nuntiem?
Anastafius. Vah! iterum tristem video? *Amantius*.
 Apertus & vacuus carcer est: custodes nulli. Corruptos credo, cum reis fugisse. *Anastafius*. Quid hoc Amanti? Tene colludere cum hostibus credam? *Amantius*. Id Superi, Auguste, nolint. Da brevem moram: patefcet veritas. *Anastafius*. Nempe in meum interitum. *Marinus*. Heu! eripe te furori, Princeps! tota civitas in armis est. Periiimus, nisi patet aliqua in fugam rima. Vidi irruere tumultuantium globos, jamque circumdant Regiam: Vitalianus est Dux. *Anastafius*. Scilicet hunc designavit somnium! Vah ut erravi male! Vitalianus est Dux! ergo fidem sefellit latro? *Amantius*. Monueram: utinam dedisses fidem!
Anastafius. Eccur Oeniandum dimisi? Ille pectus objiceret perduellibus! Vos quid facitis? consilium date. *Amantius*. Quid nisi latebras possum suadere, donec primus impetus detumeat?
Anastafius. Obijcite militem! *Marinus*. Claudimur. *Anastafius*. Vestrum aliquis populari eloquentia compescat plebem. *Amantius*. Aulicus sum. *Marinus*. Ego miles. *Uterque*. Neuter Rhetor. *Anastafius*. Te verebuntur, Hypati, & innocentem facundiam

diam audient. *Hypatius*. Surdus est furor. *Anastasius*. Ah! quis Oeniandum saltem? deserite ignavi vestrum Principem! hoc in vobis præsidium est? Ite in latebras perfidi! ego, ego me obijciam fati. Agnosco ferientis manum! Deum revereor! huc pueri mecum!

SCENA QUARTA.

Hypatius. Vitalianus. Justinus. Justinianus. Anastasius.

Vitalianus. **U**Ltra ne ferte pedem. Respondit eventus votis; tenemus Regiam: superest, ut scrutemur latebras, quæ tyrannum occulunt. *Justinus*. Vitaliane, quantum debemus! Eripuisti ex mortis faucibus, quem nos proditorem putavimus. Da veniam errori. *Justinianus*. Quis non errasset in fabula tam intricata? *Vitalianus*. Differte ista; tyrannum petimus. *Anastasius*. Labori parcite! ipse se vobis offert. Videte, quid vos deceat statuere in Principem, quem deseruit Deus. Ego, quæ patior, commerui omnia; quin in me ipso plectam. Ecce coronam & sceptrum posui, regno me abdicò, Sacramenti obligatione vos absolvo! imponite decus hoc quam splendens, tam grave, capiti digniori: mihi si vitæ tantillum relinquitis, quantum Deus concedit, ut de me scelerum poenas exigam, beneficium facitis: beatus sum. *Justinus*. Superi! quæ hæc metamorphosis? *Anastasius*. Illius, qui dispergit superbos mente cordis sui, & deponit potentes de sede, cum lubet. Nihil vobis, nihil armis tribute! vitam poteratis adimere, haurire sanguinem, lacerare membra Anastasii: huc adigere, ut supplex occurrerem, ut pacem a subditis peterem, ut abijcerem majestatem ad pedes, non poteratis. Omnipotentis hoc prodigium est: ille depressit superbum Spiritum, & insolentem arrogantiam domat. *Vitalianus*. Amici! verbis creditis, quæ ultima necessitas

Theat. Polst. R. P. Neumayr.

Cc

ex-

exprimit? Næ vos male Anastasium noscitis! Statuite supplicium! si verba menti congruunt, patienter feret, quod meruit. *Hypatius*. Amici! parcite Patruo! Ego, quod meruit, luam.

SCENA QUINTA.

Accedit Oenianus.

Oenianus. Quid agitis viri? Vix per medios armatos inveniam: vos duces estis? *Vitalianus*. Tu decras actui, Pater, qui dignus est, ut spectatores Superos habeat. Tenetur tyrannus quinque lustrorum: exigimus poenas, quas meruit, imo infra meritum omne. Vitæ parcimus: tonde in monachum! Hæc Christiana vindicta est. *Oenianus*. Erratis, o boni! hanc Christus vindictam nolit! *Anastasius*. At ego, Pater, etiam graviolem non deprecor. Ulciscere coelum injurias illatas tuis! fulmina scelestum caput! Ex Anastasii supplicio tyranni discant, quid sit rebelli spiritu oppugnare Ecclesiam. *Justinus*. Attonitus sum! *Oenianus*. Video prodigium gratiæ, quale in Saulo fecisti Christe, cum spirantem minas adversum tuos, lumine circumfuso prostrasti! *Justinianus*. Quid facimus? *Oenianus*. Surge Auguste! & felix impera! *Anastasius*. Non impero! Cui mavis, impone coronam, Pater! qua quisque est dignior. *Oenianus*. Imo tene imperium! Quem execrati sunt populi peccantem, venerentur in solio poenitentem, & laudent Deum, qui indomabiles domat, & ex lapidibus filios Abrahæ facit. *Vitalianus*. Pater, Proceres, nihil credite verbis: hypocritam novi! Fer forficem puer! tondeatur! si vere est poenitens, non erit invitus. *Oenianus*. Siste Vitaliane, fides servanda est Deo, fides Principi: utrique jurastis. Hic vultus, hæc manus, hic habitus milites loquitur: Christianos non loquitur. Militum est pugnare: Christianorum fortiter pati, quæ fidei causa inferuntur, injurias.

jurias. Non defendo Anastasium: Imperatorem defendo. Omnis potestas a Deo est, oportet vereri. Quodsi quis Regum potestate accepta abutitur, mediis, quæ nostram sanctitatem decent, corrigatur, non violentis, non crudelibus, non propriis barbarorum. Nunquam seditiosi motus felicem exitum habuerunt, etsi quandoque principium non videretur scelestum fuisse. Alia remedia sunt, quibus etiam tyranni sanantur: aut si nulla profunt, preces, preces faciendæ sunt Deo, ut vel cor durum emolliat, vel hominem obstinatum tollat e medio. Quid facimus, cum pestis civitatem affligit? nempe ad Deum refugimus: oramus. Malus Princeps malum publicum est, pestis est, qua Deus malos subditos punit. Placemus Deum, oremus, ut tollat. Quodsi & preces non audit Cœlum, patientia! signum habemus, velle Deum punire quorundam socordiam, aliorum probare constantiam. Huic vos Divino consilio acquiescere decet. Ponite arma! pacem facite! Christus jubet. *Anastasius*. Ah! quid pro impio peroras, Pater! *Vitalianus*. Vicisti Pater! Excusa militarem ferociam! Credidi obsequium me Deo facere, si vindicarem Ecclesiam. Melius per te doctus, primus arma ad pedes Augusti pono, quæ primus strinxi! Ignosce Cæsar! *Justinus*. Exemplum sequimur. *Justinianus*. Peccatum est. *Ambo*. Ignosce Cæsar! *Anastasius*. Confundor pudore! Christe, quantum potes! Oeniande, coronam digniori impone. En nobilem victoriam, quæ quisque imperium meruit. Ad pedes jacent, qui acceperant occisuri. *Omnes*. Coronam tene! impera pius. *Anastasius*. Surgite amici! mihi regnatum est satis. Melior imperet. *Omnes*. Non surgimus, donec recipias sceptrum. *Oenianus*. Recipe! & jam melior melius utere. Nos renovamus homagium, & fidem juramus. *Omnes*. Juramus. *Anastasius*. Cogitis. Recipite arma! sit mutua injuriarum oblivio. *Omnes*. Vive felix, impera pius! *Anastasius*. Juro, detestor Eutychen, & quidquid hæresin sapit! Juro, recipio, & tuebor Chalcedonensem

sem Synodum, cui quisquis se opponet, pro hoste erit. Juro, quos in exilium Episcopos Catholicos expuli, revocabo, & suis sedibus reddam. Juro, cum Ecclesia Romana, & ejus Pontifice perpetuam pacem colam. Quid exigitis amplius. *Oeniandus*. Ut opera verbis addas. *Anastasius*. Obsidem, donec omnia exequar, Hypatium trahe, quo nihil est in hac vita charius mihi. Veni Nepos! Vitaliano permitte te: tutorem habes. *Justinus*. Nihil obside est opus, Cæsar! Imperet Hypatius, quod decreveras, tecum. Coronetur! *Anastasius*. Respuit coronam puer sapientior Patruo. *Justinianus*. Adde, quod deest gaudio dici hujus: in te vivunt spes nostræ, Princeps! *Vitalianus*. Et florida virtus recreat. *Oeniandus*. Nihil delibera. Votum Patru & Patriæ idem est. Annutum præbe. *Hypatius*. Tecum Auguste, mutavi me! Accepto coronam, quam offers, sed ab Oeniando, precor, imponi jube, non a Timotheo. *Oeniandus*. Ah! ut mihi de Timotheo dolorem renovas! Perit infelix, & (quis dubitet) ad poenas abiit, quæ non habent finem. *Anastasius*. Heu! quo nuntio me percellis? Timotheus jam mortem obiit? *Oeniandus*. Cum inferrem cubili pedem, ille animam cum gemitu expuit horrendum vociferans: perii! actum est! *Hypatius*. Funesta mors! quid jam profuit Patriarcham fuisse! & scilicet mihi proderit fieri Cæsarem? *Justinus*. Proderit, si bonus fies. Timotheus, ut vixit, obiit; dignam sceleribus mercedem habet. *Anastasius*. Et quid me manet! Ah! Pater! prodromum video interitus mei! Ego indignum præfeci Ecclesiæ cum detrimento tot animarum. *Oeniandus*. Grave crimen! sed tibi poenitenti tempus Deus concedit, negatum Timotheo. Ut propera. *Justinianus*. At populus impatiens expectat reduces. Si per te licet, docemus factum, & reddimus omnes participes gaudii. *Vitalianus*. Gaudium magnum est! Timotheus periit! *Anastasius* se mutavit! *Hypatius* est Imperator! *Hypatius*. Et Oeniandus Patriarcha. *Anastasius*. Bonus delicias cumulat Deus. *Oeniandus*.

aus. De me alias. Nunc sine dilatione ad opus, quod Deus expectat. *Anastasius.* Tecum transigam. Vos, amici, nepotem producite populo datæ fidei testem: quietem urbi reddite: ludos adornate, quibus coronidem demum Oeniandus imponet, mecum superveniens ad coronandum Nepotem.

SCENA SEXTA.

Marinus. Amantius.

Marinus. Jam vero perimus toti! Audisti feralem clamorem: coronetur Hypatius! Miseret me fratris, quem per te credebam successurum Justino: magis me tui miseret; quem spes omnis destituit obtinendi imperii. Infelix dies, quantum malorum acervum congregat! Timotheus periit! Anastasius se mutavit, Hypatius est Imperator, & Oeniandus sine dubio Patriarcha. Et quid nos? *Amantius.* Nisi aliquid facimus, nihil. *Marinus.* Quid faciemus? Ego sum inops consilii. *Amantius.* Expectamus Augustum, donec ad ludos prodeat. *Marinus.* Nempe ut ignaviam exprobret, qua deseruimus periclitantem? Vah! Me pudet mei! *Amantius.* Ego, mi bone, si scivissem, sic pacifice tumultum finitum iri, non fugissem. Si occidissent Principem, quo fructu cecidissem cum ipso? pro Principe cadere gloriosum est; cum Principe, quid habet laudis? *Marinus.* Tamen crimini fuga dabitur: excidimus gratia. *Amantius.* Est modus nos restituendi. *Marinus.* Quis ille? *Amantius.* Si in odium reiicimus Vitalianum, & socios. *Marinus.* Speras fieri posse? *Amantius.* Facile. Imperator in horas est varius, & affectibus indulgens suis, inter quos maxime imperant ambitio gloriæ, & præceps ira. Jam vidimus, quo illum ultima necessitas, & timor mortis adegerit: adgeniculari subditis, coronam deferre, supplicii se reum facere, deprecari flagitia

non erubuit miser. *Marinus.* Intelligo, quid velis. Deducus exaggerare jubes, quo affecta majestas est. Enimvero divinum consilium! *Amantius.* Demonstrabimus, quam execrabilis audacia sit, Principem sic tumultuose invadi a subditis, & ad desperata consilia adigi. *Marinus.* Dicam, eum posthac non nisi precarium Imperatorem fore, cui exprobrare subditi quotidie possint, quod coronam non suis meritis, non sanguini, non legitimæ electioni, sed ipsorum misericordiæ debeat. *Amantius.* Dicam, eum se exposuisse risui, ac sannis scurrarum, qui, cum audituri sunt factum, absque dubio in compitis, & triviis inter cachinnos & sibilos gloriaturi sint, quantum viribus valeant, quippe Imperatori alias tam formidato formidabiles facti. *Marinus.* Dicam, infamiam æternam fore: dedecus lectum iri in historiis, exhibitum iri in theatris, pueris declamationum materiam fore. *Amantius.* Dicam, quanti referat Principis, læsi honoris illustrem vindictam capere! quam insolescat vulgus, quam crescat audacia, si vel semel triumphasse se videat! quam, si quid posthac imperaturus sit, semper timere debeat, ne vel ex cerdonibus quispiam insurgat in scelus, & sibi similes velut in tyrannum educat in aciem. Non jam Imperatorem, sed mancipium fore, certe nihil diversum a scenico Rege, cui, si pro vero se efferat, vestis detrahatur. *Marinus.* Dicam, exemplum eum dedisse nunquam visum, nunquam auditum. Reges externos, & posteros indignaturos non tam proterviæ subjectorum ad tantum facinus progredientium, quam ignaviæ Imperatoris, facinus non ausi punire. Credituros, Anastasium aut extreme stupidum, aut misere timidum fuisse, qui vel dedecoris gravitatem non intellexerit, vel plectere tantam insolentiam non potuerit. *Amantius.* Ille vero quo vultu sic loquentes excipiet? *Marinus.* Expallebit iracundia. *Amantius.* Exardebit pudore. *Marinus.* Livebit odio. *Amantius.* Furet vindictæ cupidine. *Marinus.* Tremet horrore dedecoris. *Amantius.*

tius. Tabescet tristitia. *Marinus*. Timore jactabitur. *Amantius*. Audacia effervescet. En progreditur. Nunc linguam arma.

SCENA SEPTIMA.

Anastasius. *Oeniandus*. *Marinus*. *Amantius*.

Anastasius. Tandem prorepistis ex cavernis trepidi lepores!

Ambo. Pudet, Auguste, & agnoscimus malum.

Marinus. Sed insolentia hominum omne consiliū abstulit.

Amantius. Nihil cogitare, nisi fugam potuimus. *Anastasius*.

Vides Episcopo, quantum excuses facinus! *Oeniandus*. Accuso,

Cæsar, sed deprecor ultionem. *Anastasius*. Surgite! ego, &

vos offensi sumus. Vindicabimus probrum. *Ambo*. Jube in

tela, & ignes ire. *Oeniandus*. Nihil obtineo? *Anastasius*. Oras,

quod fieri non potest. Memento, quo projecta majestas sit:

Oeniandus. Agnovisti in subditis Dei manum! *Anastasius*. Æter-

na infamia est, nisi sanguine reorum eluo. *Oeniandus*. Poenam

condonasti! *Anastasius*. In horas novi motus timendi sunt,

nisi terrore frangatur audacia. *Marinus*. Sic est, Auguste, vi-

dimus curvantem coram subditis genu, & expavimus demissio-

nem. *Amantius*. Vidimus corona & sceptro se abdicantem, &..

Anastasius. Silete dedecus meum. Certa est sententia: vindica-

bo. Vos tum redituros in gratiam credite, si ultionem exe-

quemini celerem & ferocem. *Ambo*. Impera modum. *Anasta-*

sus. Hic modus est: populus congregatur ad ludos: Hypatius

ad coronam paratur. Vos a Vitaliano, Justino, & Justiniano

recipite milites, quibus præsunt: ipsos jubete ex meo imperio

proximos in corona procerum Hypatio stare. Amanti, tu do-

nationem ducibus ex ærario fac: tu Marine, promissa militibus.

Tum in medio ludo in-turbam irruite, & quotquot potestis,

maestate. Acerba est medicina, sed necessaria malo. *Ambo*.

In-

Intelleximus totum. *Oeniandus*. Vah! Crudelem sententiam! Ergo innoxii cum noxiis luent? *Anastasius*. Duces Rebellium (Vitalianum, Justinum, ac Justinianum intelligo) cum custodia ad me perducite. *Ambo*. bene. *Oeniandus*. Ego te, Princeps, ex manibus tumultuantium rapui: non merui gratiam, ut deprecanti pro reis veniam concedas, cum tanta pompa promissam? *Anastasius*. Gratus sum, qui te hic studiose retinui, ne in periculum cædis venires. *Oeniandus*. Hoc nempe est ludere. *Anastasius*. Cave, ex aula abeas. Custodiam ad portas monete, ne quis exire Episcopum finat. *Oeniandus*. Heu me! Deceptus sum! Hypocritæ credidi, & optimos viros tyranno tradidi. Superi! Qui hominibus fidem datam non servat, nec vobis servabit. Prospicio redeuntem procellam! Perfidum, perjurum Cæsarem habemus: non Eutychen detestaris, non synodum revereris, non revocabis Episcopos, non pacem cum Pontifice coles! *Anastasius*. Nihil deciperis. Jura vi coactus: mens jurandi non fuit. Eutychen tueor, synodum nihil curo, Episcopi in Exilio peribunt: Papa non habet, quod jubeat: nos imperare volumus, imperari non volumus. Hæc justa vindicta est in rebelles Pontificios. *Oeniandus*. Et nihil jam de ferali somnio cogitas, miser! *Anastasius*. Disparuit. Vos me securum facitis. *Ambo*. Facimus. *Oeniandus*. Et nihil movet funesta Timothei mors. *Anastasius*. Abi canis! *Oeniandus*. Abeo, & oro Deum, ut faciat finem malis. Fulminatrix, si nescis, virtus in precibus est: ascendunt, & pro bonis densantur in pluvias, pro malis in grandinem, ac tempestates. *Anastasius*. Minare popa! Minare pueris hæc bruta fulmina! Virum non terres. *Oeniandus*. Non sunt bruta. Senties sero nimis, quid vota fervorum valeant apud optimum Dominum. Diu passus est furere Pharaonem: denique precibus, exoratus Ægyptum totam submersit. *Anastasius*. Pharaoni me comparas? *Oeniandus*. Pharaonem loquitur superba vox: nos
impe-

imperare volumus, imperari non volumus! velut dixisses: nescio Dominum! Atqui vivit Dominus, in cujus conspectu sto, & ego orabo, ut te auferat de terra cito, ut sis in proverbium omnibus gentibus, & trepident omnes Principes, cum audierint de te. Tabescere me facit zelus meus! & indignatione deficio. *Anastasius*. Ego tibi linguam ex faucibus rapiam, ut orare non possis. *Oeniandus*. Infelix! Cor orat, etiam cum silet lingua. *Anastasius*. Cor eruam! *Oeniandus*. Sanguis clamât in cœlum. *Marinus*. Pro! quanta est patientia Princeps! *Anastasius*. Quiesce placidus, Oeniande! jam nihil efficis. Stat experiri, num sis Propheta. *Oeniandus*. Miseret me! Orare timeo, quia timeo exaudiri: & tamen orare cogor, quia cogor juvare. Experieris fatue! Experieris, quam verum sit illud: Deus non irridetur! At vos ministri scelerum, rapite, quo jussi estis. En præcedo. Quod facitis, cito facite, ut cito impleat mensuram scelerum scelestus Dominus, quem præ Domino Dominorum timetis. Et tu Amanti! Nonne Justino finxisti amicum te? Nunc carnifex eris? *Amantius*. Sum, quod jubeor. *Oeniandus*. Utinam sis, quem jubet te Deus esse! Perfidiam lues. *Marinus*. Ut ardet popa! *Amantius*. Ardeat, non accendet, nisi nos applicemus. Maeste! in nostras spes! *Marinus*. Quod felix faustumque sit nobis, hodie multo sanguine pluet! Imber fecundus erit.

CHORUS II.

*Repentinus interitus Animæ obstinatæ. In illa verba:
In una die venient plagæ ejus, mors, & luctus, & fa-
mes, & igne comburentur. Apoc. 18.*

*Persona. Nemesis. Pseudo-Propheeta in tortores mutati. Foci in
præficas. Quatuor Elementa per turmas. **

*Nemesis. ** Ad arma! Ad arma! Nunquid semper tacebo?
Pugnet mecum orbis terrarum! Ad arma! Ad arma!*

ARIOSE

Dormi! Dormi!
Quæ signat vitæ tempora,
Effluxit nondum Clepsidra:
Sed jam mensura scelerum
Impleta est: supplicium
Non ultra differetur:
Hac hora exigetur.
Dormi! Dormi!

*Nemesis. Vos probroso famulatu liberi
Servite posthac Nemesi. Ad arma! Ad arma!
Eja! Quis exequetur, quod statui?*

* Theatrum exhibet urbem Babylonem obsessam a quatuor Elementis.

** Ex nubibus descendens ad dormientem in munimentis.

CHORUS.

Terra. Ego vadam, absorbebo!
Aqua. Ego vadam, & delebo!
Aër. Ego vadam, & diffabo!
Ignis. Ego vadam, & cremabo!
Omnes. Ad quæcunque vis tormenta
 Prompta habes elementa;
 Omnia supplicia
 Meretrix est merita.

Babylon. Heu me! Quid audio? Quid video? Quo fugio?
 Amici! Amici! Portas claudite, muros defendite!
Nemesis. Frustra es: nulli jam sunt amici.
Babylon. Vigilone, an adhuc somnio?
Nemesis. Ecce, nondum evigilavit serio.
 Infelix somniasti falsa gaudia:
 Vera jam senties, & acerba supplicia.
 Claude portas! Oppone moenia.
 Nemesis nulla via est invia.

A R I A.

Non videor videre,
 Et tamen video:
 Credor connivere,
 Sed non conniveo.

Nullum est scelus a poena immune:
 Nemo me unquam offendit impune:
 Ascende in Cælum, & adsum!
 Descende in Orcum, & adsum!
 Transnaviga mare, & adsum!

ANASTASIUS.

Serius aut citius
 Feriet hic gladius:
 Si quæris ex me : quando ?
 Ajo: aliquando.

Vos jam audite sententiam :
 Quam exequemini contra Babyloniam:
 Hac hora *venient* *plagæ ejus*,
Mors, & luctus, & fames,
Et igne comburetur ! Ad arma !
 Vallo circumdate, coangustate undique !
 Nec lapidem super lapidem relinquit !

A R I O S E.

Terra muros succute !
 Ignis tecta corripe !
 Aër, aqua vigilate !
 Fugientes suffocate !
 Scortum mihi sistite.

Chorus oppugnantium.

Concordibus votis
 Et viribus totis
 Ulciscimur Divam offensam !
 Qui Nemesis habent infensam !
 Infensos habebunt & nos.
 Inutilis metus :
 Jam serus est fletus ,
 Cum placuit vobis ridere ,
 Licebat utiliter flere :
 Nunc scelera opprimunt
 vos !

Chorus fugientium.

Væ illa magna Civitas ! *Apoc. 18.*
 Væ illa fortis Civitas !
 Una hora desolata !
 Flammis data, deformata !
 Væ ! Væ Babylonia !
 O quæ cavernæ montium
 Dant miseris refugium ?
 Ah ! qua via evademus ?
 Preces, preces geminemus :
 Parce, o Justitia !

Pseudo-

* Moenia evertuntur, Meretrix capta rapitur ad rogam, & crematur.

Pseudo-Propheta. Captivam huc trahimus, Diva!
Babylon. Proditor! proditor!

D U E T T O.

<i>Babylon.</i>	Sic me decepisti! Nonne omnem faustitatem Et longævam sanitatem Audax promissisti? Nonne verum a Chaldæis Falsum dici a Hebræis Perfide dixisti? Non in cœlo te vidisse, Non in stellis hæc legisse Mendax crepuiſti? Diva mei miserere, Quam tam foede decepêre Blaterones isti.	<i>Pseudo- propheta.</i> Quare credidisti? <i>Pseudo- propheta.</i> Quare credidisti? <i>Pseudo- propheta.</i> Quare credidisti? <i>Pseudo- propheta.</i> Quare credidisti? <i>Pseudo- propheta.</i> Quare credidisti?
-----------------	---	--

Nemesis. Tandem video trepidantem,
 Quæ toties risit minantem.
 Nihil agis. Per quæ quis peccat, per hæc & puniatur.
 Abripite, spoliare, cremate!
 Rogum dabunt rudera,
 In quæ conciderunt scelerum instrumenta.*

A R I A.

HUc oculis, huc animis
 Adeste obstinati!
 Quis denique, perpendite?
 Quis finis sit peccati.

* Fit rogus.

D d 3

Qno

ANASTASIUS.

Quo pes est lentior,
 Hoc manus gravior.
 Qua non putatis, hora,
 Repente, sine mora
 Bis acuto gladio
 Armata advolo:
 Iñus unus duos ferit:
 Anima & corpus perit.
 Cunctantem etiam
 Timete patientiam.

Babylon. Ergo non misereberis amplius?
Nemesis. Non misereor. *Quantum in deliciis fuit,*
Tantum illi date tormentum, & luctum!

CHORUS.

Urere misera!
 Nunquam comburenda!
 Lue flagitia!
 Nunquam eluenda!
 Qui sapit, ex tuo supplicio discat,
 Tempori sapere,
 Crimina plangere.
 Priusquam sub pedibus terra dehiscat.



* Babylon comburitur.

PARS



P A R S III.

ANASTASIUS PUNITUS.

S C E N A P R I M A.

*Hypatius. Oeniandus.**

Oeniandus. **O**Ravi: & nisi me vehementer animus fallit, auditus sum. Væ tibi Anastasi! coire nubes vidi, quæ fulmen excoquunt...^{**} Intonas magne Deus? .. O murmur grave! . Audite impii! ita Majestas loquitur etiam illis terribilis, qui negant Deum. Quanquam hæc misereantis est lingua, non punientis. Minatur, ut parcat. Utinam intelligeretis! . Sed nimirum juvat aures occludere, juvat minas contemnere, ne obturbent libidini! . O fatuum! nam qui spernis, nonne & ipse sperneris? Deum non audis: nec Deus te audiet: clamabis furdo, & cum infelice Antiocho deprecaberis Dominum, a quo misericordiam consecuturus non es. O Lucus! o dolor meus! Ergo peribis Anastasi! Poteras ingenii gloria, prudentiæ laude, fortitudine animi, potentiæ terrore, indolis comitate, scientiarum cultu, virtutum politicarum omnium possessione esse maximis Principibus major, esse Superis & hominibus charus, esse in utroque sæculo felix: una hæresis corrumpit tot decora! unum vitium abominabilem coelis & terris, unum infelicem facit in tempore, & æternitate! Hem immanem stultitiam! . Ah! quantum indignor scelere, tantum miseret miserrimi Principis! Miserefcite boni Coelites, & tandem cor durum mollite! Obstinavit

* Exhibetur aula, & thronus, & pægma ad supplicium reorum.

** Successive tempestas ingruit.

navit se fatuus, ne retractet errorem: & errat semper, ne videatur semel errasse! ita se famæ, ita gloriæ consulere credit! O fatuum! o insanum! Urgebam toties, ut vellet mentem sanio- rem admittere: & sentiebat se urgeri a te, mi Deus! resiliit semper, & nunc me demum a se ejecit cum sarcasmo: *Scilicet Oeniande, hanc gloriam quæris, ut dicatur de te, quod Anastasium converte- ris! non habebis. Convertar, cum ego volam, non quando tu. O fa- tuum! o insanum! Nam quis ego sum, ut mihi potestatem in cor humanum arrogem? In tua manu, Domine, in tua manu sunt corda Regum! Utinam cerea, utinam saltem tractabilia sint!* *Hypatius.* Ah! Pater! quantum malum nuntio! Scilicet per aggesta cadavera in solium evehar! *Oeniandus.* Non feris in- scium. Clades facta est: nunquid? *Hypatius.* Clades immanis in- ter medios ludos, furente milite in inermes, nullo discrimine. Ego quid tanta sævitie velit, non intelligo! Subduxi me fuga cum Justiniano, quem continuo Marinus a latere abstraxit in vincula. O minor, omnibus Catholicis necem. Subtrahimus nos furori, Pater! mecum fuge! *Oeniandus.* Imo tu pugna me- cum. Quanto est sceleratior Anastasius, tanto est propinquior suo exitio: ne deseramus! Audis Tonantis vocem? *Hypatius.* Assuevit audire. Nisi fortius tonet, non terret. *Oeniandus.* In- finuat se suaviter Orator Deus in exordio colloquii sui! Væ au- ditori, quem non habet benevolum! Quem non movet oratio, peroratio conteret. Ingredere mecum: verba nostra junga- mus voci Numinis: forte habebunt pondus. Quamdiu vivi- mus, desperandum est de nemine.

SCENA SECUNDA.

Anastasius. Oeniandus. Hypatius.

Hypatius. **S**Uperi! quale se theatrum obijcit? Augustæ Patræ! hæc pompa paratur mihi? Sic agis diem festam hære.

hæredi coronæ sacram? Færale omen! portentum grave! Multa hominum millia cæsa sunt: ludus in tragœdiam desiit: in obvium quemque furit miles: ubique gemitus morientium, aut cœsos lugentium, planctus sonant: mœrore & metu civitas squallet: ipse vix evasi cædem, inter tumultuantium fremitus ægre ad te elapsus, quẽm nescio, Patrem compellem, an judicem! Ah! per dulce fratris nomen, qui te oravit moriens, ut pro filio pupillum susciperes, obtestor Patruæ, quid tantum in te peccavi, ut sic illudas misero? Hoccine est Imperatorem dicere? hic apparatus decet? *Anastasius*. Hic decet. Surge Ne-
pos! & imperantis ferociam indue. Iste stat tibi thronus! in hunc ascendes hodie: ex hoc primum fulmen in Vitalianum, Justinum, & Justinianum dejicies, ac Majestatis reos lictori trades. Hic actus primus decet. *Hypatius*. Amicos damnare, hic actus decet? Parce, Imperator, coronam deprecor! nolo purpuram, quam foedat innoxius sanguis! *Anastasius*. Amicos, puer, innoxios vocas, quos Anastasius damnat? *Hypatius*. Quos venia donasti, quos in amicitiam recepisti innoxios, amicos voco! *Oenianus*. Generose Princeps! Dissimulat Patruus crimen verum. Proceres Catholici sunt: hoc scelus condonatum non est. *Hypatius*. Hoc scelus mihi & tibi commune est. Paulum ante, Patruæ, jurasti fidem, damnasti Eutychem, Chalcedonensem Synodum probasti, revocare Episcopos, revereri Pontificem promissisti: te ipsum damnas? hæc inconstantia decet? *Anastasius*. Blatero! tu me doceas? a præceptore didicisti audaciam! Exautoratum, Oeniande, jam nunc te scias. Male functus es Moderatoris officio, quo te honoravi! Volebam promovere te, volebam ditare: obstitisti fortunæ tuæ, & meæ benevolentiae. Abi! quod non addam: in exilium! hoc gratiæ debes. Abi. *Oenianus*. Attigit summum verticem sæva crudelitas! *Hypatius*. Ah! Oeniande! *Oenianus*. Vale Princeps! *Anastasius*. Abi! * *Oenianus*.

* Tenat.

Theat. Polit. R. P. Neumayr.

E c

audus. Audis Imperator, quod sit super te aliquis, qui metuentus est tibi? *Anastafius*. Hac hora peribunt, qui metuendi sunt mihi. Nepos, ama Patrum, qui amat te! Quod factum est, fieri necesse fuit, ut meo honori, & tuæ securitati consulerem. Metuant te, quibus imperas, ne imperent tibi. Felicibus auspiciis coronatur, cui pro acclamationibus suspiria subditorum, & fletus pro plausibus sunt. *Hypatius*. Parce, Patruæ, imperium nolo, quod triste obedientibus sit. *Anastafius*. Imperare non vis? ergo obediens imperanti. Triste an lætum imperium sit, perinde est: obediens. Ex hoc folio damnabis rebelles Proceres: ego impero. Obediēs? *Hypatius*. Iusta impera!

SCENA TERTIA.

Personæ omnes præter Oeniandum. Milites.

Amintius. **A**uguste, imperium implevimus tuum. Trepidat Majestatem tota civitas! secure imperabis, quod voles. Plus quam trium millium sanguine vindicavimus excitatum tumultum: Auctores in vinculis Marinus trahit. En intrat. *Anastafius*. Hoc me spectaculum recreat! hoc juvat, & decet Nepos. *Marinus*. Vive Auguste, & impera felix! *Ommes*. Vive! * *Marinus*. Sisto scelestam triadem: & militem exhibeo cruore perduellium nobilem! *Anastafius*. Fida cohors! laudo solertiam: præmium te dignum feres! *Ommes*. Vive Auguste, & impera felix! *Anastafius*. At vos homines bardi ac stolidi! credere potuistis, immane facinus vobis impune fore? *Hypatius*. Prò aspectum feralem! *Anastafius*. Submittitis tandem rebelle caput, & agnoscitis Dominum, quem spreveritis? Ubi nunc est ille animus ferox, quo insultastis? ubi audax proteſſoria, qua irruiſtis? ubi atroces minæ? ſcilicet jam in monachum totondistis Anaſtaſium? At ego faciam, perditum, ut vos ita tondeat carni-

* Tonat.

fer,

fex, ut nec pilus boni viri in quoquam supersit. Eja! jam cape
 sceptrum Vitaliane! impone coronam Justino tuo! Vecors! Tibi
 amicus præ Cæsare sit! cui jurasti fidem? Justino, an mihi, per-
 fide! en hoc amico solum erexisti: in hoc pegma evehes. Justi-
 ne, gratias amoris debes! exulta! plaude! Primus a consiliis
 Justinianus stabit individuus comes scelerum. Duumviri nobi-
 les! Imperatori trunco servietis pro manibus, dextram Vitalia-
 nus, sinistram Justinianus efficiet; ita invictus bello, pace beatus
 eris. Bella consilia! Adora prudentiam orbis, & gratulare for-
 tunam tibi, quanta est, a sapientissimo regi! Subulce, tu affe-
 ctare imperium ausis? Credidisti artem eandem esse, porcos &
 homines regere? *Justinianus*. Quousque insultas miseris? Duci
 jube! *Justinus*. Imo loqui sine: morituri loquemur verum. *Ana-*
stasius. Scilicet convitia audiam? audiam. Eja omne venenum
 vomite! Amici! testes impudentiæ este: neque enim quidquam
 loquentur pacifice, qui scelus amant. Vides, Nepos, quos
 ames tu? num fatentur culpam? num deprecantur? num do-
 lent saltem? imo nunc, credo, etiam defendent. Audiamus!
Vitalianus. Verba perdit, qui coram tyranno loquitur. *Anasta-*
sius. Latrat canis. *Vitalianus*. Quidquid dicturi sumus, occide-
 mur: sic enim decretum est. Ego a te deprecor nihil. Vos,
 amici, oro, Vitaliano ignoscite! in hanc calamitatem ego con-
 jeci vos: erratum est graviter! sed ex tyranni mandato erratum
 est: ille jussit allicere ad facinus, quod nunc damnat. Ah! ni-
 mis obediens fui! non obedissem, periissem solus: vos extra
 periculum cernerem. Nunc ex hac una causa luctuosa est mors,
 quod vobiscum communis. * O ut possim pro tribus mori. *Ju-*
stinus. Cessa gemitus indignos viro! Culpa, in quam nos pertra-
 xisti, condonata est omnis: audivimus bona verba, gestus ama-
 biles vidimus, juramenta percepimus. Novi nihil peccatum est:
 vetus est culpa, & omnium eadem; Catholici sumus!, culpa fe-

E c a

lix!

* Tonat vehementius.

lix! gaudete viri! Nemo potest glorioſius mori: Ego a porcis ad militiam tranſii: ignobilis ortus fuit, non tamen ignobilis vita. Meis meritis, non Majorum beneficio, non patronorum favori, non pecuniæ, non malis artibus debeo, quidquid ſum: neque in gradum, quem teneo, ſaltu perveni, ſed paſſu, ſemper Imperatori fidelis, ſemper ſtudioſus boni publici, ſemper magnorum facinorum avidus cum contemptu periculorum. Itaque ſic vixi, ut vixiſſe non pudeat. Accedit jam vitæ laudabili mors glorioſa! beata fors! Debeo tibi, Imperator, pro pluribus beneficiis gratias: pro hoc ultimo omnem gratitudinem debeo. Quid rependam? Sanguinem, ſanguinem, quem pro te toties in acie fudi, nunc omnem Numini pro te offeram, ut emolliat durum cor, & avertat interitum, quem eſt minatus! *Anaſtaſius*. Dolose Sinon! *Juſtinianus*. Nihil metue dolos. Mens bona eſt nobis, qualem & tibi optamus. Heu! quid juvat, falſum ſcelus prætere, ut innoxios damnes! Scilicet decipies Judicem Deum, qui tibi cor & renes ſcrutatur! ſemper hypocritam ſuæ artes decipiunt. Intentatas cœlitus minas cupis evadere: ſapienter. Ideo mori nos jubes, velut a nobis impenderet tibi vitæ periculum: inanis eſt ſpes! Occideris nos: nunquid & aliorum ferro ac inſidiis pates? Scilicet in immani clade, qua hodie affectus eſt populus, ceciderunt omnes, quotquot oderunt te? non puto: quin ita exiſtimo, multo ex cæſorum ſanguine plures eſſe naſcituſos, qui te averſentur, quam erant heri. Sed demus, percuſos metu omnes, jam nihil in te auſuros atrocius, nunquid etiam Deum percuſiſti? Eluſi oraculum! O ſpes inanis! quidquid creavit Deus, armare poteſt in tuam necem. Ecce fulgetrum micat! geminantur tonitrua! * Quod fulmen non prorpat, tu, credo, prohibes? Quam celeri morte tuus Timotheus periit! Ejusdem ſceleris reus es: nec idem ſupplicium times? Viden', ut nihil

de

* Tonat iterum.

de nobis solliciti, anxii pro tua salute sumus, cujus tu adeo incurius es. Liberos, scio, liberos hoc momento diceres, si adhærere hæresi, si Ecclesiæ Romanæ refragari vellemus. Sed tanti vitam non emimus. Anathema Eutychi! Synodo Chalcedonensi juramus! Catholici morimur! *Vitalianus & Justinus.* * Anathema! &c. &c. *Justinus.* Liçtor, obnube caput, ad palum alliga! Vale Hypati Princeps! Et cave Patru exemplum sequi. *Vitalianus, & Justinus.* Vale, & impera pius! *Anastasius.* Obstinati! . Videtis, ut nemo excusaverit crimen! Deprecatus sit nemo! Quid vobis videtur? *Amantius. Marinus.* Rei sunt mortis. *Hypatius.* Quid? Num isti sunt iudices? Paulo ante me nominasti, ut sententiam dicerem in contumaces. *Anastasius.* Acceptas demum? *Hypatius.* Irascor, fuisse lentum. *Anastasius.* Sic places. Tribunal scande, & poenam pronuntia.. ** Vah! quo ruis, puer? *Hypatius.* Ejusdem amici vobiscum criminis reus sum! Auguste, Catholicus sum! mortis me ipsum damno! O chara capita! *Anastasius.* Insulse, effrons, proterve puer! . Liçtor ferrum in reos expedi! Vos abripite puerum! *Hypatius.* Non ego impero? *Anastasius.* Ego spectaculo ex alto fruar. *Vitalianus. Justinus. Justinianus.* Anathema Eutychi! Catholici morimur. *Hypatius.* Vobiscum moriar! *Omnes.* *** Pro fragor horridus! *Marinus.* Sonus, Auguste, vicinam signat labem. Exploro Regiam: miles mecum. *Anastasius.* Liçtor! absolve officium! *Vitalianus. Justinus. Justinianus.* Ultor se monstrat Deus! *Omnes.* Heu solium corruit! *Anastasius.* Vah! *Hypatius.* Auguste! *Omnes.* Fugite! Perimus omnes. *Anastasius.* Ignavi! *Hypatius.* Fuge! Aula flammis sulphureis crepat! Viden', qui surgant globi? *Anastasius.* Cœlum ferox!

* Tonat iterum.

** In pegma procurrit.

*** Primum feritur Regia, tum fulmine thronus sternitur.

SCENA QUARTA.

*Anastafius. Vitalianus. Iustinus. Iustinianus. Oeniandus.
Amantius.*

Vitalianus. Coelum pro nobis pugnat. Actus terrore in fugam licitor fugæ dat nobis locum. *Iustinus.* Quam prope a palma abfui ! *Iustinianus.* Nondum Cœlo maturi sumus. Solve vincula ! *Vitalianus.* Este liberi. *Iustinus.* Tempeftas horrida ! *Iustinianus.* Hem jacet superbi fastus cruenta fedes ! *Vitalianus.* Jaceat ! Curemus nos. Quid est agendum ? *Iustinus.* Fugam suadeo. Nemo observat nos. *Iustinianus.* Confilium timidum. *Iustinus.* At prudens. Ecclesiæ vita nostra prodesse potest : ut fortiter reddenda , cum necessitas pofcit, ita non profundenda , cum Deus non urget. *Iustinianus.* Ego expecto finem. Nam aut sternet tyrannum fulmen , aut terror expugnabit ferociam. Si peribit , præfentia noſtra eſt opus Hypatio contra affectantes imperium : ſi metu fit melior , nihil opus eſt fuga. * *Vitalianus.* Ego vero terroribus a cœlo incuffis terrores eſſe addendos a nobis puto , & adigendum hominem , ut ſe imperio , uti ſtatuit , reiſſa abdicet. Aliter non erit quies. *Anaſtaſius.* Pro ſævitiem poli ! furit per omne palatium flamma , & totam Regiam vorat. Juvate proceres ! *Vitalianus.* Hem ! Bona verba ! Tonare ceſſas , dum tonat cœlum ! Cum detonuerit , redibis ad ingenium : clamabis : licitor , obnube caput ! Secures expedi ! Diſce , vereri ſubditos. Nemo ita abjectus eſt , ut non aliquando utilis eſſe etiam ſummis poſſit. *Anaſtaſius.* Parce inſultare Principi tuo. Satis miſer eſt , quem Deus odit. ** Heu ! Quo me recondo ? Inſequitur ultrix ubique flamma ! *Iustinus.* Vitaliane , vinca-

mus

* Tonat. ** Tonat iterum.

mus in bono malum. Sentit iratum Deum : initium salutis habet. *Justinianus*. Recenti clade offensi cives non nisi per nos impellentur, ut conferant operam ad restringendum incendium. Eo, urgeo. *Vitalianus*. Movetis exemplo. Sequor te. *Justinus*. Ego Anastasium, qua possum, juvo. *Amantius*. Justine, non vidisti hac Augustum ire? *Justinus*. Egregius custos es. *Anastasius*. Nec hic est quies. *Amantius*. Auguste, fuge! Nec civi, nec militi, nec igni fide! Turbantur omnia. *Anastasius*. Quo fugiam! *Amantius*. In cryptam descende, quam Proclus condidit. * *Anastasius*. Vah! Fulgor efferus! Cessa terere miserum, aut tandem fieri! *Amantius*. Descende cito. Securus lates! Apponam custodes loco. *Anastasius*. Justinus prodet! *Justinus*. Cæsar! Ego custodiam, juro! Ab hominum furore securus es, dum ego vivo; de ira Dei non habeo vadem. *Oeniandus*. Occursus felix! Adhuc vivere Justinum video. Nempe sentit Princeps, quid possit Deus. *Justinus*. Videt, audit, palpat. Hic latet in Procli specu: Proclus pro Deo est: Hujus confidit arti, velut non etiam petras fulmen scindat. *Oeniandus*. Vidi ardentem Regiam, unde ejecit me! forte nunc felix redeo, & capiet consilium sanum, cum vexatio dat intellectum. ** Sine, ut ad ipsum descendam. *Justinus*. Ipse prodit.

SCENA QUINTA.

Oeniandus. Justinus. Anastasius.

Anastasius. **N**ULLIBI me tutum video. Oeniande! Ah! Oeniande! O quis Oeniandum ad me! *Oeniandus*. Ecce adsum. Quid me postulas? *Anastasius*. O quis te bonus genius reduxit mihi! Consilium præbe: nunc audiam. Pavor,
timor,

* Tonat.

** Tonat iterum.

timor, tremor mentem flagellant undique : undique occurrit
 scelerum imago torva, & animum laniat. memoriam ferale
 somnium, oculos umbra infelicis Timothei, aures cruciat san-
 guis civium, cujus clamori respondet exitium intonans Deus.
 Qua condam caput latebra? Ubi securus furoris traham elum-
 bem spiritum? *Oeniandus*. Erratum est, Auguste! Tu qua eva-
 das, poenam, es anxius, & de culpa non cogitas. Non quo-
 modo effugere, sed quomodo placare possis iratum Numen,
 expendi debet. * *Anastasius*. O aurium tormentum grave! . Re-
 corder, Oeniande, recorder nunc, quæ mala fecerim in Ec-
 clesia! Justum est, agnosco nunc, justum est, subditum esse
 Deo, & Dei Vicario, & mortalem non paria Deo sentire.
 Quidquid imperas, faciam. *Oeniandus*. Lunato Deum adora
 genu! *Anastasius*. Adorò, & pectus contritum plango. Aufer
 Justine, hoc capitis decus! Tolle purpuram! Alius decet ha-
 bitus reum. Quæ tu tulisti vincula, ego merui! *Oeniandus*.
 Sic places, Princeps! *Anastasius*. Cessa superbum nomen! Man-
 cipium voca. Quid adhuc imperas? *Oeniandus*. Retracta sce-
 lera! *Anastasius*. Detestor, execror! Parce fatenti Deus! *Oe-
 niandus*. Deprecare prostrata facie, & in flagella paratum of-
 fer! *Anastasius*. Flens deprecor! Heu! Quam vitam vixi! Me-
 rui, Deus, merui, quidquid suppliciorum aut mundus, aut
 orcus habet! Sed parce dolenti de commissis, & tuam justitiam
 trementi: misericordiam, misericordiam suppliciter exoranti!
Oeniandus. Meliora promitte. *Anastasius*. Hodie me regno ab-
 dico, ejuro Eutychem, Papam revereor, fatis faciam læsis,
 scandala corrigam, reliquos vitæ dies privatus & poenitens in
 orationibus, jejuniis, & vigiliis agam.**

* Tonat.

** Tonat iterum.

SCENA SEXTA.

Accedunt Hypatius. Marinus. Amantius.

Hypatius. O parce Numen! . Quem video? O perge Patruæ, instare precibus! Adhuc gravidæ nubes volant, & minis foetæ. Oeniande, ut animum abjectum erigit aspectus tuus. *Anastasius.* Nondum, ais, detumuit furor! *Hypatius.* Nondum Princeps! *Oeniandus.* Jungamus preces! Urgere vota nos Deus vult! *Omnes.* Misericordiæ memento Deus! & supplici popello parce; *Marinus.* Quid facitis simplices! Heu! Nihil est præsidii in precibus, Princeps! In fuga salus! *Amantius.* Fuge, Auguste, ignis proximum cubile jam vorat; vagatur late! Nullæ vires restinguendo sunt pares. * *Anastasius.* Me miserum! ... Tona, tona superbum, atrox, crudele Numen! Fure furorem contumax, quem gaudes furere. Me inanis poenitentiae poenitet! Nam quousque irridebis Imperatorem jacentem ad pedes tibi? *Oeniandus.* Bone Deus! iterum *Anastasius* loquitur. *Hypatius.* O vocem diram! *Justinus.* O gravem blasphemiam! *Oeniandus.* Deum provocas amens clamore tam barbaro? *Anastasius.* Nempe quia obsurdum mihi. Quid? Non quidquid jusseras, dixi? feci? Et plus quam jusseras? Num movit efferum tanta submissio tanti Principis? *Hypatius.* Per quidquid est sanctum, Patruæ, reverentius de Deo loquere! *Anastasius.* Pudet timuisse! Feriat, si vult ferire, & rabiem saturet! *Oeniandus.* Impatiens moræ se Hypocritis prodit. Auguste, tibi grave est Deo accidere, & non audiri! Ego tibi accido supplex! Num me audies? *Anastasius.* Scilicet iterum ut supplicem, imperabis? Non supplico. *Oeniandus.* Pessime falleris, si credis, Deum ut homines falli, & simulata


poe-

* Tonat vehementius.

Theat. Polit. R. P. Neumayr.

Ff

pœnitentia placari posse. *Anastasius*. Quid? Fune circumdatum, nudum purpura, prostratum in faciem, palam confitentem, cum lacrymis detestantem flagitia, jurantem meliora, talem tu dices pœnitentiam simulare? *Oeniandus*. Simulat sane, nisi paratus ad pœnam sit, quamcunque Deus inferat. Pœnitentis serio, hoc esse votum debet: *Deprecor pœnam! Quodsi deprecantem nolit audire Deus, subibo pœnam lubens, ut satis fiat culpæ.* Quid? Hæc tua mens fuit? Prodidisti te per has blasphemias, non sine tacita conditione te peccata retractasse: dixisse: pœnitet peccasse! retracto o Deus, si tu pœnam non inferis, quam merui! Vah! Quis es tu, ut conditiones pacis præscribere Deo velis? *Anastasius*. Non intelligo te! Sed quod dedebeat Deum tam inhumana durities, hoc intelligo.. *Omnes*. * Prô! horribile tonitru! *Hypatius*. *Oeniandus*. *Justinus*. Retracta blasphemiam Princeps, supplex accide! *Anastasius*. Stantem feriat! . Perii! *Amantius*. *Marinus*. Heu! Heu! *Hypatius*. *Oeniandus*. *Justinus*. O misericors Deus! . . *Oeniandus*. O Deus iuste!



* Fulminatur.

JERO.


JEROBOAM

TRAGŌEDIA

DATĀ

LUDIS AUTUMNALIBUS

ANNO MDCCXXXV.



ARGUMENTUM.

DEus sceleribus Salomonis offensus Jeroboamum decem tribuum, quæ eodem sic ordinante, a Roboamo Salomonis filio defecerant, Regem, atque adeo regni Israhelici Fundatorem constituerat, beneficium perenne fore pollicitus, nisi esset ingratus. At ille (ut meticulosa ambitio est) ne templi Hierosolymitani amore tracti subditi, deserto se, ad Roboamum reverterentur, veritus, idolosatriam regno invexit, vitulos aureos pro Diis proponens, consilio stolidissime politico. Nam *idcirco induxit Dominus mala super domum Jeroboam, & omnem familiam extinxit.* 3. Reg. 14. & 2. Paralip. 13.

NB. NB. De Jeroboami morte dicit scriptura: *Percussit eum Dominus, & mortuus est,* haud dubie, ajunt interpretes, morte violenta per aliquem Justitiæ divinæ ministrum, sive dæmonem, sive Angelum, sive hominem.

2. Nos hic utimur synchronismo, & tempora distincta conjungimus. Nam familiæ totius extirpatio primum duobus annis post mortem Jeroboami contigit per Baasam præfectum militiæ, postea Regi Syriæ confœderatum.

3. Hæc omnia contigerunt, cum in Judæa regnaret Asa, Rex pacis studiosus, & veræ Religionis instaurator in regno suo.

4. Cum filius Jeroboami mortuus sit paulo ante Patrem (ille, qui solus honore sepulchri gavisus est ex fratribus suis) merito credimus, adhuc sub mortem Jeroboami vixisse Ahiam Prophetam, qui hæc omnia illi prædixerat, cum ab uxore ejus de morbo dicti filii (Abiam vocabatur) interrogaretur.

PER-

PERSONÆ.

Abias Propbeta.
Jeroboam Rex
Baasa Præfectus Militiæ.
Nadab,
Salmon, } *Filii Jeroboami.*
Efron, }
Epbrem, } *Fratres Jeroboami.*
Elipbaz, }

Nepotes Jeroboami.
Manasses a Cubiculis.
Zara familiaris Baasæ.
Aram Legatus Regis Asæ.
Ibrahim Legatus Regis Syriæ.
Sadoch a Secretis Legato Aramo.
Tribunus Militum.



PROLOGUS.

Jeroboamicæ Familiæ interitus, & ejus causa Symbolice exhibetur.

* PERSONÆ.

Genius Jeroboami. Religio. Ratio status. Chorus Epheborum.

** *Genius Jeroboami.* Bene est, stat arbor firma radice!
Religio Crescat, & floreat!
Ratio status. In multa sæcula ramos exporrigat!

Ff 3

CHO.

* *Theatrum exhibet hortum, cujus portæ sunt Tabulæ Decalogi.*
In medio stat arbor gentilitiæ stirpis Jeroboam.

** *Jeroboam auctore Deo Rex factus decem tribuum a Roboamo secedentium, 1. 3. Reg. 12.*

CHORUS.

Arbor felix cresce! flore!
 Immortali te decore
 Videamus eminere,
 Admiremur effulgere
 Super omnes arbores!
 Radix late explicetur!
 Vertex altum sublimetur!
 Nulla te putredo tangat!
 Nulla vis vel ramum frangat!
 Nulla rodant caries!

* *Genius Je-* Placent vota. Sed magis placebunt consilia,
roboami. Quibus præstetis, ut vota sint efficacia.

A R I A.

Consilia prudentum,
 Sunt primum fundamentum,
 Regnorum omnium:
 His nixa, stant, & crescunt:
 Subtractis his, vanescunt
 In primum nihilum.
 Itaque docete, quid expediat,
 Ut arbor firmetur, alatur, & floreat.

Religio. Deus plantavit, ego rigabo.
Ratio status. Ego incrementum dabo.

Religio.

* Dixit in corde suo: nunc revertetur regnum ad Domum David, si
 ascenderit populus iste (quod singulis annis fiebat ter) & faciat sa-
 crificia in domo Domini in Jerusalem, & convertetur cor populi
 bujus ad Dominum suum Roboam regem Judæ, interficientque me,
 & revertentur ad eum. *Ibidem.*

Religio. Fons aquæ vivæ fluit Hierosolymæ;
Suadeo, ut mittas, qui afferant de frugifero latice,
Sine quo, sicut arbor nasci non potuit,
Ita non potest crescere.

* **Genius Je- roboami.** Probatne status Ratio, quod suadet Religio?

Ratio status. Nec opus est, nec expedit tam procul aquas petere:
Vicina sunt oppida Dan, & Bethel,
Ubi cisternæ inveniuntur limpidissimæ.

Genius Je- roboami. Sic est: ite, quærite!

Religio. Heu! Cisternas quæritis!

Genius Je- roboami. Quid irasceris?

Religio. Quid Deus prohibuerit non legitis?
Hoc est præceptum primum, & maximum:
Ego sum Dominus Deus tuus:
Non habebis Deos alienos coram me,
Nec facies tibi sculptile, ut adores illud.

Ratio status. Subintellige: *nisi expediat aliud.*
Postquam creavit hominem Deus,
Reliquit illum in manu consilii sui:
Ipse vero jam circa cardines coeli perambulat,
Et nostra non considerat:
Sua ergo cuique prudentia Deus est.

Religio. Pro stupidum Deum!
Tu audi consilium meum.

ARIA.

* *Et excogitato consilio fecit duos vitulos aureos, & dixit eis: nolite
ultra ascendere in Jerusalem: ecce Dñi tui Isrdel, qui te eduxerunt
de terra Egypti! posuitque unum in Bethel, & alterum in Dan.*
Ibidem.

JEROBOAM.

A R I A.

Te fallit ista frons,
 Non est, non est prudentia,
 Stagnantes aqua foetida
 Cisternas indagare:
 Est unus vitæ fons:
 A Deo solo nostras spes,
 (Ne dubita, est certa res)
 Debemus derivare.

Ratio status. Ridiculum! Quid interest Dei, unde aqua affundatur,
 Modo arbor, quam plantavit, alatur?
 Hierosolymis aquam petere,
 Idem est, ac se hostibus dedere.
 Non expedit, non expedit,
 Et si millies præceptum sit,

A R I A.

Mandatis
 A Deo ad homines datis
 Tunc, ajo, nos ligari,
 Cum commode possunt servari:
 Si damnum afferant,
 Non obligant.
 Hoc fine
 Sunt positæ leges divinæ
 Ut simus beati:
 Sumus igitur liberi nati,
 Et quidquid expedit,
 Licite fit.

Reli-

Religio. Vah! stygia axiomata!

Genius Je- Ex his tamen mihi placet regnare.
roboami. Tu si nostris te consiliis

Non potes accommodare, potes exulare.

Religio. Exulabo: sed mecum abibit felicitas,
Et tu impiam sero damnabis prudentiam.

Ephebus 1. Invenimus aquam,

2. Uberrimam, limpidissimam.

Genius Je- Eja feliciter! -- Hem! Patent mendacia;
roboami. Nihil est foetoris in aqua: abi vaniloqua!

Etiam, quæ scripsisti, deleo; *

Adeo nihil, quod minata es, timeo.

Ratio status. Ego, quod felix, faustumque sit, arborem irrigo.
Vos mihi concinite!

CHORUS.

Crescat, & floreat

Domus Jeroboam! -- **

Ratio Status. Vah! quid video!

Genius Jero- Arbor contabuit! heu! luctu deficio!
boam,

*Et propter hanc
causam peccavit
domus Jeroboam,
& eversa est, &
deleta de superfi-
cie terræ. ibidē.*

CHORUS.

Hen! disparuit

Domus Jeroboam!

Quanta spes aruit

In gramine!

Momento floruit:

Momento periit! --

Aspicite!

*Ipsam vero per-
cussit Dominus,
& mortuus est.*

2. Paralip. 13.

Reli-

* Delet Decalogum. ** Dum rigat arborem, aqua ex cisternis
allata, illa repente exarescit.

Theat. Polit. R. P. Neumayr.

Gg

Religio. Aspicite! ecce sic decipitur,
Qui a falsa prudentia regitur.

Psal. 36.

Verissime, *vidi impium superexaltatum,
Et elevatum sicut cedros Libani:*

Transivi, & ecce non erat! non erat!

1. Reg. 2.

Nempe scripsit oraculum, qui scripsit de me:

Quicumque glorificaverit me, glorificabo eum:

Qui autem contemnunt me, erunt ignobiles.

A R I A.

A Surgite feroculi!
Adeste! Reboramini! . . .

In Omnipotentem

Obfirmate mentem!

Spes spebus cumulate!

His inædificate,

Et turrim Babylonicam

In Coelum ducite!

2.

Ridebit inanissima

Omnipotens consilia:

Et uno oris flatu,

In medio conatu

Disperget, dissipabit,

Vobiscum tumulabit

Magnifica ridiculæ

Trophæa gloriæ.

3. At

3.

At ego hoc ad tumulum
Appendam Epitaphium : . . .
Hic jacent , qui jacere
Se posse , nescivêre :
Qui semper quæsilverunt
Et nunquam reppererunt
Nomen sine Numine !
Viator conspue !



ACTUS I.

SCENA PRIMA. *

Manasses. Jeroboam. Baasa. Zara.

Baasa. **R**EX! *Jeroboam.* Quis huc irruit non vocatus? Latro-
nem video! arma miles! *Zara.* Per Cœlum! quem
feris Rex? *Baasa.* Quis furor est? *Jeroboam.* Teneor! miles
arma! *Manasses.* Cito. *Zara.* Amici sumus! *Jeroboam.* Ma-
nasses! irruere! retrahere fugitivos! Siftis! *Manasses.* Ignosce! fu-
ror oculos tenet! *Jeroboam.* Imo furor infestat aulam, Regius
undat cruor, concidit solium, tota in ruinam procumbit do-
mus. Ocyus huc Baasam voca! *Manasses.* En! coram adstat!
Jeroboam. Prô! ubi sum? in te ferrum, amice, strinxi? *Baasa.*
Porro stringe! Qui potuit videri latro, reus est satis. *Jero-
boam.* Surtus! error furoris fuit. Omnia timeo. Procères!
odit me Deus Israël! totus perii! *Zara.* Moderare luctum,
Rex! Serena vultum tandem, admitte cibum, & loqui velis.

Gg 2

In

* Pompa funerea pro mortuo filio Jeroboami.

In hoc irruimus non vocati , hoc aula postulat , hæc omnis Israël. *Manasses*. Convenerunt Principes tribuum : totus ad fores Regiæ se stetit populus : tu funesto demum aspectu abstine , & ultimos , ut mortuo honores feramus , sine. *Jeroboam*. Sino. Fer muntium Zara , & pompam instrue. Nadabum mihi adesse jube. *Zara*. Utrumque ago. *Jeroboam*. Tu cum cohorte in Silo perge : ibi Ahias habitat : velit nolit , ad me huc trahere. *Manasses*. Prophetam ? *Jeroboam*. Ipsum. *Manasses*. Redire forsitan cogitas ad sacra Patrum ? *Jeroboam*. Tibine Rex rationem imperii debet ? *Baasa* ! Ultima illuxit dies ! evaginavit fulgurantem gladium vindex Numen , nec una victima furorem saturat. *Baasa*. Impotens dolor loquitur. Filium rapuit mors : est grave malum ! Sed quid facias ? Ferri debet : & præteriit. Superstes vivit Nadabus tibi : Salmon & Esron vivunt : vivunt duo fratres , nepotes octo : nondum procubuit domus. *Jeroboam*. Ah ! Filius , fratres , nepotes file ! Fuerunt ! Hæc vox Tonantis est : fuerunt ! Tu credis , unum me lugere malum ! Fæta capiti impendet nubes : non dimittetur ne una quidem anima de semine meo ! I nunc , & increpa , longum quod ludum traham ! *Baasa*. Vanos timores mitte. Quando Principibus imminet grave malum , semper cometa fulget. Nunc una nubecula fuscatur diem , quæ filium oculis rapuit : reliquum omne Cælum ridet suaviter , vultu sereno radians. *Jeroboam*. Tibi ridet : mihi fulmina , & mortes coquit. Ahias vates est. *Baasa*. Regnum Ahias vaticinatus est tibi : memini. *Jeroboam*. Idem nunc interitum canit. Ut ægrotare filius hic meus , *Baasa* , coepit , extimui statim , nec ausus sum sperare a vitulis opem. Ita sapere calamitas docet. Uxorem voco , & perge in Silo , inquam , ibi Propheta habitat : consule , quid futurum sit puero. Paret , mutat vestes , ne agnoscat , abit. Jam audi prodigium. Calcanti limen domus obvius Ahias exit , & quamvis caliget ipse præ senio , quamvis dissimularet se illa esse , quæ erat,

erat, tamen alloquitur prior, & cum sarcasmo: Ingredere, inquit, uxor Jeroboam! Quare aliam te esse simulas? Ego autem missus sum ad te durus nuntius. Jam præcipe animo, quidquid horrent aures, non assequeris, quod dixit. *Baasa.* Vel narrans terres. *Jeroboam.* Non est locus dubio super: certus interitus est. Nam postquam exprobravit acerbe beneficia de cœlo collata mihi; postquam exaggeravit ad horrorem maleficia, quæ ego reddidi: postremo has minas tonuit: vade in domum tuam, & in ipso introitu pedum tuorum in urbem morietur puer, & planget eum omnis Israël, & sepeliet. Iste enim solus inferetur de Jeroboam in sepulchrum. Cæteri, qui mortui fuerint de Jeroboam in civitate, comedent eos canes: qui autem mortui fuerint in agro, vorabunt eos aves Cæli, quia Dominus locutus est. *Baasa.* Superi te servant, Rex! *Jeroboam.* Serum est votum, & forte nec serium tibi. *Baasa.* Regna diu! Serius votum est. Vis, probem sanguine? *Jeroboam.* Abjctum a Deo Regem quis optet vivere? Addidit, quod maxime terret: constituet autem sibi Dominus Regem super Israël, qui percutiet domum Jeroboam in hac die, & in hoc tempore. Viden'! nec mora supplicii est. *Baasa.* Oraculum atrox! Ego ne alteri, quam tibi serviam? Quis ille? Quem nominavit fatidicus senex? Hoc ense cadet! *Jeroboam.* Nemo nominatus est, nempe ut sit metus gravior, dum omnes timeo. Rescire tamen latronis nomen adhuc sum avidus, & spero, audiam ex Propheta: ideo accersivi. *Baasa.* Est proditor, nisi prodat. *Jeroboam.* Nil contra hiscere est ausa infelix mater, minus plura exquirere. Abit, & dum ingreditur limen domus, ecce expirat filius, quod dixit senex. Cœpit impleri crudele monitum: quid porro ambigam de futuris? Fratres, nepotes, filii mei! Carnem vestram vorabunt corvi, & sanguinem canes bibent. Jam mihi videre videor!.. O horror spectaculi foedi!.. O Israël! Populo tot annos regnate mihi! Hunc unum meum sepulchro

condes? Reliquos omnes canibus & corvis dabis? Tremite posterum sortem Regum! . Nec me aliquis juvat? . . Nadabe ades! Patris exemplum sequere! Confringam vitulos, aras profanas destruam, occidam popas, evertam lucos! Forte sic placabo Deum, & intentatum avertam exitium. Pares?

SCENA SECUNDA.

Jeroboam. Baasa. Nadab.

Nadab. **R**EX Pater! Quis te impetus rapit? poenitere mutati cultus nunc primum incipis? *Jeroboam.* Nunc urget grave imperium coeli. Imus, perdimus inutiles Deos! in pulverem, in cineres eant! Celeris poenitentia iram Numinis franget. *Nadab.* Consilium Baasa probat? *Baasa.* Rex! Exemplo ad vitulos traxisti nos: exemplo retrahes. Sed tamen quid agas, vide. Ipse das fatis locum. Sefac Ægypti Rex amicus, affinis est: Aris deijsi Ægyptios Deos an patiens feret? *Nadab.* A Rege Syriæ præfens in aula Legatus adest: petit foedus: sponsam offert: probabit sacrilegum factum? *Jeroboam.* Probabit insigne factum Legatus Asæ: hunc suspicio. Ex quo se decem tribus dederunt mihi, nulla fuit unquam a Regibus Judæ quies. Cladibus nos attrivit Roboam: postremo prælio Abias delevit pænē, vastavit oppida, urbes diripuit, pax nulla, dum vixit, fuit. Nunc ultro foedus poposcit Asa, offert Filiam uxorem tibi, dotis nomine restituet ereptas urbes, erit æterna pax: una conditio ponitur, ut subversis altaribus impiis, redeam ad Deum Israel. Deliberare num convenit? *Nadab.* Asæ filiam ut ego uxorem ducam? Parce Pater! Principi Syriæ obstrinxi fidem. *Jeroboam.* Inscio, invito Patre? *Nadab.* Coepisti hodie invitus esse. *Jeroboam.* Hodie, quid profit, Superi plectendo docent. *Nadab.* Poenam interpretaris, quod
casus

casus fuit. Sæpe contigit, mori juvenem. *Jeroboam.* Ah! Nescis, fili! Mortem omnium mors una trahit. I, quid cœlum minetur nobis, ex matre quære. In pace cum Asa salus est. *Baasa.* In bello salus est. Ignosce Princeps, si aperio sensum animi contrarium tibi. *Nadab.* Loquere pro me, Baasa. *Baasa.* Pro Rege, pro Regia domo, pro Regno loquor. Mihi timendus videtur Asa, ne sit is, quem tibi formidabilem Ahias dixit. *Jeroboam.* Timendus Asa, si erit affinis meus? Si pacem colet? *Baasa.* Non erit affinis, non colet pacem. Subdole agit omnia, ut mora consiliis detur. Vides, ut pace, qua frui patimur, utatur provide in rem suam: in perniciem nostram sapienter? Quot urbes ædificat? Quam diligenter munit, muris vallat, turribus roborat? Idem, cur altaria Diis gentium a Patre suo & Avo erepta subvertit? cur fregit statuas, & lucos succidit? Cur de cunctis urbibus Judæ aras & fana abstulit? Cæci sumus, nisi videmus, hac arte subditos tuos ad se pellici. Et habet effectum fraus: prisca religio populum trahit, vilescunt vituli, scindimur, quotidie multi dissiunt ad Asam transfugæ: crescit Asæ potentia, collabitur tua. Asæ ego non fiderem. At pacem petit, foedus, sponsam, dotem offert? illecebræ sunt. Adjuncta conditio deceptorem animum satis prodit. Deiiciendi sunt aurei vituli: cur? Ut Rex Syriæ in foedus non veniat: ut Rex Ægypti a foedere resiliat: ut Jeroboam Regi Judæ nudum subito prostituat latus. Præterea videt Asa, fieri non posse sine tumultu mutationem tam repentinam: inveterata viginti & amplius annorum superstitione efferavit plebis animos in pertinaciam non expugnandam facile. Præcipue si a Popis, quorum interest, idola coli, etiam concitetur. Hoc igitur tempus expectat Asa, quo cum Patre propter sponsam committet se filius: quo Proceres studio partium collidentur consiliis: quo plebs in apertos tumultus ibit. Tum utique Regnum in se divisum invadet vaser, & rapiet sibi: tum quid tibi, quid futurum

rum sit tuis, facile concludis. Vereor, ne verax nimis interpres Ahiaë sim. *Nadab.* Nemo potest sapientius loqui. *Jeroboam.* Quo revocas trepidum? Perspicio, non dici nihil. Inter sacrum & saxum me tenes. Si ruo Deos, Asam timeo; si non ruo, fulmina de Coelo ruent. *Baasa.* Nondum nubes coiverunt: Asa propinquius nocet. Asam time. *Jeroboam.* Hæc humana prudentia est; num contra decreta Coeli sufficiet? Expectabo Ahiam.

SCENA TERTIA.

Nadab. Baasa.

Nadab. QUantum tibi, amice, debeo pro hoc sermone! Sufflaminavimus ruentem currum: fatis est: jam facile sistetur penitus. *Baasa.* Ego gaudeo, Princeps, si quid efficere Baasa potest, unde gaudeas tu. *Nadab.* Quidni' gaudeam ego? Teneo votorum summam: Asa rejicitur: mea est sponsa Syra! *Baasa.* Parcius exclama. Ahias si in conspectum Parentis venerit, perdidimus operam, aravimus littus. *Nadab.* Equidem hoc miror, Baasa, Ahiam expectari a Patre. Quid ab illo sperat? *Baasa.* Futura scire, nam Propheta est! reliqua, ut Rex te monuit, ex matre disces. Quanquam scires illa nihil interest tua: hoc interest, ut obsistas, ne ad alloquium Patris vir Dei veniat. Superstitiose est credulus Rex, & ex consilio Prophetæ decernet omnia, qui, cum sit nostris infensus Diis, nihil utique contra Asam, multa suadebit contra nos. *Nadab.* Intellego te. Sed modum, quo arcendus conspectu erit, ignarum doce. *Baasa.* Tu Regni non hæres modo, sed jam confors es, & collega: & modum nescis, quo, quid velis, agas? Impera, & fiet. En praxin facilem. *Nadab.* Offendo Patrem. *Baasa.* Placatur facile: Pater est, & tu beneficium facis, dum, ne tristiora forsan audiat, ac credat, caves. *Nadab.* Sapis optime.

me. Nunc, si quid me velis ad Syriæ Legatum propero: urgendum est negotium suave. - *Baasa.* Non assistes fraterno funeri? Mox ducent pompam: sic jussit Rex. *Nadab.* Scio: sed ibunt fratres reliqui: me aliæ tenent curæ. Amavi fratrem: sponsam amo.

SCENA QUARTA.

Baasa. Zara.

Baasa. **M**E amat Coelum: favet consiliis: regno destinat. Triumphas *Baasa!* O Superi boni! Quo ego bono hoc merui tantum bonum! Ego, ego sum, o Ahia, si nescis, ego sum, quem constituit Dominus Regem super Israël, qui percutiet domum Jeroboam in hac die, & in hoc tempore! Ego sum! Certum est: ita mihi hic animus loquitur. O Spes beata! Per te audacior promoveo, quod coepi, facinus! Vive *Zara!* *Zara.* Triumphas, postquam vix evasisti tyranni manum! *Baasa.* Obstupuî primum, ut latronis audiui nomen, & stricto ense vidi in me ruentem. Quis me prodidit? Clamabat hic intus aliquid. Sed jam, *Zara*, securi sumus. Intellego, quod ille furentis impetus omen fuerit: latrones ut simus, Coeli voluntas est: obistere nolo. *Zara.* At mihi suspectus Ahias est. Cur vocatur? *Baasa.* Jam cavi. Tu jam funebris pompæ dux, praelude lætus funcribus invisæ stirpis. Tum audies plura, Secedo.

SALTUS.

ACTUS II.

SCENA PRIMA:

Aram. Sadoch.

Aram. **A** Hiam a Rege, ajs, vocatum esse, & verum putas?
Sadoch. His oculis Manassem vidi cum cohorte pro-
 perantem in Silo. *Aram.* Cum cohorte? Malum Prophetæ pa-
 rant? *Sadoch.* Non istud quidem, sed ut renuere accessum ne-
 queat, & possit cogi. *Aram.* Quid movit Regem, Sadoch,
 ut loqui velit viro, de quo hucusque vix sustinuit loquentem
 alium? *Sadoch.* Jam triduum in luctu agit, solitarius ad tum-
 bam gemens: debuit salubria meditari: nam quid aliud aspe-
 ctus tam tristis suggeret? *Aram.* O felix tristitia! O luctus læ-
 tus! Nunc spero, Sadoch, nunc tandem aurem æquis Regis
 nostri petitis Jeroboam dabit! Nunc vertet aras cum ridiculis
 Diis! Stabit æternum fœdus! Erunt duobus populis duo Re-
 ges, sed unus animus, unus Deus. At quid ad hæc Nadabus?
 Quid sentit? Agit? *Sadoch.* Ne veniat Ahias in Patris conspe-
 ctum, agit. Ut primum intrabit Regiam, adducetur Nadabo:
 vult loqui viro juvenis, ut exploret, famæ num respondeat
 fœæ. *Aram.* Utilis curiositas. Sed ipse prodit. Accessum ad
 Regem quærimus. *Sadoch.* Sublato funere facilem dabit.

SCENA SECUNDA.

Nadab. Ibrahim.

Nadab. **S**ic ego te, Ibrahim, consilio pertinacem experiar?
 Pendente negotio, invito me ut abeas, ego patiar?
Ibrahim. Urgent jussa Regis mei. Patere, Princeps, ut ultimum

Pa-

Parentem alloquar. Ludimur! Vel ex his, quæ tu mihi, abunde intelligo, ex morte filii alium a se omnino Jeroboamum esse. Subsistam nempe, & testis adstem, dum percutitis cum Afa foedus, dum frangis datam fidem, dum sponsam Syram abdicas, Judæam eligis, dum abjicitis Deos? Syriam triumphat Afa, & Syriæ Legatus pompæ spectator fit? Parce! Decretum est: abeo. *Nadab.* Per Deos mane! Nihil omnium, quæ times, fiet. Centies dicam? Non sufficio tibi? *Ibrabim.* Aliud Nadabus, aliud Jeroboam loquitur. Prophetha, credo, quem vocavit, docebit Patrem loqui tecum? Princeps, tu hominem jactas non admissurum te ad alloquium Patris: cur igitur non das mandatum, ne adducatur? Cur tu vis loqui? Patrem ne suis ille dementet dolis, metuis: tibi non times? Apertus est animus jam in sensa paterna pronior. *Nadabus.* Deciperis. Virum, qui Patri vaticinatus est regnum, videre sum avidus: curiositas est, quæ te offendit.

SCENA TERTIA.

Nadab. Ibrabim. Manasses.

Manasses. Subsiste miles. *Nadab.* Hem! *Manasses.* *Manasses.* Ahiam adduco, Princeps, tibi: sic enim jussisse te, excubitor monuit. *Nadab.* Jussi. Quis est vir? Quo habitu? Quo sermone? *Manasses.* Omnia Prophetam spirant. Vultus austerus est, frons verenda, oculi caligantes, corpus erectum, gestus gravis, sermo minax, cor impavidum. *Ibrabim.* Amanda procul! Si pateris loqui, vincet. *Nadab.* Volentem adducitis? *Manasses.* Trahi debuit. Habuimus humaniter tamen, & ut bona loqueretur Regi, sæpe monuimus. *Nadab.* Quid respondit? *Manasses.* Funera, neces, stragem: pacatum nihil. Mihi adhuc aures tinniunt ad viri terribilis vocem. Væ

Jeroboamo, vae tibi, Princeps, vae toti familiae, si dictis adhibenda est fides. *Nadab.* Tu larvas metuis. Videbo, & audiam hominem. Duc intro mihi. *Ibrahim.* In animos quid possit vel sola species, qualis descriptus est, viri, fors nunquam expertus es, Princeps: secus paruisses consilio. *Nadab.* Tu ad ista colloquio: discas melius Nadabum nosse.

SCENA QUARTA.

Nadab. Ibrahim. Abias. Manasses.

Manasses. **R**Egius hic Princeps adest. Reverentiam exhibe. *Nadab.* Salvum te, vir Dei, volo. *Abias.* Vel irrides, vel vere in Propheta Dei meum & tuum vereris Dominum? Si vir Dei sum, audi miser vocem Domini! Haec dicit Dominus: post paulum te vorabunt canes! *Nadab.* Canes me? nae tu prodigus Paterfamilias es, qui carnes tam delicatas canibus projicis. *Abias.* Quia projecisti Dominum, proijciet te Dominus Patrem in filio, filium in Patre puniens. Miserande juvenis! quam inanes te inflant spes! Aetate ferox, superbus regali sanguine delicias, nuptias, imperium somnias! Aliud scelera postulant, quibus Patris scelesti aemulus iram Numinis provocas, & immensam patientiam fatigasti. Et adhuc deliberas, an redire ad Deum prosit? An implorare clementiam deceat? Imo non deliberas: deliberat Pater; filius Patrem firmat in scelere! Quis hoc audit, & non exhorret? O sancta Majestas Dei, quousque abjecta es! Illudunt pueri, & Patres probant! Nondum fluxit hora, cum illatus est tumulto frater: & tu non cogitas de simili malo? Erigere tamen, insurge ferocule, insulta Coelo! Plaudere in scelere! ride minas! brevis est risus! ecce constituet sibi Dominus Regem super Israël, qui percutiet domum Jeroboam in hac die, & in hoc tempore. *Nadab.* Scis verum?

verum? *Abias*. Non credis? facis, quod juvenes solent. Experiri miseriam malunt, quam credere. Experieris. *Nadab*. Quid experiar? *Abias*. Quod non credis. *Nadab*. Nunc loquere. *Abias*. Morte truculenta ad stygem perges. *Nadab*. Quis erit necis Auctor? *Abias*. Nomen siluit Cœlum. *Nadab*. Sycophanta atrox!... Et tu bone Senecio, qua morte finies ærumnas vitæ? *Abias*. Morte placida defungar Deo. *Nadab*. Teneo mendacem: hic mucro convincet reum. Jam repete ferale carmen: constituet sibi Dominus Regem super Israël? *Abias*. Constituet. *Nadab*. Quem? *Abias*. Nescio. *Nadab*. Ille percutiet domum Jeroboam? *Abias*. In hac die. *Nadab*. Quis? *Abias*. Nescio. *Nadab*. Aut dices, proditor, aut morte placida non defungeris Deo. *Manasses*. Rex prodit.

SCENA QUINTA.

Jeroboam. Aram. Sadoch. Nadab. Ibrahim. Abias. Manasses.

Jeroboam. **N**Adabum ad me aliquis. *Nadab*. Adsum, Genitor! injuriam ulciscor tuam. *Aram*. Heu Rex! *Abias* feritur. *Jeroboam*. Fili, quod scelus patras? nosti virum? *Nadab*. Hostis est. *Jeroboam*. Propheta est. *Nadab*. Proditor est, qui cladem canit, & filet auctorem cladis. *Jeroboam*. Vir Dei salve! *Abias*. En scelus sceleri accumulat filius, & filet pater? Vir Dei salve! O bona verba! injuriam factis patior. *Jeroboam*. Juvenis meretur veniam: ignoto intulit. Tū perge mecum. Avide loqui cupio, quæ libens audies. *Abias*. Sero audiam. *Nadab*. Quid agitur Aram? *Aram*. Silentium imposuit Rex. *Sadoch*. Peragetur cum Ahia. *Ibrahim*. Intelligo. Princeps vale. *Nadab*. Quo te abripis? *Ibrahim*. Jam ne quidem valedicam Regi. Quod frigus est? quæ cruditas? delirum senem basiat: Legatum Syriæ nec verbo dignatur, nec oculo saltem. Legatus Asæ præte-

xit præceptum silentii: quid? non loquitur satis, quid sperandum sit mihi? ibo, convasabo. *Nadab.* Quid dicam? quid faciam Manasses? sic mihi sponsa rapitur? *Manasses.* Alia datur æque Regia. *Nadab.* Sed non æque chara. *Manasses.* Quid enim displicet in Asæ filia? *Nadab.* Religio, Patria, Pater. Frater nuper postulabatur: nunc postquam putuit ille, ego placeo. Contemptus sum: & amem? *Manasses.* Ama amore pacis, amore Patris, amore Dei. *Nadab.* Quem tu mihi oggeris Deum? *Manasses.* Quem olim Rex Pater coluit, quem iterum colet, nisi obstitas tu. *Nadab.* Manasses loquitur? non tu mecum immolasti Ægyptiis Diis? *Manasses.* Poenitet. *Nadab.* Absurda vox! Apage simulator! ex aula, ex regno te proripe, ad Asam transfuge! *Manasses.* Dudum cogitavi. *Nadab.* Etiam insultas? cogitasti dudum? Sic servas Regi fidem? *Manasses.* Pudet violasse juratam Deo! Et sumus plures, Princeps, ejusdem mentis. Cum in Judæa regnavit Roboam, cum sceptrum Abias tenuit, quo fugeremus? Etiam ipsi adorabant gentium Deos. Nunc regnat Asa, & restituit nitorem templo, honorem moribus, Religioni splendorem: nunc lubet fugere, nisi Rex ipse tecum exemplum sequatur Asæ. *Nadab.* Vah! aurium tormentum grave! Et plures sunt ejusdem mentis? *Manasses.* Fateri jam licet palam, quando haud procul abest Rex, ut exemplo firmet animos, quos fovemus. Ah! Princeps! esse velis Asæ gener! ipsa tibi in Asæ filia felicitas nubet! *Nadab.* Faceffe amphibium monstrum! quid mihi tecum est? *Manasses.* Doleo claudicasse. Deus in tempore me erexit. Tibi porrigit manum: patere, ut erigat: nisi pateris, feriet. Abiam audisti!

SCENA SEXTA.

Nadab. Baasa. Zara.

Nadab. **N**ondum abis? . . Jam vero metuere incipio, ne verum Ahias dixerit. Audacter iste fatetur mihi, se meditari transfugium, & plures secum. Quam facile mutabunt mentem, ut pro transfugio meditentur familiæ cædem? & forte eodem duce, qui est Propheta? Ita placebunt Asæ, & credent placere Deo. . . Baasa, perijmus! Ahias cum Rege est. *Baasa.* Scio. Tua est culpa, Princeps, monui. *Nadab.* Quid agam? curiositas vicit me: volui viro loqui. Nunc id fieri video, ut in Asæ partes vel sponte abeat Parens, vel cogatur. *Zara.* Cogi possit? *Nadab.* Asa in aula regnat; Asa coget. Momentum est, cum se Manasses audacter ipse prodidit mihi, assecclas plures jactans, qui, nisi ad sacra Patrum redeamus nos, meditentur ad Asam transfugium. Transfugium vocant: cædem familiæ ne intelligant, metuo, quam Ahias minatur. *Baasa.* Quid? non coactus est Ahias fateri auctorem cladis, quam minatur? *Nadab.* Instabam pugione ad pectus fixo: negavit contumax, scire se: Regem aliū constitutum a Cœlo esse, ait, nominatum non esse. *Zara.* Impostor est. Mentiar, nisi Legatus Asæ corruptos plures procerum auro traxerit in suas partes. Per hos turbabit aulam: Princeps cave! Asa imperio imminet. *Nadab.* Scilicet quo consilio caveam? Ecce in vobis spes mea residet: in vestra manu est mea salus. *Baasa.* In armis salus est. Persuade Patri bellum adversus Asam: sic erit domi pax. *Nadab.* Non audiet me, postquam Ahiam audiit. *Zara.* Fratres Regis adfuere funeri; adscisce tibi: conjuncta opera monete periculum, novas turbas docete. *Nadab.* Adibo Patruos. Legatus Syrus quid agit? convasat serio? *Baasa.* Erexī in novam spem: non abibit. *Nadab.* Te amo, Baasa! tu mihi stella es, ad cujus fulgorem felix navigo. Fulgere perge! non errabo, nisi cum tu occides mihi.

SCE-

SCENA SEPTIMA.

Baasa. Zara.

Baasa. **E**Go oriar, cum te occidam. Zara! jam Rex sum ego. Ut providum cœlum laudo, quod me non prodidit fatidico Seni! Omnia consiliis favent, Ahias, Syrus, Manasses, Asa. Sed in te, Zara, recumbit negotii agendi moles: nec tamen laboris pigeat! Pretium ingens feres, cum erò Rex. *Zara.* Nihil ista memora. Merces hæc erit summa, placuisse, Docce, quid fieri velis. *Baasa.* Adverte pauca. Primum Manassem adi: exprobra, quod improvide Nadabo transfugiendo prodiderit animum: finge eandem esse mentem tibi: expone, quo in periculo versemini, si hæc Nadabus tyranno referat: mone, ut cum complicibus aut fugam adornet cito, aut si placere velit Asæ, in totius familiæ tecum conspiret cædem. *Zara.* Si Rex Ahiam audit, & ex Asæ voto frangit vitulos, neutrum persuadebo Manassi. *Baasa.* Intempestiva hæc cura est. Rex, crede mihi, Ahiam non audiet: nimis amat filium, nimis metuit plebem. Deinde si audiat etiam, faciam, ut mox se mutet. Adibit Nadabus Patrem, accendet fratres, & de Manasse referent: adjungar ego tertius, & accusabo te. Agente me, rapieris in carcerem, traheris ad quæstionem, minabor tormenta, sed metue nihil: velut de facinore glorioso te jacta, quod Regem impium volueris occidere: conscium Manassem nomina, & quos ab illo rescies transfugii avidos: nomina Legatum Asæ, Ahiam nomina: ipsum Asam auctorem fac. Quid futurum sit, vides? *Zara.* Nempe moriendum est pro te mihi! *Baasa.* Imo vives, amice, felix! confide Baasæ! nullum te premet malum! *Zara.* Perge igitur: nihil renuo tibi. *Baasa.* Places. Jam inde sequetur statim decretum bellum adversus Asam: dicetur Baasa Præfectus belli: miles, civis parebit mihi. Tum exequar cætera. *Zara.*

Zara. Intellexi. **Baasa.** Nunc ad Syriæ Legatum rursus perge. Doce, quid fieri in his rerum circumstantiis ab ipso velim. Urge furorem hominis: dic, dolere me sortem viri, in aula actum agentis: male habere me &c. Legatum haberi male, vix pro Regio respici, verba dari, & hæc vix bona. Adde: inter proceres Baasam solum ægre ferre injuriam tanti Regis: vindicare velle, si opem promitteret Rex, si foedus addiceret, si filiam destinatam Nadabo, filio Baasæ sponderet. Scripsit Ibrahim, & quia cupidus est habere Regem generum, scripsit acerbius, quam ego dictaveram. Exarsit Benadad ad Epistolæ argumentum: ultionem commisit mihi: quæ petii, spondit omnia, denique habiturum Baasæ filium sponsam regiam, si esset Baasa futurus Rex. Vides, ut me omnis sollicitas amet? **Zara.** Nunc mysterium capio, cur repente frigidus, & poene rusticus Ibrahim Nadabo factus sit, quem nuper tantis officiis coluit. Ego suspicio prudentiam tuam: nihil se fugit omnium, quæ facere negotio periculi pleno exitum felicem possint, modo faveat coelum. **Baasa.** Modo non obsistat coelum; ut faveat, non est opus. Me Ahias animat. Hoc teste, si coelum non probat consilii modum, certe eventum probat. Jeroboam a coelo damnatus ad mortem est: sententiæ executorem ego libenter ago. Optanda est infamia, si nomen carnificis titulus Regis excipit. Dividamur. Age negotium tuum, Ibrahimum primum, tum Manassæ adi. **Zara.** Io! Strenue! Magnanimos in ausus prurio. Vive Rex! **Baasa.** Ut me vox ista afficit! Tres litteræ sonum quam gravem faciunt! **REX!** O digna vox, quam omnibus periculis meam faciam!



CHORUS I.

Pseudo-Politicismi impietas.

*Percussimus fœdus cum morte, * & cum inferno fecimus pactum. ** Ita Isaias c 28. de tribu Ephraim, ex qua fuit Jeroboam. ****

PERSONÆ.

Pseudo-Politicismus. Pluto. Plutonis Ganymedes. Parcarum Clotho, Lachesis, Atropos.

*Ganymedes. Deæ severæ! frontem exporrigite hodie: ****
Nova fero novissima, lætissima!*

Clotho. Quis te huc jussit intrare?

*Ganymedes. Pluto jussit nuntiare.
Missus ab hominibus Legatus descendit ad nos:
Percutere vobiscum fœdus mortales postulant,
Et pactum facere cum inferno desiderant.*

Lachesis. Quid Pluto ad hæc?

*Ganymedes. Probat, plaudit, jubilat,
Quod suam expeti amicitiam videat,
Rogat, ut vos quoque placidas exhibeatis,
Ne a fœdere homo resiliat ex timore
Consuetæ vobis severitatis.*

Atro-

* Ne noceat, ** Ut adjuvet. *** Theatrum exhibet officinam Parcarum.

**** *Pseudo-Politicus, ne illum timor mortis a malis artibus absterreat.*

Atropos. Raræ, ut possint parcere?

Ut suæ naturæ repugnare?

Ganymedes. Saltem potestis aliquid simulare.

Legatus est ex tribu politica;

Politice cum Politico agite,

Ne videamini, esse Deæ-rusticæ.

Omnes tres. Nescimus, quid Politicus sit!

Ganymedes. Politicus est, qui propter se, omnibus omnia fit.

Sic audiui describi:

Et talis etiam videtur esse, quem vidi.

A R I A.

Est homo formosus, politus,
Linguarum *multarum* peritus,

Natura facundus,

Ex arte jucundus,

Et qui, ut Proteus, cum expedit,

In omnes se formas convertere scit.

2.

Audiui, ut equum hinnire,

Audiui, ut vulpem gannire,

Jam balat, jam mugit,

Jam latrat, jam rugit,

Nempe ut ratio vult temporis:

Verfuti est tanta ingenii vis.

Clotbo. Curiosa sum, hoc hominis videre prodigium.*

Lachesis. Audire supplicantem, longe erit jucundissimum.

Atropos. Si tamen sapit homo, potestne Plutoni credere?

Potestne Parcis fidere?

Ii 2

Gany-

* Insipientissime sibi vitam longam promittit, & seriem posterorum nunquam rumpendam,

Ganymedes. Sibi scilicet sapit: sapientibus desipit omnibus,
 Velut larva belle ad speciem tornati Mercurii,
 Sed cerebro vacui.
 Fatua sapientia hæret unico principio: *sic expedit!*
 Itaque stolide credit,
 Quidquid, ut credat, *expedire judicat.*
Omnes tres. Ergo decipi vult?
 Adducatur! Decipiatur!
Lachesis. Comamus nos, sorores! Famuli, nigrorem lavate!
Clotbo. Crines crispate!
Atropos. Cerussam, stibium, speculum date, °

A R I E T T A.

Omnes tres. Cum vulpe vulpinemur!
 Quod facit, imitemur!
Clotbo. Vultum ad delicias,
Lachesis. Vestem ad illecebras,
Atropos. Vocem ad blanditias
Omnes tres. Nos juvat fingere.
Clotbo. Sic volo comparere:
Lachesis. Sic potero placere:
Atropos. Sic expedit! Sic expedit!
Omnes tres. Sic possum fallere.
Ganymedes. Cum Plutone ingreditur hospes.
Pluto. Ingredere sospes. Ecce hæc sunt Numina,
 Quæ, ut tibi sint placida, debes exorare.
 Hic est, o Divæ, qui vobis vult supplicare.
Tres Parcæ. Impetrat omnia, quem Pluto dignatus est com-
 mendare.

Pluto.

° Ornant se,

Pluto. Cessas genuflectere? *
Eja! jam licet vota exponere!
Pseudo-Politicifmus. Ignosce, Rex magne Erebi!
Prope abfui ab extasi,
In quam me rapuit aspectus Dearum.
Vah! ut mendaces sunt Poëtræ,
Qui Deas tam amabiles
Simplici plebeculæ finxerunt intractabiles!
Ego audacter mentem aperio,
Vota exhibeo.

A R I A.

O formosæ, suaves Deæ,
Vitæ meæ,
Et fortunæ arbitre!
Quam est hora fortunata,
Quam optata,
Qua vos licet colere.
Date Deæ, corde bono,
Ore prono
Sacros pedes lambere!
Date, opem hic orare,
Et sperare
Radium clementiæ.

2.

Vobis nostra est devota
Tribus tota,
Tota gens politica:
Soli vestra cum pavore
Cum tremore
Reveremur Numina.

113

2 Velut si percussisset fœdus cum morte.

*Cui soli Pseudo-
Politici, ac
civiles omnes,
vota faciunt,
quippe hujus
sæculi homines,
non futuri.*

Hic

Hic si cultus quid meretur,
 Una detur,
 Quam rogamus gratia:
 Longa, Deæ ter amatae,
 Longa date,
 Longa vitæ stamina.

Clotbo. Sorores! Quid vobis videtur?
Lachesis. Omnem gratiam submissio tanta meretur.
Atrepos. Denique hominem vidi dignum hoc nomine!
 Politici! Non estis sicut cæteri: vivite! vivite!

A R I O S E

Omnes tres. O homines humani!
 Nec hominum inani
 Contenti nomine!
 Si possent destinata
 Per nos mutari fata,
 Effetis immortales!
 Nunc saltem vivite
 Securi bona spe!
 Ducemus fila aurea
 In tempora Nestorea;
 Nec ante moriemini,
 Quam fitis vitæ saturi:
 Securi vivite!

Pseudo-Polycritus. O Deæ pretiosæ! O argentæ! O aureæ Deæ!
 Cor exilit gaudio! Beneficii magnitudinem intelligo,
 Verba, quibus gratum explicem animum, non invenio.

Pluto.

- Pluto.** Præ verbis placent opera. In foedus coëamus. *
- Pseudo-Po-** Timore mortis liberi, jam nihil recusamus.
liticismus. Legatus sum cum plena potestate:
 Quod vultis imperate.
- Pluto.** Ergo porrige manum. Vos Divæ, quam facimus,
 Este testes amicitiae. perpetuae,
- Omnes tres.** Styge auspice, inviolabile pactum facite! **
- Pluto.** Respice! Hæc omnia vobis dabo, ***
 Si agnoscitis Dominum, si præstatis homagium.
- Pseudo-Po-** Pro! Quo me abripis?
liticismus.
- Pluto.** In campis versamur Elysiis.

A R I A.

Coelo qui laborant,
 Vitæ se futura
 Solantur a spe:
 Interim laborant,
 Et habentur dure,
 Dum perimant se.
 Ego servis meis
 Statim, quod merentur,
 Stipendium do:
 Et promissis meis,
 Quo se profitentur,
 In tempore fito.

*Hinc omne, quod est
 in mundo (nempe po-
 litico) concupiscen-
 tia oculorum, & su-
 perbia vita 1. Jo. 2,*

2. De

- * Inde oritur licentia scelerum, & quasi pactum cum inferno fit.
- ** Ex vana spe summa felicitatis, quam promittit ostentator Dia-
 bolus obtinendam per media a se suggesta.
- *** Campi Elysi exhibentur.

2.

De futuris bonis

Sunt promissa mera:

Nihil est in re!

His te beo donis:

*Hæc sunt bona vera;**His tu fruire,*

Quidquid amat caro,

Quidquid mens, & bini

Amant oculi:

Habet a me caro,

Habet mens, & bini

Habent oculi.

Pleudo-Politicismus. Beatus sum! Agnosco Dominum! Juro obsequium!*

Pluto. Ergo abrenuntias coeli Domino? **Pseudo-Polit.** Abrenuntio!

Pluto. Et omnibus operibus ejus? **Pseudo-Polit.** Abrenuntio!

Pluto. Et omnibus Sanctis ejus? **Pseudo-Polit.** Abrenuntio!

Pluto. Sic places. Vicissim ego manu propria me tibi subscribo!

Et sub consueto sigillo me obligo:

Totus, quantus sum, vester sum Pluto.

En paginam authenticam. Quidquid voletis,

Petite, & accipietis.

Vos foederi applaudite!

Chorus.

Vivat, & floreat

Tribus Politica!

Nulla aboleat

Ætas hæc foedera! - -

Æterna sint!

Pseudo-Politicismus. **

Regnet, & faveat

Domus Plutonia!

Ita nos aurea


Vivimus sæcula!

Æterna sint.

* Ipsoque opere, homo calo renuntiat, contentus presentibus bonis,

** Quam frustra cupit aterna esse, & sic utrique exidit.

ACTUS



ACTUS III.

SCENA PRIMA

Jeroboam. Abias.

Jeroboam. Spem inter, & metum luctor. Tamen si promittere hoc ausis, Ahia, quod sententiam retractaturus sit Deus, si egero poenitentiam, tum ego cremabo vitulos: Aſæ exemplum ſequar. *Abias.* Dixi: Promittere nihil poſſum. Peccavit David: poenitenti culpam dimiſit Deus, non poenam. Heu! quam multas, quam graves dedit! Sed ad quam ego te hortor, Rex, poenitentia eſt ſine conditione ſuſcipienda, ſine conditione. Tu ſemper dicis: agam poenitentiam, ſi Deus remittat poenam! Non eſt iſta voluntas bona, quæ placet Deum: Non eſt iſta poenitentia digna venia! Poenam, non culpam horret, qui retractare culpam non vult, niſi Deus retractet poenam. Aeternam poenam dimittet dolenti Deus, hoc promitto: hoc ſufficiat tibi: magna miſeratio eſt. Temporalis ſubmitte, Princeps, rebelle caput, & clama: merui! Sic placabis. *Jeroboam.* Morte cruenta cadam! Morte cruenta filii, fratres, nepotes cadent! Sic placabo? Dure! Quam hoc eſt aſperum ſolatium miſero! *Abias.* Solatium tamen, poenas æternas merito. Rex, audi amantem tui! Si tu cum igne devorante, & ardoribus ſempiternis habitabis quondam, inclinaffe te ferienti in tempore Numini, ſeris optabis votis. Quamquam quid multis urgeo? Prudens es. Si cedis Deo, æternam certo, temporariam fortaffe ſimul evadis poenam. Si non cedis, certa eſt utraque, neutram vitabis. Potes ambigere, quid ſit agendum? *Jeroboam.* Potenter urges. Sed . . . *Abias.* Muliebre ſuſpirium! Rex!

Theat. Polit. R. P. Neumayr.

K k

Penſa

Pensa scelerum gravitatem, & levior poena erit. Compatemur. De medio populi in regale solium te Deus extulit, decem tribuum Dominum fecit, amplam felicitatem, si esses fidelis, promisit: tu beneficio vix accepto in benefactorem abutens, armasti te adversus omnipotentem, bellum intulisti Religioni, conlasti Deos aureos, primus elato impietatis vexillo, populum traduxisti in castra idololatriæ: quanta ingratitude! Spem felicitatis fundasti in tua prudentia, in mediis vetitis, in consiliis Deo, quo invito felix esse nemo potest, contrariis: quæ insania! Monuit te Deus, ut resipisceres, minis, exemplis, poenis, prodigiis: audisti Prophetam, qui primum sacrificium vitulis immolanti obstrepuit; sensisti aruisse manum, quam ad necandum virum Dei extenderas; vidisti dissilire altare sacrilegum, cineresque effundi; cladibus affectus es a Roboamo, cladibus ab Abia; intellexisti, Deum irasci tibi: scis, in poenam idololatriæ inglorium misera, & quod timendum est, æterna morte periisse Salomonem cum filio & nepote: merebaris morte simili pridem rapi; at regnas, & secundum jam supra vigesimum annum regnas semper impius, semper contumax: quis est hic incredibilis patientiæ, qua te tolerat Numen, abusus nefarius? Et miraris, succedere poenam denique, poenam quereris, de poena plangis? non est iste veræ poenitentiae spiritus, Rex! Peccavi Domino! sic planxit David: de culpa doluit, poenæ submisit se lubens. Exemplum habere sequere. Si remittere supplicium Deus velit, gratias age: nolit, tolera! Ferre necesse est, non evades: interest, ut permitens malis, quam contumax ferre... Tumultum animi huius triste silentium loquitur. Loquere Rex!.. Ah audiam salubrem vocem: *peccavi!*

SCENA SECUNDA.

Jeroboam. Abias. Nadab. Ephrem. Eliphaz.

Nadab. Pater, triste nuntium fero. Salutis consule. **Abias.** O cito, Rex! **Jeroboam.** Ibo in interitum præceps! unde imminet? **Ephrem.** Siste, caveri potest. **Eliphaz.** Doceri patere. **Jeroboam.** Spem fratres facitis? **Ephrem.** Detectus est fons periculi: obstruemus. **Abias.** Fons periculi peccatum est. **Eliphaz.** Sile bubo! nos audi frater! **Nadab.** Quod iste proditor loqui noluit, scimus Auctorem instantis, quod times, mali. **Jeroboam.** Et obisti potest? **Eliphaz.** Si velis modo. **Nadab.** Triste dixi nuntium, quia grande est scelus, quod, qui minime deberent, parant. **Ephrem.** Intus nos loqui jube, aut istum eijce! **Abias.** O vana spes! **Jeroboam.** Venite! audio. **Abias.** Rex, audi me! **Jeroboam.** Audivi nimis. **Eliphaz.** Cessa baubari canis! aut linguam eruo. **Ephrem.** Cessabis paulo post, cum tortor collum stringet. **Abias.** Quid volunt minæ? O Deus! actum egi! Quam durum est cor humanum! in novum Pharaonem incidi: nihil proficio. Sed hæc iusta est Dei poena: cum impleta est mensura scelerum, induratur cor, nec jam molliunt beneficia, nec poenæ frangunt: indomabilis obstinatio est. O poena terribilis, poena æternæ prodroma. O Jeroboam, proximus ab interitu es! malum times, non doles de malo: errasti graviter! Timor non prodest: dolor prodest. Conferte consilia prudentiuli, ut evadatis, quod metuitis, malum! Non est prudentia, non est consilium contra Dominum: a Domino peti, quod proficit, debet.

SCENA TERTIA.

Abias. Manasses. Aram. Sadoch.

Manasses. Solus gemiscit. Alloquimur. *Aram.* Vir Dei! fructum, quem speravi, alloquium tulit tuum? *Abias.* Nullum. *Aram.* At nobis, antequam tu venisti, addixit pacem, promisit cum Rege nostro inire foedus, accipere Nadabo sponsam, restituere cultum Dei veri, si modo a te audiret, placatum sic iri Deum, & denuntiata averti cladem: a te pendere tam grande bonum. Forte austere nimis, ex more tuo, locutus es Regi, ut audire patiens non potuerit? *Abias.* Nempe adulari me illi velles, & dulcibus verbis fallere? Semper sceleratis austera est veritas, dicenda tamen, quia mendacio non juvantur. Vis, ut promittam, mitius acturum Deum, si Jeroboam legi submittat se? Quo auctore promittam? Nuntiare poenam me jussit Deus: poenae gratiam non jussit. Fortasse faciet gratiam: sed quod fortasse faciet, non debet dici facturum certo. Itaque quia nolui dicere, quod dicere non potui: ideo profeci nihil. Alia jam audit consilia, quibus se eximat malo, etiam ringente Deo. Tanta prudentia est. *Aram.* Ergo tu nobis consule. Est dubium grave: *Manasses* dicat. *Manasses.* Hora abiit, cum venit ad me Zara, & audiui, inquit, ex Nadabo, transfugium te cum pluribus meditari ad Asam, nisi Jeroboam acquiescat Ahia: admittite comitem: & me tædet diutius flectere vitulis genu. Gauderam oppido, nam Zaram ego credidi semper pertinaciter adherere consiliis Baasæ. *Abias.* Superi! quid audiui? de transfugio rescit Nadab? *Manasses.* Dixi, ut terrerem juvenem, & plurimum ex proceribus intentato discessu facilius inclinarem in partes Asæ. *Abias.* Improvide actum est. Nunc intelligo, quid subitus Nadabi adventus velit, quid fratrum Regis minæ, quid insultantium júbilus. Intus sunt: proditi estis, & nisi celeri

vos fuga subducitis, perdit. *Manasses*. Idem dicebat *Zara*. Itaque ut vidit gaudere me de suo adventu, subjunxit audacior: Quamquam quid ignobilem fugam cogitamus? Possumus facinore glorioso memoriam posteritatis mereri. Quid ita? inquam: impii Regis, ait, familia omnis, Deo iudice, rea est mortis. Perimamus! Excogitavi facili modum: certus & tutus est: convoca socios, convenite me domi meæ, docebo seriem. Exhorruì paulum: mox facinus visum est dignum animo heroice pio: condico, spondeo de cæteris: ille domum abit: ego mox ad Aramum. *Aram*. Ego vero in re tam gravi nolui decernere aliquid, donec, quid tu sentias, audiam. *Abias*. Hoc deerat, ut in sceleris societatem etiam *Propheta* vocetur! *Sadoch*. Scelus vocas, quo scelus tollitur? *Abias*. Tollite scelus! Hoc probo. Sceleratum autem tollere vobis cujus exemplo, cujus præcepto, qua potestate est licitum? *Aram*. dubitabam. Jam quia improbas, cedo statim. *Abias*. Et tu? *Manasses*. Absit, ut meo scelere puniam alienum. Eo, & *Zaram* moneo. *Abias*. mone cito. Fugere licet, & jam necesse est: hoc mone: procella imminet. *Manasses*. Ipse prospicio. *Sadoch*. At ipsa fuga nonne suspectos faciet? *Aram*. Non tamen reos.

S C E N A Q U A R T A.

Jeroboam. Abias. Nadab. Aram. Sadoch. Ephrem. Eliphaz.

Jeroboam. **P**ERSPICUA dicitis. Ades Legate inclyte! Sic offers pacem? Hoc foedus postulas? Nota consilia sunt: corrumpis auro procures, & transfugas emis. Turbas ut cieas, missus es: hoc est negotium tuum. *Aram*. De quo accusas, Rex? *Nadab*. Nempe de *Manasse*, de sociis audisti nihil? *Aram*. *Manasses*, Princeps, se ipsum prodidit: adeo sine metu est sceleris. *Abias*. Et tu ægre hoc feras, Rex, si a te tui transfugiunt, postquam tu Deo vertisti tergum? *Eliphaz*. Ille, credo, etiam

defendet rebelles, & violatam laudabit fidem. *Ephrem...* Hic sermo animum prodit. Rex, fugæ tuorum non modo confcios; sed auctores vides. *Jeroboam.* Quid fugæ auctores vocas? Parricidæ sunt. *Afam,* Propheta belle! nunquid *Afam* constituit Dominus Regem, qui percutiet domum *Jeroboam* in hac die, & in hoc tempore? O fraudum artifex! Quod optas fieri, pro oraculo vendis, & clamas: Hoc dicit Dominus! cum dicere deberes: hoc optat *Ahias*! Nunc audi: Hoc dicit Dominus, si ego te cuiquam transfugii fuisse auctorem comperero, morte morieris in hac die, & in hoc tempore. *Ahias.* Insulta, mimare, clama! *Jeroboam.* Bellum, *Baasa*, bellum decretum est; tibi comitto curam: arma para! In *Afam* imus. *Aram.* Bene est. Discedere igitur per te liceat, & Regem movere meum. *Jeroboam.* Discede, nuntia!

SCENA QUINTA.

Accedit Baasa, & Ibrahim.

Baasa. **R**EX! Tene hominem: mihi reus est mortis. *Aram.* Gentium appello jura. *Baasa.* Qui contra jura naturæ peccas! Immane scelus defero, consilium abominandum, quod mihi *Zaræ* servus, quem domi teneo, detexit tempori, servus, inquam, *Zaræ*, quem ego rebar esse amicum mihi, & in paucis fidelem tibi. *Zara,* Rex, tibi, & omnibus tuis machinatus est necem. *Jeroboam.* *Nadab.* *Ephrem.* *Eliphaz.* Pro! crudele nefas! *Baasa.* Cum *Manasse* condixit in domum suam Plures convenient designaturi, quem quisque suo furori destinet. Nomina non tenet servus: isti scient: neque enim est mihi dubium, quin illi nunquam ausuri fuissent tam tetrum facinus, nisi his consensu & consilio. *Jeroboam.* Hæc me a meis? *A Zara?* *A Manasse?* *Ibrahim.* Venerare jam Prophetam Rex? En
vati-

vaticinii nefasti veritas ad solem patet. Nisi tibi cavisset Baasa; jam eveniret etiam, quod iste, auctorem silens, optavit fieri. *Nadab.* O Baasa omnes debemur tibi! *Jeroboam.* Securos præstas? *Baasa.* Præstiti. Missa est cohors, quæ cingat domum, & victos pertrahat ad tribunal. Monitus excubitor omnis, ne aut Legatus Asæ, aut Propheta sinatur exire palatio: captivum utrumque tenes; fontem an infontem ego non dicam: dicent ex vinculis rei. *Jeroboam.* Prospectum bene. *Ibrahim,* cum Rege Syro est foedus. *Ibrahim.* Nisi tenuisset me Baasa, jam abjisset. *Nadab.* Repente beatus fio. *Jeroboam.* Tractemus intus. Tu coepta perface. Armentur cives, urbs tota vigilet, tibi pareant omnes, ne quod gravius se malum moveat. *Baasa.* Rex in me confide! *Abias.* O stulta fiducia! Audi Rex! Nisi Dominus custodierit civitatem, frustra vigilat, qui custodit eam! *Baasa.* Vos sequimini me. *Aram.* Patebit innocentia. *Baasa.* Precor.

SALTUS.

~~~~~

## ACTUS. IV.

### SCENA PRIMA

*Ibrahim. Jeroboam. Nadab. Ephrem. Elipbaz.*

*Jeroboam.* SUBscripti. Ratum sit foedus, & in sæcula Israël proficuum! *Ibrahim.* Et Syriæ gloriosum! *Nadab.* Per me nexu non solubili constringendum. Vivat amata sponsa! *Ephrem.* Amor est optimus custos foederis. *Elipbaz.* Amor sit pro sigillo! *Nadab.* Est felix dies, quæ per tot turbas tandem me voti damnat! *Jeroboam.* Quo difficilius est assequi, quod

quod cupis, tanto est majus gaudium, cum tenes. Fruere diu, posteritatis spes prima meæ! dilecte fili! At tu, Legate, excusa moram, qua ire in foedus distuli. Vetuere ingens luctus, & gravis timor. *Ibrabim.* Idoneæ causæ sunt: nihil te istud angat. Experiere, quanto præ Asa melior socius, Rex meus sit. *Nadab.* Experiatur hoc perfidus Asa: det poenas fraudum, & cruenti consilii. *Jeroboam.* Tanti Asam sceleris, & indigni Rege, tamen non damno. Audiendi sunt, qui accusantur, ut pateat veritas. Exhaustus tot bellis populus ægre in novum movebitur, nisi cogat extrema necessitas. Intestinas plus turbas metuo, quam bellum non necessarium desidero. *Ibrabim.* Iterum trepidas? Auxilia Syrorum non sufficiunt, ut satis armatum te credas? *Ephraim.* Tota etiam cum Syria Ægyptus militat tibi. *Ephraim.* Et tui subditi, si audiant execrabiles dolos, quibus in te, in tuos, in regni viscera cruentam Asa intentat rabiem, non ipsi arma rapient? Non vitam, & sanguinem offerent tibi? *Nadab.* Ipsi ultionem urgebunt ferociter, ne fuscipere cogantur tyranni infame jugum. En Baasa subit. *Jeroboam.* Tenes parricidas?

## SCENA SECUNDA

*Accedit Baasa, Zara, Milites.*

*Baasa.* **T**eneo. Aramum & Ahiam honesto inclusi carceri: Zaram & Manassem huc vinctos traho: cæteri, qui sint, intelligere ex ipsis necesse est. *Jeroboam.* Audiantur. *Baasa.* Huc Zaram date! Ego si per te licet, quæstionibus urgebo hominem. *Jeroboam.* Age. *Nadab.* Exultat in poenas animus! *Jeroboam.* Ego ne, Zara, te in vinculis videam? Te perfidum credam? Non est hic animus tibi: non credo. Servus te accusavit: servile testimonium nullum est. Si errore deceptus, si abreptus impe-

impetum dixisti aliquid, quod sceleri verti possit, fatere: clementem habes judicem, si pro causa dicere aliquid probabile queas. *Zara.* Quem præcipiti judicio jam ante damnasti, irrides tyranne! Si servile testimonium nullum est: cur vincula fero? Sed age, quid vis, ut fatear? *Baasa.* *Zara,* amicum ut te compellem, hoc tempus non patitur. At si quid olim *Baasa* potuit, nunc pare consilio: modeste loquere: interroganti fatere omnia, nisi velis, ut ad tormenta appellem. *Zara.* Crudelis proditor! *Baasa.* Glorior hoc nomine, quoniam pro Regis salute fero. *Zara.* Modeste ut loquar, postulas? Moriturus adulari non scit. *Ephrem.* Furi homo! Adora Regem! Majestati inclina te! *Jeroboam.* Sine! Furat furorem suum: extremum solatium est. Tu quæstiones promove. *Baasa.* Ergo, quoniam ita audax es, ut mortem non horreas, non negas te conspirasse in Regis exitium? *Zara.* Fateor. *Baasa.* Fateris, machinatum esse interitum totæ familiæ regiæ? *Zara.* Feci. *Omnes.* Fulmina coelum immane scelus! *Baasa.* Regnum Israël tradere Regi Judæ voluisse? *Zara.* Glorior! *Omnes.* Absorbeat tartarus proditorem! *Zara!* Quid exclamatis? Meditatus sum facinus animalibus dignum, & quod mihi nomen æternum ferat. Irascor, quod hodie primum occurrerit cogitatio tam utilis patriæ, tam grata Deo! Jactari pridem in imos maris vortices hauriendus debuit, qui navem ipse hauriendam fluctibus in scopulos navarchus egit! Quis placide navigat, dum clavum Jeroboam tenet? Depræliantes undique jactant venti: semper procellis tumet eversum mare: fatiscit carina late, & gravem admittit aquarum molem. *Nadab.* Quas tu ampullas projicis? *Zara.* Vin', clarius loquar? Rempublicam Jeroboam perditum ivit: dignus est, ut & ipse intereat. Probat sententiam Deus. Impie! Tot annos servire nos coegisti infamibus vitulis: non prospexisti, fore aliquando tempus, quo pudendi mancipatus nos pudeat? Templum, Sacerdotes, Deum rapuisti: mirum est, si

eripere tibi vitam molimur? Occidisti tot animas: non mereris occidi! Heu! Amice Baasa! quam tu es male de Republica meritus, prodendo consilia tam salubria! Mihi quidem moriendum est: morior lætus, quia in conatu tam pulchri facinoris. At te Baasa, te, si quid pristina amicitia valet, si quis calor in venis bullit, quem sustinet amor communis boni, si qua cura est tuæ salutis, gloriæ, animæ, Dei, te oro, ut exequaris, quod ego impedior. Rex esse potes, & es dignus ut sis, eja affurge! *Baasa*. Rex! Jube, ut homini furioso sacrilegam linguam hæc manus ex faucibus trahat! Nam quousque patiens audies hanc rabiem loqui! *Nadab. Ephrem. Eliphaz. Ibrahim*. Rapiatur ad mortem! *Jeroboam*. Imo tu loquere amplius. Edic, placari tu mihi, & tui possunt, si ego revertar ad Deum Israël, si restituo sacra Patrum? *Zara*. Barbare! Quid verbis blandis sævitiam tegis? Prurit animus in cædem procerum: novi dolos: hac arte participes consilii ut prodam, quæris? Despera! Ex me neminem scies. Expellere hanc animam potes, evertere hunc animum non potes. Occide me! Superfunt, qui vindicent: hoc solatium est. *Jeroboam*. Inane solatium est. Scio miser, in quibus fidas. Auctoritatem sceleri Ahias facit, fiduciam Legatus Asæ! Stupide! Quid attonitus hæres? Negare potes? At jam luit uterque scelus: perjerunt. I miser, vindictam spera! *Zara*. O Cœlum! Quid audiui? Ahias occisus est! Hoc de te Propheta optimus meruit? Imo hoc a Cœlo meruit: Martyr est. Præceptum, si nescis, præceptum a Cœlo accepit Ahias, ut Asam concitaret adversum te: Asa Legatum misit, qui proceres averteret a te: uterque pro Cœlo occubuit: beati sunt! *Omnes*. Tenemus auctores sceleris! *Jeroboam*. Satis est. Tribune, in carcerem trahe! Tormentis efficiam, ut nec cæteri lateant. Addueatur Manasses! *Zara*. Occide omnes! Asa superest! Asa nos vindicabit.

## SCENA TERTIA.

*Manasses. Reliqui.*

*Baasa.* **P**Rudenter implicasti improvidum, Rex, ut mortuos

Zara crederet, de quibus, si sciret vivere, nihil esset confessus. Nunc manifesta est veritas, de qua toties monui.

*Nadab.* Crudele Coelum hoc Ahiaë præceptum imposuit? *Ibrahim.* Non Coelum imposuit, sed in Asæ gratiam Ahias finxit.

*Eliphaz.* Propheta præclarus! Vaticinatur, quod facit. *Jero-*

*boam.* Et mihi impostor paratragœdiat minas! Vah! Pudet ti-

moris panici! Sed mors filii credibile vaticinium reddidit. *Na-*

*dab.* Scilicet ardua res fuit, prædicere, quod moriturus sit

æger, cum jam vix spiritum traheret? *Baasa.* Manasses subit.

*Jeroboam.* Manasses, de te interrogo nihil; omnis nota est re-

rum series. De consciis quæro: cætera jam dixit Zara. *Ma-*

*nasses.* Priusquam respondeam, Rex, scire liceat, cur cum

tanto strepitu in judicium rapiar. *Nadab.* Impudens! *Manas-*

*ses.* Si, quia transfugere ad Asam volui; habetis fatentem reum,

& ne timide quidem, quoniam sponte filio tuo Principi confes-

sus jam sum. Si, quia cædem machinatus sum Regi, ut ja-

ctari audio, premor innocens, & hæ catenæ injuriam faciunt.

*Baasa.* Sero negas, quod confessus est Zara. *Manasses.* Zara,

Rex, me incitavit ad facinus. Dubitabam assentiri, hoc non

nego: nam, an non facerem obsequium Deo per idololatræ

cædem, ambiguus fui. Accessi Prophetam: consului. Cum

exhorrens ille execratus est scelestum consilium; e vestigio fir-

mavi in transfugio mentem, & ad Zaram rediens, idem sua-

dere coepi. *Jeroboam.* Astute. At transfugium probavit Pro-

pheta? *Manasses.* Nisi tu ad Deum redeas, aut saltem tuos

unum, quem Patres coluerunt, Deum colere deinceps sinas,

probavit, *Jeroboam.* Violare mihi juratam fidem? *Manasses.*

Probavit, si servare tibi non possim, quin violem Deo. *Jeroboam*. Reus est mortis: quid vobis videtur? *Omnes*. Reus est! *Manasses*. Quis? Ahias reus? Pavidò pectus tremuit metu! Ahias reus, & reus per me! *Jeroboam*. Conjuratum est in nostrum caput: Afa regnat! Tu socios perduelles nomina! *Manasses*. Si transfugere a scelere ad virtutem scelus est morte dignum, neminem nomino. Pœnitet de Ahia dixisse verbum! Imprudens lingua! At tu Prophetam verere Rex, si Deum times. *Jeroboam*. At tu transfugii comites numera, si amas vivere. *Manasses*. Silere decretum est. *Jeroboam*. Rape in carcerem, miles! Meditandi concedo gratiam. *Manasses*. Inutilis est,

## SCENA QUARTA.

*Personæ eadem sine Manasse.*

*Jeroboam*. **A** Hia peris! Suasisse cædem alter, alter fatetur probasse transfugium: utrumvis verum sit, perinde est, scelus est. Afa turbavit aulam, primates allicit, me verbis fallit, est certa res. *Baasa*. Gratulare tibi! Surgit post discussas horrentes nubes serenior Phœbus renidens ore! Vive! Regna! *Jeroboam*. Per te, Baasa, regno, per te vivo! *Nadab*. Tibi se Nadab debet, tibi se domus regia. *Eliphaz*. Tu nostra salus es! *Ephrem*. Tu servator! *Baasa*. Est felix Baasa, si potuit placere. Adhuc pallesco horrore mali, quod vobis caneat bubo: nunc sibi canat. *Nadab*. Placidum vitæ exitum candidus olor sibi cecinit! Falsus est. Hæc fata falsos Prophetas decent. *Jeroboam*. Afa deceptor, sicarius, proditor! Hæc nomina Regem decent? Baasa, bellum in Asam move! Summum imperium tuum est: I, civibus, fac, ut notum decretum sit, Jam avidi corripient arma, spero, in Regis tutelam sui,



si quam atrocibus sim injuriis læsus, ex te intelligant. In lucum evoca Principes: Ipse adsis cum milite, ego sequar, & sacrificium Diis sospitalibus faciam, quorum beneficio hæc domus, hoc regnum stat. Victimas gratas dabo. Fratres cum tota familia adeste mihi: nemo absit vel Nepos, vel filius: omnes prostitimus periculo, omnes sistamus nos gratos pro beneficio. *Eliphaz. Ephrem. Nadab. Sitemus. Ibrabim.* Erit id spectaculum lætum mihi. Interim, si per te licet, Rex, adjungo me genero: nostrum cum bello pariter nuntietur fœdus populo, & felix conjugium. *Nadab.* Nuntietur, Pater! audire, cum prodibo, lubet gratulantium voces. *Jeroboam.* Audies. Probo Ibrabim! O quibus unis me, meosque dedo, facite, ut hoc festum, quod extra ordinem celebroy, mihi festivum sit, & turbet nihil. *Baasa.* Ex voto erit. *Jeroboam.* Ne, qui latent adhuc proditores nefarii, in novum se arment facinus! *Baasa.* Meus est omnis miles, Rex, ipsi inermes sunt. Securus ibis,

## SCENA QUINTA.

*Baasa. Ibrabim.*

*Ibrabim.* SACRIFICIUM parat miser! Sacerdotem se putat fore, & erit victima. Poterat cogitari occasio alia nostris votis accommoda magis? Totam ad Sacra familiam vocat: nemo evadet cædem. Regnabis, o gener meus, regnabis! Laudabit Rex meus factum, & suæ majestatis vindicari contemptum exemplo tam memorabili, multis præconiis efferet. Sed Zaræ quid fiet? *Baasa.* Suspicio hominis fidem. Pro me vincula, & carcerem subit, & audisti, qua contentione causam pro Asa egerit? Jurasses agi serio, & mortem pro Deo Israël in votis esse. *Ibrabim.* Insignis deceptor est. Quid vero? Non

rursum decipietur a te? Jam eo ventum est, ut periculum sit, ne primus victima vitulo cadat. Non liberabis? *Baasa*. Ultima cura est: graviores me premunt: mihi sum propior. Sed jam omnia plana sunt: crede mihi, verum *Ahias* dixit. Nunc mihi monendi sunt Principes tribuum, quos omnes auro partim, partim promissis emi. Quisque, quos adduxit ad funebrem pompam milites, jam mihi addixit: Cives belli novi nuntio in murmur, & questus ibunt. Hic tu vide, quid possis præstare. *Ibrahim*. Aures vacant. *Baasa*. Per tuos, passim sparsos, rumorem semina: Legatum *Asæ*, Prophetam *Asæ* charum, per injuriam occidi: ultro provocari potentem Regem: bellum nulla necessitate novum feri: alium Regem optandum *Israëli*, & quæ sequuntur. *Ibrahim*. Sum capax satis. Sic irritatus in Regem populus probabit, quod ages facinus. *Baasa*. Rem acutangis, & orientem vulgus adorat solem, sive novus ille, sive hesternus fulgeat. Quod si gemere aliquis, aut queri ausit, peribit una: unius poena gemitus omnes premet: succedet plausus. *Ibrahim*. Sic est: mutatur plebs, & servit tempori: hinc nihil metuo. *Baasa*. Prosperum navis cursum agit: tanti est artem regendi nosse. Vitavi scopulos per ambages: jeci anchoram, ne venti rapiant: viarum compendia ex specula vidi: piratarum artes exploravi per socios: ita in portum venio, & plenis velis in littus tot votis expetitur beatus invehor. Eja urgeamus remiges. *Ibrahim*. Celcussima cano.



## CHORUS II.

### *Pseudo - Politicorum infelicitas.*

*Delebitur fœdus vestrum cum morte, & pactum vestrum cum inferno non stabit. Isa. 28. \**

### PERSONÆ.

*Pseudo - Politicifmus. Cretifmus, Syncretifmus, Pharisaifmus, Herodianifmus, ejus Ministri a Plutone ex pacto submissi. Prudentius in subseſſiis ultimus. Præcipitantia concilii Præſes - Gaſymedes Plutonis.*

*Pseudo - Politicifmus.* **A** Mici! Ex orco redeo. Felix fuit legatio : \*\*  
 Testis est hæc imago, & superscriptio:  
 Testes isti comites,  
 Ad omne opus, quod molimini,  
 Futuri vobis ministri longe peritissimi.

### ARIET.

\* Theatrum exhibet confessum hominum ex omni sæculo.

\*\* Media, quibus Pseudo - Politicus uti solet pro obtinenda felicitate hujus vitæ, sunt 1. Cretifmus, seu mendacium, quo suas spes sustentat. 2. Syncretifmus, seu adulatio, qua sibi Patronos conciliat. 3. Pharisaifmus, seu hypocrisis, & simulata religio, qua populi affectum trahit. 4. Herodianifmus, seu astuta crudelitas, qua, quos obſtare ſuis conſiliis credit, perdit.

## A R I O S E.

4. *Ministri.*

*Cretismus.* Ego Architectus sum :  
*Syncretismus.* Ego Hortulanus sum :  
*Pharisaismus.* Ego sum Piscator :  
*Herodianismus.* Ego sum Venator :  
*Omnes.* Servire vobis, omnium  
 Unum est officium.

1. *Cretismus.*

Ego Architectus sum :  
*Aëre in medio*  
*Arces celsas fabrico,*  
 Et scio solidare.

2. *Syncretismus.*

Ego Hortulanus sum :  
*Vastas solitudines*  
*Verbo scio, utiles*  
 In bertos commutare.

3. *Pharisaismus.*

Ego sum Piscator :  
*Hæc si laxo retia,*  
*Tota traho flumina,*  
 Et greges piscium.

4. *Herodianismus.*

Ego sum Venator :  
*Si cui fodi foveam,*  
*Certum traho belluam*  
 In præcipitium.

*Da Capo.* Ego Architectus sum : &c.

*Præcipitantia.* Jo ! Socii ! Laudemus Plutonis humanitatem !  
*Prudentius.* Sed cur files de Parcis ? Timeo Dearum severitatem.  
*Pseudo-Politici-* Sunt Dæe placidissimæ.  
*cismus.* Fila aurea in tempora Nestorea promiserunt pro-  
 ducere.

**ARIET-**

\* *Consilio sane præcipiti, & contra dictamen prudentia.*

A R I E T T A.

**Præcipitantiæ.** Vivamus ergo hilares,  
Et tempore utamur!  
Et bonis, nigræ Charites  
Quæ dant, dum sunt, fruamur!

*Repetit Chorus.* Vivamus &c.

**Prudentius.** At tu subsiste modicum; verbum audi unicum:  
Deciperis, an decipis?

**Pseudo-Politicifmus.** Quæ tua est suspicio?

**Prudentius.** Sine!... Qualis est imago hæc, & superscriptio?  
Prô! Atrox aspectus!...  
*Pluto Rex Erebi, hostis juratus humani generis!*...  
Vah! Insaniam stultissimi foederis!  
Hosti jurato creditis?

**Pseudo-Politicifmus.** Ut hostis esse desinat!

**Prudentius.** Ut naturam exuat!

A R I A.

Quis furor excoecavit?  
Quis stupor dementavit,  
Ut per contemptum legum,  
Quas posuit Rex Regum,  
Sis ausus a mancipio  
Vilissimo, miserrimo  
Auxilium sperare?

*Cum sperare felicitatem, invito Deo, insania sit, eo quod orcus nec juvare possit,*

Jam

\* Nam consideratione matura adhibita, nunquam expedit, esse impium.

Theat. Polit. R.P. Neumayr.

Mm

Jam fructum sentes dabunt,  
 In ficus pullulabunt;  
 In petra crescet seges,  
 De spinis uvas leges!  
 Hic vir, hic artificium,  
 Hic potuit mysterium  
 Tam grande indagare!  
 Ridiculi Prophetæ  
 Prudentiam stupete!  
 Ex mala bonum arbore  
 Prædicat fructum crescere...  
 Et adhuc te *Politicum*,  
 Magistrum adhuc temporum  
 Tu ausis te vocare?

*Pseudo-Poli-* Ergo tu de fide confœderatorum incipis dubitare? \*  
*ticismus.*

*Prudentius.* Et tu, stupide, vim argumenti nondum incipis penetrare?  
 Vah! Cur absente Prudentio, decreta est hæc legatio?

Meum, meum erat expectandum consilium  
 Ad tanti momenti negotium.  
 Nunc quid agam? omnia metuo.\*\*  
 Terret crudelis superscriptio:  
 A Parcis nulla est, nisi verbo, data promissio:  
 Missi a Plutone ministri cur veniunt personati?  
 Venator, Piscator, Architectus, Hortulanus  
 Quod dentur in orco, ab orco, quis credat, nisi in-

sanus?

Nisi

\* Nec, si permittente Deo possit, juvare velit, nisi ut gravius noceat.

\*\* Nam Media prohibita, qua profutura videntur, obsunt,

Nisi latrones sint, mentiar!  
Sed, sic decipimur, cum non expectato Prudentio  
Præcipitantia jubetur præesse consilio,  
Fatigas me querelis inanibus.

*Pseudo-Politicismus.*

*Prudentius.* Nunc saltem, ut malum caveant,  
Deceptos monebimus...\*

*Omnes.* Pro Superi! quale spectaculum!

*Pseudo-Politicismus.* Inferi! Ergo deceptus sum! \*\*  
Sera lamenta sunt! Evenit, quod metui.

## CHORUS.

*Præcipitantia* Heu! *Erravimus!* ...  
*cum suis,*

Desideravimus  
Modis illicitis  
Fieri beati!  
Erravimus! Nos insensati!

*Prudentius.* Eja! Adhuc nosti homines adeo tibi deditos?  
Ecce adulator Achitophel!  
Ecce mendacissimus Joab!  
Hypocrita Absalon! Crudelis Abimelech!  
Tyrannus Pharao! Inobediens Saul!  
Sacrilegus Balthasar! Superbus Aman!  
Insatiabilis Cyrus! Blasphemus Sennacherib!  
Indomitus Macedo! Ambitiosus Cæsar!  
Sanguisuga Nero! Julianus Apostata!

M m 2

Quid

\* Exhibetur clades male perentium.

\*\* Quod docet omnium sæculorum experientia, jam sine velo allegoriæ patentissima.

Quid numerem Valentes, Copronymos, Zenones,  
Nicephoros?

Quid Stilicones, Eutropios, & Belisarios?

Quid alia mille nomina! ....

Omnes cæperunt *ædificare*:

Nullus potuit *consummare*! ...

Cœperunt hortos plantare:

Nulli fructus maturuerunt! ..

Cœperunt piscari, & venari Cœperunt:

Sed ruptum est rete! ..

Et in foveas, quas foderunt,

Ipsi denique ceciderunt! ..

I nunc, & prædica, quibus polles, consilia!

En ut stat *foedus cum morte*!

Ut *pactum cum inferno* est firmum!

Pseudo-Politicus. Vah! Quid patior? Sic orbi prostitutor!

Deceptor ubique, & proditor audiam! ..

Juvat publicum fugere,

Et mœrore, ac pudore tabescere!

Ganymedes Tollite venti verba inania! ...

Plutonis. Amice, cur tristem aspicio?

Pseudo-Politicus. Non vides, quod video? \*

Ganymedes Averte oculos! Quid juvat aspicere,

Plutonis. Quod potest affligere?

A R I A.

Quid prodest dolere,

Et tristitia flere,

Quæ alios opprimunt fata?

Tunc dole, cum oppriment te.

2. Vici-

\* Sed Pseudo-Politicus ab hac consideratione tam utili abstrahit animum & studiose obliviscitur omnium, quæ possent turbare.



2.

Vicinos si quando  
In agros se grando  
Effundit, & proterit Sata:  
Cur ego affligar *de me*?

*Pseudo-Politicismus* Nempe quod video malum aliis contigisse,  
Intelligo, etiam mihi contingere posse.  
Itaque terrent vestigia,  
Et cruciat funesta memoria.

*Ganymedes Plutonis.* Morbum detexisti: affero medicinam,  
Ex flumine Lethæo potionem divinam.

*Pseudo-Politicismus.* Enimvero sitio. Sudorem expressit terribilis visio!  
Sed quis es tu?

*Ganymedes Plutonis.* Pocillatorem Plutonis ut tu non noveris?

*Pseudo-Politicismus.* Hem! Oculos fascinavit terribilis visio! ..  
Amicum, an inimicum Plutonem habeo?

*Ganymedes Plutonis.* Inimicum? Qui foedus, quod percussistis, cupit esse  
perpetuum! \*

Adstringendum arctius amicitiae vinculum  
Mittit hoc Nectar stygium:  
Et mittet toties, quoties indiges.

*Pseudo-Politicismus.* Ah! Nunc recordor.  
Turbavit cerebrum terribilis visio!

*Ganymedes Plutonis.* Sudorem absterget, oculos sanabit,  
Cerebrum exhilarabit hæc potio...

Bibe, bibe æterna malorum, quæ impendent, ob-  
livia! ..

*Pseudo-Politicismus.* O potio jucundissima!.. Dulcissima!.. Fortissima!..\*\*

M m 3

ARIA.

\* Hinc perseverat in malitia, qua est infelicitas maxima.

\*\* Clauditur.

## A R I A.

Plutonem laudemus!  
 Plutoni debemus  
 Et hymnos, & preces, & vota:  
 Per illum, qua fruimur, tota  
 Felicitas stat!

Cum illo in astra  
 Movebimus castra!  
 Felici pugnabimus Marte,  
 Si utimur *nobili arte*,  
 Quam Erebus dat.

\*\*\*\*\*

## A C T U S V.

## S C E N A P R I M A. \*

*Ibrabim. Abias. Aram. Sadoch. Tribunus. Milites. Cives. Popæ.*

*Ibrabim.* **H**Anc stationem tenete vobis. Ne quis effugiat, hæc vestra cura sit. Irruet Baasa, cum tempus poscet. *Miles.* Dedimus fidem, nemo effugiet. *Ibrabim.* Et ecce jam sacrificio festa præludit tuba \*\*. Cedite. Nos hic Regem expectamus. En ut se volvunt fata. Sacrificium ille, velut periculo defunctus, pectore soluto parat, & in ipsum se imprudens interitum projicit. . . \*\*\* Initium, Tribune, tragicum ad pompam facis. *Tribunus.* Triste ministerium invitatus facio tam insignibus viris. *Abias.* \*\*\*\* Superi! quo abripitis?  
*Aram.*

\* *Theatrum exhibet lucum.* \*\* *Sonat tuba.* \*\*\* *Iterum sonat tuba.*

\*\*\*\* *Aperitur altare.*

*Aram.* Hem ! Sacrilegium gentis impiæ ! *Sadoch.* Vir Dei ! patienter intueri hoc nefas potes ? *Abias.* Prò miserè cives ! Hoc vobis brutum animal Deus est ? iste vos vitulus de Ægypto eduxit ? iste ex Pharaonis mancipatu eripuit ? Sic sapitis ? Resurgat Moyses , exardeat zelo , quo exarsit in eos , qui primi vitulo curvarunt genu. Ingrati ! Impii ! creditis , scelus vobis impune fore ? Hæc dicit Dominus : Audi Israel verbum Domini : percutiet Dominus Deus te , sicut moveri solet arundo in aqua , & evellet te de terra bona hac , quam dedit Patribus tuis , & ventilabit vos transflumen , quia fecistis vobis lucos , ut irritaretis Dominum. *Ibrahim.* Tribune , voces seditiosas ut comprimas , tuum est. Nam quid iste blatero pro Propheta se vendit , qui suum ipse exitium sibi non vidit ? *Aram.* Insultas Ibrahim morituris ! Hæc est humanitas ? *Ibrahim.* Insulto proditoribus , & parricidis. *Sadoch.* Calumniam , cives , infontes patimur. Deus testis , & ultor sit ! *Ibrahim.* En intrant testes impudentis mendacii.

## SCENA SECUNDA.

*Accedunt Manasses , & Zara vincti.*

*Manasses.* **H**Eu me ! talem ego Ahiam video ! Aramum & Sadoch tales ! Date veniam , per Deum obsecro : reus sum vestræ mortis. *Zara.* Et ego reus. At ubi Baasa ? *Abias.* Non moriemur , filii ! Cessate luctum ! verax Deus est : non moriemur. Tyrannum , qui per injuriam nos mortis damnat , tyrannum manet mors improvisa : certum est , quia Dominus locutus est. *Aram.* Sperate firmiter ! Spes non confundit ! *Sadoch.* Momento se vertit scena , cum Deus Choragus est. *Zara.* Quacunque circumspicio , nullus apparet Baasa. Amicum deserit ? Ibrahim , ubi Baasa ? *Ibrahim.* Amicum tu Baasam

Baafam credis parricidæ? file, & morere! *Zara.* Heu me! si mori hodie necesse est! *Manaffes.* Zara! cessas muliebres gemitus! Pro Rege mori quoties visum est gloriosum nobis? quoties appetivimus, provocavimus? Et nunc pro Deo mori, difficile sit? Gaudendum est Zara! Non possumus felicius, non gloriosius mori. Ego, Vir Dei, nolo, ut sis Propheta! Nolo, ut vertat scenam Deus! Moriar! Est felix hora! Moriar Deo saltem, qui tyranno tamdiu vixi, tamdiu vitulo, & conflatilibus Diis. O vita turpis! O mors jucunda! *Abias.* O digna vox boni Israëlîtæ! *Zara.* Quousque fileo? .. Pro! Sonum gravem! Ibrahim, huc Baafam siste! Egone sic misere peream! *Ibrahim.* Parricidæ patronus non est. Rex adest! Acclama civis: vivat Rex! *Omnes.* Vivat Rex! *Abias.* Non vives. Constituit Dominus Regem super Israël, qui percutiet domum Jeroboam in hac die, & in hoc tempore! Non vives!

### SCENA TERTIA.

*Accedit Jeroboam, & Fratres, & Filii, & Nepotes, & Principes.*

*Jeroboam.* **N**ondum detumuit furor? adhuc Regium sanguinem, scelestæ, fitis? Tolera parum: moriere præfati! Principes, cives mei! Quanto ex periculo vobis servatus sum! Ideo solemnitas Domini est: ite in ordines! .. Ecce hi sunt Dii tui Israël! Flecte genu! Adora Numen! *Abias.* O stulti! Et tu, impie, non refugis scelus repetere? *Jeroboam.* Cruciabo oculos odio me habentium! Adeste filii, Nepotes, fratres, date thura! .. Tu es Deus Israël! Et præter te non est alius! *Abias.* *Manaffes.* *Sadoch.* *Aram.* Blasphema vox! *Abias.* O Israël! Aliud inter tonitrua locutus est Dominus, aliud

\* Iterum sonat tuba.

aliud suo digito in tabulis scripsit! *Jeroboam*. Serva has tibi tabulas! Nobis melior Deus est, qui nullas scripsit. Morituris solve catenas miles! Huic cadetis victimæ, cui procidere in genua renuistis. Irrue in Zaram miles! Primus luat, qui peccavit audacius. *Zara*. Rex! *Jeroboam*. Nihil audio. Jugula! *Zara*. Verbum o Rex! Nihil peccavit Zara! Baasam time! Baasa conjuravit adversum te! Ibrahim testis est. *Jeroboam*. Quid? Ibrahim? *Zara*. Conscius, particeps. *Jeroboam*. Audis Ibrahim? Ubi est! *Tribunus*. Repente subduxit se. *Jeroboam*. Curre, ex fuga retrahe! Tu eloquere scelus. *Zara*. Prodam, qui me prodidit. Quæ dixi, finxi omnia, Rex, auctore Baasa: Ego conjuravi adversum te: Baasa facit insidias, affectat regnum: Ibrahim juvat, Rex Syriæ favet: isti sunt innocentes. *Abias*. *Aram*. *Sadoch*. *Manasses*. Viden', ut mutat se scena? *Nadab*. Pro! Quod hoc est subitum malum, Pater? Sponsam, regnum, vitam perdo, si verum scelestus dicit. *Jeroboam*. Baasa, adversum me? Non credo. Moram latro supplicio injicit! Occide miles! *Zara*. Si tibi chara est tua, & tuorum salus, parce, donec Ibrahim retrahatur ex fuga. *Jeroboam*. Rebellis Baasa! Quo mihi nemo est visus fidelior? Non credo. Maesta! *Zara*. Omnem militem suum fecit. Mihi crede, jam imminet tibi! *Jeroboam*. Si verum dicis, sero dicis: si falsum, deceptor es: utrinque reus. Miles feri! *Zara*. Jam imminet Baasa! *Jeroboam*. Evadere vis! Peri! *Zara*. Præibo ad stygem tibi! tyranne contumax! ... Me miserum! Pro Baasa morior, qui pro Deo possem! crudelis Baasa! \*Heu! *Jeroboam*. Luidisti scelus! Miles, Manassem rape! *Abias*. Nondum fapis?

\* Strangulatur.

## SCENA QUARTA.

*Tribunus redit.*

*Tribunus.* **R**EX! Durus nuntius venio. Ibrahimum tuetur armata manus: non potuit ex fuga retrahi: haud procul ingens apparet agmen, citato accelerans gradu: non dubito, vera dixisse Zaram: Baasa imminet. *Jeroboam.* Ergo vertatur orbis! Ruant in montes flumina! Aretur Coelum! Re-deat antiquum chaos! Rebellat amicus mihi, alter Jeroboam! *Abias.* Perfidiam perfidia Deus punit! *Jeroboam.* Amici, fratres, filii date consilium! *Tribunus.* Ego consulo mihi! Ad Baasam transeo. Jo! Vivat Rex novus Baasa! *Omnes.* Jo! Vivat Rex novus Baasa! *Eliphaz. Ephrem.* O Frater! *Nadab. Salmon. Efron.* O Pater! *Ostio Nepotes.* O Patruæ, quo fugimus! *Jeroboam.* Improbi! Scelesti! Infames transfugæ! Sic vestrum Regem colitis! *Abias.* Sicut tuum tu colis Deum. *Jeroboam.* Hæc fides est? Hæc religio juramenti? *Abias.* Poena talionis. *Jeroboam.* Heu! Video scelus meum! Dixisti verum, Ahia! perii! \* *Omnes.* Vivat Rex Baasa! Vivat! *Jeroboam.* Terribile tormentum aurium! *Nadab.* Heu! Pater! Interitus prope est! Ego latebras quæro. *Eliphaz. Ephrem.* Nobiscum fugite! *Salmon. Efron.* Ah! Pater! Juva! *Jeroboam.* Vir Dei suade! Nunc audio! *Omnes.* Vivat Rex Baasa, vivat! *Abias.* Vel nunc ascende, & hoc idolum dejice! Forfan adhuc placabis Deum. *Jeroboam.* Irrides? Nam non in ipso conatu opprimar? *Aram.* Saltem in conatu glorioso! *Sadoch.* Saltem poenitens! *Jeroboam.* Solæ me latebræ salvant. Ahia! Orare pudet tot injuriis læsum! Oro tamen: O Verbum Regi durum! Ahia oro, hos meos serva! Sunt innocentes: alienum fac, ne luant scelus. Ego fugio. *Abias.* Ego suscipio. *Salmon. Efron.* Nos, Pater, deseris? *Jeroboam.* Hic est Pater. Valetate amores mei! Nunc dolor maximus! *Salmon. Efron.* Cum Patre fugimus. *Jeroboam.* Manete, Jubeo.

\* Intra scenam.

SCE-

SCENA QUINTA.

*Baasa cum suis.*

*Salmon. Efron.* **D**urum imperium! *Manasses.* Tutiores estis in isto sinu. *Omnes.* Vivat Rex Baasa! Vivat!

*Abias.* Mei ego vos objectu corporis tegam. *Aram.* O Rector orbis! quam nulla est in consiliis humanis fides!

*Sadoch.* Minus in sceleratis, in quibus tamen tam multi ponunt fundamentum votorum suorum, velut si sperari felicitas posset aliqua, invito te!

*Aram.* Et luunt sæpe infontes filii peccata Patrum. *Abias.* Luunt, ne similiter ut Patres peccent.

*Jeroboam.* Heu! Immane vulnus! Telum atrox!

*Salmon.* Superi! Hæc vox Parentis, est!

*Efron.* Ah! Pater moritur! Curramus frater!

*Manasses.* Hem! Qualis occurrit!

*Salmon. Efron.* O terribilis species!

*Jeroboam.* Emissum nescio cujus manu ferale telum cum stridore perripuit pectus: diffregi lignum: cuspis fatalis hæret? Valete! morior!

*Salmon. Efron.* O si quis potest, juvate Patrem!

*Manasses.* Patere ligari vulnus, Rex!

*Jeroboam.* Vos hoc officium!

*Aram.* Utinam salutare!

*Jeroboam.* Ah! Actum est!

*Abias.* Manus Omnipotentis sic ferit, Rex. Agnosce manum! Verere tandem.

*Jeroboam.* Sentio manum gravem!

*Abias.* Et graves offensas doles?

*Jeroboam.* Vulnus doleo! Regnum, amicos, filios, vitam amitti doleo! Cessate inane obsequium. Jam viscera turbat mors. Conspuo inutiles Deos, exitii fontem mei! Amici! Omnia perdidimus! Habe tibi exosam animam vindex Numen! Habe! Crucia! ...

*Abias.* Miserere!

*Salmon. Efron.* Heu! Heu!

*Aram.* Expiravit.

*Sadoch.* Finiit vitam.

*Abias.* Non finiit poenas.

*Manasses.* O triste funus vel inimici!

*Omnes.* Vivat Rex Baasa, vivat!

*Abias.* O res humanæ! Huic acclamant vitam, dum iste moritur!

*Baasa.* Undique miles cinxit sylvam: Crede Ibrahim! nulla evadet præda. *Ibrahim.*

*rahim*. En reliquæ furoris ultimi! *Abias*. Salve flagellum Dei! quousque sævies? *Baasa*. Vos nihil metuite vobis. Odi, quem Deus odit; illum persequor. *Aram*. Jam illum percussit Dominus, & mortuus est. Viden', ut grandi vulnere hiet pectus? *Baasa*. Lætum spectaculum! *Ibrahim*. Applaudite sylvæ! *Omnes*. Vivat Rex Baasa! Vivat! *Baasa*. Quod hoc cadaver? *Manasses*. Miseri Zaræ! *Baasa*. Zara jaces! . . Pro me es mortuus: honorem habes. Tribune, procedit venatio?

## SCENA SEXTA.

*Omnis Familia.* \*

*Tribunus*. **A**Gitantur catuli! Omnes sub iâum venient. *Omnes*. Vivat Rex Baasa! Vivat! *Miles*. Non evadis! *Ephrem*. O mei filii! *Nepos I.<sup>mus</sup>* O vulnus grave! *Nepos II.<sup>dae</sup>* At hîc saltem asylum erit? *Baasa*. Siftis? Præcipita! asylum nulum. *Nepos III.<sup>tus</sup> IV.<sup>tus</sup> V.<sup>tus</sup> VI.<sup>tus</sup>* Crudeles! impii! *VII.<sup>mus</sup> VIII.<sup>us</sup>* *Nepos*. Heu! & hac occurrunt! *Baasa*. Nulli parcite! *Eliphaz*. Ilia perfodit miles. Vale Nadab! *Nadab*. Prô! te video Pater! scindere in partes pectus! *Miles*. Morere! *Baasa*. Cessa! Iste debetur mihi! *Nadab*. En obvium pectus fero! Sâtia furem ferox! *Efron*. Heu! feritur frater! *Baasa*. Habet. *Nadab*. Vah! *Baasa*. Accede comes! *Abias*. O cessa tandem! *Baasa*. evadit puer! succede tu! *Salmon*. Obsecro! *Baasa*. Quot numeras Ibrahim? *Ibrahim*. Quindecim funera. *Baasa*. Bis septem volui. Cadaver Zaræ honorem sepulchri habeat: cætera canibus & corvis cedant. Nunc triumpho. In Urbem redeo. Uxor, filiæ, Neptes, & quidquid superest de tyranni sanguine, exitu pari pereant. *Omnes*. Vivat Rex Baasa, vivat! *Abias*. Impletum est oraculum triste! *Manasses*. *Sadoch*. *Aram*. Horrenda strages! *Abias*. Sapite aspectu stulti, qui contra Deum sapitis! neminem scelus felicem facit.

\* Plerique post scenam cadunt.

CON.



**CONSTANTIA**  
**ORTHODOXA**

**AB**

**IMPERATORE CONSTANTIO**  
**CHLORO**

**SAPIENTER HONORATA**

**TRAGEDIA**

**D A T A**

**LUDIS AUTUMNALIBUS**

**ANNO MDCCXXXVI.**



## ARGUMENTUM.

**C**ONstantium Chlorum, Constantini Magni Patrem, adhuc Ethnicum, cum sciret, multos in aula sua Christianos occulte versari, aliquando cupido incescit, experiendi, qua demum constantia singuli Christum colerent. Ergo solenne Sacrificium Jovi faciendum indicitur, jubentur adesse Proceres, & Duces omnes; si quis obstreperet, denuntiatur exilium. Hic, qui Deum minus, quam Cæsarem metuebant, abjecta fide, imperata fecerunt: at alii, quibus potior erat Numinis, quam hominis gratia, negaverunt, tanti sibi aulam esse, ut non illa mallent, quam Coelo excludi. Jamque abibant, cum Cæsar fictione deposita, laudare constantiam institit, virosque fortissimos multo cum honore retinens sibi, imbelles illos homulos, quos Sacramentum Christo dictum tam leviter violare non puduit, amandavit a se, sapienter conjectans, facile infideles Principi fore, qui Deo suo fideles non essent. *Baronius ex Eusebio in vita Constantii. L. 2. cap. 48.*

*Observationes ex Eusebio, Eutropio, Sozomeno, Baronio, & Forestio.*

1. Constat, fuisse Constantium semper Christianis optime affectum; quin affirmant Auctores citati, ipsum ante obitum suscepisse baptismum, & cum Constantinum Successorem nominaret, dixisse: jam libenter morior, quia filium Imperatorem relinquo, qui Christianorum lachrymas absterget.

2. Veri-

2. Verisimile est, hanc Procerum probationem ideo susceptam fuisse, ut Constantino provideret de aulicis, quorum fidei secure posset confidere.

3. Contigisse hoc fingimus eo tempore, quo Constantinus, qui in aula Galerii Romæ educabatur, fuga elapsus ad Patrem se contulit, elusis Tyranni, Juvenem jam tum magnum timentis, infidiis, quas passus est propterea, quod visus sit Christianis patrocinari.

4. Authores, qui dicunt Constantinum fuisse primum Imperatorem Christianum tunc conversum, cum crucem in aëre vidit, nostris Authoribus non sunt contrarii, & facile conciliantur, si dicamus, quod primus singulari cum cura rem Christianam promoverit, illa visione novum incitamentum addente, & fervorem stimulante.

## PERSONÆ.

*Constantius Imperator.*

*Constantinus Filius.*

*Procopius Constantini Romæ Moderator.*

*Terentianus Ethnicus, postea Martyr.*

*Volusianus, } Christiani occulti.*

*Adocetus, }*

*Severus, } in fide lapsi.*

*Marius, }*

*Joannes, } Filii Procopii.*

*Paulus, }*



## PROLOGUS.

Genius Romani Imperii a Tyrannis vexati ex indole  
Constantini Magni adhuc pueri in spes magnas cre-  
ctus de optimis aulæ Ministris illi mature providet.

### PERSONÆ.

*Providentia. Genius Romani Imperii. Britannia, \* Ministri. \*\**

## CHORUS

O Tempora funesta!  
O strages populorum  
Gementium infesta  
Sub mole Tyrannorum!  
Ah tandem pia fydera  
Amœnius lucete!  
Pellantur atra nubila!  
Dispareant Cometæ!

*Genius Roman. Imperii.* Tu esto Lucifer, chara Britannia!  
In filio tui Constantii  
Spes omnis micat reliqua.  
Suspicio Juvenis indolem;  
Si annuis, vocabo ad regimen.

*Britan-*

\* S. Helena Mater Constantini fuit Brittanna.  
\*\* Exhibentur illorum temporum calamitates.

*Britannia.* Honoras me . . . Sed rogo te,  
 Festina de bonis Ministris Constantino prospicere,  
 Ne spes præclaræ suffocentur in gramine.  
*Genius Rom.* Memorem mones. Scio, quanti referat Principis,  
*Imper.* Ut bonis cinctus sit aulicis.

## A R I E T T A.

Quod capiti sunt oculi,  
 Quod manus, pedes, corpori,  
 Hoc Aulici sunt Principi,  
 Qui in Republica  
 Est anima

2.

Fac anima sit optima :  
 Distorta si sunt Organa,  
 In lippis oppa oculis,  
 In pede claudō debilis,  
 In manu arida  
 Est arida infelix anima.

3.

Sic boni sæpe Principes  
 De se conceptas fallunt spes,  
 Si malos habent Proceres,  
 Quos nempe consulunt,  
 Quos audiunt.

Sed hoc tu de me noli metuerē:  
 \* Ecce! habeo Ministros optimos in omni genere.  
 Eja! vestra deserte obsequia ! . . .  
 Vin' Politicos? Vin' Milites? Vin' Oeconomos? felige.  
 Miles.

\* Theatrum exhibet armamentarium, & curiam, & ærarium.

Theat. Polit. R. P. Neumayr.

O O

*Miles.* Ecce me! Minister optimus est miles magnanimus.  
*Politicus.* Melior est prudens Politicus: ecce me!  
*Oeconomus.* Ambobus potior est bonus Oeconomus: ecce me!

## A R I O S E.

*Oeconomus.* Ego, ego Principem  
 Facio amabilem,  
*Politicus.* Ego venerabilem,  
*Miles.* Ego formidabilem.  
*Oeconomus.* Per me dives,  
*Politicus.* Per me felix,  
*Miles.* Per me gloriosus est.  
*Omnes,* Per me Princeps, Princeps est.

2.

*Oeconomus.* Verba vana sine re!  
 Quid potestis sine me?  
 Arma & ingenia  
 Acuit pecunia?  
 Ubi fulgor,  
 Ibi Vigor:  
 Florent Castra, curia,  
 Aula, forum, omnia.

3.

*Miles.* Arma, Arma regiam  
 Fulciunt potentiam:  
 Arma pingunt purpuram,  
 Arma ferunt gloriam:  
 Quid sunt opes,  
 Quid decreta,  
 Nisi illas tueor,  
 Nisi ista exequor?

4. Poli-

4.

*Politicus.* Quæ jactatis singuli,  
Solut dabo Principi;  
\* Hic, hic est ærarium,  
Hic armamentarium;  
Hinc nummorum,  
Hinc telorum  
Summa in inopia,  
Subito est copia.

*Da capo.*

Ego, ego Principem &c.

*Gen. Rom.* Placet amicum certamen: litem dirimo.

*Imper.* Nolite dividi animo!

Novo Domino simul omnes servietis:

Sic opera unanimi Constantinum MAGNUM facie-  
tis.

*Britannia.* Ignosce! Verba placent: rem exigo.

Sintne omnes futuri fideles, interrogo?

*Gen. Rom.* Quid suspicaris, & cur?

*Imper.*

*Britannia.* Quid fiet, si Miles sit proditor?

Si Politicus adulator?

Si Oeconomus fur?

Heu! omnia metuo.

O o 2

ARIA.

\* Designat cerebrum.

## A R I A.

I.

Quis hominum corda scrutetur ?  
 Quis angulos mentis rimetur ?  
 Qui sævius lædunt,  
 Larvati incedunt :  
 Est aulicæ prima prudentiæ lex :  
*Sic stude servire,*  
*Ut putet, se scire,*  
*Et tamen, quis vere sis, nesciat Rex.*

2.

Hæc, ajunt, est summa : placere,  
 Et Regem faventem habere :  
 Nil refert, quid jura,  
 Quid poscat natura,  
 Quid populi bonum, quid gloriæ spes :  
 Rex audit libenter :  
 Loquamur ardentem !  
*Si suadeo, placso : Salva est res !*

3.

O Reges, si forte putatis,  
 Ab his vos amari, erratis :  
 Ipsimet, quod ferunt,  
 Ut inferant, quærunt.  
 Nil credite verbis ; mendacia sunt !  
 Frons, oculi, vultus,  
 Submissio, cultus,  
 Si etiam jurent, mendacia sunt.

Gen.



*Gen. Rom.* Non nego, ita esse, ut dicis: sed quid facias!

*Imper.* Prospicere non possumus omnes fallacias.

*Britannia.* Hinc est, quod te obsecro, ne præcipitetur electio.  
In tanti momenti Negotio Coelum consulamus,  
Signum petamus,  
In quo Ministros fideles a perfidis dignoscamus.

*Genius.* Probo consilium. \* Age templum intremus,  
Interrogemus Oraculum.

*Genius &* Superi! Quale spectaculum!

*Britannia.* Quæ ruina? Quis Cometa? Quam terribilis crux!

*Providen-* Amabilis, aurea crux! . . .  
*tia ex nu-* Curarum desinite! meus est Constantinus!  
*bibus.* Ego MAGNUM faciam.

Quid velim, legite, intelligite!

A R I A.

Ego architecta sum,  
Quæ in his ruinis  
Constantino splendidum  
Molior palatium:  
Vos fundamento lapides,  
Non luteos, non fragiles,  
Non molles, non friabiles  
Sed solidos requirite,  
Et fortiter duratos,  
Quos crucis hac imagine  
Videritis signatos,  
Et prius Numini,  
Quam Principi,  
Perspicue sacratos,

O O 3

2. His

\* Exhibetur eversum delubrum, & crux in nubibus cum Epigraphe:  
In hoc signo. Item Palatium gloria Constantino destinatum.

## 2.

His nixa stabit fabrica ,  
 Et stellis propinquabit :  
 Et nec procellas nubium ,  
 Nec impetum torrentium  
 Impulsa formidabit.  
 Non vento furente ,  
 Non terra tremente  
 Succussa trepidabit :  
 Nil agent hostes machinis ,  
 Nil arte , nil cuniculis :  
 Fundata in cruce  
 In gloriæ luce  
 Æternum perdurabit.

*Genius, & Io!* amant Superi Constantinum !  
*Britannia.*

*Britannia.* Beata sum !  
 Solutum jam est dubium :  
 Assentior ; sit Imperator ! . . .  
 Sed tu obedi monitis Cælitum ,  
 Nec destina Ministros alios ,  
 Quam quos probavero sincere Catholicos.

*Genius.* Me mihi rapuit jucundissima Visio :  
*Imp. Rom.* Obedio. In signo crucis fiat electio.  
 Imus ! signatos requirimus.

ARIA.


A R I A.

Hucusque ego animum ,  
Industriam, Consilium  
In aulicis laudavi :  
Plus non desideravi ...  
Erravi !  
Dus prima est Religio ,  
Quam ego non curavi..  
Erravi !

2.

Religio , Religio  
Me sola facit tutum ,  
Ut sciam , cui Domino  
Stet subditus ad nutum.  
Non fallit me , qui fallere  
Se scit non posse Deum :  
Qui timet , ne , si fallat me ,  
Divino coram Iudice  
Accusem olim reum.





## P A R S I.

*Constantia Orthodoxa tentata.*

## S C E N A P R I M A.

*Constantius. Constantinus. Procopius. Joannes. Paulus. Terentianus. Severus. Marius. Volusianus. Adoetius.*

*Constantius.* O Dies aureo signandus calculo mihi! Te, fili, teneo ereptum tyranni fraudibus felici fuga! Applaudite Proceres! Festus hic dies eat. *Ommes.* Vivite Cæsares uterque felix! *Constantinus.* Procopio me debes, Auguste Parens! Procopius sapiente consilio juventam rexit, & circumspècta prudentia elusit cruentos dolos. Adsum ex mortis faucibus tibi redditus: recipe rediivum, & patrio amplexu stringe. *Constantius.* Totus irrue! o quantus redis! Pericula, quibus objecit te immanis latro, suscepta fortiter, superata feliciter, de te conceptas confirmant spes. Vive! Insiste coeptis, Constantinum te magnum fac! At tu, Procopi, dignum his curis præmium a me spera. Docebo Principes, quantum Ministris debeant, quorum fidei se, ac suos debent. *Procopius.* Auguste, tuus me beat favor. Abunde felix sum, si fidem probavi tibi. *Constantius.* Scio, magna virtus maximum est præmium suum: sed tu, ut etiam virtutem exerceat Cæsar, & gaudio tuo gaudeat, vide, quid tibi, quid filiis petas: quidquid petieris, dabo. *Joannes.* Ego, Cæsar, ut Patri gratulor favores tuos, sic mihi mereri cupio non alienis precibus, sed labore meo. *Paulus.* Idem scio, a me exposcit Pater, infelix nimium, si pro degenerate supplicaret. *Constantius.* Sic

Sic placetis ; cumulate merita , cumulabo favores : ornamentis meis & suis gloriosa Procopii domus inclytum in longam feriem posteris transmittet nomen. Nunc vos , amici , studiis paribus me & filium ulcisci juvate. Filium , quem honoris causa , & amicitiae titulo reliqueram alendum Romae , scitis , quam saepe repetierim : num obtinui ? Pro obside tyrannus tenuit , pro captivo habuit , insidias vitae struxit , & , nisi obstitisset Procopius , fraudibus circumventum necasset scelestus : Quid sentitis ? Non est digna ultione injuria ? Meum haurire sanguinem voluisse Galerium , inultus feram ? *Terentianus*. Non est ferendum. Transfer ab innoxiiis barbaris in perfidum tyrannum arma : dudum Romani gemunt sub jugo fessi , & expetunt Principem , qui prementem ferociam opprimat. Filium da ducem , Caesar , nos sanguinem nostrum dabimus , in quo suffocetur bellua , quae tuum fitiit ! Armis plectatur dolus ! Justa vindicta est , & bello pio favebunt Superi ! *Omnes*. Justa vindicta est , & bello pio favebunt Superi. *Constantius*. Bene est. Ergo placentur Superi , ut auspiciatum consilium sit. Filij , tu hodie atlanti fesso commodabis humeros recentes æmulus Herculis : eris imperii collega mei. Sic redi Romam : intelligat Galerius , quem fecerit hostem imprudens sibi. *Constantinus*. Meus sit labor , Auguste Parens , honor tuus. Te auspice , vindictam illustrem expetam. *Constantius*. Sic decet me , & te. Ite omnes : totis hæc jussa vulgentur castris : solennem exercitus totus pompam apparet ! Hic tibi , Terentiane , incumbit labor. Insupet hæc cura esto : Flamines mone , Sacrificium ut parent Jovi : ipse adero , & mecum , quotquot me amant , mei. Sollemnis gaudii hoc initium sacremus Coelo : nemo absit ! Commune beneficium est , communis sit actio gratiarum. *Terentianus*. At hoc tamen , Caesar , inutile imperium est : invalescit in dies numerus spernentium Deos , & nescio quem Christum , te indulgente , colentium. Isti ut sacrificent Jovi ?

*Constantius.* Ut vero ausint se mihi opponere? Dissimulavi hactenus hoc sectæ genus, non approbavi. *Terentianus.* Conventia audaces fecit, & major, quam credis, est multitudo. Experieris, quanti se opposituri imperio sint. *Constantius.* Sic est, experiar hodie. Mandatum repeto, & addo poenas. Quisquis hodie ex proceribus abfuerit sacrificio, posthac exesto aula, & qua volet, exulet. Non patior contumacem. Ite! Procopi, tu tuis fruire. *Procopius.* Si prius liceat ad te verbum. *Constantius.* Loquere. Turbatum video per hanc sententiam: num Christum colis? *Joannes.* Pater, fateri dubitas? *Paulus.* Christum, Auguste, nos ambo colimus, & nobiscum Pater. *Constantius.* Hem! Ut audaces pueri sunt! *Procopius.* Discedite! Pater jubet.

## SCENA SECUNDA.

*Constantius. Constantinus. Procopius.*

*Procopius.* **N**ihil ego tribuo meritis meis, Cæsar, sed gloria mansuetudinis tuæ animat, ut ad te dicere audeam contra te. Quæro, num diem tam felicem nefastam velis? Video innatare te gaudiis, & in luctu intempestivo aulam submergis? Constantine Princeps, hoc tu patieris? Nec intercedes decreto tam lugubri, die tam festa? *Constantius.* Nam quid affligit te? Quid statui adversum tibi? *Constantinus.* Penetrasti sensum viri: promulgatum Sacrificium male habet. *Constantius.* Ecceur autem? Num Christo tu forte jurasti fidem? *Procopius.* Vulnus tangis: quanquam non mihi doleo: Christo, & tibi doleo. Ignosce exulaturus, si loquar liberius; Nam ex quo Christum didici, didici, Ministri fidelis hoc primum officium esse, quod aliis in postremis habent, dicere Principi veritatem, cum res postulat, & tempus admittit. *Constantius.* Mihi

Mihi hoc novum est, te Christianum esse. Audio tamen, quia, ut amen, obstrinxisti me tibi. Loquere fortiter; non sum osor veritatis, quam vir sapiens loquitur. Hoc primum declara: potuitne in aula sua cultorem Christi Galerius ferre? *Procopius.* Hoc primum queror: apud Galerium latere potui, nunquam imperatum sacrificium est: apud Constantium, ipsa, qua filium reduxi, hora prodere me ipsum cogor, & exilli audire sententiam. O tristem reditum! Poene me huc adigis, Cæsar, ut optem adhuc cum Galerio esse. O spem fallacem! Reduxi filium, ut a parente disceret, quanti facienda sit Religio Principi sapienti, quam videbat a rudi tyranno Romæ tot modis affligi; quid exerior? Dum advenio, extra Romam invenio Galerium, Constantium non reperio. Auguste, obsecro, quid displicuit tantè repente in cultoribus Christi, aut quid in ipso cultu? Cultum exhibemus homini, qui, quod sit Deus, vitæ sanctitate, doctrinæ eminentia, prodigiorum gloria abunde demonstravit. Tu loquere Princeps, quid audiveris Romæ, quid oculis videris, utique argumenta certissima, quod vera sint, quæ de Christo narrantur, cum prope paria in Christi discipulis admiremur. *Constantinus.* Nihil auget Procopius, Auguste parens! Christi cultus facit homines in omni virtutum genere admirandos. Præcepta tenent tam consentanea rationi, ut ex Philosophis nemo vel unum impugnare sit ausus: tam conformia Reipublicæ bono regimini, ut, si servantur, & populus & Princeps necessario felices sint: tam exacta ad normam honestatis, ut vel cogitare de re turpi sit nefas. *Procopius.* Et addunt præceptis consilia, quibus se plurimi promoveant in apicem altissimæ perfectionis, unde despiciant cæteros, & velut terræ fungos misereantur. Quid jam de summis Mysteriis loquar, quorum illi fidem quotidianis prodigiis adstruunt? Deum esse unum natura, in personis trinum, alteram ex illis hominem factum, pro nobis mortuum, resurrexisse, venturum judicem,

quæ sunt ejusmodi omnem intelligentiæ nostræ facultatem  
cedentia ita illi prædicant imperterrite, ut nec superbiam  
egum sibi obstrepentium, nec argutias Sophorum contra di-  
utantium, nec fastidium hominum animalium ad hæc tam  
virtualia se non attollentium revereantur. *Constantinus*. Quos  
sententiis, quæ superant rationem, vincere rationibus non  
offunt, vincunt prodigiis: ad verbum, quo in nomine Christi  
nperant, cæci vident, claudi ambulant, furdi audiunt, le-  
rosi mundantur, mortui resurgunt. *Procopius*. Sed quod om-  
ia prodigia superat, fortitudo est, qua, quod docent verbis,  
onfirmant sanguine. *Constantinus*. Hic vero, Auguste, stu-  
enda vidisses spectacula, quæ Galerius exhibuit mihi, ut cru-  
elitate tyranni infamia, ita patientium virtute admiranda.  
adhuc liquescit animus cogitatione heroum in tormentis lu-  
entium. *Constantinus*. Vera memorari, negare non possum:  
ulta, quæ memorastis, ipse conspexi exempla sub Maximis,  
& Diocletianis Cæsaribus: atque idcirco nunquam sustinui per-  
equi cultores Christi: ut tamen probarem cultum unius Christi,  
ondum convictus sum. *Procopius*. Si non displicent cultores  
Christi, cur cultus displicet, qui tales facit? Cæsar, tua in-  
erest, ut laudes etiam. Fideles, ut habeas subditos, maxime  
roceres, non nescis, quanti referat: non est quies animi, non  
st salutis fiducia, non Reipublicæ cura felix, cum es ambignus,  
n qui te adjuvant, servant juratam fidem: Se an te in consiliis  
puerant: solertiam in negotiis imperatis adhibeant: cum ho-  
ibus non colludant: non adulentur, ut placeant: non me-  
uant displicere, ut prosint: non quæstui magis suo, quam  
ommodis subditorum prospiciant, in miserorum sudore, ac  
anguine helluantes. Hæc, Auguste, quam raro deprehendes  
quod fiant: quam raro audebis punire, si fiant, nisi certus de  
ide tuorum sis? Unde vero sis certus? Corda non licet scru-  
ari: deferentium querelas metus aut spes suffocant: tacent.

At



At nempe jurarunt ! Ah ! Jurarunt , per Deos scilicet , quorum origo commenta sunt ; quorum cultus simulatio , quorum laudes foeda facinora , quorum æstimatio potestatis divisa in multos , sibi que contrarios , ita ; ut si offenderis unum , opem ab altero speres. O miserum juramentum , invocationi tam inutilis Dei innixum ! *Constantius*. Patiens sum : sed vide , ne Diis opprobrium dicas. *Procopius*. Ultimus sermo est , quo finito in exilium eo. Nisi te diligerem , Cæsar , non loquerer tam audacter : malo id meo facio , sed bono tuo. Nunc tu juramenta nostra cum juramentis tuorum compara. Per Deum juramus non ligneum , imbellem , mutabilem , mollem , sed cujus credimus potentiam invictam esse , sapientiam omnisciam , justitiam formidandam : per Deum , quem nemo latere potest , cum peccat , nemo effugere , cum peccavit , nemo placare , cum judicabit : per Deum , ex cujus unius favore , ac gratia salus & omnis nostra felicitas pendet præsens æque , ac sempiterna. Talem credimus Deum nos , qui solus vivit , & regnat sufficiens sibi , nullius indigus , immortalis , unus Dominus , cujus ad nutum tremit orbis terrarum : talem , talem credimus , per talem vobis juramus , Principes ! possumusne in oculis tanti Dei fidem fallere ? Vivere scelerati ? Vivere , ut vivunt alii , qui aliud credunt ? non possumus , Auguste , nisi fidem abjicimus , non possumus male vivere. Et tu decrevisti cogere tuos , ut abjiciant fidem hanc , quæ est tam sancta , & sanctos facit ? Obsecro ; consule sapientiam tuam , nec a te abige homines , qui neque male de te sunt meriti , neque , ne aliquando male mereantur , timendi. A præteritis criminationibus innocentes nos probat , a futuris sceleribus immunes nos servat lex , quam profitemur. *Constantius*. Præclara oratio , sed quam ego una interrogatione universam confutem. Hanc adeo sanctam legem , quam ore profitemini , num etiam servatis opere ? Quod lingua dicitis , num omnes corde sincero creditis ? Quid humeros contrahis ? I nunc ,

donec occurrat quid respondeas. Mihi agendum est tecum, fili; quem video mihi aut Christianum rediisse Roma, aut Christianis affinem nimis. *Procopius.* Tuere causam, Princeps, quam Deus jubet. *Constantinus.* Et te tuebor: confide mihi,

### SCENA TERTIA.

*Procopius. Joannes. Paulus.*

*Procopius.* **D**ubius hæret animus, quid effecerim. Certum convitium est, quod lingua dicimus, non omnes corde sincero credimus, & legem, quam profitemur ore, non omnes servamus opere. *Joannes.* Pater longum alloquium fuit, num æque utile? Non tibi hæsit lingua terrorē Majestatis perculsa? Heu! Si forte timidius locutus es Cæsari, nec pro auctoritatis tuæ gravitate Christi causam es tuitus? *Paulus.* Certe visus es nobis ad exilii sententiam paluisse, quin adhuc pallere videris, quod præter spem evenerit tibi, Constantium fuisse mutatum. Nobis non est improvisa mutatio: instigante Galerio, jam diu urgent inimici Christi: ut inimicum nobis Cæsarem faciant. *Procopius.* Nondum inimicus videtur, imo, nisi me vehementer decipio, idem, qui olim, Constantius est, & eodem affectu. Christi legem non improbat: Christi legem se profiteri jactantium quorundam mores improbat. Ego tanto tempore ab aula procul, nescio, quæ sit vobis vitæ ratio. Docete me, quid observastis? *Paulus.* Tria hominum genera hæc habet aula: aliqui christiani sunt, & non videntur, alii videntur Christiani, & non sunt, alii denique neque sunt Christiani, neque videntur. *Procopius.* Satis dixisti: jam nunc penetro mentem Cæsaris: quantum vult nōsse genus ex illis constans, qui veri Christiani sunt, & videri etiam gloriantur. Ergo jam non est latendi tempus: prodeamus in aciem: pugnandum est. *Joannes.* Nihil igitur effecisti? Obstinavit se Cæsar,

Cæsar, & nisi sacrificemus, est exulandum? *Procopius*. Est exulandum. Cessisse querelis videtur Constantius, & vult amandare cultores Christi: ne tamen cogatur ejicere multos nimis, sacrificium imperavit, ut synceri discernantur a fictis: & metuo, ne obtineat finem, ac pauci exilium ferant. Non vincent periculum, nisi in quibus fides vehementius ardet. Semi-mortua flamma pallentis faculæ non sustinet furentis Boreæ ferocem vim. In Constantino spes micat aliqua: de illo scite, abesse parum, quin Christi sit. *Joannes*. Quam magnum narras bonum! Constantinus Christo hæret! *Paulus*. Salvi sumus! Rescindet precibus decretum impium: vincet Patrem. *Procopius*. Aut a Patre vincetur. Spem & metum habeo. *Paulus*. Recenti beneficio, & tam grandi obstrictus est tibi Cæsar, & tu metuis? *Procopius*. Vos hinc concludite, quanti sit aulæ gloria: vappa, fumus, bulla, inflatum nihil. Ecce dies una *Procopium* magnum & nullum videt. Quanquam non possum fieri major, quam si propter te nullus fiam, propter te, Christe, qui propter me factus es opprobrium hominum, & abjectio plebis. Habetis imaginem, quam Romam abiens utrinque dedi? *Paulus*. Ex collo pendet. *Joannes*. Ecce Pater! *Procopius*. Promite palam: sic exigit honor Christi, sic salus nostra, sic proximi bonum: jam sine scelere non licet latere. *Joannes*. Sed irritabimus Cæsarem: insultare nos credet sibi, atrocius furet? *Procopius*. Metuis tibi, cum res agitur? Verba fortia crepabas ante, facta exhibe. Aut utique Jovi sacrificabis, ne Cæsar insultare te sibi putet? Hem falsum me! Tales educavit vos mater, cui tantillos tam sollicitè commendavi, ut curam masculam in id intenderet, ut a cunis disceretis pro Christo expetere, etiam si sit opus, cruenta certamina? *Joannes*. Quiesce Parens: non defuit officio mater. Qua volet Christus, ferat, vel si in ferrum & ignes volet. Nec mea vox timentis fuit: cavebam tibi. *Paulus*. Nempe quia occultare nos Christus

stus non prohibet. Prodibimus in publicum, cum erit necesse. Ordinem tragœdiæ turbat, qui in theatrum prodit, priusquam Choragus jubet. *Procopius*. Nunc jubet Deus. Quid agent milites, si nemo sit dux? Aut exula, aut sacrificia! Est gravis tentatio: quam pauci vincent, nisi exemplum vincentis videant? Videant nos: trahemus cohortes Martyrum, si trahere volumus. Signa tollite! Sequentur nos! *Paulus*. Moves Pater! Pro Christi gloria, pro animarum bono, pro salute mea hoc signum palam affigo pectori. *Joannes*. O signum felix! Pater, sic sentio incendi animum, ut etsi sacrificares idolo tu: si idem frater, & mater facerent, resisterem solus, & verterem tergum Jovi. *Procopius*. Sic plâces equidem. Tamen metue tibi: non es fortior illo Apostolo, qui eadem poene jactabat verba: sed cum tentatio præsens fuit, negavit Christum miser, & panico prostratus metu commisit, quod horruit, scelus. Omne a Deo auxilium venit: de nobis speremus nihil, pro nobis omnia, sic vincemus. Quodsi, ut homines sumus, aliquando trepidat cor, prehendite crucem: crucifixus solatium, exemplum, auxilium feret.

## SCENA QUARTA.

*Accedunt Volusianus. Adocetus. Marius. Severus.*

*Volusianus. Adocetus*. O Jucundum spectaculum! Ergo *Procopius* Christum colit! Quantum es præsidium nobis! *Marius. Severus*. Et quantum decus! *Marius*. Vidimus, quibus tu præsidiis tuos præpares ad instans prælium. *Severus*. Jucundum spectaculum fuit. Amat nos Deus, qui tantum nobis in tantis periculis misit virum. *Volusianus*. Tu nobis consilio adsis, & filum porrige, quo evadamus ex his erroribus. *Adocetus*. Tu es navita, qui regat fluctuan-

stuantem inter scopulos ratim. *Procopius*. Si Christum celitis, in eadem jactor vobiscum navi. *Volusianus*. Colimus, quousque licet. Ut semper liceat, tu efficere potenti eloquio potes. *Procopius*. Laboravi: non audit Cæsar. Alio vertenda sunt vela: a precibus ad consilia, a consiliis ad patientiam. Unde venitis? Quo tenditis? *Volusianus*. Auditum est færale præconium: stat ara Jovi in mediis erecta castris: jam victimæ ornantur, jam Flamines se accingunt scelesto operi: inter Ethnicos plausus est, inter Christianos murmur varium. Nam qui latebant hætenus, jam timent prodi: & qui nihil dissimulantes colebant Christum, timent adigi, ut abjurent: hinc varia consilia, discordes sententiæ. *Adocetus*. Aliis fuga placet, aliis semet sistendi Cæsari cupido flagrat, alios moeror, & horror in desperationis consilia projicit, non nullos solatur spes editi mitigandi, reposita in Constantino, quem putant Christianis non male velle. *Severus*. Nos ad illum accessum quærimus, supplices futuri, ut saltem executioni moram a Patre impetret: defervet flumen, & frangitur ad obicem fluctus. *Procopius*. Recte speratis patronum juvenem; magnus animus, & indoles placida prout ad opem spondent, si potest ferre. Sed mihi occurrit aliud, quod juvet suadere insuper. *Marius*. Oracula loqueris. Suade, loquere. *Procopius*. Concordia res parvæ crescunt, discordia maximæ dilabuntur. Ergo si vultis servare, concordem esse: si tueri integram Christo juratam fidem, discordiam fugite: cor unum sit, & una anima, mens una omnium: *Nolo sacrificare*. Atque ut id constet palam, hanc quisque admotam pectori imaginem ferat: nemo, quis sit, dissimulet. Sic quisque se, sic quisque suos conformet nobis. Hoc si consilium placet, ducem me vobis in omnem eventum offero. *Volusianus*. Ah! Nimis audax consilium est: quid hinc speremus? *Procopius*. Alterutrum: vel ut glorioso damnemur exilio omnes simul, vel ut Constantius tot, ac tanto-

rum commotus constantia, urgere imperium cesset, & coepta persequi. Videtis, ut omnis salus sit in concordia? Ut tot ac tantis se Cæsar una die spoliet viris, tam de se bene meritis, & bene meritis? Quid? Non est hoc facinus indignum fide? Sapiens Princeps est, gratus est, bonus est: non potest admittere tam stultum, tam crudele, tam noxium sibi consilium. Facite tamen fieri, quod fieri non potest, scilicet beati fumus: eadem omnes manet pro Christo fors, gloriosum exilium. *Joannes. Paulus.* Læta fors! *Volusianus. Adocetus.* Dura tamen, & quam natura horret. *Severus.* Ego hanc sortem amo. Vincenda natura est, & urgenda in cautes arduas, ubi virtus palatium posuit. *Adocetus.* Sed quam facile præcipitæmur. Videmur sæpe in fastigio stare, cum repente rotans vertigo caput in ima devolvit miseros, contusos undique, & semianimes. *Procopius.* Nisi fallor, amici, isti nutant. Fratres, firmate animos: forti viro ubique est patria. *Marius.* Imo Christiano in terris nulla. In ipsa aula exilium est. *Severus.* Ego impatiens ultimam expecto sententiam. *Volusianus.* Ah! Ista conjuratio in exitium præcipites agit. Quantumvis multi sumus, quadruplo tamen major est numerus Ethnicorum: obruimur. *Adocetus.* Et nescitis, quoties priores Cæsares clade una, cum ducibus milites centenos & millenos in odium Christi jusserint circumfuso exercitu cingi, & telis configi? *Joannes.* Et tu non invides hanc suam istis felicitatem? Pugnans pro Cæsare, spectante Cæsare, occumbis gaudens, si miles es: & moriens pro Christo, spectante Christo moerere ausis, querulari, gemere! O pectus molle! O virum foeminam! *Paulus.* Non ita ego, quanquam ætate tenerior, & minor robore. Sit mihi cælum testis: idem est mihi animus, qui olim pueris babylonis fuit: ardere vivus malo, quam Jovi tantillum granulum thuris dare. *Marius.* Erubescite viri! *Procopius.* Aut dicite saltem, blanditiæ Principis, an minæ terrent? Promittat opes, favorem, titu-

titulos : nugæ ! Hodie fruar , cras moriar : quid mihi hæ ineptiæ profunt ? Minetur exilium , tormenta crepet , mortem intentet : terriculamenta ! Nam Deus nempe leviores intentat poenas ? Minus , credo , ulcisci potest contemptum sui ? Ah ! Si quid timendum est , amici , Deum , Deum timeamus ! Pelatur timore timor : agnovimus Christum , quid prodest , si non confitemur ? Si nobis est gratia Constantii , quam Dei potior ? Si ira tyranni , quam Dei formidabilior ? Eja ! Date nomina ! En pugillares ! Quem scribam ? Catalogus offerendus Principibus est , ut sciant , quos debeant persequi. *Marius*. Ego me dicto. *Severus*. Ego focius sim. Adde Volusianum. *Volusianus*. Siste. Deliberabo , quid faciendum. *Paulus*. Misereſcite Superi ! Ille deliberat , sitne Deus deferendus , an Cæſar ! *Omnes*. Misereſcite Superi ! *Volusianus*. Averte hoc malum Deus , ut deferam te. Promptus est ſpiritus , ſed caro infirma. *Adocetus*. Me pudet mei ! Heroës Chriſti orate pro me ! *Joannes*. Orate ! Orantibus robur cordis de cœlo venit. *Procopius*. Perſtemus ; exemplo magis , quam verbis movebimus. Vos , viri fortes , dividite vos : per caſtra hinc cum veſtris ite , nos iſt-hinc ibimus , & quotquot poſſumus , hortabimur ad conſtantiam viros , nominaque referemus in pugillares , ex quibus deinde deſcripta Principibus offeram. Deus eventum , quem volet , dabit. *Marius*. Conſilium vere divinum eſt : ad unguem exequar. *Severus*. Animo altiffimis deſideriis pleno. *Joannes*. Nos tibi hæremus Pater , quocunque jeriſ. *Paulus*. In Exilium , in tormenta , in mortem. *Procopius*. In Cœlum ,

## SCENA QUINTA.

*Marius. Severus.*

*Marius.* **F**Rater, potuitne fortunatior nobis venire præ ista dies? Tot votis optata se ultro offert occasio emergendi in lucem, & ponendi sedem nobilem in nube vicina Soli. *Severus.* Micat amœna spes: sed nisi cauti sumus, potest illa dissolvi nubes, & in lachrymas fluere. *Marius.* Omnia favent, excepto Christo, quem quidem haud lubens desero: sed quid agam? Necessitas cogit, & honoris, spei, ac familiæ ratio: aliter me non extrico. *Severus.* Nullum est dubium: nam Procopius firmabit exemplo plurimos, qui sine ipso defecissent: & horum nos officia, dignitas, bona manent, si obedimus. Constantinus me tamen terret: nam si, quod ajunt, Christicolis favet, an favebit deferentibus Christum? *Marius.* Justa facto asserenda est causa. Catalogus, quem meditatur Procopius, conjurationis speciem exhibet: utilis explicatio est, cui Terentianus pro suo in Christum odio facile pondus addet. Unde accedendus est ipse prior, & ante Cæsaren. *Severus.* Diceres aliquid, nisi nostrum etiam nomen in Procopii catalogo foret. *Marius.* Umbram metuis: debuimus simulare constantiam, ut essemus consiliorum participes, quæ celasset nos utique, si esset suspicatus apostatas. Sed properatione est opus, ne Volusianus & Adocetus præveniant. *Severus.* Accurate providus es. Certe illi vehementer dubitant, quo se acclinent. Nisi festinamus, priores ad Cæsarem venient, submittent Imperio caput, præripient speratos honores nobis: nam magna est Principum, & studiose affectata lætitia, si certare videant procures, quis prior obsequium faciat. Imus. *Marius.* Audi: Una tamen se opponit anxietas, & cor meum me exprobrat mihi: quantum est facinus, quod committis? *Severus.* Scrupulus est. *Marinus.* Hypocrisis, Apostasia, perjurium, calumnia, homi-



homicidium est. *Severus.* Sed expedit. *Marius.* Alios per fortitudinis simulationem forte confirmavimus in sancta fide, & nos a Deo recedimus perfidi? *Severus.* Modo expediat. *Marius.* In Principis gratiam abdicamus nos jure Coeli! *Severus.* Servimus tempori. Quamdiu expedit, servivimus Deo: nunc cum expedit servire Principi potius, noli credere, ægre ferre Deum, deserere se. Bonus est, amat nos: non exigit igitur, ut propter ipsum negligamus nos: non audis clamantem Christum, expedit vobis, ut ego vadam! Quid interest verò, ipse, cum expedit nobis, a nobis abeat, an nos ab ipso? Nunc occasio est, per aliorum casum nos evehendi, quæ si elabatur, quando se offeret alia? Occasio redeundi ad Deum multiplex veniet. Potest se mutare Constantius, & sicut hactenus Christianis favit, ita aliquando ipse ad Christum converti: & tum revertemur cum ipso in viam. Potest Constantinus, cum erit successor, Patris decreta abrogare, & restituere fidei libertatem; en nova poenitendi occasio: denique quid quid futurum est, nunquam futurum est, ut me non possit hujus perfidiæ pudere, & pigere. *Marius.* At nempe non quid quid fieri potest, futurum est etiam. *Severus.* Fortasse tamen. *Marius.* Fortasse non. *Severus.* Cessa has argutias. Quod decrevimus, scelus est, sed scelus utile; fruamur, dum prodest. Cum cessabit esse utile, tum execrabimur, & salvi erimus. *Marius.* Prope invitum trahis. Si malum nostra consilia fortientur exitum, tua sit culpa. *Severus.* Mea sit. Faciamus hodie, quod placet Principi: quod Deo placet, satis mature fiet, si fiet olim. *Marius.* Heus o bone, ita loqueris, velut nihil audisses unquam de lege Christi: horror est vel audire. *Severus.* Delicatas tu habes aures: sed audies suavius, cum assueveris sono. Audacter opprime latrantem cerberum: audaces fortuna juvat: neque primi sumus, neque postremi erimus, qui per hanc viam ad alta gradimur: trita est satis. Quod si te consilii poenitet, vale,

solus ibo, quo beata me vocat spes. Tu vero in exilium ibis, ubi quid te cum tuis expectet, attende diligentius. Nempe aut fodere debebis, aut mendicare, quid resolvis? *Marius*. Utrumque difficile nimis, & dedecoris plenum: neutrum possum: jacta est alea, sequor te. *Severus*. Sic te amo. Ad Terentianum cito; doceri debet, quid fiat. *Marius*. Miserere mei Deus! me uxoris, filiorum, mei ipsius miseret: cogor hoc malum facere. *Severus*. Est malum bonum.



## CHORUS I.

*Pæna Principis maxima, Minister improbus, demonstrata in Rege Achabo, quem Deus in pœnam scelerum malis Ministris decipiendum permittit. \**

## PERSONÆ.

*Michæas. Angelus Dei Judicis Vicarius. Spiritus mendax, Nuntius. Chorus Angelorum percutientium. Præcones.*

*Præcones. Ad judicium! Ad judicium!*

*Michæas. Heu! Quo rapior? ubi sum?*

*Præcones. De Achabo sumendum est supplicium!*

*Adeste Angeli vindices!*

*Quid quid malorum aut tellus, aut orcus parturit, congerite!*

*Ad judicium! Ad supplicium! . . .*

*Ange-*

*\* Theatrum exhibet solitudinem, in qua Michæas Propbeta in extasi. Ejus visio 3. Reg. 22. Sic narratur. Vidi Dominum sedentem super solium suum, & omnem exercitum Cali assistentem ei a dextris, & a sinistris.*

*Angelus* Fidele satellitium! \*  
*Vicarius.* Decretum est, non ultra parcere.  
 Quem mittam: & quis ibit,  
 Qui impium percutiat? qui perimat?

CHORUS.

Ecce ego! mitte me!  
 Ego vindicabo te!  
 Nutu jube! Prompti stamus,  
 Verbum oris adoramus!  
 Dicis: vade! Vadimus!  
 Dicis: fac hoc! facimus

*Angelus* Placet obedientia  
*Vicarius.* Sed poena decreta est longe atrocissima:  
 Putatis, quod sufficiat aliquis vestrum, ut exequatur,  
 Quod rigidissima  
 Exposcit justitia?

ARIOSE.

*Angelus per-* Quid? . . . Si, qui olim Sodomam  
*cutiens. 1.* Combussi, nunc Samariam  
 In cinere sepeliam?

*Angelus* Non est par poena sceleri:

*Vicarius.* Atrociozem statui.

*Angelus per-* Si ego nubes auferam,  
*cutiens. 2.* Et nullam fundam pluviam? *Vicarius.* Non!

*Ange-*

\* Et ait Dominus: quis decipiet Achab Regem Israël, ut ascendat,  
 & cadat in Ramoth Galaad?

*Angelus per-* Si ego ripas transeo  
*cutiens. 3.* Effuso cum diluvio? *Vicarius.* Non!

*Angelus per-* Si ego urbes diruo,  
*cutiens. 4.* Et summa imis misceo? *Vicarius.* Non!  
 Non est par poena sceleri;  
 Atrociorem statui!

*Angelus per-* Ergo ego me jactabo :  
*cutiens. 5.* Fame regnum devastabo. *Vicarius.* Non

*Angelus per-* Ego pestem inferam! *Vicarius.* Non!  
*cutiens. 6.*

*Angelus per-* Ego bellum faciam! *Vicarius.* Non!  
*cutiens. 7.*

Non est par Poena sceleri :  
 Atrociorem statui!

*Angelus per-* Nos vero triumphabimus! . . .

*cutiens. 8.* Dum corpus cruciabimus! . . .

*Angelus per-* Renes urat calculus!  
*cutiens. 9.*

*Angelus per-* Exta rodat volvulus!  
*cutiens. 10.*

11. Pedes liget Podagra!

12. Carnem vorent ulcera!

13. Febris pectus torreat!

14. Pulmo tabe putreat!

15. Cibus gravet stomachum!

*Omnes.* Nullum sit remedium!

*Angelus Vi-* Non!

*carius.* Non est par poena sceleri:  
 Atrociorem statui!

*Omnes.* Ergo Ægyptiacas  
 Plagas repetamus!

*Angel. percut. 1.* Meridiem in tenebras

Cimerias vertamus!

*2. dus* Fontes, lacus, flumina

In sanguinem mutemus!

*3. tius* Muscarum mille genera

Ex aëre creemus!

*4. tus* Ex terra adsint sciniphes!

Locustæ producantur!

*Omnes.* De Coelo ruant grandines,

Et fulmina labantur!

Necentur Primogeniti!

Sic est par poena sceleri!

*Angel. Vicarius,* Non est par poena sceleri:

Atrociorem statui! ....

Quiescite! Et quid velim, intelligite!

A R I A.

Sunt graves istæ poenæ,

Sed adhuc melle plenæ:

Sic punio, cum moneo,

Et diligo, cum punio:

Est poena medicina,

Quam Bonitas divina

Propinat ægris animis,

Ac nondum desperatis:

In fundo latet calicis

Spes certa sanitatis.

2.

Sed aliæ sunt poenæ

Occulto felle plenæ:

Cum plecto, & qui plectitur,

Se plecti non assequitur:

*Theat. Polit. R.P. Neumayr.*

Rr

Cum

Cum desero peccantem:  
 Nec corrigo errantem:  
 Cum sino ut consiliis  
 Se suis ipse regat:  
 Aut impiorum placitis  
 Conformem vitam degat.

3.

Hæc poena est horrenda,  
 Hæc una metuenda:  
 Sic punio, ut puniam,  
 Et non, ut reum corrigam:  
 Sic miser lætus erit,  
 Qua ipsa hora perit.  
 Sic solent ante tonitru  
 Jam fulmina ferire:  
 Et perit absque strepitu,  
 Quem volo sic perire.

Et hæc est poena, ad quam condemno Regem impium,  
 Quem projecit a facie mea, velut miserationis indignum:  
*Puniat*ur! . . . .  
*Sed ut non sentiat se puniri, decipiat*ur,  
*Ne forte convertatur.*

### CHORUS.

Terribile iudicium! . . .  
 Sed iustum est supplicium! . . .  
 Decipiatur!  
 Ne forte convertatur!

*Angel.*

*Angel. Vicar.* At jam, quis decipiet, ut ascendat,  
Et cadat in Ramoth Galaad?  
Permitto potestatem: do plenam facultatem!  
*Spiritus mendax.* \* Ego decipiam illum, Ego, Ego!

*Angel. Vicar.* In quo decipies?  
*Spirit. mend.* Egrediar, & ero spiritus mendax  
In ore omnium Prophetarum ejus.  
Promittent illi contra Syros victoriam: credet:  
Veriora dicentem non audiet: cadet!

A R I A.

Sat exploratam habeo  
Naturam Principis:  
Non erit opus studio,  
Est falli facilis.  
Superbus est, & credulus,  
Ac sui Capitis:  
Cupido, spes, ac impetus  
Sunt a consiliis.  
Quod optat, credit fore:  
Quod credit, uno ore  
Ministri omnes approbant,  
Et suis vota animant  
Insana calculis:  
Est falli facilis.

*Angel. Vicar.* \*\* Video, Aula Achabi est tibi nota penitius:  
Decipies, & prævalebis! Egredere, & fac ita.

R r 2

CHO-

\* Egredius est autem Spiritus, & stetit coram Domino, & ait: ego decipiam illum. Cui locutus est Dominus: In quo? Et ille ait: egrediar, & ero spiritus mendax in ore omnium Prophetarum ejus.

\*\* Et dixit Dominus: decipies, & prævalebis: egredere, & fac ita.

## C H O R U S.

Terribile iudicium!

Sed iustum est supplicium:

Decipiatur!

Ne forte convertatur!

*Michæas.* Heu triste oraculum! Princeps miserabilis! . . . .

*Decipiatur, ne forte convertatur!*

*Sententia terribilis! . . .*

*Nuntius.\** Michæa! Rex meus te jubet venire:

*Si vis, in gratiam potes redire.*

*Oravit pro te Rex Juda Josaphat,*

*Qui cum ipso descendet contra Syriam*

*In Ramoth Galaad.*

*Michæas.* Et quid a me postulatur?

*Nuntius.* Oraculum, quo victoria promittatur.

*Ecce! Sermones Prophetarum ore una*

*Regi bona prædicant;*

*Sit ergo sermo*

*Tuus similis eorum,*

*Et loquere bona.*

*Michæas.* Vivit Dominus,

*Quia, quodcunque dixerit mihi Dominus, hoc loquar.*

*Præcede: ego sequar te.*

## A R I A.

O Deus! terribilis Deus! . . .

Turbatus est animus meus! . . .

Mysterium horribile!

Cum parcis, punis maxime! . .

Timendus es præcipue,

Quo non timeris tempore:

Et

\*Nuntius, qui jerat, ut vocaret Michæam, locutus est ad eum, dicens &c.



Et virga quem non flexeris ,  
Rompheæ virum subjicis ,

Domine !

Ab hac Misericordia  
O Domine! me libera!

2.

Sed bene ! meretur perire ,  
Qui grata a suis  
Quam vera a tuis  
Ministris malebat audire ! . . .

Posteris sapite !

Deum metuite !

Felices vos esse putatis ,  
Cum Deus connivet, erratis ! . . .

Si subtrahit bona monentes,  
Nec abstrahit mala suadentes ,  
Exitio proximi statis.



## P A R S II.

*Constantia Orthodoxa probata.*

### S C E N A P R I M A.

*Constantius. Constantinus.*

*Constantinus.* ITA, Auguste Genitor , explicavi me tibi totum,  
quoniam sic urgebas. Hoc habe breviter: Ro-  
ma , parum abest , quin Christianum me fecerit : itaque amo  
homines , & ne persequi velis , iterum oro. Si audiri non  
mereor , abdica filium ; grave est , sine Procopio vivere , in  
exilium cum illo ibo. *Constantius.* Video te fervere, Confide,

R r 3

mag-

magna voluptas est mihi, audisse te, & qui sis, jam penitus nosse. Roma poene Christianum te fecit! Admiror potentiam Christi! Nam ego toties te mihi reducem volui, non tam ut facerem collegam imperii, quam quod metuerem, ne odisse Christianos in consortio tyranni disceres. Didicisti amare: laus Christo sit, & post Christum Procopio, cui præter cætera, non dubito, quin hoc etiam beneficium debeas. *Constantinus*. Beneficium vocas, & benefactorem expellis? Ah! Illudor! *Constantius*. Diffidere Patri cessa: explicasti te mihi, explicabo me tibi. Audi solers. Hoc primum scito: si tibi est animus Christum sequi, nil me oppono, probō insuper, quin & præibo. *Constantinus*. Sic sperabam equidem: sed aliud hæc iussa probant. *Constantius*. Non possis patiens audire me? Crede fili, plures uno, non credo Deos: unum adoro: nam uni me soli totum debeo, scio. *Constantinus*. O Superi, quod gaudium audio! *Constantius*. Non sum ita insipiens, ut opinari hoc possim, quod me pluribus debeam. Quod enim signum, quæ ratio est, quæ saltem species argumenti? Ut sim, quod sum, potuit unus facere: certe. Aut si non potuit, apage miserabilem Deum! Si vero me facere unus potuit, utique unus fecit: nam qua prudentia adscivisset alios in societatem operis, quod poterat solus facere? Forte, ut citius, ut sapientius, ut facilius faceret? Indigna homine cogitatio. Ego sic persuasus sum: qui Deus est, unus sufficit ad omne opus, & qui non sufficit, non est Deus, proinde aut nullus est Deus, aut unus solus. *Constantinus*. Quam me recreas hoc sermone! Si tamen sentis, ut loqueris, quare, quem credis unum, unum non profiteris? Cur dividis in ea cultum, quæ non sunt Deus? *Constantius*. Absit, ut faciam, quod me arguis. Jam diu nostris nullum exhibui cultum Diis: ut alii cohererent, toleravi. Nam ut aris dejicerem, quo fructu tentarem in tanta multitudine devotorum? Tibi reservatur hæc gloria,

ria: tu, nisi me animus hic tuus fallit, primus eris Imperator, qui everfis profanorum Numinum delubris, templa Dei unius consecrata honoribus ubique terrarum substitues. O cresce in spes altissimas, in quas es natus. *Constantinus*. Utinam vates sis! Sed quis sum ego, ut tanto operi me putes parem? *Constantius*. Solus non eris par: cum tuis eris, sed scilicet cum selectis. Nescis, quid possit Princeps cinctus selectis proceribus. *Constantinus*. Auguste, quo evagaris? Scilicet ut distrahas mentem in curas alias, & a cura Procopii avoces? Ah! Si tanti momenti est, selectos habere proceres, cur aufers hodie? Tunc meliorem Procopio dabis? *Constantius*. Aut ipsum, aut meliorem. Per Ambages deducendus es in penetralia paternæ mentis, ut via planiore pervenias. Perge ire. Selectis cum proceribus prope omnipotens Princeps est: nihil est illi difficile, quia nunquam deesse possunt, qui suppeditent media: nunquam, qui feliciter applicent. Hoc unum est difficile Principi, ut hæc selectio, quanti momenti est, tanta cura fiat. Ego duo tibi Præcepta trado. Inter Ethnicos & Catholicos aliquamdiu vivendum est tibi: Ethnicos noli offendere, hoc primum est: Catholicos stude colere, hoc est alterum. Ethnici ad fidem invitandi sunt, non pertrahendi: patientia! Exemplo, promissis, benevolos facies, ut tractabiles sint ad salutem. Quod si Catholicos præcipuo honore colis: si præ aliis evchis: si familiarius uteris: quantos viros superstitionibus subtrahes, primum quidem illectos spe bonorum, quæ ostentas: sed mox percepta legis Christi dulcedine, non ficta fide adhæsfuros Deo, quem colis. Atque hac arte efficies, ut ex utraque gente optimi quique ipsi se feligant, & certent adjungi tibi. *Constantinus*. Sed jam in ipso certamine difficultas se ingeret, ut optimos discernam a reliquis: nam & illud occurrit, fieri posse, ut optimos putem, qui pessimi sunt. *Constantius*. Tangis punctum: adverte igitur. Tres ego in Mi-

nistro

nistro dotes requiro : sit peritus in negotiis officii , quod ei committis : sit industrius in executione imperii , quod imponis : sit prudens , possitque sibi & tibi consulere in eventibus non prævīs. Tales omnino nautas sapiens gubernator seligit, nisi velit a turba remigum in syrtes & scopulos trahi. *Constantinus*. Experimenta peritiæ , prudentiæ , industriæ ut ego capiam , priusquam feligam , quo modo id fiet ? *Constantius*. Nempe documenta a puero dederint , aut aliorum testimoniis credes : utrumque obnoxium fallaciæ est. Itaque tribus his , ut addatur dos quarta , curabis , nempe fidelitas : fidelis qui est Principi , neque acceptabit officium , ad quod est ineptus : neque si acceptavit , fungetur neglectim. Nunc propius in nostram rem. Si infidelis minister sit , etſi cæteris dotibus polleat , quam sit perniciosus , satis , opinor , ipse intelligis. *Constantinus*. Satis , omnino. Quin quo quis officii peritior est , eo tutius fallet : quo prudentior , eo nequius consulet : quo magis industrius , eo cautius laborabit pro se. Sed quid agas ? Ut ſcirem judicare de fidelitate hominis , cor inspicere deberem , & Deus esse. *Constantius*. Aliud est medium super. Quanquam si eligis Ethnicos , fateor , nulla te documenta ſecurum fidelitatis præſtabunt : mutantur etiam constantissimi , si nihil est intus , quod tenet. Hinc monui , ut vel Catholicos eligeres , vel faceres. Huc igitur , si vis optimos , huc confer industriam , & experimenta applica , ut ſcias , num ſyncere in Christum credant. Si mores exhibent vix diverſos ab Ethnicis : si fidem venalem habent , parati mutare , cum expedit ſtatui : hos tu ſcito , cane pejus & angue vitandos eſſe. Neque enim ſapienter credere poteſ , illos tecum verecundius agere , quam agant cum Deo. Jurant fidem tibi : per quem jurant ? Per Deum nempe. Ergo ſi Deo non ſervant fidem , per quem jurant , num credendi ſunt ſervaturi tibi , cui jurant ? *Constantinus*. Penetro argumenti vim. Vis igitur , ut , an fideles ſint mihi,

mihi, ex moribus arguam : si timent Deum, si horrent offendere, si plus reverentur, quam me : his me tradam, his tuto utar : secus a me pro perfidis abigam. *Constantius*. Prorsus ita ut sit hæc tua in observandis Ministris regula : *Non est fidelis Principi, qui non est Deo*. Jam hoc ut scias, an teneant Deo fidem, interdum tentandi sunt. Modum exemplo doceam. Nondum probas? *Constantinus*. Sacrificium intelligis? *Constantius*. Ipsum. Si sacrificat Ethnicus : tolera : nunquam juravit fidem : si Christianus, violavit juratam fidem : ejice ! Novo Cæsari novos proceres adjungi ex optimis volo : hic modus noscendi est. Placet tandem? *Constantinus*. Suspicio sapientiam, & curam paternam æstimo. Sed heu me ! Si victus exilii metu Procopius sacrificet Jovi ! Illumne a me dimittam ? *Constantius*. Frustra times. Si Procopius dignus est, ut ametur, Christo servabit fidem : si non est dignus, amare cessa. Hodie documentum dabit. Tu confirma te, compone vultum, urge imperium : quo eris magis serius, hoc gloriofior est Procopius. *Constantinus*. Confido virtuti viri. Quid tu petis Terentiane ? Tempus sacrificii est?

## SCENA SECUNDA.

*Constantius. Constantinus. Terentianus. Severus. Marius.*

*Terentianus*. **T**EMPUS est : parata sunt omnia, Cæsares, præter illos, qui deberent peragere. Atque hoc questum venio. Imperium totis castris insonuit præco : nuntiatus est adventus Principis : promulgata denuntiatio belli inferendi tyranno, & decreta electio in collegam imperii : applausum est clamore concordii. Verum ut sacrificium indictum est, cum intentata se subtrahentibus exilii poena : varium murmur fuit, & scilicet, quod prædicebam, tumultuatum est.

*Theat. Polit. R. P. Neumayr.*

Ss

lau-

laudantibus aliis, aliis non obscure reprehendentibus religiosum imperium. Ex cujusque vultu conspexissetis, quis Diis, quis Christo addictus esset: tantum repente discrimen fuit. Et subibant catervatim dejectis oculis, corrugata fronte, inter se mussitantes, & conferentes capita, in nescio quale consilium. Admonui duces, ut caverent, ne quid turbaretur: sed nec ab his quidem eodem oris habitu auditus fui. Ergo propere ad vos redeo: hic audio novum malum: Procopium etiam cum Christianis sentire. Expallui ad viri nomen, nam & affinis est meus, & amicus olim in paucis charissimus. Gemui, & mecum tacitus: qua res evadet, ajo: Procopius Christianis favet! Quantus vir! Verbo, exemplo animat, ne obediant Cæsari! Heu! Ducem habent: quid restat, nisi ut habeant Cæsarem etiam! Ita dum queror, subjungitur mihi: & habent Cæsarem, nam Constantinus (ignosce Princeps, audita narro) Constantinus a Procopio perversus edit Deos, Christum amat. *Constantinus*. Hoc de me? Quis? *Terentianus*. Marius & Severus omnia. *Constantinus*. Marius & Severus non & ipsi adherent Romanis sacris? *Terentianus*. Puto, adhæsisse. Poenitere videntur: nam ab illis tota narratio est. Audire ipsosmet placet? A vide expetunt: expectant, dum vocentur. *Constantinus*. Voca. Fili, nosse animos incipe: en se produnt. *Marius*. Prostrati ad sacros pedes rogamus veniam diri criminis, cujus nos sistimus sponte reos, sed poenitentes. *Severus*. Et execrantes temerarium facinus, quamquam ab invitis commissum. *Constantinus*. Clementer habetis iudices, si narratis fideliter, & fyticere damnatis. *Marius*. Damnamus! Hæc causa impulit, ut ausi simus sperare veniam, quia poenitet facti. *Constantinus*. Cujus, & a quo facti? *Severus*. Conjuratum est. *Constantinus*. Conjuratum? Ubi? quando? adversum quem? Quo auctore? *Marius*. Narro seriem. Celebamus cum pluribus Christum, non ita pertinaciter tamen, ut velle-  
mus nos opponere Cæsari. Itaque cum promulgatum sacrifi-  
cium

cium est, & mormurarent alii adversum vos, agitentque consilia Majestati periculosa, clam a turba discessimus, ne involveremur maligno consortio. Vitavimus charybdim, incidimus in scyllam: euntibus obvius Procopius cum filiis fuit: pende-  
bat singulis ad pectus crux, & animabat filios Pater ad fortem contumaciam. Stupuimus: nec enim scivimus antea Proco-  
pium Christianis favere, cum ille ad nos conversus, voce im-  
pariosa, Christiani estis, inquit: inquietum animum ex vultu colligo: turbavit edictum Cæsaris. Nos siliimus, nec enim negare licuit, quod frons, oculi, tota facies garrie-  
bat. Ergo instare ille, animare ad pugnam, hortari ad constantiam, in-  
stitit tandem, ut tandem victas dederimus manus, & promi-  
serimus audire consilium. *Severus.* Sed ficta promissio fuit, ore facta, non mente, ne crederet, a nobis proditum iri, quod moliretur. Continuo, quid vellet, exposuit: castrorum par-  
tem, qua circumiremus, designavit: alteram jam circum cursat ipse, ut quotquot potest, firmet in cultu Christi. Singulorum nomina collecta vobis deferet, credo, ut multitudine se oppo-  
nentium territi cessetis urgere imperiam. Vos an non hic aliud malum lateat, attendite Cæsares: vir potens est, & amatur. Nost-  
rum hoc scelus unum est, quod in rebellium catalogo post Procopium passus sumus, nos primos scribi. *Marius.* Aboleat hanc culpam poenitentia celeris, quam videtis nos primos agere. *Severus.* Tenete iram, cum legetis nomina deprecantium scelus. Nos fidem servamus vobis. *Constantius.* Simu-  
lata poenitentia est. Si vultis, ut credam vobis, sacrifican-  
dum est Jovi. *Marius. Severus.* Sacrificabimus! *Constantinus.* Sacrificabitis exilii metu, Jovi ad speciem, revera Christo. Nam, quod qui serio semel juravit Christo, & fidem tenuit, abjuret serio, Auguste Patens, ego non credo. *Marius. Se-  
verus.* Per Jovem juramus serio, non credimus Christum Deum, non colimus Dominum. *Constantinus.* Jurastis cultores esse,

*Marius. Severus.* Poenitet. *Constantinus.* Cur poenitet? Malum aliquod Christus fecit? *Severus.* Nullum fecit: faceret, nisi ab ipso deficientes rediremus ad Jovem, faceret enimvero grande malum, cum exulare a vobis cogeret. *Constantius.* Si tamen credidistis, Christum Deum esse, defectionem ne vindicet, non metuitis? *Marius.* Deum credidimus, non credimus modo! *Constantinus.* Ecceur credere jam cessastis? *Severus.* Quia non expedit credere, cum prohibet Cæsar. *Constantius.* Plus ergo me timetis, quam vestrum Christum? *Marius.* Et plus amamus. *Constantinus.* Sed audio, pœnas æternas intentari defec-  
 rentibus Christum; non timetis? *Marius.* Cum definimus Christum credere, etiam credere infernum definimus: nullus est. *Constantinus.* si tamen est infernus, num ideo cessabit esse, quia vos cessatis credere? *Severus.* Equidem si est, non cessabit esse: sed nos tamen cessamus timere. *Marius.* Urgere parcite Cæsares, recipite supplices: tantus est amor vobis servire, ut, si propterea carendum sit cœlo, & ardendum in inferno, eligere malimus utrumque, quam vestra gratia, & hoc aula excludi. *Constantius.* Magnus amor est: sed nondum facitis plenam fidem. Credam vero, si, donec veniamus ad sacrificii locum, dissimuletis hanc vestram defectionem, ac tum primi omnium dabitis thura Jovi. Spes est, plures posse exemplo trahi. In omni actione difficili arduum est primum esse: primum sequuntur plures. *Severus.* Sic fiet, Cæsares, trahemus exemplo plures. *Marius.* Trahemus omnes. *Constantinus.* Potestis mereri gratiam. *Constantius.* Tu accense Procopium: quousque progressus sit ex ipso sciam. Venire si gravetur, gravius reus est: prætoriam cohortem adhibe, & ad tribunal trahe. *Constantinus.* Magna sunt viri merita: sed ut impune contumax Cæsaribus sit, non excusant. *Terentianus.* Imperium facio. *Severus.* Cave nos Procopio prodere. *Terentianus.* Audiui præceptum. Dissimulate vos,



## SCENA TERTIA.

*Marius. Severus. Volusianus. Adocetus.**Severus. Marius.* Vivite o nostri Dii! beati sumus! *Marius.*

Jam ego mihi videor paludatus incedere, & trahere ducale syrma tanto cupitum ambitu. Quod tot laboribus, per tot pericula, toties fuso sanguine comparare non potui, jam pro uno thuris granulo meum erit. *Severus.* Strenue promovimus navem: portus vicinus est. Unus superest labor, ut confirmemus nutantes, ne, si quis nobiscum deficiat, præ nobis proficiat. Splendeat hoc signum foris, & oculos simplicium mentito fulgore fascinet. Sic triumpho. *Marius.*

Exemplum sequor. Fingamus strenue: instar cautis te immotum in fide exhibe. Hæc ars est artium, vel sagacissimos fallere. Veniunt. Salvete fratres, & gratulamini nobis! *Volusianus.* Gratulemur? Præco extremum imperium sonuit: hæc hora est convasandum. Aliud vobis innotuit bonum? *Severus.* Bonum optimum, triumphat Christus. *Adocetus.* Triumphat Christus! Beati Coelites, quod gaudium audio? Nar-

rate avidis, quid acciderit novi. *Marius.* Audite, quanto nos robore, & quam feliciter iniverimus pugnam. Terentianus ex cruce agnitos traxit ad Cæsarem. Hic sensimus verum, quod Christus promissit: cum ad Reges & Præsides ducemini, nolite cogitare, quomodo, aut quid loquamini. Dabitur enim vobis in illa hora, quid loquamini. Stupete fortitudinem animi, qua tunc nos induit ex alto Deus. Ego prior, Cæsares, inqueiebam, quanta ego vos hætenus veneratione colui: tanta, ignoscite, tanta jam cogor execratione abominari, quando vos video ex imperatoribus degenerare in tyrannos, nec jam corporum contentos imperio, etiam imperare conscientis vel-

le. *Volusianus.* Heu! tali exordio non poteris benevolos fa-

cere. *Marius.* Neque volui. Exacerbare potius desiderium fuit, & concitare, ut atrocius furerent, quo nobis obtingeret illustrior corona Martyrii. *Severus.* Subjeci ego stupentibus audaciam nostram, & jam per rabiem mordentibus labra: quid cessatis? Exilium destinatis non sacrificantibus sacrilego Jovi: parum est! Rogos, enses, rotas expedite, immittite belluas, tortores armate! Juvat pro Christo mori. Mox spiritu incitator dissolvi vestes, nudavi collum, pectus obtuli, porrexī brachia, &, eja, clamabam, quod placet membrum? tyranne feri! Fode ungues, articulos trunca, linguam exscinde, suffoca guttur, oculos erue! aures & nares mutila! Quid petis amplius! Feri, & quem petis, cruorem hauri! *Adocetus.* Prô! Quæ est hæc stultissima fortitudo! Per hanc insaniam rem Christianam omnem pessumdeditis. *Marius.* Quid tu loqueris? Ecce frater, quam bonus sit Deus! Præter tyranni rabiem hoc nostro decori addit Deus, quod a fratribus pejus quam ab hostibus habeamur. Stulti, insani sumus: Io! Stulti propter Christum! Te Deum laudamus! *Severus.* Ita animales homines non percipiunt, quæ sunt spiritus, & sapientia Christi stultitia est sapientibus secundum carnem. O stulti, & tardi corde! Vos scilicet vestra trepidatione, vestro metu, vestro puerili fletu rem christianam sustentabitis? Canes muti non valentes latrare, sic ovile Christi custoditis? *Volusianus.* Parcius sancti Martyres, parcius ista viris! Nam & nos scimus, quid deceat. Loqui decet, cum fides in periculo est, sed in loco, in tempore, cum decore, fortiter, ita est, fortiter, sed prudenter. *Adocetus.* Sic loqui, ut vos locuti estis, non est loqui; sed furere. Prudentes Principes, qualis est noster, non sunt impatientes veritatis, si, qui loquitur, prudens est. Aut cui putabatis vos loqui? Nesciebatis Constantium virum esse utique dissimilem Galerio, homini rustico, & ex hara in solitum imperiale evecto? Galerio,

lerior, Galerio si sic essetis locuti, excusarem factum, quia spes non erat, ratione duci illam belluam posse. At Constantius tantæ sapientiæ, tantæ moderationis, tantæ mansuetudinis Princeps, quam facile poterat permoveri, primum ut differret executionem decreti forte per impetum facti: deinde vinci rationibus opportune propositis, ut etiam revocaret. *Marius*. Eleganter. Vide hic frater religiosum politicum? Et quorsum abiit Evangelicum illud: nolite timere eos, qui occidunt corpus? *Volusianus*. Et ubi est politicum illud: Estote prudentes, sicut serpentes? Qui cavet, non ideo timet malum. *Severus*. Quid vultis? Audite totum, & tum de prudentia judicate. Ecce nihil evenit mali. Attonuit Tyrannum hæc fortitudo, coëgit laudare nos, & liberos, ac illæsos dimittere. *Adocetus*. Nempe plus sapuit, & miservit illum insanie vestræ, cui si vos relinqueret, credidit, abunde punitos esse. Sed jam spes omnis periit faventis auræ! Submersa est Religio Christi per istos Deicidas: non potest placari Cæsar! Eamus, paremus iter. *Volusianus*. Iratus es: non decet discedere offensum fratribus: in quo peccârunt, imprudentia, non scelus fuit; hac Deus utitur, ut ad coronam vocet. *Adocetus*. Verum loqueris: & idem sentio, cum spes evanuit vitandi malum, succedere fortitudinem tolerandi. Ut trepidat ante prælium miles, quem videas cinctum hostibus ardere totum, & provocare pugnando mortem; sic mihi lapsus animus in pectus rediit, cum video non posse pugnam effugi. Ignoscite propere Zelo: fratres sumus, pugnemus simul! *Marius*. O verbum jucundum, pugnemus simul! Vix lacrymas lætitiæ testes teneo! *Severus*. Vivite fratres! Hæc una hætenus nos cura pressit, ne vos cadatis. Beatis nos! Pugnemus simul! En pugne ducem.

SCENA

## SCENA QUARTA.

*Accedant Procopius. Joannes. Paulus. Terentianus.*

*Terentianus.* Ita me cōgis odisse te. At vos urgete fortius virum, si amatis, ut tandem Cæsaribus pareat. Audivi minas Principis: magna sunt viri merita dixit: sed ut impune sit contumax, non excusant. *Procopius.* Terentiane, talia inimico suade, si placet, tuo: ego scio, quid mihi profuit. Tu multo es miserior me, & ego exul esse, quam cæcus malo. *Terentianus.* Fiat tibi, sicut vis. At me poenæ vitæ piget, quod auctor primum, & jam minister etiam sum tanti mali. Veniam da! Nunquam sic meus arsisset in Christi cultores furor, si te scivissem unum ex illis esse. *Procopius.* Hæc cessa queri, & a Christo deprecare injuriam; Ego felix sum, & opto, ut possim ejusdem te mecum reddere felicitatis participem! Sed mone Cæsarem, adesse me, & suprema expectare mandata, paratum exequi, quidquid non jusserit contra Christum. Amici, gratulamini Christo! Magnus est numerus cultorum ejus. Catalogum scripsi! Legat Cæsar, quot & quantos amittat viros, si Christianos ejiciat. Vos nullos scripsistis? *Marius.* Ah! In opere tam præclaro occupatos Terentianus ad Cæsares traxit. Irati ambo nostris conatibus, abire ex conspectu jusserunt, nec nisi sacrificio peracto redire. Obstinaverunt se, exulandum est. *Procopius.* Irati ambo! Etiam Constantinus? Ah Constantinus unus est, qui mihi difficile exilium facit. Quam parum absit a regno Dei, ego novi. Galerio te subtraxi, o anima nobilis! Galerio nocentior Pater est: poenæ me beneficii poenitet. Nam quid est factu pronius, quam ut filium pervertat Pater, nisi, quod videtur, jam nunc perverterit. *Volusianus.* Spes omnis concidit. Nostri te misereat, quorum, o dedecus, adhuc in hoc catalogo non extat nomen.

*Ado-*

*Adocetus.* Adscribe, obsecro! Sero sistimur, serio pugnaturi.  
*Procopius.* Sat cito, si sat bene. Preces audio; scribo nomen. Deus vos autem scribat in libro vitæ. Ultimos infero: Primi fervore este! *Volusianus.* *Adocetus.* Conatu erimus. *Procopius.* Ergo ite in castra omnes, & ne quid mei causa turbetur absente me, habete curam. Tentabo ultima, ut ad meliora consilia Cæsares moveam. Si ad vota succedit conatus, laudabimus Deum: Sin minus, laudabimus iterum. Nunc hoc agendum, ne quis de nostris loquatur aut agat aliquid, quo in reverentiam Cæsaribus debitam peccatum fiat. Hoc cavete. *Omnes.* Erit hæc nostra cura. *Procopius.* Innocentes nos decet pati. Christum infamamus, si discedimus exules cum infamia. Una exilii causa Christus sit: si accedit culpa, miseri sumus. *Omnes.* Una exilii causa Christus sit! Dividamur.

## SCENA QUINTA.

*Accedit Constantinus.*

*Procopius.* **D**A verba, Christe, quibus pertinaciam frangam. In tua manu sunt corda Regum: flecte tibi! Doma Constantium, Constantinum serva! Filii, sat fortes estis? Nunc res agenda! Juvate me, reverenter quidem, fortiter tamen dicite, quidquid loqui exiget honor Christi. Alta sapite! Sursum corda! Nulla pectus promissa moveant, nullæ quantiant minæ: ad Coelum nati estis. *Joannes.* Nihil metue nobis, Pater, nunquam videbis degeneres tibi. *Paulus.* Provocare hostem ausim, & animus in victoriam prurit. Vis, ut impia palam execrer sacra, & infame simulacrum Jovis ex ara turbem? Ruo, quo tot heroum exempla trahunt. *Joannes.* Et si hoc facinore efferatus Cæsar exilium in mortem mutet:

*Theat. Polit. R. P. Neumayr.*

T t

an

an vita tanti est? Moriamur! Eja! Probas cōsiliū, Pater? *Procopius.* Fervorem laudo; temperatū velim tamē, donec, ut sese totus exerat, poscat tempus. En Cæsar prodit. *Constantinus.* Procopi! Majora sunt tua in me merita, quam ut offensa una possint obliterari. Sequester me pacis tibi apud Parentem offero, si admittis cōsiliū. Quod tu cum tuis obluſeris imperiō, vix toleraret alius Principum, etiam qui regnū deberet tibi: neque enim qui Regi utile servitium præstitit, ideo servus esse cessavit. Nunc cum audivi Cæsar, id insuper a te agi, ut ab obedientia etiam alios abstrahas: quod circumveris castra, confirmaveris dubios, obstinationis cōsiliū affixa ad pectus cruce palam jactaveris: quo (nam tu ipse judica) quo animo potest hanc audaciam subditi Imperator sufferre? Per ego te illum amorem obsecro, quo te, *velut si Pater* esses, proſecutus sum semper, cede aliquid de illa tua religione austera nimis. Quid diem tam felicem mihi, aspero vultu temeras? Obsequere semel, aut saltem te obsequi simula: mitescet genitor, & paulatim in tua uterque vota lubentes ibimus. Nihil est præcipiti cōsilio nocivum magis: illustre facinus mora perficit. Qua ego mente in Christum sum, nosti satis, & ausim Patrem eodem trahere, nisi tu obicem ponas. Vide, quam tibi, & mihi noceas. *Procopius.* Princeps, non oportet me respondere ad ista tibi, quia cum Deus imperat, nullus audiendus est Imperator. Nihil omnium, quæ feci, poenitet: accipe, quos numero, propositi sancti socios. Catalogum scripsi, porrige Cæsari: videat, quantum beneficium faciam repugnando, nunc fidelis maxime, cum contumax sum. Quid enim hac circumcursatione volui? Quis animus fuit, nisi, ut cōsiliū tam noxium vobis, quod improbare alius nemo est ausus, efficaciter dissuaderem, quod mihi visus sum non posse agi feliciter, quam si palam omnes, ore, signis, & calamo se proderent, qui Christi essent. Sic enim, & non aliter evi-

den-

dentius cognoscitis, quot & quanti viri uno edicto damnentur. Quodsi tanta vos nihil jactura moveat, juvat ire, quo Christus vocat. Te ego, Princeps, miseror, quem abeunte me, video relinqui sibi, & recta in interitum ire. O quis te error fascinat? Patrem revereris præ Deo! Quis magis est Pater, & a quo certior tibi felicitas venit? Ah! Si quid olim de te bene Procopius meruit, ne exue animum Christo affectum bene! Cogita, quos audisti, quos ipse tyrannos nosti, qui contra Christum sanguineo feroces vexillo moverunt bellum, quis tenuit feliciter sceptrum? Quis placide vitam finiit! Quis non documenta hostibus Christi formidanda de se reliquit? Et ego te videam in hæc vestigia ruere? Nam quid ex his initiis arguam? Non audes Patris decreto, vel per preces obfistere, & exemplo audebis? Primo aspectu victus te hostis nostri arbitrio tradis, tot cinctus heroibus, quot Christiani in castris sunt, & his ejectis, solus & unus pugnabis Patri, ex prima victoria magis ferocienti? Ah! Non pugnabis, video, non pugnabis. O miserum juvenem! O spes fallaces! O infelices labores meos! O Princeps, gaudens aulam desero, gemens te! Timeo. . . *Joannes*. En verba abruptit dolor! *Paulus*. Et talem a te dimittes? *Constantinus*. Facite, ut cedat, & simulet saltem. *Joannes*. Ah! Quid loqueris? Video, nondum satis est nota tibi sanctitas nostræ legis. Ut fictionem adeo turpem Christus ferat? Apage! Nihil pejus, quam mendacium odit, qui veritas est. Ecce qui tibi ex cruce pendens languere, & torpere totus, & frigere videtur: vivit, si nescis, vivit, & regnat in Cœlo, unde venturus est in fulminea nube, ut damnet eos, qui hanc nuditatem erubescences, non ausi sunt coram hominibus confiteri filium Dei. *Paulus*. Hic tu metue tibi, Princeps, tu, quem Christiana mater in lucem edidit: qui tot vidisti Romæ prodigia fieri: tot simulacra sterni: tot viros claros pro Christo mori; cui Procopius tot monitis institit: tot argumenta

attulit: tot dubia dissolvit. Noli huic tuæ, quam ego venerabundus exosculor, purpuræ fidere: cum ad Judicem veneris, ista non proteget. Vide, obsecro, quam nihil pro nobis, toti pro te solliciti simus. Miserere tui! *Joannes*. Miserere tui! *Constantinus*. Terentiane, quid tu existimas? Verene aliquid a Christo timendum est mihi? *Terentianus*. Ego, quid possit, nescio. Posse aliquid nunc primum suadet hujus viri auctoritas. Princeps, juva! Eximantur Christiani, ne sacrificio adesse debeant, ipse rogo. *Constantinus*. Non licet. Egi omnia apud Patrem; Urget. Quia tamen te amant, Procopi, voluit, ut ego loquerer tibi, ratus, fore, ut facilius persuaderem, ne nihil cederes. Redibo igitur infecta res? Insuper catalogum feram obstrepentium sibi? Apud subditos nihil impetro, apud Patrem sperem? Quod tu credebas remedium esse, obstaculum est: ipsa multitudo hominum, quam jactatis, irritavit, ut sacrificium urgeat: sperat minorem numerum fore, cum videbunt rem agi serio. Sic enim comparati sumus: multi sunt fortes, ante pugnam, qui, cum pugnandum est, terga vertunt. *Procopius*. Neque saltem ultimum alloqui Cæsarem licet? *Constantinus*. Nisi feram a te responsum modestius, non licet. *Procopius*. Bene est. Ergo accingamur itineri. Princeps vale! Audiat Cœlum, & grätuletur! Servivi Principi propter Deum: ejicior, quia servire nolui contra Deum: utrinque beatus sum! Beatissimus nunc, cum incipio servire soli Deo, propter se. *Constantinus*. Abis? Heu! Quo adigis me? Deferis? *Procopius*. Ne deferam Deum. *Constantinus*. Rupes es! Nihil te movet? *Procopius*. Nihil. *Constantinus*. Bene est: abi, si potes. Totus non abibis. Ego filios mihi teneo. Terentiane, tua custodia sit. *Procopius*. Filios a Patre abstrahis? *Constantinus*. Ut retineam Patrem. *Joannes*. Heu! Maculas nos, Princeps, atroci consilio! Sic odisti? quid offendimus enim, ut esse captivos velis? *Constanti-*



## CONSTANTIA ORTHODOXA.

*tinus.* Captivos volo, ne exules sitis. Sic amo.  
*Paulus.* Nos Patrem sequimur. *Constantinus.* Me veta-  
*nes.* *Paulus.* Filii sumus. *Constantinus.* Non sum Dominus  
 Procopi, etiam hic te oppones? *Procopius.* Quid dica-  
 naris, an licentiam petis? si primum, patior: si alter.  
*Constantinus.* Negas amanti? *Procopius.* Vel ideo non  
*stantinus.* Mihi ut sint a cubiculis, volo. *Procopius*  
 cant. *Terentianus.* Sic ego certarem, si filium tibi  
 Princeps, meum? Amice, quantam, & cujus tu gra-  
 nis? *Procopius.* Ne Deigratiam amittant filii. Susci-  
 rem, Princeps, intelligo, quanti Procopium  
 quem sic honoras. Sed qui honoras servus  
 ques Patrem. Parce, obsecro, nec me a me ip-  
*Constantinus.* Tu te dividis. *Procopius.* Heu! Initia-  
 sinent Jovi! Hoc ferat Pater? *Joannes.* Hoc metuis-  
 ter, sic noti sumus? *Paulus.* Hoc scito, Princeps,  
 veritas, retines, inani te palpas spe! Ante ego arde-  
 quam per me granum thuris minimum fumet Jovi. *Joan-*  
 ego discerptis sanguinem spargam membris, quam si-  
 nu futilibus Diis. *Constantinus.* Non istud agitur: t-  
 trem per vos est animus, si dividi vos ægre fertis,  
 ut sacrificet. *Joannes.* Horruerunt aures! ut suade-  
 scelus, quod ego execror? I, perge Pater, in ul-  
 Thulen abripe! Opto, ut nunquam te videam iteru  
 redeas, votum Christo faciam. *Paulus.* At ego ad  
 nibus gratiam exilii peto: possumne per patris me-  
 missus? *Constantinus.* Abstrahite. *Joannes.* *Paulus.* P-  
 hil metue nobis: auferre te nobis possunt, Christum  
 sunt. Vale, & consta tibi! *Terentianus.* Princeps,  
 ego tale spectaculum vidi. *Constantinus.* Ego sæpe.  
 est sacrificio destinata. Procopi, sentis te homine  
 Delibera cito! Mihi ignosce amicam vim: cogit amo-

## SCENA SEXTA.

*Procopius solus.*

*Procopius.* **C**Rudelis amor. Enimvero sentio me hominem esse: nam quantus se movet modo, tantus nunquam fuit tumultus cordis. Trepidat constricta utrinque pietas formidine sceleris. Christum desero! Scelus est: *filios desero!* Scelus est: & non est medium: alterutrum ut eligam est necesse. O cujus causa hoc tantum tormentum fero, suggere consilium Christe, quod me expediat tam gravi malo! Ah! Filios relinquam; Pater, agnos in medio luporum deseram? ut forti sunt animo satis, tamen juvenes sunt: & quantillum sufficit, ut se juvenis mutet! Infelicius omnium infelicissimus ego sum, si alteruter se Diis mancipet, deserto te! Quos ego Romæ vidi pro te ad necem rapi, ibant gaudentes! Merito, nam aut carebant filiis, aut cum illis ibant. At ego. . . . Quid angar tamen? Scilicet ego ille sum, qui filiis constantiam dabo? Hem metum vanum! nempe ut sic emolliat paternum cor, hoc mihi malum fingit malignus Sathan. Tibi, Christe, dicavi filios: in tua cura sumto, a te est robur: quid a me sperent? Tu illis sufficis. Pudet trepidasse! Securus exulo.

CHO-

\*\*\*\*\*

## CHORUS II.

*Achab ab improbis Ministris male deceptus, misere perit. \**

### PERSONÆ.

*Michæas Minister probus. Sedecias coriphæus inter improbos. Joram, & Ochozias Filii Achab. Ephebi. Sacrificuli. Milites. Aula. Cives.*

*Joramus.* Non me decipis, Sedecia?  
Certa est de Syris Victoria?

*Sedecias.* Certa est, nisi credis mentiri oracula. . .  
Audite incolæ, Cives Samariæ; audite!  
Hac Hora reducem videbitis Regem:  
Victori plaudite!

Victoriæ auctorem Deum laudate! Io! Laudate!

*Chorus Sacrificulorum & Civium.*

*Michæas irridens.*

Io! Io! Triumphum cantate! Io! Io! Triumphum cantate!

Victori pœana clamate! . . . Victori pœana clamate! . . .

Periit Syria!

Periit Syria!

Plaude Samaria! . . .

Plaude Samaria!

Baal vicit! Baal Regem protexit!

Baal vicit! Baal Regem protexit!

Baali Syria herbam porrexit!

Baali Syria herbam porrexit!

*Joannes.*

\* Theatrum exhibet lucum, quem urbs Samaria terminat. Ad dextram ara Baalis.

- Joram.** Adhuc obmurmuras stolide ? . . . Rapite !  
 Plectatur pertinacia ! . . . Hic pro Victoria,  
 Ut primum redierit Pater ,  
 Deo, quem despicias, cades victima.
- Micah.** Omifera conditio Principis ,  
 Qui jam a puero decipi gaudet jucundis mendaciis !  
 Iorame ! N Achab redierit in pace (*audiat omnis populus.*)  
 Non est locutus ex me Dominus !
- Sedecias.** \* Mihi, mihi locutus est Dominus ! non tibi, . . .  
 . . . Princeps ! Nihil metue verba inania !  
 Cultrum præpara !  
 Tua manu decet, ut Baali immoletur hæc hostia.

## A R I A.

Assuesce Prophetas ridere ,  
 Qui Principes gaudent terrere :  
 Qui nuntiant tibi ,  
 Nec sciunt, quod sibi  
 Immineat malum a te.

## 2.

Sunt homines crudi, audaces ,  
 Verbosi, superbi, fallaces :  
 Si audis, inflantur ,  
 Per aulam bacchantur ,  
 Imperium trahunt ad se.

2. Spe-

\* Micheas rapitur immolandus.

CONSTANTIA ORTHODOXA.

3.

Spelæa bubonum sunt ædes ;

In Regia nulla sit sedes :

Quas alis ; sint aves ,

Joculæ , & suaves ,

Quæ canant, quod recreet te.

*Michæas.* \* Præceptum hoc est Musici ; non Aulici !

Sed hem ! quem vides ingredi ?

*Joram.* Io ! Vive frater mi !

*Ochozias.* Heu ! Heu ! frater mi !

Vix manus Syrorum cum his paucis evasi !

Et tu ades , Propheta mendacissime !

Quem ego . . .

Cito , cito miles , fugientem persequere ! ..

O Michæa ! Tibi oportuit credere ! . . .

Vincula , jubeo , vincula solvite ! . . .

*Joram.* Quid loqueris ? Quid jubes metuere ?

*Ochozias.* Periius , frater charissime !

*Sedecias.* Parcite ! Ah parcite !

*Ochozias.* Tenete ! Confodite ! *Sedecias.* Parcite ! Obsi

*Ochozias.* Perimite ! *Sedecias.* Heu ! Heu ! Heu me !

*Joram.* Pró ! Atrox spectaculum !

*Michæas.* Jam nempe , quod dixi , impletur oraculum.

*Ochozias.* Eheu ! Impletum est !

*Joram.* O Coelum ! Patrem , asseris , esse mortuum ?

*Ochozias.* Propinquat triste feretrum !

\* Liberat eum Ochozias ex acie fugiens , & mendacem Sedecias , quod ei Michæas non obscure prædixerat.

*Joram.* O me infelicissimum !  
Occurro ! Forte adhuc Pater trahit anhelitum !  
Forte obtutu ultimo dignabitur filium !

*Ochozias.* Sera vota sunt. Cives properate,  
Ultimos Regi vestro honores date.

CHORUS.

Vah ! . . . Hæc illa splendida  
Sunt tandem vaticinia !

Sic redit Victor Rex !

*Michæas.* \* Dispersum vidi populum  
Ut solet spargi ovium,  
Pastore cæso, grex.

*Ochozias.* Vir Dei ! Tibi Pater non credidit :  
Peccavit ! Ah peccavit !

ARIA.

O cæcas Regentium mentes !  
Sic scilicet sumus prudentes ! . . .  
Habemus, quos consulimus :  
Quid consulant, præscribimus,  
Sic consulunt, quod volumus :  
Quid hoc est, quam jubere,  
Ut velint imperantibus  
Parere,  
Non suadere.

2. Sic

\* Vidi cunctum Israël dispersum in montibus, quasi oves non habentes pastorem. 3. Reg. 22.

## CONSTANTIA ORTHODOXA.

O Coelum ! O providum Coelum !  
 Quam bene damnâsti hoc bellum ! . . .  
 Sed tamen quid Pater peccavit ,  
 Cum Syros se contra armavit ?  
     Credere facilis ,  
     Credidit perfidis ! . . .  
 Et tibi poena sit  
     Tanta crudelitas  
 Quam simplex meruit  
     Credulitas ?

*Ochozias.* Inutilia desine, frater, lamenta ! . . . Procedimus !  
 Sepulchro Majorum corpus inferimus.

*Joram.* Tœdet vivere ! Procedite !  
 Eodem cum Patre tumulo Joramum condite.

*Michæas.* Ego precabor Dominum .  
 Ne filios involvat Patris supplicium ! . . .  
 Quamquam , o quale mihi animus canit præfagium !  
 Stirpem invisam Superis extremum manet excidium . . .  
 Ibunt filii in Parentis vestigia :  
 Deos alienos non deferent ,  
 Paria ab impiis consilia audient :  
 Par igitur omnes feriet , & disperdet sententia .

## A R I A.

Hic finis est : Sic pereunt  
 Osores veritatis !  
 Inflat sunt , dissiliunt  
 Tumore vanitatis !

O

\* Jehu deinde jubente Deo 79. Achabi filios necavit, & totam stirpem excidit. 4. Reg. 10.

## CONSTANTIA ORTHODOXA.

O stultæ spes ! O digna res  
Torrente Lachrymarum,  
Quod *scelerati* procures  
*Columnæ* sint aularum.

2.

Ah ! nisi domum Dominus  
In petra solidet ;  
Est labor omnis irritus  
Repente concidet.  
*Columnæ* arundinæ  
Medulla vacuæ  
Repente fatiscent ,  
In rimas dehiscunt ,  
Frangentur , corruent :  
Et sibi innitentes  
Ruina oppriment.



## P A R S III.

*Constantia Orthodoxa Honorata.*

### S C E N A P R I M A.

*Constantinus. Terentianus. Joannes. Paulus. Severus. Marius.*

*Constantinus.* Quid sit deliberatum Procopio, expecto imp  
riens. I Terentiane, responsum exige. J  
*annes.* Quousque inanem, Princeps, alis spem? Mutare se n  
potest Pater: Christum amat. *Paulus.* Et exilium præ au  
amat, in qua amare Christum vetatur sibi. *Terentianus.* Et eg  
Princeps, suspicio constantiam viri. Si Cæsar essem, non c

Uu 3

mitte-



mitterem: placeret hæc contumacia, quæ animum fortem arguit, atque tenacem recti. Nam sic existimo, Deum, cui vir tantus tanta cum pertinacia se addixit, non posse esse indignum cultu. *Paulus.* Hem! Triumphas Christe! Quanta vis est veritatis! Linguas adeo inimicas adigit in laudem sui. *Constantinus.* Fallor, an te edicti fuisse auctorem poenitet? Cessasti odisse cultores Christi? *Terentianus.* Certe incipio admirari. *Joannes.* Maeste animo! Sic te Christus diligat, & faciat suum. *Constantinus.* Nunc imperata fac. Præco sacrificium insona!..

\* *Joannes.* Pro! Sonum auribus piis gravem! *Paulus.* Et coges, ut hos oculos cruciemus spectaculo tam atroce! Sic amas? *Joannes.* O sine, obsecro, Patrem sequi! *Constantinus.* Parete mihi! Ego sim vobis parens. Mox Cæsarem me creabit Augustus; non jurabitis fidem? *Severus.* Ad primum tubæ sonum adsumus, Princeps, ut promptos ad imperium videas. Utinam exemplum sequantur, quos verbis potuimus nullis trahere. *Marius.* Ex omni numero, præter nos, paret Cæsaribus nemo, ut Christum abdicet. Sic animos obstinavit Procopius. *Joannes.* Superi! Quod audio malum? *Paulus.* Vos abdicatis? *Marius.* *Severus.* Cæsaribus obedire nos decet. *Constantinus.* Digna vos obedientiæ tam celeris merces manet. *Severus.* Nullam mercedem vir bonus exigit: sufficit placuisse. *Joannes.* O vox indigna viro! Cæsar, avem ex cantu noscis? Hoc tibi placet tetrum facinus? sacrilegam tu perfidiam probes? *Paulus.* Tu, qui Romæ toties laudasti Martyres? Cui Tyrannis Galerii tam invisa fuit? *Constantinus.* Nunc aliud Pater imperat. *Severus.* Imperat jure suo, & imperanti nos decet obsequi. Vos qui estis, qui tantis Dominis effrontem spiritum audetis opponere, & per impudentiam non ferendam jubentibus dicere: *Non obedio!* *Paulus.* Vos qui estis, qui audetis præcipientis hominis vocem plus vereri, quam prohibentis Dei majestatem, pro-

\* Sonat tuba.

didicerimus ex Christi lege concludere. Nobis hoc axioma inculcavit parens : sic studete placere Principi, ut nunquam Deo displiceatis : a Deo, non a Principe omnis felicitas pendet hujus vitæ, & futuræ. *Severus*. Ejice ex aula, Princeps, tum sentient, unde felices sint, & quid ista de Deo garrulitas proficit. Mihi in hac vita Cæsar pro Deo est. *Joannes*. Egregie ! Exulta, Princeps ! Iste ex te idolum facit. . . . \* En præco insonat ! Age, deturba Jovem, Constantinum impone aris ! Nam qui a Christo defecisti, quid interest, si etiam a Jove deficias ? Adulator putide ! Si placere vis, Heliogabalo, vel Caligulæ loquere, non Constantino. *Marius*. Princeps, ego stupeo patientiam. Te tacite ferre decet hoc impudens os ? *Constantinus*. Mihi non faciunt male : vos videritis. Quid tu vultu novum lætiore præfers ?

## SCENA SECUNDA.

*Accedunt Procopius. Volusianus. Adocetus. Socii.*

*Terentianus*. **V**icisti Princeps ! Inveni Procopium hominem ! Servatus est amicus mihi ! Sacrificabit. *Joannes. Paulus*. Prò tonitru grave ! *Marius. Severus*. Procopius ? *Constantinus*. Rem incredibilem narras. *Terentianus*. Ex ore viri. Unum rogat, ut non assistere modo liceat, sed etiam sacerdotis officio fungi. *Constantinus*. Mecum ad Cæsarem perge. *Joannes. Paulus*. Nisi decipimur, ut tali nos mendacio in sce- lus pertrahant. *Joannes*. Ruenti occurrimus. *Severus*. Sic ex portu in medios ejicimur fluctus. Nam si mentem mutavit Procopius, haud dubium est, quin traxerit socios : ita spes omnes nostræ naufragio mersæ sunt. *Marius*. Me aliud angit præterea. Vidisti, ut frigeat Constantinus ? Ut petulantiam pue-

\* Sònat tuba,

## CONSTANTIA ORTHODOXA.

puerorum non modo tulerit, sed probaverit etiam? Ut auditam mutationem Procopii obstupuerit? An signum læti dedit? An potius animi turbati indicia in vultu, & sermone notasti? Prorsus velut defecisse doleret. Metuo, ne totus Christum transferat. *Severus*. Sic deferentes se deseret Deus ut solet. Trepidus in hanc cogitationem delabor: repente cecidissimus simul utraque gratia Dei & Cæsaris: qua quæ potest cogitari miseria major? *Marius*. Concutior totis artibus. Quis vero tanti mihi esset auctor futurus mali, præter te? Et tu scelestè, ita per Stygem juro, aut consilium felicius, aut sanguinem dabis. . . . *Severus*. Jacta est alea: ad Jovem fugio. Viden' ut hæc majestas blanditur nobis, terret æmulos? Super alis aquilæ feremur in Solis thronum. *Procopius*. Hoc de filiis credunt? *Paulus*. Pater! Hoc de istis quis credidisset? fecerunt, ut jam nihil incredibile sit. *Procopius*. Adeo miseri transfugæ! Huc splendida illa verba, huc jurata fides huc magnifica promissa reciderunt? *Severus*. Exprobras, quod facis tu, quod omnes tui? *Marius*. Superbus novo titulo Sacerdos Jovis! *Procopius*. Ah! Ut falsi estis! Jam abiissemus exulnisi malum nos vestrum torqueret. Detestor Jovem! Christum adoro, num facio fidem? *Omnes*. Pereat Jupiter, Christus regnet. *Joannes*. Hæc vox me recreat. *Paulus*. Ignosce credulis! Deceps sumus. *Procopius*. Nihil mutavi me! Vos ut mutetis male mutam mentem, amici, per quicquid est charum rogamus vos. Ex tantis vos esse solos, qui abjiciant fidem, hoc vestrum sanguinem decet? Hoc Christus meruit? Qua spe transfugitis? A Quid prodest homini, si mundum universum lucretur? si perit anima, quid non perit? *Volusianus*. Creditis, invito, inimice Christo vos posse felices esse? *Adocetus*. Quodsi sinat Christus sperato per scelus potiri bono, cogitate, quamdiu illud erit? I quid deinde? *Procopius*. Sed exemplo suadeamus, quod deceat Cæsar adest.

\* Sonat tuba, \*\* Ara Jovis prostrat.

*Theat. Polit. R. P. Neumayr.*

X X

SCE.

## SCENA TERTIA.

*Accedit Constantius. Aula. Milites.*

*Constantius.* Tandem, ut audio, dedisti te : sacrificabis ! Sacerdos esse vis ? Cujus victimæ ? *Procopius.\** Hæc est victima : honores , titulos , amicos , filios , me ipsum sacrifico Christo , & pro te Cæsar , & pro filio tuo sacrifico : ille Deus , qui regnat solus , & in cujus unius manu rotantur fata Principum , hoc sacrificio placatus tibi , sic faveat , ut totus in cultum unius eas. Hoc si exoro , impetravi , quod implet vota. *Omnes.* Hæc vota omnes facimus. *Terentianus.* Hem ! Decepisti me igitur ambiguis verbis ! *Procopius.* Recipite , quæ dedistis , honorum insignia ! Volentes deponimus ad sacros pedes : vos credite , nunquam honoratos nos esse magis , quam cum Christi causa honores exuimus. Circumspicite , Cæsares , quem videtis pallere ? Quis tremit horrore exilii ? Quis non exundantis lætitiæ , qua cor afficitur , signa in vultu circumfert ? Augusti , si male conscii nobis , si præstiti ignave servitii rei , si nostra culpa indigni gratia pelleremur , scilicet pudore dejecti , tristitia absorpti , desperatione oppressi abiremus cum gemitu : nunc , quando una exilii causa Christus est , imus lætantes , neque de bonis , quæ amittimus , anxii , neque de malis , quæ expectamus solliciti , quoniam Christi gratia sufficit nobis. Tanti est , non quid patiaris , sed cur ! Ecce de magno numero nemo deterreri se passus est a Christi fide , nisi duo isti miseri transfugæ , quorum perfidia , nescio , an etiam vobis placeat : estis enim sapientes , nec potestis probare , ut in gratiam mortalis Domini Dominus immortalis deferatur. Sed abrumpendus est sermo : valete Cæsares ! Vivite felices , Victores , Patres ! Addat ad cumulum felicitatis misericors Numen , ut uterque se Christo jungat. *Omnes.* Valete &c. *Procopius.* Ultimas his votis , si quid unquam merui , liceat preces addere , quarum causa huc nos contulimus. Nolite admittere , ut

\* Insignia reddit,

quis-

quisquam ex nostro numero abeuntibus desit. Liceat Mario & Severo confidentius loqui, ut revertantur: & mihi filios liceat auferre mecum, quanquam non tam mei, quam Christi sint. Admovere vos genibus, charissimi, & vestram vobis libertatem a Dominis exorate: si verba deerunt, perorent lacrymæ: evincetis. *Joannes*. Augusti, quo nostro merito nos sic odistis, ut a patre velitis abstractos? Si scelus est, Christum colere, rei ejusdem sceleris cum patre sumus: nec deprecamur, nec poenitet etiam: Christum colimus! Christus Deus est, & unus Deus! *Paulus*. Christus Deus est, & unus Deus! Quid? Non meremur hac publica professione exilium! Ah! Liceat exulare! Quod si non licet, timete Cæsares juvenilem audaciam: possumus vindicare nos de vestris Diis, & erit occasio. *Constantius*. Masculos habent animos pueri. *Procopius*. En! Moveri videntur Principes! Severe, Mari, urgete coepta: invitat Christus ad reditum: Cæsares dabunt exulandi licentiam: nunquid transfugii poenitet? Quid resistitis? Porta ad gratiam patet: ultimum per nos loquitur Christus vobis! Si non auditis, claudetur janua, sero clamabitis: utinam rediissem! Rumpite moram! En responsum expectant Cæsares! Per si quid de vobis Christus meruit, Christum colite! *Omnes*. Per si quid &c. *Severus*. Irascor Cæsares, audaciæ hominum! In oculis tuis nos audent invitare ad contumaciam! Nos obedimus vobis! Colimus Jovem! Christum non novimus! *Marius*. Colimus Jovem! Christum non novimus! *Omnes*. Blasphemia gravis! O Coelum! Quanta patientia perfidos toleras! *Constantinus*. Auguste genitor! Non ultra me teneo. Huc usque processum sit satis. *Constantius*. Satis est. Amici, sacrificet Jovi, qui vult: non tollo vobis antiquos ritus, sed nec exigo mihi. Hæc virorum constantia præ omni sacrificio est: omen capio, favet Deus! Secure ad filii electionem procedo. Terentiane, amicum tibi Procopium reddo. Tu cessa Christum persequi. *Terentianus*. Didici hodie æstimare. Sed quid fiet denique? *Constantinus*. Vicistis amici! Et vicit in

vobis Christus : recipite honores positos : mei estis, & ego vester ! *Constantius*. Ex hac die liberam omnibus promulgo facultatem profitendi Christum. Nemo cuiquam molestus sit Christi causa : nemo obicem ponat legi, quam Imperator non improbat. Abscedat stupor ! Fictio fuit, quidquid feci adversum vos ! Non odi Christum : parum adest, etiam colo. Periclitari constantiam lubuit, ut ex fidei firmitate erga Deum intelligerem, quos potissimum novo imperii mei collegæ Ministros legerem, quibus ille se possit tuto confidere. *Procopius*. Triumphat Christus : vivite Cæsares ! Totus jam vester Procopius erit : totus Constantii, totus Constantini. *Omnes*. O grande prodigium Christi ! O admiranda mutatio ! Vivite Cæsares ! *Constantius*. Huc insignia imperii : Filio jurabitis fidem. *Terentianus*. Jurabimus. Gaudio implēti omnes, cum Procopium servas. *Severus*. Quid ita ? Coronabitur Filius, neque ante sacrificium fiet ? *Constantinus*. Factum est a Procopio magnificentum satis. Quid ad te ? *Constantius*. Palam est modo animus vester, convictus sum, dignos esse, quos filius colat in primis.

## SCENA QUARTA.

*Coronatio & Homagium.*

*Procopius*. **P**Lacatus Cæsaribus Christus hanc fausto omine fignet diem ! *Omnes*. Placatus &c. *Terentianus*. Paratam pompam infero : impone coronam gaudio, quod lucem istam beatam reddit. Vivat Constantinus Imperii consors tui ! *Omnes*. Vivat Constantinus Imperii consors tui ! *Constantinus*. Vobis vivam. *Constantius*. Equidem, Proceres, semper amavi vos, semper amāstis me ! Nunc hoc delectat maxime, videre pronos in meum votum. Jam senior providere imperio velim. Videtis filium indole, animo, virtute imperio parem : merui, ut acceptetis, & laborabit ipse, ut fateamini meruisse. Prosequatur parentis morem, vestris semper commodis, non suis invigilans, & memor, Regem propter populum esse, non populum propter Regem. Itaque neque premet oneribus, nisi quæ gravia esse nemini possunt,

## SCENA QUINTA.

*Electio Procerum.*

*Constantius.* **A**T tu Severe, tu Mari, per quem jurástis? Per Christum, an per Jovem? *Procopius.* Dubitant miseri! Ah tandem sapite! *Constantinus.* Per quemvis juraverint, perinde perjuri sunt: abdica Pater! Non fido infidis. *Constantius.* Sapiens es. Nec enim erunt fideles tibi, qui non sunt Deo. *Imbelles homuli!* tantam ignaviam credidistis, impunem fore? Videte hic, quid vos vestra adulatio juverit. Istorum tam gravi experimento probata constantia digna est præmio! recipite insignia! In nulla alia manu securius splendent: quin augebo honoribus. Prætorii Præfectum Procopium dico: Volusianum a cubiculis, Adocetum a secretis constituo. Justine, Asclepiodote, vos Severi & Marii tenebitis locum: cæteros pro suo quemque gradu levabo altius: sic decet honorare viros, qui Dei causa contemni non timeant. *Procopius.* O Princeps, digne, quæ Christus amet! *Constantinus.* Vos ego aureis vinculis devincio mihi! Crescite amores mei! Masculi pugiles! Magna olim, magni parentis gloria! *Joannes, Paulus.* Ut forte hoc sit vinculû, fortiore tamen Christus nos stringit vobis. *Procopius, & Filii.* Christus vobis reddat vices pro gratiis, quas in nos confertis! Christus æternû beatos velit! *Constantius.* At vos abite nunc quidem ex oculis statim, cras etiam a castris longe, perjuri, perfidi! *Marius, Severus.* Poenitet! Pudet! *Procopius.* Miseri! *Severus.* O si tu pro nobis ores! *Constantius.* Nolo orare quempiâ. Deo perfidos hæc aula non tolerat. *Procopius.* Poenitet tamen. *Constantius.* Non possum fidere. *Procopius.* Corrigent se. *Constantius.* Non possum fidere. *Procopius.* Compensabunt majoribus meritis. *Constantius.* Perjuri Deo fuerunt: non possum fidere. *Constantinus.* Abite! A Christo sperare veniam licet, a nobis nulla est: ille cor inspicit, videt, an poeniteat serio! Nos perjuri Deo non possumus fidere. Exemplû omnia Ministris este, ut sciant, quid primum in ipsis velim. *Severus.* O Dies nefasta! *Marius.* O maledicta simulatio! *Constantius.* Ego hoc, amici, gaudeo, quod filium hæredem habeam, qui vestra opera absterget lacrymas Christianorum. Sic libens morior. Plaudite!

SEPUL-

**SEPULCHRUM  
CONCUPISCENTIÆ**


*SIVE*

**RELATA  
PER MORTIS MEMORIAM  
*DE VITIIS*  
VICTORIA**

**LUDIS SATURNALITIIS  
IN SCENAM DATA**

**ANNO MDCCXXXII.**






## ARGUMENTUM

**I**n titulo legitis, Rebellem Rationi Appetitum docemus domari posse per sepulchri memoriam, atque adeo Bacchanalia agentibus ut ante oculos dies cinerum sit, virtutis & prudentiæ fore.

### PERSONÆ.

|                                                  |                                                        |  |
|--------------------------------------------------|--------------------------------------------------------|--|
| <i>Logus, seu recta ratio, Rex Microcosmi.</i>   |                                                        |  |
| <i>Prudentius</i>                                | } <i>Primates aulae.</i>                               |  |
| <i>Virtuosus</i>                                 |                                                        |  |
| <i>Corpus, five caro Rebellium parens.</i>       |                                                        |  |
| <i>Chronus Praeses temporum.</i>                 |                                                        |  |
| <i>Horæ, Satelitem Logi.</i>                     |                                                        |  |
| <i>Æsophagus, seu appetitus concupiscibilis,</i> | } <i>Tres filii</i>                                    |  |
| <i>Audifax, seu appetitus irascibilis,</i>       |                                                        |  |
| <i>Phantasia, seu imaginatio, Morio.</i>         |                                                        |  |
| <i>Opthalmus,</i>                                | } <i>Corpi natu maiores.</i>                           |  |
| <i>Auritus,</i>                                  |                                                        |  |
| <i>Gulaphus,</i>                                 |                                                        |  |
| <i>Nasutus,</i>                                  |                                                        |  |
| <i>Tangulus,</i>                                 |                                                        |  |
|                                                  | } <i>Seu quinque sensus, filii Corpi natu minores.</i> |  |

PRO-



## PROLOGUS

**E**Xhibet tumultum curarum pro pane lucrando.

stunt se omnis generis homines, Opifices, Artifices, Milites, Officiales, Rustici &c. fervide laborant, ut habeant, quod rodant, & unde gulæ serviant.

Phantasmus urget, in hoc puncto hominis felicitatem constituens. Logus, seu Ratio in sublimiore parte theatri hæc per somnium videns terretur clamoribus præcinente Phantaso, cantantium:

Wohlan! das Maul regiert,

Nicht die Vernunft:

Alles steht, was sich rührt,

In dieser Kunst:

Maul, was willst? schaff nur an:

Du bist mein Gott:

Was geht uns der dreb'n an:

Wenn wir hab'n Brod.



## ACTUS I.

## SCENA PRIMA.

*Logus evigilans. Prudentius. Virtuosus.*

*Logus.* **C**onjuratio! Conjuratio! Armetur aula! *Prudentius.* Rex! *Logus.* Arma! Arma! *Prudenti!* Vigiles! Famuli! Arma! . Deseror? . Vel solus in hostem ibo. *Prudentius.* Pone timori modum: pax est. *Logus.* Pax est, cum Æsophagus regnat? Nempe non audisti tu belluarum voces: Das Maul regiert, nicht die Vernunft? *Prudentius.* Nempe hic boatus terruit Regem? Quiesce. Phantasmus nimirum illufit dormienti. Ignoscendum morioni. *Logus.* Etiam morionum timenda interdum petulantia est. Quanquam quid petulantiam voco? Conjuratum est in nostrum caput: periclitatur regale decus. Non sic ludit morio, nisi cum serio agit, & concius ferocis impudentiæ fratrum, per quam sic luisse impune sit sibi. Notus mihi Æsophagus, notus Audifax. Rursum Bacchus nostros invasit fines. Itaque Virtuosum misi, ut juramentum fidelitatis a subditis repetat, & jubeat armatos ire in impudentem Deum. Diu Legatus abest. Nihil pacificum tam longa portendit mora. Armamur! . Et Chronus ubi? *Prudentius.* Excubat ad fores palatii. *Logus.* Ut usque vigilet, volo. Vigilare etiam Horas jubeat omnes, nocturnas ac diurnas æque, ut promptæ stent ad nostrum imperium. *Prudentius.* Æqua imperas. Pereat Hora, quæ Logo non servit! At en! Legatus redit. *Logus.* Virtuose! Quid moliuntur subditi? Bellum an pacem affers? *Virtuosus.* Rex! Bacchus audaces facit. Sanum nihil responsum est. Nisi in conditiones descendat Rex extreme sibi dedecorosas, bellandum. *Logus.* Sensi. *Prudenti,* tu jussa perage. Eja, quid feras, audiam.

SCE-

## SCENA SECUNDA.

*Æsophagus. Audifax. Phantafus. Nasutus.*

*Phantafus.* **B**Ene habet : turbatus est. Hoc potest Phantafus. Vivite fratres ! Et quam sum orsus , telam perficite. Turbatus a me Rex trepidat anxie , quid agat , dubius. Invadite ! Vester est. Lufum est fatis. Pro morione servivi hactenus : hodie sentiet me Logus sapere. Abite focci ! Cothurnos induo. *Audifax.* Credo Phanthaso. Nam nisi aliquid metueret Logus , cur renovare homagium petiisset hoc tempore ? *Æsophagus.* Hem ! Cur ? Bacchanalia sunt : scit raros esse , qui obedire soleant Rationi , & Baccho simul. *Audifax.* Instandum est trepidanti. Nam quousque imperiosa tyranni procedet audacia ? Ergo non modo subditi , sed servi simus ! Non ferendum. *Æsophagus.* Mancipia dicas ! Non ferendum. Rumpantur moræ. Auspicemur triumphum , qui nos in Capitolium ducat. *Audifax.* Modo ne invitus sit Corpus pater. *Æsophagus.* Video , difficilem fore aleam , si vires suas nostris non adderet Corpus. *Audifax.* Addet , spero. Audifax animabit , ut excutiat perniciosam nobis inertiam. Perficiendum hoc mihi negotium sumo. *Æsophagus.* Ego & Phantafus agemus nostrum , & fratres reliquos trahemus in partes. *Audifax.* Recte facitis. Tamen si me audis , præcedere Nasutum velim , & fratrum animos explorare. Pter sagax est , ut odora canum vis , & totus nasus. *Æsophagus.* Bene mones. Curre puer. *Nasutus.* Festino ad fratrum nutum : vos recta post nasum ite , ut non erretis. *Phantafus.* Jo ! Armatus sum. *Æsophagus.* Age miles gloriose , in campum imus. *Phantafus.* Jo ! Victoria ! *Audifax.* Holla ! Ante triumphum canis. . Audite unum insuper. *Æsophagus.* Hem ! Quid ! *Audifax.* Lucrandus est etiam Chronus , ut Horas a Regis abstractas obsequiis , concedat nostris.

stris. Hora si vel unica reliqua sit, cogitabit consilia exequi, quæ Prudentius suggeret. Nostra salus in præcipiti stat. Nihil agimus, nisi quod cito. *Æsopbagus*. Oraculum loqueris. Erit hæc nobis ex primis cura.

## SCENA TERTIA.

*Corpus. Tangulus. Audifax.*

*Audifax.* Screantem seniculum audio. Explorare juvat, nubilus an ferenus sit animus. *Corpus.* Vix anhelitus est, mi Tangule, ita sum fessus. Atque hoc patior propter fratres tuos. Prô! Quid inceptant rursus! *Tangulus.* Quin tu quiescis paulillum pater! En sella! Pulvillus! Quid optes ultra a tuo Tangulo? *Corpus.* Oh! Quam miser est, qui parens est multorum liberorum! *Tangulus.* Ha! Ha! Rursus in nos meditaris philippicam. *Corpus.* Panegyrim malle. Da materiam. Est tamen, Tangule, de quo gaudeam. Quod pueri tantum nati sint mihi, nulla puella, hoc lætor. Multo pejus excruciant Corpus puellæ, quam pueri; sæpe id mihi questus est affinis meus. *Tangulus.* Quin ergo gratularis de nobis tibi? *Corpus.* Equidem si adhuc viveret natura, uxor mea, bene utique, optime esset Corpo. Sed illa cheu! Morte nimis celeri erepta est vobis, & mihi. Perversa, cui deinceps convixi, Noverca vestra, Tangule, nec obulum valet. Ipsa vos corrumpit omnes, & ex optimis pessimos fecit. *Tangulus.* Bonum, quod hoc mater non audiat. *Corpus.* Lepide! Si audiret, non dixissem. Timeo mulieris iram. Supra tigrides ferox est. Nunquid autem verum dixi? Nam quid didicistis a Perversa, nisi vorare, & furere? *Tangulus.* Parcius clama, pater! Homines adsunt? *Corpus.* Homines adsunt? Qui? *Tangulus.* Cape perspicilia. *Corpus.* Honesti videntur. *Tangulus.* Hæc vitra  
men-

mentiuntur, mi pater. Videres alios forte, si per fenestram Mommi inspiceres. *Corpus*. Quidquid sit, mihi honesti videntur. Alloquor. Viri, juvenes, senes honesti, obsecro miseremini hujus Corpi, quoniam oppido miserabilis est! Octo filios habeo voracissimos nebulones, quibus, ut habeant, unde satient ingluviem suam, quotidie laborandum est mihi. Superi! Quantus labor! succumbat denique bonus Corpus, necesse est, sub tanto onere. Octo nebulones, tam voraces! Grandis miseria! Obsecro, sinite, ut unum aut alterum alicui vestrum liceat ad coenam mittere! Nemo condicit? Nemo prorsus? Quæso! Describam vobis pueros, ut faciliior electio sit. Primogenitus est *Æsophagus* græce generis masculini, latine concupiscentia, generis foeminini, puer elegans, statura mediocris, indolis vivæ, & totus Mercurius. Tubo inclusus pro Barometro serviet: mutatur cum tempore. Aliud concupiscit in æstate, aliud in hyeme, aliud de die, aliud de nocte, ipse semper alius, nunquam idem. Alter pertinacior est: Audifax vocatur, quia omnia audet. Si forte cane vigili vobis est opus, partes molossi obibit strenue. Minimus strepitus excitat dormientem, & iram suscitatur: latrat, furiat, mordet obvium quemvis, præcipue cum instigat *Æsophagus*. Jam tertius *Phantasmus* ipsissimus *Proteus* est: mille formas induit: omnes personas agit, atque ita dextre, ut sæpe ipsum Logum deceperit, & deciperet sæpius nugator vafer, nisi Prudentius assisteret Regi, & larvam morioni detraheret. *Tangulus*. Nondum quieti satis, pater? Festinandum. Nocet negotio mora. *Corpus*. Nempe nunc mones. Times laudari scilicet! Iste *Tangulus*, o viri boni, inter pueros nequam *ἄλφα*, & *ωμίγα* est: quidquid sit mali, ipse vel auctor est, vel motor. Laborem horret pro dæmone. Deliciis, delitiis inhiat sine modo, velut in paradiso esset, non in exilio: & reliquos quatuor fratres habet similes sui. *Opthalmus* puer vagus, hircus oculis, & foedum distortis, astutiam

prodit, & mentis perversæ latens malum. Auritus Midæ filius credi posset; adeo similes aures habet, puer curiosus, & minime serius. Nasutus patulis semper naribus, & sursum tractis incedit, fratribus suis innocentior quidem, sed merus canis, merus canis venaticus, prætereaque nihil. Ultimus Gulaphus puer tantillus est, sed omnium inquietissimus, rubra facie, inflatis buccis, grandi ore, ventrosus, strumosus, clamosus: *affer!* *Affer!* Et nunquam dicit: sufficit. Ecce hic est Catalogus meorum filiorum, & mearum miseriarum. Misere mini o boni! *Audifax.* Tandem desine querelas, Pater. *Corpus.* Hem! Tu ades *Audifax?* *Audifax.* Quantum accuses filios, audi vatis. Quam immerito, ipse videbis hodie, si agere, quod agimus, per te licet. *Corpus.* Utinam agatis animam! *Audifax.* Precare meliora. In solio sedebis hodie: Logus deturbabitur; nos imperabimus. *Corpus.* Hui! Vos imperabitis? Averruncate hoc malum, boni Coelites! Eja! Nisi regnaret Logus, quid misero Corpo fieret? Quod imbellis, quod æger sim, quod ore pallidus, rugosus fronte, calvus, & canus capite, quod podagra laborem, & calculo, & colica, & capite, & stomacho, vos fecistis. Tu *Audifax*, tu quoties me ad iram concitas, ut prope rumpatur vesica fellis, & in omnes artus se bilis effundat? *Æsophagus* me suis blanditiis perdit. Fortia vina propinat, quæ me prosternunt, ut vix animam traham. Phantasus cum integro muscarum exercitu me sæpe invadit, nullibi quies est: fugit somnus & vita. Sic me fatigant filii, sic illudunt, sic affligunt, sic misere habent, ut, cum cogito, lacrymas vix teneam. Jam si timor Logi cessaret omnis, quid misero Corpo foret? Cessa! Cessa! Non potest Corpus vivere, nisi imperet Logus. Vivat, imperet Logus! Hoc optat Corpus. *Audifax.* Io! Vivat Logus, & jubeat te servi instar, flagris lacerari rursus in proxima quadragesima, ut anno præterito! *Corpus.* Nempe unde, nisi per vos, hujus poenæ meum

reum feci? Compescuiffem vos audacius, neque permiffem tanto cum tumultu bacchanalia agere, non luiffem utique alienum fcelus. Quid multa? Omnium mihi malorum vos auctores eftis. *Ep!* *hätt ich!* *Ep!* *hätt ich!*. O me infanum parentem! Flectere debebam, cum effetis arbufculæ: nunc vanus eft labor, cum eftis trunci. Utinam, cum tantilli fuiffis, coërcuiffem acerbius insolentes pueros, non experirer fcilicet contumaces juvenes. *Audifax* Video, repuerascis, pater, quod folent fenes: itaque felicitatem non capis, in quam te provehere defiderant filii. *Corpus*. Quid? Repuerasco ego! Sic honoras Patrem? Rabula? Cacula? Lixa! *Audifax*. Jam nihil ago, commotus eft. Quiesce, dum redeo. *Corpus*. Bonum eft, quod te auferas nebulo, latro, parricida. *Ep!* *ep!* *ep!* *ep!* *Tangulus*. Compone animum Pater! Ira nocet. *Corpus*. Sic, fic contemnunt parentem filii, cum adoleverunt. *Ep* *hätti!* *hätti!* *hätti!*

## SCENA QUARTA.

*Nafutus. Tangulus. Opbtalmus. Auritus. Gulaphus.*

*Nafutus*. **T**Angule, adesdum! *Tangulus*. Statim, statim. *Nafutus*. Hem! Ut fervent ftudia! *Opbtalmus*. Eja! Fratres! Urgemus laborem! *Nafutus*. Urgete, & cito: Logus ipfe veftris Saturnalibus adfuturum fe dixit. *Auritus*. Ecce! Ergo caute agendum fratres, ne incurramus offenfam. *Opbtalmus*. Cautiffime. Nam delicatus eft Rex. *Gulaphus*. Si delicatus eft, placebo fatis. *Nafute*, huc affer nares. *Auritus*. Eja in ordinem mufici! *Opbtalmus*. In ordinem actores! *Auritus*. Tentate Cheles. *Nafutus*. Egtegie paratus es. Culinam & cellam habes, vel Diis dignam! *Opbtalmus*. Nec ego difplicituram credo Comoediam Logo, quam paravi, nifi me *Auritus* deftituat. *Auritus*. Nihil metue. Quantum tu oculos re-  
crea-



creabis, tantum aures ego. *Gulaphus*. Uterque parum. Nihil sunt oculorum, nihil aurium deliciarum, si comparentur cum deliciis gustus. *Auritus*. Vides Ophtalme, ut se effert, ut tumet hoc frustum carnis? *Ophtalmus*. Pro more suo. Super mensam debellat omnia. *Nasutus*. Ego quoque fratres Gulaphum vobis præhabeo. *Auritus*. Næ tu Nasutus es iudex. *Ophtalmus*. A quo omnis prudens appellet. *Gulaphus*. Parcius ista, nisi totum orbem morotrophium existimes. Orbis totius iudicium appello: quis est, qui non amat convivia? *Auritus*. Quis, qui non præfert delicias aurium? *Ophtalmus*. Quis, qui non malit gaudia oculorum? *Nasutus*. Elementa interroga: omnia Gulapho serviunt. Vides hunc aërem? Quæ volucris secunda prætervolat? *Gulaphus*. Vides hanc terram? Quæ sylva, quis saltus, quis mons est, quo non mei venatores pervadunt? Quæ regio, unde non vina mittuntur? *Nasutus*. Aquas interroga: quis lacus, quis fluvius, quod mare est, unde non iste delicias hauriat? *Gulaphus*. Ignis ipse, utut sterilis est, quam est gustui obsequiosus, & ad omne coquorum promptus imperium? *Nasutus*. Tam multa, tam varia, tam pretiosa, tam diuturna gaudia nec Auritus, nec Ophtalmus præbebunt. *Ophtalmus*. Quæ gaudia? Brevia, modica, vilia, propria pecudi! *Auritus*. Gaudia, quorum extrema occupat luctus! *Ophtalmus*. Luctus ex vacua crumena. *Auritus*. Luctus ex paupere coena. *Ophtalmus*. Luctus ex morbis acerbis. *Auritus*. Luctus ex morte matura. *Ophtalmus*. Luctus ex labe familiæ. *Auritus*. Luctus ex rixis & pugnis ebriorum. *Ophtalmus*. Luctus ex cumulo criminum! *Gulaphus*. Egregie. Nempe vestræ deliciae sunt æternæ! *Nasutus*. Vestræ sunt magnificæ! *Gulaphus*. Sunt sacre! *Nasutus*. Sunt divinæ! *Gulaphus*. Vah! Gaudia! Quæ in ictu oculi clauduntur omnia! *Nasutus*. Vah! Gaudia! Quæ cum sono in auras & ventum abeunt! *Gulaphus*. Sed recte ades Tangule! En isti suas nugas nostris deliciis præferunt. *Ophtalmus*. Si du-  
bitas,

bitas, obvios interroga, carere gustu, an oculis malint? *Autus*. Odoratu, an auditu privari. *Opthalmius*. Eruditos interroga, quas delicias oculi in libris, & imaginibus faciant. *Autus*. Principes interroga, quantis pecuniis emant aurium gaudi *Gulaphus*. Doctos, & rudes, divites, & pauperes, cives, rusticos, plebem & nobiles, pueros, juvenes, viros, & sen interrogate, quo labore, qua cura, quibus molestiis, illebras gustus conquirant. *Tangulus*. Ego vos omnes insani autumo, qui deliciarum nomine appellatis res illas, quæ v blanditiæ possunt vocari. Quid tu, *Ophtalme*, gloriari, quo pupillam oculi, tantillum punctum oblectes? Tu *Aurite*, quo tympanum pulses? Tu, *Nasute*, quod nares titilles? Tu, *Gulaphe*, quod unius digiti latitudine fauces afficias? Si tantill licet jactare, quid mihi licebit, qui toti Corpori delicias fero Silete, obsecro: ego si non sim, universi nulli estis: *Tangulus* omnia. *Opthalmus*. Quid? Audacule! *Auritus*. Nebulo *Nasutus*. Improbe! *Gulaphus*. Infamis puer! *Tangulus*. Convitia audio! *Opthalmus*. Tu impure! *Auritus*. Impudens! *Nasutus*. Vecors! *Gulaphus*. Iners! *Tangulus*. Tu *Narcissule*! *Hycinthule*, *Cyparisse*, *Trossule*! *Opthalmius*. Tu pecus, tu porce tu stercus, tu tua gaudia meis præferre! *Auritus*. Quis te amat sine infamia? *Nasutus*. Quis, nisi qui pudorem omnem abjecit? *Gulaphus*. Quis, nisi qui omnem gustum honestatis, & laudis amisit? *Tangulus*. Hæc in faciem? Sed rumpere invidia, rumpere. *Gulaphus*. *Opthalmus*. *Auritus*. *Nasutus*. Stupide! Quid tu habes invidia dignum? *Tangulus*. Quid? Circumsistere? *Æsophage*, fratrem juva!

## SCENA QUINTA.

*Personæ priores, & Æsophagus cum Phantaso.*

*Æsophagus.* **A**N ego jurgia inter fratres audio? *Tangulus.* Invidia fratrem non habet. *Æsophagus.* Absit invidia a celebritate Hilarium. *Opthalmus.* Non est invidia: injuriam fecit Tangulus, cum se prætulit mihi. *Auritus.* *Gulaphus.* *Nasutus.* Injuriam omnibus fecit. *Opthalmus.* Ad Logum deferimus causam. *Tangulus.* Delicias quisque suas, quas Logo parasset, jactavit: dixi, meas omnibus potiores esse numveritas injuria est? *Auritus.* *Gulaphus.* *Nasutus.* *Opthalmus.* Injuria est: Logus judex, & vindex sit! *Æsophagus.* Judice quid est opus, & tanto tumultu? Si finitis, ego arbiter ero. Exhibete gaudia, quæ estis daturi: æqua dicetur sententia. *Opthalmus.* Assentiri lubet? *Auritus.* *Gulaphus.* *Nasutus.* Assentimur. *Tangulus.* Accedo amore pacis. *Opthalmus.* Amore pacis. Ecce paravi comœdiam. *Auritus.* Ego musicam addidi. *Æsophagus.* Nuptiæ Bacchi & Veneris in scenam datæ! Videre aliquid, & audire licet? *Opthalmus.* Parati actores stant. *Auritus.* Initium date. *Æsophagus.* Scena prima: Diï omnes se Baceho subjiciunt, & suis ornatum insignibus ad nuptias ducunt. *Auritus.* Eins! .. eins! .. \*

Adsit omnis homo!  
Et Bacchi plurimam,  
Quam de Diis accipit,  
Quibus arma eripit,  
Quosque sibi subjicit,  
Miretur gloriam.

\* Cantus cum saltu, & exhibitionibus.

2. Pri-

2.

Primus se Saturnus  
 Fatetur subditum:  
 Tempus omne consecrat:  
 Diem quem non dedicat,  
 In nefastis computat,  
 Et credit perditum.

3.

Mars hic ponit palmas:  
 Hic, hic est Capua,  
 In qua vel Hannibales  
 Perdunt suos milites:  
 Ubi vident palmites,  
 Non crescit laurea.

4.

Quidquid dicat Ceres,  
 Pan stivam abjicit:  
 Nil de pane cogitat:  
 Modo Bacchus faveat,  
 Et de siti caveat:  
 Libenter esurit.

5.

Fulmina Vulcano  
 Extorquet Bromius:  
 Sic ministri vindicis,  
 Exarmanur Nemesis:  
 Placat iram Judicis  
 Falernus cantarus.

ZZ 2

6. Cla-

\* Bacchus inter pocula sedens desilic, & in saltu Deo cuilibet unum propinans, vicissim ei insignia eripit: ad ultimum omnes saltant, & poculum vacuantes præstant homagium Baccho per calcata eorum insignia in thronum, id est, dolium evadenti cum Thyrsæ.

6.

Clavam dat Alcides,  
 Ad Bacchi clasticum :  
 Quisquis vinum facilis  
 Dextra manu accipis,  
 Læva herbam porrigis :  
 Vis perit virium.

7.

Pluto tradit claves :  
 Quid Bacchus nesciat ?  
 Frustra quærit veritas  
 Tutas sibi latebras :  
 Nam & portas inferas  
 Lyæus referat.

8.

Dedit se Apollo ;  
 Cantatum satis est !  
 Frangite jam barbita !  
 Musis inter pocula  
 Nulla est laus reliqua ;  
 Cantatum satis est !

9.

Plaude ! silent leges ;  
 Majestas periit !  
 Bacchus pro Jupiter  
 Orbem coepit regere :  
 Sceptrum cingunt hederæ ;  
 Majestas periit !

10. Quan-

IO.

Quanta ergo Bacchi,  
 Et quæ est gloria!  
 Cujus ad imperia,  
 Ipsa quoque Numina  
 Cessant esse Numina,  
 Et fiunt nomina.

*Opthalmus.* Quid ad hæc? *Auritus.* Putas, placebimus?  
*Æsophagus.* Omnino, si quidem Plutonem invitare velitis.  
*Opthalmus.* Imo Logus spectator erit. *Auritus.* Et auditor. *Æsophagus.* Sapitis? *Gulaphus.* Recte exprobras frater. *Nasutus.* Numquid id præsensit Nasutus? *Gulaphus.* Hic utique apparatus placebit? *Nasutus.* Cui ego odores addam, & spiritus peregrinos. *Æsophagus.* Irascar, an rideam? *Tangulus.* Nempe ego triumpho! Choreas instruem, *Æsophage*, non quales ostentavit *Opthalmus*, ubi solitarius quispiam tripudium faciet, sed cum comite: choreas, quas præcedunt amœna colloquia, & urbani sales, comitantur gratiæ, joci sequuntur. *Æsophagus.* Apage! Nam sic vos Logum nostis? Pro laude objurgationem referetis, pro præmio poenam. Sic Logum nostis? Rigidum & sævum Dominum servulis quando arridentem vidistis? Fratres sumus! Ingemisco, quoties tyranni subit memoria. Quid agitis? Non lubet tandem jugum excutere? *Tangulus.* Quam ego audio dulcisonam vocem? *Gulaphus.* O aurea libertas! Sed ad servitium natura genuit. *Æsophagus.* Audendum aliquid supra naturam, aut etiam contra. *Nasutus.* Res blanda, sed ardua. *Æsophagus.* Nihil magnanimis arduum. *Auritus.* Sed quæ spes est, ut nos subtrahamus Logi imperio? *Opthalmus.* Et quæ temeritas perduellioni se dare? *Æsophagus.* Perduellis non est, qui tyrannum repudiat. Mirum! Leviter adeo sentiri a vobis miseras, quibus opprimini, Aperite oculos, & duritiem impotentis heri, cui inclina-

mur, attendite tandem. *Ophthalmè*, quot tibi imagines *Logus* laceravit? Quot specula fregit? Quot libros cremavit? *Ophthalmus*. Fatendum. *Æsophagus*. Et *Bacchi* cum *Venere* nuptias patiens intuebitur? Quoties argumenta etiam castiora spectare prohibuit? *Ophthalmus*. Metuere incipio. *Æsophagus*. At tuæ scilicet choreæ placebunt? Nonne etiam dormientem persequitur, & feret saltantem? *Tangulus*. Vere ais: nam centies inculcat illud: septem horas dormisse sat est. *Nasutus*. Mihi, cum aliud non est, quod carpat, etiam usum tabacci vetat, quo, quid est innocentius? *Auritus*. Mihi, quid crudelius, præcipit, ut aures spinis sepiam, ne audiam *Sirenium* voces. *Gulapbus*. Nullum tamen habet durius, me. Scitis, quot jejunia imperet. Jamque iterum tristis *Quadragesima* in foribus est. *Ophthalmus*. In malis necessariis una est medicina, patientia. *Æsophagus*. Nulla necessitas vos servos facit. Adhærete fratribus, liberos faciemus. *Auritus*. Quid agamus inermes? *Æsophagus*. Triumphi partem relinquemus vobis: pericula nobis servabimus. Unum potestis obsequium facere. Audite me. *Chronus* *Horarum* *Præfectus* amat vos, scio. Multas ei sæpe horas abduxistis per jocum, dissimulanti & ridenti etiam. Id, ut agatis iterum, petimus. *Chronus* *Logum* potentem facit. Si non excubent *Horæ*, inermis est, & nostris patebit consiliis. Nihil virtus, nihil prudentia efficit, quam non adjuvat tempus. *Chronum* ergo vestris blanditiis in partes trahite: cætera permittite nobis: hodie liberi, hodie beati erimus. *Ophthalmus*. Promissum grande. Accedo fratribus: ad *Chronum* eo. *Gulapbus*. Omnes imus. Libertas placet. *Nasutus*. *Auritus*. *Tangulus*. Omnes imus: libertas placet. *Æsophagus*. Ite bonis avibus. Triumphas *Æsophage*, si æque ac tu, felix *Audifax* fuit. *Phantafus*. Heus frater! Nisi cito, quod statutum est, agimus, agemus nihil. *Æsophagus*. Somnia times, *Phantase*. Belle procedunt omnia. *Phantafus*. Belle utique, si abesset *Prudentius*, aut dormitaret

sal-

saltem. Sed ille totus vigil aulam obambulat : in stationes divisæ sunt Hore : vigilias Chronus obit anxius totus , & curis plenus : aut proditi , aut certe suspecti sumus. *Æsophagus*. Et Audifax quid effecit ? *Phantafus*. Visus non est mihi. *Æsophagus*. Tu perge mecum : narrabo , quæ te liberum curis facient. *Phantafus*. Fratres tenes ? *Æsophagus*. Veni.

## SCENA SEXTA.

\* *Logus. Virtuosus. Prudentius.*

*Logus*. SIC ergo nostris obsequuntur mandatis ? *Virtuosus*. Sic responsum est. Et abeunti acclamavit rebellis : i , & hæc ab *Æsophago* refer , qui Regem præter se , nullum agnoscit. *Logus*. Vah ! Temeritas ! Insanissima insania ! Quis ergo obstinatum has in furias urget ? *Virtuosus*. Nempe quod plerosque habeat *Æsophagus* faventes sibi. Animales homines non capiunt , quæ sunt spiritûs. Quacunque ibam , nullus , nisi de negotiis civilibus sermo , de prædiis , de vineis , de familia ; una cura de bonis præsentibus , de pane lucrando , & augendo peculio , ut vivatur jucundius. *Logus*. Non improbo , nisi cum periculo animæ fiat. *Virtuosus*. Nempe , nisi ! Atqui de anima vix cogitatur. Hic unus omnium timor est , ne nunc sibi sit male : hæc una cupido , ut nunc bene. Quid postea futurum sit , cogitaturos se dicunt , cum morientur. *Logus*. Hic error est pessimus. Nunc oporteret cogitare de negotio tanti momenti. *Virtuosus*. Oporteret ! Sed nimirum non fit , quod fieri oporteret ! Negant , nunc se vacare ad hæc cogitanda. Quisquis ad virtutem colendam invitatur , respondet : non habeo tempus. Ille dicit ; villam emi , & necesse habeo exire , & videre illam. Alter : juga boum emi quinque , & eo probare illa.

\* *Aperitur Theatrum superius.*



illa. Tertius: uxorem duxi, & ideo non possum venire. *Logus*. Ergo quid consulis? *Virtuosus*. Nihil jam reliquum est. Virtute & armis opprimendus *Æsophagus* est, & adhærentium cohors. Vilis *Logus* est: non audiuntur mandata, quæ scribit ratio: quod *Phantassus* suadet; hoc agitur: adoratur *Æsophagus*: ejus cupiditati famulari elementa coguntur: & si quis se opponit, *Audifax* opprimit. Nisi in violentia, spes nulla remedii est. *Logus*. Nullum violentum diuturnum. Mallem obedientiam a violentibus fieri. Redi, & promissis misce minas. Corpus etiam parentem aggredere. Forſan amor Corpori persuadebit, quod non potest amor virtutis & *Logi*. *Virtuosus*. Parebo, quanquam timeo, ne jam Corpus quoque in partes pertraxerint ſuis, quas amat, blanditiis. *Logus*. ſaniora ſenex admittet conſilia. Expertus novit, quam, non favente Logo, Corpo ſit male. Filiis ſervire miſer cogitur, ſi non vult mihi. Perge. O Curvæ in terras animæ! Quas vel formica confundat. Illa futuri provida in æſtate laborat, ut habeat, unde vivat in hyeme. Cicada, dum cantillando, & ſaltando perdit utiles horas, cum hyems venerit, fame moritur. Quam ſapienter mortales veritas monuit: venit nox, in qua nemo poteſt operari. Sed quis huc infert pedem? *Prudentius*. Prudentium vides. *Logus*. Verſum in morionem? *Prudentius*. Non ſine conſilio. In tempore deſipere, eſt ſapere. Abjeſtam a Phantaſo veſtem reperi, & indui. Cauſam narro, ſi licet. *Logus*. Narra.

### Scena intermedia muta. \*

\* Exhibentur deliciæ æſtatis in ſylva, in horto, in agro. Formica ſacco frumenti onuſta, cicada in habitu cuſoris colloquantur per ſigna.

ACTUS



## ACTUS II.

## SCENA PRIMA.

*Chronus. Ophtalmus. Auritus. Nasutus. Gulaphus. Tangelus.*

*Chronus.* SIC est, Charissimi, per me Logus est potens. Ho-  
 ras si illi nullas concederem, nullus foret. *Ophtalmus.* Et quid mercedis pro tantis obsequiis accipis? *Chro-  
 nus.* Unam spem. Ablegor ad patientiam. Omnis hora, ait  
 ille, omnis hora, quæ propter Deum jubetur Rationi ser-  
 vire in tempore, meretur mercedem æternam. *Gulaphus.* De  
 æternis cogitem ego jam nunc? *Nasutus.* Coronemus nos rosis  
 præsentibus. *Auritus.* Cogitemus de hyeme, cum est æstas?  
*Chronus.* Et nondum dixi, quod me pessime habet. *Tangelus.*  
 Eja! & est pejus aliquid? *Chronus.* Certe: Nam Logus per meam  
 indulgentiam usque audacior, sæpe præter morem alias & alias  
 horas imperiose exposcit pro se, suas labori, suas somno, suas  
 lusui eripiens. *Auritus.* Et tu pateris? *Chronus.* Quid facerem  
 inermis! præcipue cum illi nunquam ratio desit, qua jûste se  
 probet exigere, quas exigit. *Gulaphus.* Igitur & tu jûste exi-  
 ges restitutionem. Utere occasione, quam, ut diximus, fratres  
 faciunt. *Chronus.* Utar utique. Nam vestrum mihi suavissi-  
 mum consortium, & blandas delicias an ultro invideam? Et  
 filios meos, cum possum, non vindicem ex servitute? Videte,  
 quam duram serviant. \*Cernitis, ut omnes in feriis sint? ..  
 Ne nocturnis quidem licet vacare. *Ophtalmus.* Pro! Quis est  
 hic aspectus? *Chronus.* Hæc nempe Virtuosi dictamina sunt,  
 quæ

\* Horæ in suas stationes divisæ seriæ singulæ tractant.

quæ adorat Rex Logus. Ita vivendum omni hora, velut si esset hora mortis. *Nasutus*. Tristis lex! *Gulaphus*. Eremitam hanc faciem esse rectius, quam aulae dicas. *Chronus*. Rectius. Orando ac meditando noctes vigiles agere, prandere frugaliter, jejune coenare, dure dormire, instare laboribus, legere, studere, servire negotiis & bono publico, multa agere, pati gravia, hæ sunt stationes, in quas sibi horæ jubentur succedere. *Gulaphus*. Pro! Quæ est hæc vita misera! *Tangulus*. Tetrica! *Auritus*. Tristis. *Chronus*. At tandem satis. In vestram gratiam hodie diem recreationis pronuntio. *Ophthalmus*. Facis, quod decet amicum facere, ab amicis rogatum. *Chronus*. Eja! Filii! Seria in crastinum! Hodie vacamus! *Hora*. \* Io! Vacamus! *Chronus*. Aliam jam rerum faciem aula dabit. *Ophthalmus*. Magna, ut video, huic fistulæ virtus est. *Chronus*. Nempe Patris sibi-  
lus imperium est filiis. Hanc solam intelligant vocem Horæ: & licet rumpatur Logus, non habebit ad obsequium ullam, nisi quam hæc fistula ciet, quæ idem præstat Chrono, quod sceptrum Æolo, & tridens Neptuno. Sed jam aliud spectaculum videte! *Hora 1.ma* Io vivamus! *Hora 2.da* Io! vivamus omnes! *Hora 3.tia* Beate est, amici! *Hora 4.ta* Eja! Triumpho! Habet! *Hora 5.ta* Allegro! *Hora 6.ta* O læta nox! *Hora 7.ma* Quadrupedante putrem sonitu quatit ungula terram! *Hora 8.va* Hilares simus! *Hora 9.ma* O gaudium! O delictum! *Hora 10.ma* Jucunde! *Hora 11.ma* Hei! Quam suaviter! *Hora 12.ma* Urgete Cheles! *Hora 13.tia* Fortuna fave! *Hora 14.ta* Gloriosè, generosè, alacriter! *Hora 15.ta* Perdidit! *Hora 16.ta* Perge aspirare chara Dea! *Hora 17.ma* Ne noceat haustus! *Hora 18.va* Eleganter. O pulchra species! *Hora 19.ma* Eja pereat Imperator Turcarum! *Hora 20.ma* Ut sapit hoc vinum? *Hora 21.ma* Pereat & Vezirius! *Hora 22.da* Pereat! *Hora 23.tia* O pulcher aspectus! *Hora 24.ta*. Potes tu saltare, possumus & nos! *Chronus*.

\* Horæ nugis vacant.

*mus.* Nunquid bellum spectaculum est? *Opthalmus.* Næ tu mihi, auree Chronæ, aureum videris sæculum revocare. *Auritus.* Imus, & fratres vocamus. *Gulapbus.* Io! Tandem mutandæ sunt vices; non ultra trepidabimus nudum satellitio Logum. *Nasutus.* Per te, amice preciose, securi fumus. *Chronus.* Ite igitur, & fratres moneate, ut rumpant moras, dum habent faventem Chronum. Utendum tempore, cum se offert, Ite!

## SCENA SECUNDA.

*Chronus. Corpus. Virtuosus.*

*Virtuosus.* Chronum hic video? Non jussus es tu excubare ad fores? *Chronus.* Scio, quid sit officii. *Virtuosus.* Etiam murmuras? Perge statim! *Chronus.* Lues ferociam. *Virtuosus.* Tibi dixi dicendami Corpe: saluti consule, & ut potes, filios a furore deterre. Nunquam eventus probat, quod improbat recta ratio. *Corpus.* Sed si pani lucrando, & comparandis necessariis damus operam, quod hoc est malum? *Virtuosus.* Est modus in rebus, mi Corpe. De necessariis sibi prospicere, & suæ familiæ, non est malum. Sed Æsophagi concupiscentia frænum non habet. Ita inhiat bonis vitæ præsentis, ut futuræ penitus obliviscatur: ut pro esca sollicitus negligat animam, quæ plus est, quam esca: denique ut pro pomo non dubitet vendere paradysum: hoc est malum. Audifacis pro crepundiis adeo immodicus ardor est, ut, si forte ventus adversus afflet navigantem, erecto collo, & pingui cervice adversum Omnipotentem se armet, & per calcatas Numinis leges in optatum littus profiliat: hoc est malum. Phantasus mendaciorum faber est, qui tibi falsis imaginibus cerebrum implet: famem, pauperiem, miserias filiorum in tertiam & quartam generationem ante oculos ponit: curis & laboribus obruit, ita

scilicet necessariis, ut interituram omnem familiam putes, si horulam, quam oportet, animæ negotiis dones. Atque hinc est, Corpe, quod functionibus sacris aut nullis te impendas, aut ita frigide, ut labia de Deo denique murmurent aliquid, dum cor Mamone affigitur anathema, & anathema simul. Hinc nullus est tibi sensus devotionis in precando, *nulla ex* audito verbo Dei correctio morum, nulla mutatio post poenitentiam: hoc est malum. Spinæ suffocant semen, & nimia moles negotiorum extinguit spiritum. In sudore vultus tui comedendus est tibi panis: Deus iussit: ita est. Itaque labora pro pane, quia Deus iussit: recte facis. Sed ita labora, ut instrumentis utaris licitis, ita, ut propter præsentia non perdas æterna, non negligas animam, inquam, tuam, tuam utique, non alienam animam, animam unicam, immortalem. Idem enim, qui sudare pro pane iussit, iussit etiam, primum quærere regnum Dei, & iustitiam ejus. Neque esset difficilis cura animæ, si pane solo, mi Corpe, & solis necessariis velles esse contentus. Sed nimirum edax familia etiam delicias exigit. Parum est Æsophago tuo, vivere, nisi des laute vivere. Et hoc est, quod curam animæ impedit, & eripit tempus, & pretiosas horas, quæ Deo, quæ animæ, quæ coelo deberent impendi ad imperium Logi. *Corpus.* Mi Virtuose, nimis acerbus es tu concionator. Ergo ut eremicola Joannes locustis vivam, & melle sylvestri? Aliud jam usus habet. *Virtuosus.* Virtuosus hoc posset petere: non tamen id Logus petit. Hoc Logo sufficit, quod suffecit Apostolo: habentes alimenta, statui congrua, & quibus tegamur, his contenti sumus. Natura paucis contenta est, cupiditas nullis. *Corpus.* Contentus utique Corpus foret: sed filii exigunt plura. Æsophagum ratio statui semper impellit ad postulanda plura: nihil est satis conveniens statui, non vestis, non cibus, non ludus: quidquid pretiosum non est, vile est: aliud petit. *Virtuosus.* Aliud

Aliud petit: & tu aliud das: negare ne ausis quidem. Faterere, si pudor non vetat, quis imperat domi tuæ, pater, an filius? *Corpus.* Ah! *Virtuosus.* Severius habuisses puerum, esset modestior juvenis. *Corpus.* Ah! *Virtuosus.* Froenum injecisses ferocienti pullo, equus non recalcitraret. *Corpus.* Ah! *Virtuosus.* Vigilantior fuisses pater, honori & solatio jam liberi forent. *Corpus.* Ah! *Virtuosus.* Sera jam sunt lamenta, & Phrygia. Atqui nisi omni vi te opponas rebellibus, peribis cum illis simul. *Corpus.* Ah! Ah! *Virtuosus.* Nuntiavi, quæ jussit Rex. Consule tibi, & tuis. Gladium jam vibravit Logus, & arcum tetendit.

### SCENA TERTIA.

*Corpus. Æsophagus. Audifax. Phantafus.*

*Corpus.* AH! Ah! . *En!* Hätti! hätti! hätti! . Prô filii! Si quid rogare patrem decet, rogo. Nulla, o mei filii, nulla salus bello: vertantur carbasa! Petamus pacem! *Æsophagus.* Nulla salus paci! Pandatur velum! Bellum urgendum est. Cedendum est regno, Løge, abitum para! *Æsophagus* jubet. *Audifax.* Audifax coget. *Phantafus.* Pudet servire diutius. Oderunt leones jugum, & capistrum excutiant nobiles Aquilæ. *Æsophagus.* Felix tu pater es, qui filios genueris adeo generosos. *Corpus.* Felix pater! Ah! Ah! Felix essem, si vos occidissem in cunis. *En!* hätti! hätti! . Sed vel nunc sistite insanos impetus! Sic imperat parens. *Æsophagus.* Parens imperat esse mancipia? *Audifax.* Parens prohibet esse felices? *Corpus.* Servire rationi regnare est: nec esse felix potest, nisi quem ratio regit. Me vobiscum perimitis, si pergitis furere. *Æsophagus.* Meticulose senecio! Si gloriam & libertatem invides filiis, pater non es. *Corpus.* Dilecti filii! In exitium ruitis

cæci, & siccus ruentes videam? Novi, quam sit invictus Logus, quamdiu Prudentius & Virtuosus assistunt lateri. Nec vi, nec dolo proficitur quidpiam. *Audifax.* Virtuoso obvium se Audifax feret, jugum indocilis pati. *Æsophagus.* Prudentium capere Æsophagus potest. *Phantafus.* Præcipue turbatum a Phantaso. *Audifax.* Sed tu, quo magis extollis hostium vires, Pater, eo filios in arma potentius trahis. Imbelli lepori non congregitur magnanimus leo: exultat, cum occurrere pantheram videt. *Corpus.* Sed non est semper felix audacia. Quid impositus Ossæ Pelion gigantes juvat? *Phantafus.* Fabulas tace, & tandem cessa obloqui. *Æsophagus.* Si juvare non placet, saltem non obliste. *Audifax.* Neutarum ut sis partium, hoc patimur denique, ut modestiam videas. *Corpus.* Inferi tuæ modestiæ præmium ferant. Ey hátti! *Æsophagus.* Quid tamen urgemus senem? i, Logum concita adversum filios: sic profiteris parentem verum! sic naturæ obsequeris. *Audifax.* Hoc nati meruere suis pro te laboribus, ut deliciis, libertate, gloria spoliati, vindicare, quæ amiserunt, vetentur a patre. *Phantafus.* Et cum propitia laurum inclinet victoria, decerpere ramum prohibeat pater. *Corpus.* O chari filii! Sic irasci vos decet paternis monitis? *Audifax.* Certe, si desides & ignavi patienter ferremus immane jugum, tu increpare inertiam deberes, & animare filios in aula tam pulchra. Nunc.. *Phantafus.* Sed veniam meretur, frater, imbellis senecta, cujus frigus calori Martio contrarium esse, quis est, qui nesciat? *Æsophagus.* Nempe spiritus bellicos ego a Patre postulavi? Consilio, ut senex juvet, hoc exigebam. Jam video pariter debilem esse pede, & capite. *Corpus.* Ah! Ah! Nunquam putassem, filios meos adeo degeneres fore. Filii, quo Patrem cogitis? *Audifax.* Cessa hoc nomen. Perge, si vis, etiam proditorem age! Accusa nos, perfidos, rebelles nuntia! Gloriamur! *Corpus.* Absit hoc a parente, Dulcissimi nati mei, quid

quid furitis? Amor coegit resistere periculoso facinori. Si vobis aliter visum, agite, quod videtur. Ætatem habetis. *Æsophagus*. Tandem loqueris, quod patrem decet. *Corpus*. Sed cheu! Quas ego procellas prospicio. Sic fit. *Ex!* hätti! hätti!

## S C E N A Q U A R T A.

*Accedunt quinque fratres minores.*

*Æsophagus*. **O**pportune vos infertis fratres. Sufflaminata sunt tandem Patris obstacula: potestatem agendi, quod lubet, fecit. *Ophthalmus*. Et horæ, quid vultis amplius, ab obsequiis Logi abstractæ sunt. *Auritus*. Ludere par impar, equitare in arundine longa, garrere, rixari, bibere, ludere, dormire, venari, captare muscas, & luteas casæ ædificare, hæc sunt negotia, quibus se jam occupant horæ, vacare ab excubiis in hujus quinarum gratiam a Chrono permissæ. *Gulaphus*. Arma posuerunt: ne una quidem ad Logi cubiculum vigiliis obit. *Audifax*. Beate est! Accingimur fratres! Opprimatur tyrannus cito. *Phantasmus*. Trepida miser! fatum imminet ultimum, & ineluctabile. *Æsophagus*. Obsequium, quo obstrinxistis nos vobis, æstimari non potest. *Audifax*. Et quo vos satis ornemus encomio, quo præmio remuneremur pro Chrono in nostras partes adducto? *Æsophagus*. Macti animo este: in Capitolio cœnabitis hodie. *Phantasmus*. Explica ventrem Gulaphe, & dentes acue. *Audifax*. Nos acuimus arma. *Tangulus*. Ite fortes, & pro libertate, pro gloria, pro felicitate pugnate feliciter! *Nasutus*. Pugnate feliciter. *Gulaphus*. Ego saturebor denique a tot jejuniis liber, & famiem penitus ac basilice debellabo. Ad arma! *Ophthalmus*. Hodie tandem rumpetur fœdus, quod pepigit Logus cum oculis suis!

Lice-



Licebit meis deliciis frui. *Auritus*. Et mihi meis. *Tangulus*. Et mihi communiter omnibus. Sed quid? An perpetua singulis constabit fides? Nulla nos rumpet discordia nova? *Nasutus*. Hoc absit malum! Jurandum est, & sollemnitatem juramento hæc pixis dabit. Immittite digitos, & repetite verba, quæ præco. Siquis perfidus fratres deserat, si levis mutet propositum, si concipiat poenitentiam facti, si turbet concordiam, tot maledictionibus obnoxius esto; quot pulvisculos tabacci hæc pixis habet. *Omnes*. Si quis perfidus &c. *Nasutus*. Sumite! *Omnes*. Tsi, tsi, tsi, tsi! *Ophthalmus*. Peractum est. Dividamur jam, & quisque obeat commissas partes. Ego Logum observo. *Auritus*. Ego Virtuosum. *Nasutus*. Ego Prudentium. *Gulaphus*. Ego fratres. *Tangulus*. Ego parentem. *Nasutus*. Quis autem Chrono, & horis invigilat? *Tangulus*. Chronus noster est: horæ dissipatæ. Securi sumus. *Omnes*. Eja! Ad opus.

## SCENA QUINTA.

*Prudentius*.

*Prudentius*. **P**ERGITE! Quo vos Æsophagus vocat. Nempe Prudentius sum, & non perspexerim rebellium vesana consilia? Intricata multo labore fila evolvam facile. Ex mihi sunt artes, est eloquentia, & ingenium ad pios dolos eruditum. Scio, quem bona fraude jam hic aggrediar, mentitus Phantasus. Temporum præsidem Chronum peto. Ille, ut in Phantasum vere credat, huc adsint somnia, & ladant phantasmata. Nec enim est modus aut jucundior, aut facilior, qui fallitur tempus. Eja! . \* Sic melancholicis illudit Phantasus. Trepidant, & tristantur sine causa. Eriperent larvas spectris, læti forent. . . Exultant sanguinei, & gaudia somniant, cho-

\* Exhibentur temperamenta in umbra, sub musica congrua.

choreas, & raptus. Vah! Inania gaudia! Vah! Brevia! ... Timet phlegmaticus, ubi non est timor. Videte, ut laboreꝝ emergere ex vorticibus. Stulte, oculos aperi, & jam in portu es. Furit cholericus, quis læsit? Phantasma fuit. Nemo te offendit, insane, quid ærem verberas? Nempe sic Phantafus urget. Ego dormientium somnia ridenda dico, flenda vigilantium. Olim mors aperiet oculos, & tunc ridebunt alii suæ vitæ tristitias, sua gaudia plorabunt alii, alii suos timores mirabuntur, & alii detestabuntur insanos furores. Intelligent omnes, se somniasse: & poenitebit, plus credidisse ludibriis Phantasi, quam Prudentii bonis consiliis. At en! Prodit, omnino prodit, cujus affatum cupio.

## S C E N A S E X T A.

*Accedit Chronus.*

*Chronus.* NEmpe tu eras, Phantase, cujus Phonascos audivi modo? *Prudentius.* Lepide! Ludere juvat, cum fratres pugnam meditantur, & prælium. Plus potest ludens Phantafus, quam furens Audifax. Martem agunt fratres: Phantafus arte vincit. Sed scilicet tua opera indiget. O Chrones! Quantum beneficium, abductæ horæ! Sed adde alterum. *Chronus.* Pete. *Prudentius.* Æterno Phantafus tibi devinctus est foedere. *Chronus.* Pete! nam quid ego tibi possum negare? Mille facetiis tu recreas Chronum, & horas ei jucundas facis. *Pete.* *Prudentius.* Nil grande petam. *Chronus.* Etsi maxima petas, repulsæ securus es. *Prudentius.* Tua bonitas & necessitas rei audacem facit. Fecisti favorem: sed nam! *Chronus.* An dubitas, de favoris constantia? Tempora mutantur, ajunt; Chronus non est idem quotidie. Convitium patienter tuli. Sed nempe cum quotidie novis urge-

*Theat. Polit. R. P. Neumayr.*

Bbb

rer

rer imperiis, necesse utique fuit, mutari me. Nunc mutare Dominum lubet, ne muter ego usque. Duram servitutum fat diu servivi Logo. Poenitet serio. *Prudentius*. Non dubito, de data fide. Logum tamen adhuc metuo. *Chronus*. Sine satellitio horarum? *Prudentius*. Quas pro se ferociter exigit. *Chronus*. Quas Chronus negabit constanter. *Prudentius*. Vim faciet per Virtuosum. *Chronus*. Vi repelletur. Nempe *Æsophagus*, *Audifax*, & tu *Phantase*, vim ab uno metuitis? *Prudentius*. Vel contra mille suffecit *Samson*. Nihil vis contra virtutem valet, valet dolus. Itaque si bonum audis consilium, & quod spectat securitatem, horas mihi committe, & obsequi jube. Larvatas adducere in aciem meditor, ut tutius lateant, & terreant fortius. Sæpe phantasmata ita exterruerunt Logum, ut nec Virtuosum, nec Prudentium ultra sit ausus audire, & petitis *Æsophagi* ac *Audifacis* quantumvis insolentibus velut coactus annuerit. Sed opus fuit semper unius aut alterius horæ auxilio, a qua perficerentur imagines, & ageretur ludus. Quodsi hodie me juvent omnes horæ, & in terribilibus larvis compareant, putas, dubitari de victoria posse? *Chronus*. Consilium dignum *Phantaso*. *Prudentius*. Sed executio nulla erit, nisi Horæ pareant ad nutum mihi, & omissis nugis, quas tractant, serio attendant mandatis. Ergo tu, mi *Chrono*! *Chronus*. Intellico, quid velis. Hanc fistulam cape. Ut primum inflabis, dispersæ congregabunt se Horæ, & habebis ad officium promptas omnes. *Prudentius*. Scio divinam instrumenti virtutem. *Chronus*. Nempetale ut haberet temporum præses, necesse fuit, ne, qua ipse nolit, dilabantur fugaces horæ. *Prudentius*. Beatus sum! Propero, & statuta exequor cito: *Chronus*. Ecce! Sic stulti adeo quandoque sapiunt.

SCENA

## SCENA SEPTIMA.

*Chronus. Virtuosus.**Virtuosus.* Iterum invenio te. Sic mandata exequeris, perfide!

Nam cur nullæ pro obsequiis Logi laborant horæ?

*Chronus.* Vacatur hodie. Seria jussi differre in crastinum. *Vir-**tuosus.* In crastinum, dum motibus seditiosis agitur aula?*Chronus.* Quis inter bacchanalium hilaria de seriis cogitet?*Virtuosus.* Non vigiles esse horas Prudentius jussit? *Chronus.*

Prudentius etiam tuta timet. Credidi, haud adeo necessarias

hodie vigilias esse. *Virtuosus.* Crude! Tuum est, imperia exe-

qui, non discutere. Jam sine ambagibus Horas huc mihi siste!

Dubitas etiam? Hoc momento adesse jube. *Chronus.* Undeconvocabo dilapsas? *Virtuosus.* Abrumpe moram. Suaferim.*Chronus.* Postulas, quod fieri non potest. *Virtuosus.* Proditor

insane! Notum est scelus satis. Dabis poenas. Horas convo-

ca rebelle mancipium! Aut latam jam nunc sententiam exe-

quor. Nam hoc scito Chrono: finis venit, venit finis, jam

nunc finis super te, &amp; tempus non erit amplius. Hostes Logi

foves, hoc video: propterea abduxisti horas. Sed &amp; hoc scito:

ad vindictam nulla opus est hora *Virtuoso*: momento sternam.*Chronus.* Dux magne! Inducias indulge servulo deprecanti. Fa-

tebor omnia. Phantaso fistulam tradidi, &amp; commisi totum in

horas imperium! Quo abierit, ignoro. Tu illum aggredere.

*Virtuosus.* Vah! Scelus! Imperium in horas committis mori-

ni? Hæc fides tua? Abi, inquire, repete statim, &amp; omnes huc

mihi horas confestim siste. Cave, desit vel una. *Chronus.* Ah!Generose heros! *Virtuosus.* Quod jussi, perage cito, aut dispo-

ne domui tuæ: morieris, &amp; non vives. Ultima patimur! In

horas imperium Phantasmus habet! Quæ spes est prudentis con-

sili super?

## SCENA OCTAVA.

*Virtuosus. Logus.*

*Logus.* Quid sic agitur, Virtuose? Deferor? Nulla stationem obit hora: Chronus ubi? *Virtuosus.* Rex! Vix eloqui dolor finit. Perfidus Chronus accessit rebellibus, & omne horarum imperium Phantaso dedit. Abductæ sunt omnes, & quæ a consiliis, & quæ ab armis sunt. *Logus.* Hem! Scelus immane! Chronus rebellis Logo? Quid jam agam desertus? Ubi Prudentius? *Virtuosus.* Scilicet consultando te perdet. Rex! Nisi in violentia remedium non est super. Lenta Prudentii consilia, & segnes moras non patitur rebellium ferocia, & periculi gravitas. Ensem denique, ut stringam, jube. *Logus.* In arctum redigor; ignarus, quid agam. Vim subditis inferam, quos, ut me-ipsam, amo! Obstat natura, Virtuose. Tyranni est, invitos premere: ego amari cupio. *Virtuosus.* Logus a rebellibus speret amorem? *Logus.* Desinent esse rebelles, si amari se sciant. *Virtuosus.* Quid sit amari, non intelligunt belluæ. *Logus.* Sentiunt sattem, & non raro cicurantur. *Virtuosus.* Sed redeunt ad naturam. Et quis tandem cum furibunda tigride, aut apro spumante blanditiis agit? Ferro rumpenda sunt ilia occurrentis bestię, invadere quæ Dominum audet. *Logus.* Nunquid severitas regnum Israël Roboamo eripuit? *Virtuosus.* Supplices Roboam rigide habuit: tu foves rebelles. Non ita decet. Audire si Virtuosum sustines, libere loquar, quæ veritas dixit: qui amat animam suam, perdet eam. Vince te ipsum, Loge, & hoc noxium frigus excute! Id totus Cælitum tibi exercitus clamat: vince te, & lentam naturam in heroicam iram urge! *Logus.* Heu! quo me impellis Virtuose! Et quis ergo rebelles in has furias egit? *Virtuosus.* Dixi sæpe: tua lenitas egit. Crescit audacia, quæ non premitur cito. De-  
vasta-

vastata nemora, & redactæ in cinerem urbes sæpe scintillæ debent imputari non statim sopitæ: & torrens, cui molem mature non objicis, minoribus montium ac vallium fluentis auctus, in provinciarum excidium insolescit atrociter. *Logus.* Hoc est, quod metuo. Jam serum est, vi & armis rebelles domare, cum horas habent faventes sibi. Nisi blanditiis mihi conciliem, actum de regno est. *Virtuosus.* Quam ego degenerem vocem audio? *Logus.* Regnare nescit, *Virtuose*, qui nescit dissimulare. Cedendum ad tempus furori est, dum detumescat: dandum aliquid irritatis subditis, ne rapiant plura. *Virtuosus.* Hoc consilium desperantis est, non Regis Herois. Næ tu parum *Æsophagum*, parum *Audifacem* nosti, si speras, per indulgentiam induci ad modestiam posse. *Logus.* Quid faciam? Proditus sum, inermis, sine satellite! sine horis! *Virtuosus.* Metum abige, Princeps. Dum vivit *Virtuosus*, securus es. Ad victoriam non opus est hora virtuti: momentum sufficit. Erige animum! Hic te defendet! *Logus.* Imo hic: cape. Fortissime ferit *Logi* gladius, cum, qua vibratur, fortis est manus. *Virtuosus.* Exosculor regale munus. Trepidate hostes! invicta est *Virtus*, quam armat *Ratio*. Vicissim; Rex, meus, obsecro, te ensis muniat! *Logus.* Accepto amici donum. *Virtuosus.* Nemo te jam invadet impune: invicta est *Ratio*, quam armat *Virtus*. *Logus.* Sit igitur! Procede fortis, & insanientium conatus subrue. Vinco naturam, & ut vim rebellibus inferas, consentio. Vi compellantur, qui sponte subesse nolunt. Moriantur! *Virtuosus.* Imo mortificentur. Patere, Princeps! Non ego occidam mancipia, sed viva sepeliam, ut servire possint, rebellare non possint. *Logus.* Placet decretum forte. Exequere. *Virtuosus.* Procedo. Rex vive! Et animo alacri expecta victoriam. Absit metus: ut desint horæ, non deest spes. Memento, quod dixi: ad magna nihil opus est horis virtuti, momentum suf-

ficit. Vive! *Logus*. Vince! Trepidus expecto eventum, & interea in latebras me abdo, miserabilis Rex, ac subdito carens. Irrue funesta nox, & tantum dedecus Coelo toge.

## SCENA NONA.

*Chronus. Prudentius. Corpus.*

*Chronus.* Periisti Chrono! Heu! Quid feci stultus? *Corpus.* O miserum Corpus! Nam quid denique fiet mecum? *Chronus.* O Corpe! Quid consulis Chrono, nam consilium in senibus est? *Corpus.* Chrono, quid consulis Corpe, nam consilium a tempore est? *Chronus.* Nempe ambo perimus! *Corpus.* Si *Logus* vincitur, periment Corpus filii: si ipsi vincuntur, perimet *Logus*. Ah! hätti! hätti! *Chronus.* Meis cervicibus Virtuosus imminet, nisi tu mihi Phantasum sistas, ut traditum restituat in horas imperium. *Corpus.* Virtuosus hoc facinus rescit? *Chronus.* Rescivit. Perditi sumus, nisi coepta perficiamus celeriter. *Corpus.* Quid? Si sistatnus nos Logo sponte, & veniam oremus errorum? *Chronus.* Virtuosum timeo. *Prudentius.* Chronum hic video? Sic excubas? *Chronus.* Ignosce Domine! Commisi immane scelus, poenitet, si est spes veniae. *Prudentius.* Scio, & est spes, si facinus impium expias meliore. *Chronus.* Impera! *Prudentius.* Credebas horarum imperium dedisse te Phantasmo: Errasti; ego accepi. Cernis? *Chronus.* O felix error! *Prudentius.* Recipe. Dispositae in ordines stant: i, praesto, & ut ad nutum obediant, cura. Sic me advocatum mereberis. *Chronus.* Promissum aureum! Agam, quod decuit semper agere. Nulla ut se hora Logo subtrahat, aut subtrahatur, haec cura erit. Tu protege poenitentem! *Prudentius.* Confide. Tu Corpe, instantis ruinae filios ultimum admone, nisi perire cum ipsis velis. *Corpus.* Ah! *Prudentius.* Miseret me imbellis senectutis

ætæ ! Infirma est caro : cessisti importunis , & consensum velut coactus præstitisti. Exorabo veniam , si semel adhuc officio fungaris patris. *Corpus.* Ah ! Ut possem feliciter ! *Prudentius.* Age , quod est in te. Ego Logum requiro. Nisi resipiscant rebelles cito , actum est.

## S C E N A D E C I M A.

*Corpus. Tangulus.*

*Corpus.* **Q**uis mihi nunc facundiam dabit , qua saxa , & cautes frangam ? *Tangulus.* Pater ! Cito ! jam fratres assultum parant. Hodie in Capitolio cœnabimus. Disposita sunt omnia : tu solus dees. *Corpus.* In Capitolio cœnabimus ! O vana spes ! fac tamen , mi Tangule , ita fore , ut dicis : fac , Æsophagum regem fore , quid deinde tu faceres ? *Tangulus.* Ego , quid facerem ? *Corpus.* Ita : tu. *Tangulus.* Nempe felix forem , & quidquid allubesceret , agerem. *Corpus.* Ergo quid faceres ? *Tangulus.* Quid facerem ? Dixi , quidquid allubesceret , facerem. *Corpus.* Quid ergo allubesceret ? *Tangulus.* Quid allubesceret ? Nescio. *Corpus.* Nescio. Videte mihi hunc pauperem diabolum ! Cur ergo appetis , quod nescis ? *Tangulus.* Imo nunc occurrit , quid facerem. *Corpus.* Eja ! Quid ? *Tangulus.* Primum , Pater , dormirem quotidie , quantum allubesceret : deinde comederem splendide , quidquid , & quantum allubesceret : deinde biberem , quamdiu , & quantum allubesceret : deinde luderem , quamdiu , & quantum allubesceret : deinde saltarem , quamdiu , & quibuscum allubesceret : deinde facerem , quidquid insuper allubesceret. Et hunc ordinem diurnum tenerem , donec ætate , & viribus auctior ex adolescente evaderem juvenis. *Corpus.* Sic pecudes vivunt. *Tangulus.* Sic tamen allubesceret vivere. *Corpus.* Recte. Quid deinde faceres ?



ceres? *Tangulus*. Deinde ad visendos gentium mores, & discendas linguas, Europam totam pervagarer curiosus, & exlex. *Corpus*. Gloriose. Quid deinde? *Tangulus*. Deinde in patriam redux circumspicerem amicitias, & patrocinia grandium, quorum ope titulos speciosos, & honores acquirerem. *Corpus*. Provide. Quid deinde? *Tangulus*. Deinde de pulchra, & divite sponsa cogitarem. *Corpus*. Lepide. Quid deinde? *Tangulus*. Accumulandis pecuniis, & amplificandæ familiæ me impenderem. *Corpus*. Egregie. Quid deinde? *Tangulus*. Deinde dulce senium, quietus, felix, & hilaris agerem, ad invidiam æmulatorum, ad amicorum solatium, inter jocos, & amabiles lusus nepotum. *Corpus*. Eleganter. Quid deinde? *Tangulus*. Ha! Quid deinde? Deinde audio, moriendum esse. *Corpus*. Hoc habes. Et deinde sepelieris, & deinde imponetur lapis sepulchro tuo, cui incisum hoc, vel simile epitaphium, legent posterius: Hic jacet Tangulus: vixit 70. annos, genuitque filios, & filias, & mortuus est. Hæc omnis laus. Hoc tu non cogitas modo, improvide, fatue puer. *Tangulus*. Cogitabo, cum erit tempus. *Corpus*. Sic etiam cicada formicæ in apologis loquitur. Sed quid fit? Cogitare cum potes, non vis: cum voles, non poteris. Aliud Logus, aliud Virtuosus, & Prudentius docent. Horum, mi fili, monita sequimur, non fratrum tuorum, quorum omne cerebrum in ventre est. Utinam non & aures essent! Extremas preces affero. Tu minores de periculo mone, ne pari cum majoribus se ruinæ obijciant. *Tangulus*. Eventum expectabimus quieti. *Corpus*. Ah! quam timeo, ne irritus sim! O filii! D hätti! hätti!

### Scena intermedia muta \*

\* Theatrum exhibet squalorem hyemis: ningit: formica ex casæ fenestra videt cicadam, quæ ex desperatione seipsam in lacu mergit.

ACTUS

## ACTUS III.

### SCENA PRIMA.

*Prudentius. Logus.*

*Logus.* **Q**UO fugio ? Etiam latebras scrutantur rebelles . . . Quin occurro denique , & Virtuosi ferro meam vindico majestatem ! . . . Res plena discrimine , cum deest Prudentius , cum Virtuosus , cum solus Logus . O quæ vos tamdiu tenet mora , Proceres mei ! . Nempe desertus sum ! Traditor ! Væ Logo ! si aut in manibus perduellum illi sunt , aut salutem fugiendo redemerunt ! *Prudentius.* Te video , Rex ? Vive ! *Logus.* Beat me aspectus Prudentii . Quo loco stant nostræ res ? *Prudentius.* Optimo . Chronus ad officium rediit : Horas obtinui : illæ in vigiliis omnes sunt : Virtuosus excubat ad certamen accinctus : quem Phantasmus Æsophago thronum erexit , ego evertam . Adesto Rex ! Dignum Logo spectaculum damus . Nec ulla est mora . Veni . *Logus.* Favete Superi ! In prælium eo . *Prudentius.* Imo ad triumphum . Spectatorem te esse pugnae Virtuosus desiderat , solus futurus actor . Quibus pro te studiis agamur , jam apparebit . *Logus.* Studia secudent Divi . Præcede . Securus ibo , qua præit Prudentius . *Prudentius.* Ut jubes . \* Et jam ecce theatrum se aperit . Triumphat Phantasmus . *Logus.* Vah ! Eccur non invadimus ? *Prudentius.* Rex ! Me sequere .

### SCENA SECUNDA.

*Æsophagus. Andisax. Phantasmus. Ophtalmus. Auritus,  
Nasutus, Gulaphus, Tangulus.*

*Phantasmus.* **I**O Victoria ! Tenet Capitolium Phantasmus patentibus portis admissus . Arripio regale decus . Plaudite ! Mira erit in orbe mutatio ! Phantasmus in folio Logi sedet ,

\* Phantasmus in folio Logi sedet.

*Theat. Polit. R. P. Neumayr.*

Ccc

det. Fratres! Ubi trahitis moras lentuli? Eja *Æsophage!* Vive, & regna! Vicimus! *Æsophagus.* Vicimus! Altum ubique silentium: mira est solitudo. Et ubi Logus? *Phantafus,* Quo illum Phantafus pepulit, & abstulit metus. Tibi hunc thronum statui. Ascende! Impera! *Audifax.* Mira aulæ facies: nemo se movet. Nullus apparet Prudentius, nullus Virtuosus. *Æsophagus.* Concedamus miseris triste solatium, ignavas latebras. *Audifax.* Imo scrutemur angulos! Protrahantur ad poenam. *Æsophagus.* Imbellis Virtuose, quid agis? cur tuum destituis Logum? *Audifax.* Cur Chronum non urget Prudentius? Cur horas non cyocat? *Phantafus.* *Æsophage* regna! Pro Virtuoso *Audifax,* pro Prudentio *Phantafus* erit. *Æsophagus.* *Audifax.* Erit. \* *Phantafus.* Inferi! Quid est hoc? *Æsophagus.* Quid trepidas? *Phantafus.* Juvate! Iterum feralis larva se mihi objicit. *Audifax.* Larvis territant? Num pueri sumus? *Phantafus.* Pro vestram fidem! *Audifax.* Ad arma frater! *Gulaphus.* Heu! Spectra, spectra occurrant undique! *Tangulus.* Fugite fratres, fugite! *Opthalmus.* Ah! Loge Princeps! Opthalmum protege! *Æsophagus.* Tacete Logum! *Æsophagus* regnat. *Audifax.* Quid metuitis tyrannum satellitio nudum? Nobis confidite! *Opthalmus.* Forte Chronus animum mutavit, & datam fidem. *Auritus.* Heu! Heu! Fratres! Fugimus! *Nasutus.* Pro monstra! Loge, Loge, te colimus! *Omnes.* Loge, te colimus! Fugimus! Fugimus! *Audifax.* Fugite ignava pecora! *Æsophagus.* Ad stygem ite! *Phantafus.* Quo me auferam, fratres! Orcus in nos surrexit. Undique infestant spectra. *Audifax.* Metuat spectra *Phantafus:* non metuit *Audifax.* *Æsophagus.* Non timet *Æsophagus.* *Audifax.* Eja! Ruimus in medias acies! Ubi sunt?

\* Terra sub folio gremio. Horæ ut Spectra sensim se exhibent.

## SCENA TERTIA.

*Accedit Corpus.*

*Corpus.* Siste vel nunc, o Nati, ferocem impetum. Extensa patris brachia morentur furorem. Non cernitis, ut sol ipse tenebris obnubat caput, vestrum exhorrens scelus? *Æsophagus.* Lamenta remove. Nihil opus est nobis sole, quos illustres gloria faciet. *Corpus.* At tu Audifax! *Audifax.* Cessa! cessa! Adamantem emolles citius, quam pectus hoc. *Corpus.* Tu Phantase! *Æsophagus.* Nutas perfide! *Corpus.* Tu saltem parenti obsequere! *Audifax.* I, fratres desere, miles gloriose! quem umbræ fugant. *Phantasus.* Non desero. Jacta est alea. Pater, vale! *Corpus.* Non sum Pater. Ite perdit, & perite! Vestris vos furiis relinquo, & destinatis tormentis. O hætti! hætti! Sed nunc exue amorem cor! & quidquid est intus Patris, ejice! Triumphæ rebelles Loge! ulciscere ingratas belluas! & Corpo parce.

## SCENA QUARTA.

*Æsophagus. Audifax. Phantasus. Virtuosus. Horæ.*

*Audifax.* V Ah! tamdiu senis querelæ retardant, quos nec inferi remorentur. Conjungimus dextras! in hostes dividimur! *Omnes.* Eja! si quis est hostis procede! congregere! *Audifax.* Vah! larvæ stygiæ! *Phantasus.* O horror! pereco! nam qua effugiam? *Audifax.* Undique cingimur. *Æsophagus.* Quid consulitis? *Horæ caventes.* Memento homo, quia pulvis es! & in pulverem reverteris! *Audifax.* Hem! quid occinunt? *Phantasus.* Heu! lessus canitur: periimus omnes! *Horæ altius.* Memento homo, quia pulvis es! & in pulverem reverteris! *Phantasus.* Memento *Æsophagus!* pulvis es! *Æsophagus.* Memento *Audifax!*

difax! *Audifax*. Serum est hoc cogitare. Aut vincendum est, fratres, aut pereundum. Resumite animos, quales exigit aut spes, aut desperatio. Me sequimini. Salve libertas aurea! jam obviam prospicio, & propero in occursum! *Horæ altissime*. Memento. *Æsophagus*. O diras voces! *Phantasmus*. O aurium tormentum grave! *Audifax*. Vah! quo rapimur stulti! Dispercam, nisi vanis timoribus agitamur. Non adsunt ex inferis istæ furie: phantasmata sunt, quæ tu adduxisti, ut ludum nos faceres. *Æsophagus*. Haud suaserim ego tibi jocos tam importunos. *Phantasmus*. At ego, o mei fratres, serio trepido. Ultima patimur: actum est! *Audifax*. Evanescent spectra, frater, si hæc victima mactetur stygi. Aut satere scelus, Ludio, aut peris! *Phantasmus*. Heu! *Æsophagus*. Præ frater! jam imminet etiam. O si quis esset effugio locus! *Phantasmus*. Heu! *Audifax*. Heu! Virtuosum video. *Virtuosus*. Quid est rebelles? Adest, quem provocastis. Congredere aliquis! *Omnes*. Heu! heu! perimus! *Virtuosus*. Nolo perire vos. Vivetis, sed in sepulchro. \* Ruite! *Omnes*. Heu! heu! heu! *Virtuosus*. Habent, jacent. Sic mortis memoria vincit peccatum. Jam mihi ad triumphum reducendus est Logus,

## SCENA QUINTA.

*Ophthalmus, Auritus. Nasutus. Gulaphus. Tangulus.*  
*Prudentius.*

*Ophthalmus*. **H**Eu! quo fratres ruitis? *Auritus*. Et quo nos agemur? *Nasutus*. Scilicet idem fatum culpam eandem manet. *Gulaphus*. Vivi contumulabimur omnes. *Tangulus*. Æterni carceris poena immodicum libertatis desiderium erit luendum. *Ophthalmus*. Ergo valete lucida sydera  
heu!

\* Omnes sub solio in tumbam mutato sepeliuntur.

heu! nunquam amplius his oculis oritura. *Auritus*. O meum delictum! cui nunc servies? Quam atrox has aures cruciabit musica, quam instruent dissona desperantium animarum tormenta! *Nasutus*. O flores! o mei amores! ergo flaccescetis? *Gulaphus*. Bacche & Ceres, o mea Numina, sic me deseritis? *Tangulus*. O Dea Cypria, ita Tangulum decipis? *Ophthalmus*. O sylvæ! o montes! o cavernæ! o si quis est uspiam, quem misereat miserorum! *Tangulus*. Date refugium afflictis & trepidis! *Auritus*. Recipite tremantes columbas, quibus accipiter imminet! *Nasutus*. Heu! Prudentius adest, severus ultor. *Prudentius*. Sistite! nam quo evadetis? *Gulaphus*. Permite! *Nasutus*. Ah permitte! *Prudentius*. Manere volo, impero. *Auritus*. Neque saltem indulges exilium? *Nasutus*. Et nihil omnino miseret miserorum? *Prudentius*. Erratis. Non vindicem sentietis Prudentium: Patronum habebitis, si poenitet Commissorum. *Ophthalmus*. Dulce promissum! *Gulaphus*. Spe nostra majus. *Auritus*. Et meritis majus. *Omnes*. Ah! poenitet! *Prudentius*. Quam Corpo & Chrono jam impetravi veniam, obtinebo & vobis. Hic latete, dum vocem. Facilis est ad gratiam Princeps, cum non peccatur proterve. Ingreditur. Nunc res agenda. Ego gloriose, Princeps, applaudo victoriæ.

## SCENA ULTIMA.

*Personæ omnes.*

*Logus*. **Q**Uæ tuæ plurimum debetur industriæ. O quam sapienter desipuisti! *Prudentius*. Nunc cum exui Motionem, sine, ut induam Oratorem. Reis errorum veniam postulo. Pensabunt delicta obsequiis. Tunc illustrissime lucet Regum potentia, cum Justitiæ & Clementiæ radii miscentur si-

C c c 3

mul,

mul. Promulga gratiam: nec sine, ut Prudentius frustra Caduceum teneat. *Logus.* Quod postulas, habe. Pono culparum memoriam: adsint absque metu. *Virtuosus.* Migrate funestæ tenebræ! Serenum victori applaudat cœlum! Reduce diem, & in sepulchro solium firma Principi. In hoc fundamento perpetuum stabit. *Chronus.* Fidelem, O Rex, habebis posthac Chronum tibi. *Logus.* Sic spero: hoc cave, ne aliud imperes Horis, quam ego velim. Quales Prudentius pinxit, tales, ut porro serviant, volo. Larvas mortuales præferunt, quia nullam esse horam convenit, quæ non serviat ultimæ horæ, seu quam nollem esse horam mortis. *Prudentius.* Adsunt, si pateris, servi tui, jam tandem futuri fideles. *Logus.* Adeste: pronum ad vota habetis Logum. *Corpus.* Rex! Nisi nos prohibet triste &c. *Logus.* Define præterita cogitare. *Corpus.* Quos mihi reliquos finis, prosterne filios ad Domini pedes. *Logus.* Te, Corpe, fratris, hos habebō nepotum loco, si in sequentes juratis leges, quas dictabit Prudentius, & interpretabitur Virtuosus. *Prudentius.* Prima est: Ophthalmus, quod Ethnicos etiam Logus docuit, illud sæpe de Deo cogitet: os homini sublime dedit, cœlumque tueri jussit, & erectos ad sydera tollere vultus. *Logus.* Sæpius proinde aspiciendum esse cœlum, quam terram, sæpius stellas, quam foeminas. *Virtuosus.* Et adeo quidem, O Corpe, ut præceptum Numinis contra Ophthalmum sit: si oculus tuus scandalizat te, erue eum, & projice abs te: bonum tibi est cum uno oculo in vitam intrare, quam duos oculos habentem mitti in gehennam ignis. *Prudentius.* Secunda est: Auritus non abeat ad magistros prurientes auribus, qui a veritate auditum avertunt, & ad fabulas convertuntur. *Logus.* Tales nimirum, qui Doctores prudentiæ dici volunt, & ne sciunt quidem, quid vera prudentia sit; vera, inquam, non  
ani-

animalis, quæ axiomata coacervat solis rebus præsentibus opportuna, qualia etiam animalibus insunt. Illi audiantur, qui ad cælestia, ad æterna stimulant animos. *Virtuosus*. Sic rursum sacrae paginae monent: qui habet aures audiendi, audiat, quid spiritus dicat, non, quid caro. *Prudentius*. Tertia est: Gulaphus nimiam pro suæ gulæ deliciis sollicitudinem caveat, & famem solari contentus: superflua, ut hominem decet, contemnat. *Logus*. Illius memor: non est regnum Dei esca, & potus. *Virtuosus*. Et illius: Quærite primum regnum Dei, & iustitiam ejus: cætera adjicientur vobis. *Prudentius*. Quarta est: Nasutus recordetur illius: qui delicate a pueritia nutrit servum suum, postea sentiet eum contumacem. *Logus*. Nempe qui ad minimæ difficultatis odorem nasum in rugas trahit, non est aptus virtuti. *Virtuosus*. Inter illos est, de quibus legimus: radicem non habent: ad tempus credunt; & in tempore tentationis recedunt. *Prudentius*. Quinta demum est: Tangulus duo sibi verba teneat: fugite fornicationem. *Logus*. Et illa: molles regnum Dei non consequentur. *Virtuosus*. Hinc Veritas monet: si manus tua, vel pes tuus scandalizat te, abscinde eum, & projice abs te: bonum est tibi ad vitam ingredi debilem, vel claudum, quam duas manus, vel duos pedes habentem mitti in ignem æternum. *Corpus*. Sanctæ sunt leges. *Logus*. Et sancte servandæ. Urgebit Logus: de mediis providebit *Prudentius*: ne Corpo difficiles accidant, juvabit *Virtuosus*, qui inclusos in sepulchro Corpi cæteros filios evocabit in auxilium patris, cum & quamdiu jubebit *Logus*. *Virtuosus*. Sapienter. Captiva vitia ad heroicis ausus serviunt. *Chronus*. Paratus est thronus, Rex! Reduximus solem. In sole sedere Logum decet, & nunquam tenebras pati. *Logus*. Bene est. Præstate homagium. Vos sceptrum porrigite. *Virtuosus*. Rex! *Logus*. Quid vis?

\* Flo lux. Aperitur interior sedes solaris.



# 384- SEPULCHRUM CONCUPISCENTIÆ.


vis? *Virtuosus.* Hoc sceptrum habe. \* Sic suavius imperabis.  
*Logus.* Bonum consilium! O Redemptor! Corpe, si quis non  
amat Dominum Jesum Christum, sit anathema! *Corpus.* sit ana-  
thema! Eja filii! Juramus obsequium. *Omnes.* Juramus. *Corpus.*  
Vivat, & imperet Logus! *Omnes.* Vivat, & imperet Logus.  
*Logus.* Hic obedientiæ vobis exemplum, auxilium, solatium  
erit. *Prudentius.* *Virtuosus.* O diem serenam! *Corpus.* Non  
me capio præ lætitia. Prope mihi juvenescere videor,  
cum redeo sub tuum imperium. Io filii! Plaudite me-  
cum!

Gren dich Himmel! Gren dich Erden!  
Jetzt wird alles besser werden,  
Weil d' Vernunft den Scepter fñhret:  
Und nicht mehr das Maul regiert.



\* Crucifixum porrigit.

SER.



## ARGUMENTUM

**A**llegoria est, sub cuius cortice hic nucleus latet. Homo cupiditate bonorum praesentium illectus, Deo tamen displicere pariter metuens, modum excogitat, quo ita mundo possit servire, ut Deum nihil offendat. Reclamat conscientia, & fieri hoc posse negat. A molesto monitore ut se expediat, quid agit? Primum mutam esse iubet, audire contemnens. Tum surdam, in inquirendo vero negligens. Demum caecam vel in meridia, in crassa sibi ignorantia, & affectatissima complacens. Ita quietum, ac secute his, quae mundus offert, fruentem, repente, qua hora non putabat, occupat Deus: conscientiae visus, auditus, loquela redditur, & sui carnificis statuitur carnifex. A mundo miser deseritur, a Deo damnatur, sero lamentans illud: non putabam! Sententiam jam executioni dandam, tamen in Theandri gratiam revocabit Deus, si stulticie homo poenitens, tandem statuat uni soli servire. Revocabit sententiam autem? Quin & mundum, qui prius ei dominabatur, servum subiciet, facietque, ut vitam vivat omni suavitate refertam, ac nunquam non hilarem. Ita iubet nos palam predicare Deus per Isaiam C. 3. *Dicite iusto, quoniam bene! Bone! soli, & semper bene!*

## PERSONÆ

*Amphibius servus duorum Dominorum, Creontis & Synesii*  
*Pater. Politicus utitur*  
*Synesius Amphibii filius Uranium timens. Conscientia*  
*Creon*

367

|                                                        |                      |
|--------------------------------------------------------|----------------------|
| <i>Creon Amphibii filius amans Cosmum.</i>             | <i>Caro.</i>         |
| <i>Cosmus sub specie Domini, revera Uranii servus.</i> | <i>Mundus.</i>       |
| <i>Theander sub specie servi, Uranii causam agens.</i> | <i>Christus.</i>     |
| <i>Uranius Cosmi Dominus.</i>                          | <i>Deus.</i>         |
| <i>Mammon Cosmi amicus.</i>                            | <i>Opes.</i>         |
| <i>Idomius amicus Creontis.</i>                        | <i>Voluptas.</i>     |
| <i>Doxus amicus Amphibii.</i>                          | <i>Honor.</i>        |
| <i>Alithius amicus Syneſii.</i>                        | <i>Veritas.</i>      |
| <i>Criſtus ſervus Amphibii.</i>                        | <i>Fallacia.</i>     |
| <i>Mansuetus Aulicus Uranii.</i>                       | <i>Miſericordia.</i> |
| <i>Nemeſius Aulicus Uranii.</i>                        | <i>Juſtitia.</i>     |



## PROLOGUS.

Ex Catalogo Emblematico eorum, qui ſtulto ſe labore conſumunt, ſeligitur pro theatro is, qui duobus Dominis contendit ſervire.

*Perſonæ. Comædus. Præſectus Morotrophii.*

*Morotrophii Præſect.* STultum, ſi bene intellexi,  
 Vis in theatrum producere,

*Comædus.* Imo laborioſum  
 Sed qui labore irritus, i  
 Vitam conſumit

*Morotrophii Præſect.* Etiam horum i  
 num

*Comædus.* Scio, ſed tu mi  
 angula

Nec enim quilibet  
 ſervit

Qui cupit miſceri  
 i.

D d d

*Morotrophii Præfekt.* Quin ergo nominas aliquem ?  
*Comædus.* Obvium probabo,

Modo habeat hoc fingulare,  
 Quod sit stultus Doctor.

*Præfekt. Morotrophii.* Stultus Doctor !

Hic terminus complexus non est significati-  
 Quid docebit stultus ? (vus.

*Comædus.*

Nihil est opus, ut doceat,  
 Modo dedoceat stultitiam aliquam,  
 In quam forte incidit spectantium aliquis.

*Præfekt. Morotrophii.* Legam Catalogum :

Elige, quem aptum putaveris.

*Comædus.*

Placet. Lege.

*Præfekt. Morotroph.* Catalogus stultorum hujus Morotrophii or-  
 dine alphabethi. Additur ars, quam quisque  
 proficitur, & labor, quo occupatur.

Aurelius Allrain, professione Chymicus : laborat in lapide phi-  
 losophico poliendo, cujus pulvis virtute Sympathica, per-  
 tusa marsupia sarcinet.

Barbatus Gribler, arte Vitriarius : laborat in Momi fenestra,  
 per quam cordium arcana perspiciat.

Censorius Beller, professione Coquus : laborat in antiqua  
 crambe.

Delicius Sehrzart, arte dulciarius Pistor : laborat in manna  
 pinsendo.

Ego Einbilder, arte Architectus : laborat in turri Babylonica  
 absolvenda.

Fœmininus Liendl, professione Venator : laborat in damis  
 cicurandis.

Gaudentius Umundumb, professione Studiosus : laborat semel  
 pro semper.

Hornius

**Hornius Nimmerfatt**, professione lanio: laborat dentibus tantum.

**Jactantius Blaser**, professione Medicus: laborat in mortuis resuscitandis.

**Legulejus Sprecher**, professione Ludimagister: laborat in novellis corrigendis.

**Murmuphus Beer**, opificio restio: laborat in fortuna liganda.

**Neidhardus Griengelb**, professione opilio: laborat in lupo tegendo.

**Olidus Caper**, opificio sartor: laborat in vestibus Lunæ accommodandis.

**Pertinacius Grind**, opificio pileator: laborat in pileo in quodlibet caput habili.

**Querulus Wainer**, opificio textor: laborat in tela semper eadem.

**Ridiculus Krautig**, opificio sutor: laborat in Cothurno, qui staturæ suæ adjiciat cubitum unum.

**Salabusius Gleisner**, arte pictor: laborat in umbra.

**Tumidus Pfeffermändl**, professione mercator: laborat in verbis vendendis.

**Vetustius Rostig**, professione miles emeritus: laborat in revocandis horis elapsis.

**Xantippius Stubenbass**, arte musicus: laborat in Cantu duro molliendo.

**Zolpius Amphibius Zwifalter**, professione Politicus: laborat, ut duobus Dominis placeat.

*Comædus.*

Hic Alpha & Omega stultorum est:  
Hunc seligo. Evoca.

*Morotrophii Præfekt.* Adest.

*Comædus.*

Spectatores favete !..

Ddd 3

i. Da-

1.


Dabitur Comoedia :  
 Cujus est materia ,  
     Stultissimus stultorum.  
 Zolpius Amphibius  
 Servus ineptissimus  
     Duorum Dominorum.

2.

Vos a stulto discite  
 Sapere in tempore :  
     Ne sero sapiatis !  
 Scopus hic Comoediæ :  
 Fructus patientiæ ,  
     Sit, quam nobis datis.

3.

Hoc moneo : Comoedia  
 Hæc erit joco-seria :  
     Si quis non vult ridere :  
 Pax est : non contradicimus,  
 Dum agat , quod est melius :  
     Per nos licebit flere.

**SER-**



## SERVUS DUORUM DOMINORUM.

## ACTUS I.

## SCENA PRIMA.

*Cosmus. Mundus. Creon. Cayo.*

*Cosmus.* Quid? Gemitum ex te audio? Num te juratæ  
servitutis poenitet! *Creon?* Num tyrannum me  
credis? Jucundum est famulari *Cosmo*; experiere. *Creon.*  
Nihil me poenitet, Domine. Sed! . *Cosmus.* Loquere.  
*Creon.* Dulcis est vox tua, dulcis aspectus, dulce imperium.  
Liceat utinam hac suavitate perpetuo frui. *Cosmus.* Velle est  
opus: nihil præterea. *Creon.* Juravi: volo. Num Pater etiam,  
& frater volent? Illi si nolint, haud diu sinent meis me  
gaudiis frui. Verbo, exemplo, prior invitavi utrumque: pro-  
missa, minas, conditiones tuæ servitutis exposui. *Cosmus.*  
Et quid illi? *Creon.* Dubium in partes animum versant.  
Amant, & timent te, *Cosme Domine*, sed *Uranium* amant,  
& timent etiam. Juratam *Uranio* fidem rumpere, & alterius  
heri imperio obligare, neque honestum credunt, neque tu-  
tum, *Cosmus.* Hoc solum cruciat? *Creon.* Hoc solum. *Cos-  
mus.* Atqui non sum ego hostis *Uranii*, aut qui velim addi-  
ctos ipsi in scelus perduellionis adigere. Serviant *Uranio*,  
modo & *Cosmo* serviant. *Creon.* Quam bonus es! Possunt,  
ais, utrique servire? *Cosmus.* Possunt. *Creon.* Bonum nun-  
tium, si per te licet, actutum fero. *Cosmus.* Curre! *Synefius*  
forsan non statim assentietur conditioni etiam tam liberali  
Sed

Sed vos facite, ut ad me in Regiam veniat. Monebo meos, quid sit agendum, ut mentem mutet, & ponat pertinaciam. Ita Patrem cum filiis felicem reddam: opes, honores, voluptates ad nutum affluent, neque tamen offendetur Uranius. Quod si altercentur diutius, pauperiem, infamiam, tormenta timeant, & quidquid inferre mali Dominus contemptus potest. *Creon.* Loquar omnia: & nisi me fallit gaudium, felix Orator ero.

## SCENA SECUNDA.

*Creon, Syneſius Conſcientia.*

*Syneſius.* **Q**Uam gaudeo, frater, solus in solum incidere, Arcana sunt, quæ tibi loquar. *Creon.* Fratri loqueris. Quid affers? *Syneſius.* Verbum unum, sed plenum horrore: pređiti sumus. *Creon.* Nempe cui? de quo? *Syneſius.* Uranio, de consiliis mutandi Domini. *Creon.* Mutare decrevit Pater? *Syneſius.* Nihil decrevimus. Sed displicuit vel deliberaſſe. Hoc momento miſſus ab Uranio tabellarius venit ad me: Theandrum se vocat. Is modeſte mihi: ubi est Amphibius? inquit: alloqui cupio. Ego, non vacat, ajo, ut modo audiat te. Mihi loquere, fideliter referam, quid volueris. Faciam, inquit. Theander sum, ab Uranio miſſus cum hoc Epistolio (simul litteras tradit) & ego: quid imperat Dominus? interrogo. At ille jam fronte in rugas tracta ſeverior: quid Dominum vocas, ait: cujus ſervitio vos paratis ſubducere? Legat has litteras Amphibius: & intelliget, quis ſit Uranius, quis Coſmus: legat, & ſapiat. Dixit, abiit. Mihi tremor omnes artes ſuccuſſit. *Creon.* Epistolam porrige. Video ab Uranio eſſe. Sed ſi bene conſulo, non tradimus Patri. Nam quid vanis minis agitemus in circo miſerum? Clauſam ſervabo,



bo, dum legere necessitas suadeat, aut opportunior hora. *Synefius*. Vanas tu minas dicere, frater, ausis? *Creon*. Nemo innocens ab Uranio plectitur: & nos hactenus peccavimus nihil: obediemus deinceps etiam: quid exigat amplius? *Synefius*. Obediemus. Scilicet nisi volentes, nolentes, pater adigat in obsequia Cosmi. *Creon*. Anxiæ mentis es: scrupulos ejice. Nunc, ab alloquio Cosmi venio! non est is, qui velit nos ab Uranii servitute abstrahere, ejusque vel privare favoribus, vel furori objicere. Servire Uranio finit, & sibi vult simul. Utrumque amare possumus, neutrum debemus timere. Quid est in hoc proposito frater, quod reprehendere Uranius possit? Aut quis non viris magnis duobus, amicus esse, quam uni malit? *Synefius*. Haud prorsum inepte loqueris. Exploremus mentem patris. Video cum Mammone huc intrantem. *Creon*. Cum Mammone? Subducamus nos oculis, ut auribus arbitremur, quid agant. *Synefius*. Sequor.

## S C E N A T E R T I A.

*Amphibius. Mammon Opes. Idonius Voluptas. Doxus Honor.*

*Mammon*. **M**ulta habebis bona, posita in annos plurimos: comede, bibe, epulare, chirographum trado Cosmi manu: tu fidem oblige. *Amphibius*. Obligasti me. Sed Uranius! *Mammon*. Dixi, Uranium non est, cur timeas. Procul in regiones externas profectus, quis scit, quando sit rediturus, aut num aliquando etiam. Tu interim spe sola pasceris mercedis promissæ tibi: quid hoc est nisi umbra pasci Æsopici canis? Quod speras, incertum puta: quod habes, tene, ita sapiens es. Et en! jam stamus in aula Cosmi. \* Quanta legis? Hæc omnia tibi dabo, si cadens adoraveris Dominum, & juraveris fidem. *Amphibius*. Hæc omnia! *Mammon*. Et

*Theat. Polit. R. P. Neumayr.*

E e e

multo

\* Aperit se aula Cosmi cum inscriptione.

multo plura, quam legis. *Amphibius*. Quanta bona! *Mammon*. Quid simile Uranius dabit? Promittit, quæ nec oculus vidit, nec auris audivit: tu cape, quæ vides, audis, tangis. *Amphibius*. Quantus est computus? *Mammon*. \* Numerâ. Quoties passus decem in gratiam Cosmi ambulabis, accipies decem florenos. *Amphibius*. Video. Accelerabo incessum. *Mammon*. Quoties annutu capitis probaveris sententiam, quæ Cosmo placet, centum & quinquaginta florenos. *Amphibius*. Etiam pedibus & manibus annuam. *Mammon*. Adde jam ad centum quinquaginta florenos, 10. florenos. *Amphibius*. Jam erunt 180. *Mammon*. Ponamus jam, quod in die tantum viginti passus facias: multiplica 180. per viginti, jam erunt quater mille septingenti octoginta floreni. *Amphibius*. Quæso te! una die! *Mammon*. Adde pro qualibet linea, quam scribes, decem crucigeros, tres lineæ jam dabunt unum florenum, sex lineæ quatuor florenos, decem lineæ duodecim florenos. Multiplica hæc per accidentia, quæ fere omni die ferent octoginta florenos: adde dies diebus: multiplica dies per hebdomadas: adde hebdomadis menses: multiplica menses per annos: summa summarum erit immensa. *Amphibius*. Confundor penitus præ lætitia. *Idonius*. Quem huc nobis hospitem adducis, *Mammon*? *Mammon*. Virum, qui secretioris politiæ candidatus est, examinatus a me, & approbatus. Vacat Rex? *Idonius*. Accedi potest. *Mammon*. Intrabo. *Amphibius*. Sequor ducem. *Idonius*. Expecta, hospes. Neminem in penetrale admittit Cosmus, quem non prius *Mammon* commendarit. *Amphibius*. Didici esse patiens, Tu mihi jam, si lubet, nomen tuum edisfere, & quæ sit in hac aula vitæ methodus, doce. *Idonius* vocor, & Cosmi sum Ganymedes. Quid possim, ex satura ne arguas. In pumilo corpore animus Gigas vivit, de victoribus orbis jam sæpe victor, *Amphibius*. Grandescit Puffio. *Idonius*.  
Tu

\* Computant ex tabella mercedis summam.

Tu murmuras? *Amphibius*. Nihil admodum. Narrare perge. *Idonius*. Cave, ne me contemptum sentiam. Quem ego desero, vitam acerbam ducet. *Amphibius*. Dissuavior. Ama me! *Idonius*. Nondum te novi satis. *Amphibius*. Gratosus es. *Idonius*. Cessa! nihil me blanditiæ movent: mereri amorem debes. *Amphibius*. Quid exigis? *Idonius*. Mores & actiones tuas ut conformes moribus & actionibus mei Domini, hoc requiro. Potes? *Amphibius*. Explica. *Idonius*. Cachinnari potes, cum rident Cosmus? . . *Amphibius*. Hi! *Idonius*. Ejulare, cum ille flet? *Amphibius*. Heu! heu! *Idonius*. Frendere, cum ille irascitur? *Amphibius*. Quos ego? *Idonius*. Trepidare, cum ille timet? *Amphibius*. Ah! *Idonius*. Furere, cum ille odit? *Amphibius*. Congredere, congredere. *Idonius*. Opportune accedis. Doxe: saluta hospitem. *Doxus*. Hic est, quem mihi laudavit Mammon? Salve. *Amphibius*. Amicus hic, an inimicus est Cosmi? *Idonius*. Amicus. Venerare. *Amphibius*. Je suis vôtre serviteur, Monsieur, bon amy, du grande seigneur, je suis vôtre serviteur! *Doxus*. Linguam & mores habet ad Cosmi genium. Placet. *Amphibius*. Dic tamen, quis est hic vir? *Idonius*. Magnus Eleemosynarius est nostri Regis. *Doxus* se vocat. *Amphibius*. He! vous êtes grande aumônier du grand Seigneur! je suis vôtre serviteur tres humble, tres humble! ô vous êtes une du grandes personages, une du grandes, du grandes: permettez-moi vous baiser les main! je suis vôtre serviteur tres humble! tres humble! *Doxus*. Si! vous parlez fort bien françois. *Amphibius*. Un peu Monsieur! je suis vôtre serviteur! *Idonius*. Eleganter etiam latine loquitur. Audivi. *Amphibius*. Si Monsieur! & præterea Italice aliquid, Hispanice, Belgice, Hungarice, Anglice: in omnibus aliquid. *Idonius*. Tenta virum accuratius, Doxe: reperiens aptum. Ego quæ scio, Regi nuntio. *Doxus*. Igitur Cosmi gratiam ambis? *Amphibius*. Ut nihil magis: si tamen Uranium non offendam, cui-

me ante jam obligavi. *Doxus.* Cur vero mutare Dominum placuit? *Amphibius.* Non displicet Dominus, sed merces in re modica, pene tota in spe. Futura semper promittitur: ego præsentem mallet, aut verius utramque. *Doxus.* Suspicio sapientiam. Ibant ad dextram alii, & soli Uranio adhærebant: alii ad sinistram, & soli Cosmo se addicebant; primus es, qui tentat viam mediam ad beatitudinem gradi. *Amphibius.* Utinam tam feliciter, quam audacter. *Doxus.* Nihil metue. Prudens consilium sequi solet eventus felix. Prudentiorem virum ego hucusque nullum vidi. Ad Regem eo: dignus es, quem collocet ad Reipublicæ clavum. Id ut libentius tibi præstet, & citius: elogium tibi loquar, & grande. Audire lubet? *Amphibius.* Maïor beneficio. Tace. *Doxus.* Rex, dicam, Amphibium paucis describam tibi; est discipulus præteriti temporis, præsentis Dominus, Magister futuri.

## SCENA QUARTA.

*Amphibius. Synesius. Creon.*

*Amphibius.* O! Fort bien! Je suis vôtre serviteur, Monsieur! Hæc est digna eleemosyna a grandi Eleemosynario pro grandi mendico. Amphibius est Discipulus præteriti temporis! Ha! hoc est: didicit quidquid præterita tempora docuerunt! Amphibius est præsentis temporis Dominus, ha, hoc est, utitur pro arbitrio velut re sua: magna felicitas! Amphibius est Magister futuri temporis! Ha! Adeste ventura sæcula! Prudentiam docebo vos, quam nesciverunt præterita, & præsentia nescirent, si ego non essem. Amphibius est discipulus præteriti temporis, præsentis Dominus, Magister futuri. Multa paucis vir magnus dixit. Quid de me cogitabit Rex, si hoc audiat: Amphibius est discipulus præteriti temporis, præ-

præsentis Dominus , Magister futuri ! *Creon*. Non ultra me teneo. Pater , gaudeo te lætum esse. *Amphibius*. Hem ! Adestis vos ? *Synefius*. Vidimus , audivimus omnia. *Amphibius*. Quid promiserit Mammon ? *Synefius*. Audivimus. *Amphibius*. Quam blanditus sit Idonius ? *Creon*. Vidimus. *Amphibius*. Quid dixerit Doxus ? *Synefius*. Audivimus. *Amphibius*. Quod de me dicturus sit Regi , quod Amphibius sit discipulus præteriti temporis , *Synefius*. & Dominus præsentis , *Creon*. & Magister futuri. *Amphibius*. Dominus præsentis , Magister futuri. Ecce hoc audistis ? *Creon*. Omnia. *Amphibius*. Et quid jam videtur ? *Creon*. Ut agas , quod tibi tua prudentia dictavit , quod adeo laudavit Doxus , imo quod jam ante Cosmus ipse probavit. *Amphibius*. Eja ! Admissus es ad alloquium ? *Creon*. Transeunti ad genua accidi. *Amphibius*. Jurasti fidem ? *Creon*. Juravi. Admisit , & ultro patrem etiam admissurum promisit , si vellet. Excusavi per timorem Uranii. At ipse : non abstraham ab Uranio , inquit : servire utrique potest servitutem bonam , & quæ felicem cum filiis faciet. *Amphibius*. Eja ! Beatus sum ! *Synefius*. Dubito. *Amphibius*. Quid tu mussitas tecum ? *Synefius*. Disputo aliquid. *Amphibius*. Contra consilium tantæ prudentiæ ? *Synefius*. Scilicet. *Amphibius*. Ecce chirographum beatitudinis. *Synefius*. Imo miseriæ dixerō. *Amphibius*. Infanis ? *Synefius*. Pater , Mammon te in computando decepit : melius computa. *Amphibius*. Non decepit. *Synefius*. Numera. Insuper tantum de acceptis computum fecit , nullum de expensis. *Amphibius*. Nihil expendam. *Synefius*. Præterea fecit totum computum per additionem & multiplicationem : quid ? si rediens Uranius facit subtractionem & divisionem , qualis erit summa summarum ? *Amphibius*. Loquacule ! Tu hodie non tacebis ? *Creon*. Pater aures nega homini superbo & obstinato , scilicet , qui solus sapit. *Amphibius*. Recte exprobras. Nam quis te tumor inflat , ut acquiescere

sententiæ nolis, quam probat is, qui est Discipulus præteriti temporis, præsentis Dominus, Magister futuri? Tace jam, & cave, verbum ut ultra facias. *Synefius*. Unicum sine me dubium proponere. *Amphibius*. Et quiesces deinde? *Synefius*. Quiescam, pater. *Amphibius*. Hem! Loquere. *Synefius*. Si Uranius juberet te proficisci Romam, & Cosmus Parisios: quid faceres? *Amphibius*. Quid facerem? *Synefius*. Ita, pater. *Amphibius*. Hoc dubitas? *Synefius*. Hoc. *Amphibius*. Ad dubium tam ineptum pudet me respondere. *Synefius*. Et si non respondeas, ego tibi audacter dico, pater: ego Cosmo nolo servire. *Amphibius*. Et ego tibi serio dico, mi fili, Cosmo debes servire. *Synefius*. Hoc non fiet, mi pater. *Amphibius*. Hoc fiet, mi fili. *Synefius*. Je suis vôtre serviteur! Sed Cosmo non serviam. *Amphibius*. Je suis le vôtre! Adhuc hodie servies. *Synefius*. Hodie? Puto, quod non. *Amphibius*. Puto, quod sic. *Synefius*. Non. *Amphibius*. Quid? *Synefius*. Non serviam, ajo. *Amphibius*. Servies, ajo. *Synefius*. Non. *Amphibius*. Tamen. Hem! Quæ temeritas! Quis unquam audit filium sic patri loqui? *Synefius*. Uranio serviam. *Amphibius*. Et Cosmo simul. *Synefius*. Non possum. *Amphibius*. Ego possum, & volo. *Creon*. Quousque obgannies? *Synefius*. Tace tu! *Creon*. Imo tu tacebis: velis, nolis. Pater, manus stringe, ego constringam os istud tam impudens tibi. *Synefius*. u-u-u. *Amphibius*. Ex merito agis. Patere, patere! Ut discas, quam reverentiam debeas patri. Nunc loquere, loquere petulans! Ha! ha! ha!

## SCENA QUINTA.

*Idonius. Doxus. Mammon. Crisius. Cæteri.*

*Mammon.* Alloqui Dominum licet, & offerre servitium. Expectaris. *Amphibius.* Beatus sum! *Idonius.* Hei! \* Num Jovem tu lapidem huc intulisti, an Deum silentii? *Amphibius.* Statuam salis mallet, ut sapere discant filii, & parcant parentibus obloqui. *Creon.* Punitæ garrulitatis monumentum adstat. *Doxus.* Deprecamur supplicium, si facti poenitet. *Creon.* Num poenitet autem? *Synesius.* u-u-u *Amphibius.* Videtis obstinatum. *Creon.* Num servies Cosmo? *Synesius.* u-u-u. *Mammon.* Vah! Huic se ausus est consilio opponere? *Amphibius.* Temerarius! *Doxus.* Nihil jam deprecor. Correctionis efficax medium dabo. *Idonius.* familiam convoca. Stet expositus servorum ludibrio, dum sapiat melius. *Idonius.* Id faciam. Risus sæpe jam ejusmodi pertinaciam fregit. *Mammon.* Certe. Nam etsi non omnes esse de Cosmi familia ambiant: pauci tamen ferunt nobis esse ludibrio. *Idonius.* Et tu gratiam Cosmi mereris sapienti severitate. *Doxus.* Gratus aspectus erit. *Mammon.* Intramus. *Amphibius.* Adsum. *Synesius.* u-u-u-u. *Doxus.* Veni. *Creon.* Gaudens. *Synesius.* u-u-u. *Idonius.* Stasimum, Stolprium, Gracculum, Limmulum, Damam huc voca, Crisie. *Crisius.* Here! Ego tibi parcam adhuc: sed quid agas vide: nisi celeriter mutas mentem, ludere ludos vestros licet ad istam statuam. Ludite.

## INTERMEDIUM.

Fit saltus cum irrisione Synesii, seu Conscientiæ.

\* Ad Synesium mutum ligato ore.

ACTUS

~~~~~

A C T U S II.

S C E N A P R I M A.

Synefius. Crisius Fallacia.

Crisius. **L** Udibriorum alia genera super alia succedent. Ne-
mo hic in majore contemptu est, quam hominēs
scrupulosi, & anxii. Alius est Cosmus, quam tu tibi fingis :
ut primum videris, certus sum, adorabis. . . * Es ridiculus?
Quare non? Uranium times? . Toties audisti : frustra times.
Cosmus non odit Uranium : colere finit. Sed quid laboro?
Synefius. u-u-u. *Crisius.* Explorare me pater jussit, num ex lu-
do doctior mutaveris animum. *Synefius.* u-u-u. *Crisius.* Solvi
vincula cupis? . Non licet, dum assensum præstiteris patri.
Synefius. u-u-u. *Crisius.* Non annuis? *Synefius.* u-u-u. *Crisius.*
Non intelligo sensum animi. Solvam oris vinculum. Loquere.
Synefius. Etiam manus solve. *Crisius.* Non licet. Quin & lin-
guam ligabo iterum, nisi loquatur, quæ placent patri. *Sy-
nefius.* Non licet. Crisi, sic amat me pater, ut risui vernarum
prostituat? Quid non sum passus? quas non fannas? Quas non
contumelias? Timeo patri. Nam si filium sic illudit Cosmi fa-
milia, patrem, credo, tractabit humanius? *Crisius.* Sic sem-
per inani timore angeris. Nam a Cosmo magnifice exceptus
pater ut dedit, ita accepit fidem : jure jurando uterque firma-
vit foedus, cujus nobile symbolum, aureum ex collo torquem
Amphibius gerit. *Synefius.* Catenam voca. *Crisius.* Creontem fra-
trem par felicitas beat. Amores omniū, omnium amplexus habet.
Tu solus excors, extorris, miser in ultimam Thulen ibis. Ex
quod misero miserrimum est, neminem tangit miseratio tui. Scis,
quid

* *Synefius* Capite super abnuat,

quam contradicunt, concedo: fecus, nego antecedens, & sub eadem distinctione concedo, & nego consequentiam, & insuper nego suppositum, quod Cosmus & Uranius essent duo Domini, si nunquam sibi contradicerent. Nam vel sunt liberi, ut possint dissentire, vel non sunt liberi? Si alteruter non est liber, tunc unus tantum est Dominus, qui gaudet bono libertatis: si uterque est liber, & libere semper idem volunt, & nolunt, rursus sunt unus Dominus per consensum voluntatis. *Crispius*. Ut tibi Jupiter hæc cornua frangat! Ajo, Uranium & Cosmum esse unum Dominum, & esse duos. Capis? *Synefius*. Non capio. *Crispius*. Audi. Duo sunt in personis, unus in substantia. Capis, aut nondum etiam? *Synefius*. hoc est mysterium dualitatis, non capio. *Crispius*. Explicabo ad captum. Quod sint duo in personis, concedis. Quod sint unus in substantia, sic probo. Voluntas est substantia: sed isti duo Domini habent unam voluntatem: ergo habent unam substantiam. *Synefius*. Prope absursum, ut negem consequentiam. Sed dissimulato hoc vitio, quid probas? Concedo totum: hoc est, quod ego dixi: si habent unam voluntatem, sunt unus Dominus, non duo. *Crispius*. Tamen duo. Euge enim nos duo an sumus duo, an unus? *Synefius*. Nos duo utique sumus duo. *Crispius*. Recte. Sed nos duo etiam sumus unus. *Synefius*. Nos duo unus? Ergo ego sum tu? *Crispius*. Sic est. Et tu es ego? *Synefius*. Ego nolo esse tu. *Crispius*. Sed ego volo esse tu. *Synefius*. Vides, quod simus duo. *Crispius*. Patientia. Here! Ego jam tibi volo ista vincula solvere: non vis? *Synefius*. Lepidus es. Volo! volo! *Crispius*. Vides, quod simus unus? *Synefius*. Simus unus. Libenter volo. Solve. *Crispius*. Et tamen sumus duo. *Synefius*. Nunc non. *Crispius*. Imo nunc. Nam tu dicis, quod non sumus duo, & ego dico, quod simus duo: ergo sumus duo: ergo nunc sumus unus & duo. *Synefius*. Sive sim unus, sive duo, gaudeo, quod sim liber.

liber. *Crisius*. Ama me, cui debes hoc gaudium. *Synefius*. Quid faciam tibi? *Crisius*. Obtempera bonis monitis: Cosmum ama. *Synefius*. Si verum est, quod ais, & si Cosmus ac Uranius unus Dominus sunt, amo Cosmum. *Crisius*. Tantæ molis erat. At ipse prodit. Profitere fidem, ut felix fias.

S C E N A S E C U N D A.

Cosmus. Amphibius. Creon. Synefius. Crisius.

Cosmus. Quid est effectum Crisi? *Crisius*. Omnia. *Synefius* tuus est. *Synefius*. Nisi esse Uranius prohibet. *Amphibius*. Non aliter obligavimus fidem. Quiesce tandem, & gratulare sortem beatam patri. *Creon*. Gratulare fratri, & tibi. *Synefius*. Scilicet pro ludibriis? * *Cosmus*. Vertentur in laudes. Nunc ut intelligas, quam merito fueris irrisus, leges audi, quas Amphibio servandas præcipio. Compara cum præceptis Uranii, quæ video tibi fixa in pectore. Nihil deprehendes contrarium. *Synefius*. Attonitum hoc exordio facis. Pudet erroris mei! Pro! Quam aliter descriptus es mihi a tuis hostibus! *Cosmus*. Poteras ab hostibus effigiem veram sperare? Ab amicis debebas expetere. *Synefius*. Tyrannum te vocabat Alithius, proditorem, belluam: monstrum, quod dormiat in concupiscentia carnis, sedeat in concupiscentia oculorum, ambulet in superbia vitæ. *Cosmus*. Hæc Alithius scilicet, ultionis furore ebruius eructavit, quod perpetuo ab hac aula exilio sit proscriptus. Sed nos hæc dicta risu explodimus. Quid sic astas absorptus aspectu? Num vides aliquid, quod te

F f f 2

me-

* *Cosmus* leges Amphibio dictat ad speciem bonas, vel saltem non malas.

merito terreat? Ubi dentes, ungues, cornua, quæ Alithius mihi affinxit? *Synefius*. Non putabam Dominum tam compositum, tam modestum, tam amabilem reperiri in te. Ah! Non putabam! Erravi! Ignosce! Places per omnia, quia video nihil, quod possit displicere Uranio. *Amphibius*. Hæc vox me recreat. *Creon*. Agnosco fratrem! *Cosmus*. Placebo magis, si scies, quam nihil imperem huic formæ non congruum. Dicat Amphibius, in quas leges juraverit. *Amphibius*. Dicam. Tu vide, num hic decalogus tuo respondeat. Præceptum primum. Ego sum Cosmus Dominus tuus: Dominum alienum liceat colere coram me: modo ita colas, ut non contemnas me. *Cosmus*. Quid possum minus poscere? *Synefius*. Ex oculis vidi, modestum te esse. Nihil iniquum petis. *Amphibius*. Puto. Præceptum secundum. Non assumes nomen servi mei in vanum, sed ore, lingua, gestu ostendes te libenter servire. *Cosmus*. Tristes & melancholicos famulos ego odi. *Synefius*. Neque Uranius odit hilares. *Amphibius*. Sic est. Præceptum tertium. Memento, ut statas horas famulatui tuo sacrifices. *Cosmus*. Supererunt aliæ pro famulatu Uranii. *Synefius*. Spero. *Amphibius*. Bene. Præceptum quartum. Honora uxorem, & liberos tuos serva, ut sint longævi super terram, quam Dominus tuus dabit posteris tuis. *Synefius*. Æquum est. *Amphibius*. Sanctum. Præceptum quintum. Non occides te ipsum. *Synefius*. Natura hoc vetat. *Amphibius*. Omnino. Præceptum sextum. Non eris singularis. *Synefius*. Odiosum est. *Amphibius*. Ita. Præceptum septimum. Non rejicies munera. *Synefius*. Prodigus forem. *Amphibius*. Certe. Præceptum octavum. Non loqueris cum proximo tuo nimis aperte, & citra omnem restrictionem. *Synefius*. Prudentia jubet. *Amphibius*. Vide, cui fidas. Præceptum nonum & decimum. Non oderis uxorem proximi tui, non domum, non agrum, non servum, non ancillam, non bovem, non

non asinum, non universa, quæ illius sunt. *Synefius*. Cur ode-
rim, quod esse meum potest? *Cosmus*. Non hæ faciles leges sunt,
non justæ, non tales, quibus opponere Uranius nihil possit?
Synefius. Sunt. Nihil carpo: probo, quod egit pater, & in fra-
tris sententiam eo. *Diki*. Pudet contumacem fuisse: sed de-
ceptus sum: non putabam, Rex, tam æquum esse te, tam æquas
lèges. *Cosmus*. Condone errorem: & quia jam meus es, tuum
me facio. Venite, fruamur bonis, quæ Mammon, Idonius,
& Doxus me jubente pararunt: festa sit dies hodie. *Auphibius*.
Festa sit tibi, Princeps, festiva nobis. *Creon*. Io! Frater! Nunc
amo te! *Synefius*. Eamus! *Creon*. Te oro, Crisie, ut excubias
isthic agas, ne qua penetret in aulam Alithius, & Synesium in
curas priores agat. *Crisius*. Cura erit. Securus esto. *Creon*.
Imo in cura sum. Nam legatus hodie ab Uranio venit, quem
haud dubie Alithius duxit. Si consilia resciverint patris, ten-
tabunt aliquod facinus, & aut Cosmum, aut Uranium concita-
bunt adversum nos. *Crisius*. Relinque me mihi. Ne quidem
sub oculos venient tibi hodie. Ad fores eo.

SCENA TERTIA.

Crisius. Mammon. Creon.

Mammon. **P**ERGE intro Creon: expectant te omnes Charites.
Mihi cum Crisio verbum. *Creon*. Et mihi alte-
rum tecum. Has litteras paulo ante extorsi Synesio. *Mam-*
mon. Unde missæ? *Creon*. Ab Uranio. *Mammon*. Argumen-
tum nosti? *Creon*. Exprobrari consilium de mutando Domi-
no tabellarius dixit. *Mammon*. Servus Uranii? *Creon*. Servus,
Theander. *Mammon*. Hem! Theander advenit? *Creon*. Indu-
strie impedivi, ne Synesius legeret, aut traderet patri. Haste-

nus distractum aliis curis oblivio epistolæ cepit. Si memoria recurret, & ille repetat, quid suades, ut agam? Nam, ut est, facile turbas movet, vel inter gaudia. *Mammon.* Negotia succedant negotiis, curæ curis, gaudia gaudiis. Nunquam vacat, qui Cosmo servit. Nunquam, crede mihi, epistolii recordabitur Synesius, nisi admoneatur. Ego vero faxo, ut admoneri non possit: nam furdum faciam. *Creon.* Quæso, furdum? Quam ego hoc ei sæpe optavi malum! Mutum esse sæpe iussimus: recepit loquelam semper, cum audivit Alithium loqui. Jam si id agas, ut audire non possit, furdus pariter, & mutus erit, & nos ex integro vestri. *Mammon.* Hoc ago. Tu cede litteras mihi, ut, si forte repetat, dicere sine mendacio possis, te perdidisse. *Creon.* Indignabitur. *Mammon.* Ride, & averte sermonem. *Creon.* Cape. Eo ad gaudia. *Mammon.* Opportuna proposito hæc epistola venit. . . Omnino opportuna. Sed tuo mihi ad facinus ingenio est opus. *Crisius.* Promptum habeo. *Mammon.* Dimidium Amphibii nostrum est: totum cupimus, & ab Uranio penitus liberum. *Crisius.* Hoc vis, ut ego perficiam? *Mammon.* Hoc volo, & potes. Potes mentiri personam Alithii? *Crisius.* Hoc est, dicere veritatem? Non assuevi. *Mammon.* Facile est, si audes esse impudens. Nemini parce: famulis, aulicis, Regi convitia palam dic, ac sine palpo. *Crisius.* Ægre ferent. *Mammon.* Nihil metue. Fabulam Rex est doctus. *Crisius.* Quid tum sequetur? *Mammon.* Nempe exosum Alithii nomen, Alithium verum excludet aula, & omne cum Synesio abrumpet commercium. Tum, ne quis angat Amphibium, securisum. *Crisius.* Intelligo totum. *Mammon.* Quod soles, age: præmium te dignum feres.

SCENA QUARTA.

Crisius. Alithius.

Crisius. Spero. Jam mihi ante omnia vestis paranda est, quali Alithius utitur. Deinde vultus iste ridiculus conformandus in serium: frons nihil tecta sit: oculi fulgurent: voce utendum constante, ac forti: sermo nullus, nisi apertus, clarus, nihil ambiguus, sine æquivocis. At hem! Num lupus in fabula est? Tene video, Alithie! O quam inimica tibi ad limina properas! *Alithius.* Sine me. Quid ad te, quod ego ago. *Crisius.* Næ tu mihi semper tetricus es. *Alithius.* Quid me retines? Dic: intus Synesius est? *Crisius.* Est, sed prò! quam alius a se! Aut, ut clarius loquar, alienus a te. *Alithius.* Scio. Omnia narravit Theander. Sed propero retrahere ab exitio juvenem, in quod se & parentem precipitat. Fortis est veritas prolata in tempore. *Crisius.* Serus ades. Surdum illum Mammon suis præstigiis fecit. *Alithius.* Surdum! Clamabo, dum audiat. Fabulam pro more loqueris, ut ab accessu absterreas. *Crisius.* Experire. Sed potin' tu bonum consilium ab amico accipere? *Alithius.* Garri, amice, garri. *Crisius.* Garri, garri! Audi prius, tum corripe. Hoc scire te velim, ne impingas in limine. Cosmus vigiles ad singula cubilia statuit, qui observent, ne intret Alithius. Nisi alieno habitu lateas, non reperies aditum. *Alithius.* Non recuso. Sæpe feliciter latui. Sed jam visus tibi, scilicet proditori sum visus: quid proderit vestem mutare? *Crisius.* Dure me habes, & possem in hoc loco par pari referre. Sed quia Uranium vereor, cui te scio amicum, vincam in bono malum. Non prodam te: quin juvabo consilia. Nam, ut

in-

intelligas, qui sim hodie, fatebor tibi, non placet Amphibi-
us, nec ultra servio. Poenitet serviisse. Fraudibus & fallaciis
illectum ad Cosmum adduxi. Sperabam, servitutum utrique
Domino. Nunc ille, nisi cæcus sum, jam se penitus tradi-
dit Cosmo: forte vix adhuc Uranium cogitat. *Alitbius*. Num
ego a Crisio hodie audio veritatem? *Crisius*. Recte exclamas.
Sed spei meæ interitus meretur hoc punctum. *Alitbius*. Quo-
ties multo ante exclamavi: nemo potest duobus Dominis ser-
vire! Irrisus sum. *Crisius*. Non putabam, hoc opus tam ar-
duum esse. *Alitbius*. Si tamen sincere agis, dic, sub quibus
vestibus latebo securius? *Crisius*. Puto, pharmacopolam cir-
cumforaneum si induas, facturum optime. Hi audiuntur,
& erit ex medicinis occasio loquendi de morbis: quin &
ement aliquas merces, si vili vendas. *Alitbius*. Donabo
etiam, si gratæ sint. Sed ajn', tu sincerus es mihi? *Cri-
sius*. Quam sincere sum Crisius. *Alitbius*. Ergo de veste pro-
spice. *Crisius*. Mecum ambula. Dabo. *Alitbius*. Unum re-
pete: vere obsurdit Synesius ex Mammonis præstigiis? *Cri-
sius*. Certe furdaster est. Adducetur tibi, ut sanes: ita se of-
feret omnis occasio, quam optas. Sed tu clama, si velis
intelligi. *Alitbius*. clamabo, ut ambæ aures tinniant. *Cri-
sius*. Superabo Mammonis spem.

Scena muta intermedia.

Exhibet militem sub duobus Ducibus militantem. Utrique
fit infidelis, fugitivus primum ex castris Babylonicis,
deinde ex castris Solimæis.

ACTUS

A C T U S III.

S C E N A P R I M A.

Personæ. Crisius. Mammon. Creon. Alithius. Idonius.

Crisius. PARavi omnia. Impinget Alithius : in tempore adero.

Mammon. Non vidisti Synesium interea ? *Crisius.* Accessi, & tristem de surditate consolatus sum spe medelæ ab hoc circumforaneo ferendæ. Jocos dabit uterque, nam admonui etiam, ut homini collocuturus strenue clamet, quod & ipse surdaster sit. *Mammon.* Intellexit loquentem te ? *Crisius.* Scripsi omnia, ut legeret. *Mammon.* Salvete amici ! . Tu introduc hominem. *Creon.* Novas, audio ; delicias facies. *Mammon.* Opportune, nisi fallor, risui iste agyrta se offeret. *Idonius.* Hic ordo diurnus est noster, mi Creon, ut hora horam, ita jocus jocum excipit. *Crisius.* Adest hospes prodigiosus -- Rem strenue age. *Mammon.* Vocetur Rex. *Crisius.* Curro. *Mammon.* Age, hospes, quid affers pharmaci ? Expone merces. *Alithius.* Morbos exponite ; dabo pharmaca : ad obsequia venio. *Idonius.* In magna familia, qualis nostra est, necesse est sæpe morbos esse : dic, quibus mederi queas. *Alithius.* Omnibus, si modo ægri animus bene dispositus sit ad sumendas medicinas, aut admittenda malagmata. *Creon.* Quam igitur dispositionem tu oxigis ? *Alithius.* Trias exigo. Primo, ut agnoscat æger, indigere se pharmaco : secundo, ut credat sanari se posse : tertio, ut dicat sanari se velle. *Mammon.* Equa exigis, & facilia : & sequitur tum certa sanitas ? *Alithius.* Certissima. *Idonius.* Si hæc ita sunt, certe paucissimos posthac ægros habebimus : & possumus, Mammon, xenodochiis ca-

Theat. Polit. R. P. Neumayr.

G g g

tere,

rere. *Alibius*. Possetis, si plerique ægri eo, quo dixi, animo essent. Sed quotusquisque est, qui fateatur, ægrum se esse? Quotus, qui ab alio æger dici sustineat patiens? Agite, si ego dicam, quod tu morbo gallico labores, & tu lepra, & tu hydropisi, creditis mihi? *Creon*. Nisi tu dicendo, ægrum me facis, certe sanus sum. *Idonius*. Ego mundus. *Mammon*. Ego totus vegetus. *Alibius*. Atqui tanto pejus malignus est morbus, quanto minus agnoscitur. Dixi, tam multi sunt ægri, quia tam pauci se ægros existimant. *Mammon*. Ridiculus es. Sed nempe nisi ægros multos habeas, lucrum non facis: & inter eos medicos es, quibus non est bene, nisi multis sit male. *Alibius*. Imo si datis ægrum, qui se talem fatetur, sanabo gratis, modo credat saltem sanari se posse, & dicat velle. *Idonius*. Tuum est facere, ut credat. *Alibius*. Non certe. Spes enim excitat desiderium sanitatis, & ægrum subigit imperio medici. Qui non fedit, non obedit: & nemo sanari cupit, qui desperavit. *Mammon*. Ego saltem neminem huc usque vidi ægrum, qui non & speret, & velit sanari, siquidem ægrum se esse sentit. *Alibius*. Sperant, volunt sanari, sed phærmacis, quæ sibi placent, non quæ medicus probat. Porrigo potionem amarâ; nauseant, revomunt. Emplastrum urens adhibeo: ejulant, revellunt. Igne & ferro utor, quod sæpe necesse est: furunt, maledicunt, insaniunt. *Mammon*. Sed Rex ingreditur. Recede Rex, ne se pestis inficiat: nam omnes ægri sumus.

SCENA SECUNDA.

Cosmus. Amphibius. Synesius. Ceteri. Doxus.

Cosmus. TAM subito ægri omnes? *Creon*. Si huic agyrtæ credimus. *Cosmus*. Agros dicis? *Alibius*. Et graviter. *Creon*. Me morbo gallico teneri. *Idonius*. Me lepra. *Mammon*. Me hydropisi dixit. Omnes tres. Nos nihil sentimus. *Cos-*

Cosmus. Sæpe occulti infestant nos morbi. Ego te æstimo, hospes : quid tibi videtur : sanus sum ? *Arteriam* tenta. *Alitbius.* Molestum est, quod dicam : dico tamen : putredo viscerum te exedit : brevi corrues. *Omnes.* Heu ! Rex ! *Cosmus.* Firmi stant adhuc pedes. Nihil metuo. *Alitbius.* Dixi, nemo credit ; memo credit, nemo credit se esse ægrum. *Amphibius.* Age divine Medice, quid dicis de me ? *Alitbius.* Pro Superi ! Quisquis es, dispone domui tuæ ! Quia morieris tu, & non vives. *Omnes.* Ha ha ha ! *Amphibius.* Nunc demum dixisti verum : homo sum : nihil humani a me alienum puto : moriar utique : puto, puto. *Alitbius.* Atqui hodie morieris : hoc tu non putas. *Omnes.* Ha ha, ha ! *Amphibius.* Hodie saltem inducias dabis usque mane, inducias usque mane ! *Alitbius.* Non habebis. Hodie, inquam, morieris. *Omnes.* Ha, ha, ha ! *Amphibius.* Audacter. Quis igitur me morbus occidet ? *Alitbius.* Vertigo capitis te aget in præcipitium. *Omnes.* Ha, ha, ha ! *Cosmus.* Medice, cura te ipsum. Certe vertigo tibi cerebrum turbat. *Alitbius.* Dixi ! nemo credit, nemo credit, se ægrum esse. Sed cum erit propinqua mors, optabitis hæc pharmaca usurpasse, & clamabitis cum sero suspirio : non putabam ! Non putabam ! Illud, inquam, solenne proverbium fatuorum : non putabam ! *Mammion.* Crude, memento, te Regi loqui. *Alitbius.* Aduletur Medicus, qui cupit occidere, ego sanare volo. *Cosmus.* Sinite. Sed hem ! Superest unus, cui minatus es nihil. Num sanus est hic ? *Alitbius.* Momento esset, si vellet. Surdastrum affirmo. An non est ita ! *Amphibius.* Peritiam probas. *Alitbius.* Clamare altius ad aures homini hoc loco licet ? *Cosmus.* Clama. *Alitbius.* Vis sanus fieri ? *Synefius.* Quid dicis ? *Alitbius.* Sanus num velis fieri, sanus, inquam ! *Synefius.* Non sum insanus : surdus, surdus sum, sicut tu. *Alitbius.* Ego te volo sanare, si vis : sanare volo. *Synefius.* Surdus surdum ! Cur te ipsum non sanas ? Te ? Ego non credo, quod me possis sanare tu, tu, *Alitbius.* Dic

tantum: volo sanari! sic cessabunt præstigiæ, & dissolvetur pactum cum diabolo! Dissolvetur pactum! *Synefius*. Apage! Ego non habeo pactum cum diabolo. *Alithius*. Quid clamas? Ego non sum surdus. *Synefius*. Ita: ego sum surdus. *Alithius*. Sed ego non. *Synefius*. Tu non! *Alithius*. Non, inquam. *Synefius*. Dixerunt te esse surdum. *Alithius*. Heu! Video me ludi. Num proditus sum? *Synefius*. Reddes auditum? *Doxus*. Rex! Alithius ab Uranio missus adest: alloquium petit. *Alithius*. Quid audio! *Cosmus*. Alithius adest? Meus hostis? Proceres, quid agam? *Amphibius*. Admitte, obsecro, in Uranii gratiam. *Idonius*. Audiatur, quid ferat. *Cosmus*. Intrare jube. *Alithius*. Alithius adest! Dixi: proditus sum! Quis Alithius adest? Ego Alithius sum. *Omnes*. Ha, ha, ha! *Creon*. Delirat homo. *Synefius*. Auditum redde! *Alithius*. Hem! Scelus!

SCENA TERTIA.

Personatus Crisius. Cæteri.

Synefius. TE video Alithie? O salve! ut se habet Uranius erga nos? *Crisius*. Salve Rex! Salvete proceres! *Cosmus*. Quid? Proscriptus aula, Alithius exul meis se oculis objicit? *Crisius*. Qui nos disjunctis animis, idem conjungat Uranus. Amicus est, & factum Amphibii probat. *Amphibius*. Felix es nuntius! Manum osculor. *Cosmus*. Amicum amo: erit pax! *Omnes*. Erit pax. *Alithius*. Non sic Alithius loquitur. Quid? Aut fallitis, aut falli cupitis, miseri: Crisius iste est: ego Alithius sum. *Crisius*. Quis est hic homo? *Alithius*. Hem! Veterator! Non tu primulum has vestes mihi! Non ego in tuo cubili hunc habitum indui? *Crisius*. Nihil intelligo. *Alithius*. Mirum! Hac mihi sistite Crisium, si non hic ipse est! *Doxus*. Certe a me missus est ad Theandrum Crisius cum responso ad episto-

stolam Uranii, quam tibi paulo ante Mammon, Rex, tradidit. Falli te vides, o bone, si istum pro Crisio habes. Et quid bonum voco, Rex! aut impostor est homo, qui se Alithium vocat, aut furit. *Cosmus.* Nescis, Doxe, quam sapiens sit. Etiam in sanis morbos reperit. Age, dic, num æger est Doxus hic? *Alithius.* Atque ad mortem quidem. Gangræna interior depascit te, miser, & lenta morte consumeris. *Doxus.* Te stultitia devorat. *Cosmus.* Alithius saltem sanus est? *Alithius.* Est: non vero hic Crisius: phtisi proxime periturus, animam tussies. *Omnes.* Ha, ha, ha! *Crisius.* Graviores habeo, quæ agam tecum. Dimitte hominem, ut quies sit. *Synesius.* Redde auditum tandem! *Cosmus.* Abscede insulse! Et alibi tuas has nugas vende. *Alithius.* Non abscedo, dum sciatis, quod Alithius sum. Audi perfide! Audi Amphibie! *Cosmus.* Ejicite insanum hominem! *Alithius.* Audi, inquam! *Synesius.* Hem falsa spes! *Doxus.* Discede Sycophanta: patent portæ! Abi!

S C E N A Q U A R T A.

Alithius. Theander.

Alithius. Audi, inquam: nemo potest duobus Dominis servire, nemo, nemo! Frustra clamo. Sic jam olim Præses mihi Romanus fecit. Interrogavit: quid est veritas? Et cum hoc dixisset, exivit. Me ipsum accuso: quare credidi fallaci Crisio? Quare sub aliena veste comparui? Scilicet mollius volebam agere, & insinuare me animis vix sentientibus. Inutilis politia! Ignoro, quid agam? Lateo, non agnoscor: non lateo, non admittor. O te mihi, Theander, redi, redi ad Uranium: efficimus nihil. Medicum indui: ægroti furunt: actum est. Migremus hinc! Migremus hinc! *Theander.* Non migrabo, donec responsum ab Amphibie habeam ad

litteras, quas ab Uranio ad Synesium tuli. *Alithius*. Quid? Synesius surdus est, Alithius eiectus, consulitur Crisius, Cosmus adoratur: non est hoc responsum satis? *Theander*. Nondum tamen pro alterutra parte aut contra declaravit se homo. *Alithius*. Id nec unquam faciet. Neutrarum videri vult, aut ambarum potius. *Theander*. Neutrarum non licet, ambarum non potest esse. Necessè est, ut decernat. In Epistola scriptum est enim: Uranium Dominum adorabis, & illi soli servies, illi soli. Si legit Amphibius, & tamen speravit, servire se Uranio posse, & Cosmo simul, jam reus est majestatis. Si non legit, eique a Synesio, cui dederam, non est reddita: ex me audiet: dabitque verbis pondus epistola annulo signata Uranii. *Alithius*. Atqui ne admitteris ad alloquium quidem. Totus Amphibius, mihi crede, totus Cosmi est, nec jam ex parte. Cosmum diligit, Uranium odio habet: Cosmum sustinet, Uranium contemnit. *Theander*. Reduci ad Uranium potest. *Alithius*. Postquam obsurdit Synesius, etiam Amphibius nullum audit salubre consilium. *Theander*. Oculis utatur Synesius, & videat malum, quod imminet patri, si audire non potest. *Alithius*. Quis exhibebit? *Theander*. Omnes tentabo vias, ut reperiam aditum.

SCENA QUINTA.

Accedit Crisius.

Crisius. **H**Em! Commode hic moram facis. Scrupulus atque gebat ingens, quomodo hujus togæ restitutione tibi facerem, si jam abesses: recipe, quod tuum est. Gratias tibi ago, o bona toga, pro honoribus, quibus propterea cultus sum. *Alithius*. Species veritatis nempe, plus, quam veritas placet. Sed erit, erit hora, cum vindicabor. *Crisius*.
Igne



ACTUS IV.

SCENA PRIMA.

Synefius. Theander. Alitbius.

Theander. **P**ROdit miser! *Alitbius.* Spectemus, quo demum abeat, ut reperiatur quietem, quæ nusquam est. *Synefius.* Me miserum! Ex quo huc intravi, omne momentum acerbum est. Oh! *Theander.* Rursum impegit. *Alitbius.* Quin porrigimus manum. *Theander.* Nondum Alithie! Indigere se ope cum intelliget denique, cum exclamabit, tum juvabimus. *Synefius.* Oh! Oh! Qua exhibeo demum, qua, ex his infauftis ædibus? Hic est porta. Oh! Oh! Oh! *Alitbius.* Neminem subit! opem rogare. *Theander.* Subibit. *Synefius.* Nunc reperi. Hac exhibeo. Cito, cito. Heu! heu! heu! Opem aliquis, opem misero! *Theander.* Jacet. Jaceat! Nos ad Amphibium irrumpimus: videat filium, & moveatur aspectu. *Synefius.* Heu! heu! *Alitbius.* Gravior lapsus est, & quem deliquium excipit. Totus friget. *Theander.* Tanto est occasio felicior. Eamus.

SCENA SECUNDA.

Cosmus. Amphibius. Creon. Crisius. Theander. Alitbius.

Crisius. **E**N ipsi adsunt. *Cosmus.* Theander hic, ab Uranio Legatus? *Theander.* Is ego sum. *Cosmus.* Responsum expectas ad allatam epistolam? *Theander.* Sic est. *Cosmus.* Dabitur. Amphibie, hæ litteræ ad te sunt datæ: no-
sti

sti annulum? *Amphibius*. Est Uranii. *Cosmus*. Nos aperuimus, quia suspicio fuit, agi hostilia. Nec sumus falsi. Lege: nam respondere juberis. *Amphibius*. Trepidum hac præfatione fecisti: quin & conspiciamur perdidisti, quibus soleo uti. *Theander*. Ne labora. Ego tibi voce fati intelligibili prælegam.

Cosmus. Lege. *Theander*. Uranius Amphibio salutem, & sanam mentem. *Cosmus*. Ut placet exordium? *Amphibius*. Non admodum. *Theander*. Usque quo claudicas in duas partes? Si ego sum Dominus, sequere me: si autem Cosmus: sequere illum. Non potes utri-

que servire. *Amphibius*. Quid hoc? Alithie, non tu paulo ante nuntiabas contrarium? *Alithius*. Illude tibi, miser, illude tibi, & sponte cœcutiens Crisum pro Alithio habere! Medicum tuum nōsti, qui tibi paulo ante arteriam? *Cosmus*. Tace tu. Audiamus porro. *Theander*. Aut enim me diliges, & Cosmum odio habebis: aut illum sustinebis, & me contemnes: non potes utrique servire. Unus es: uni est serviendum: elige, cui malis.

Cosmus. Vides invidiam? *Theander*. Si tamen sapias, eligis digniorem tui, & tibi utiliorem. Ego Dominus: Cosmus ipse est servus meus, qui mihi perduellionis poenas sat graves dabit. *Amphibius*. Hæc patiens audis? *Cosmus*. Audi plura. *Theander*. Quæ tibi mercèdis loco Cosmus largitur, vanitas vanitatum sunt, & omnia vanitas, crepundia, nugæ.

Creon. Hem! Pater! Mendacium audax! *Theander*. Quæ ego promitto, vera sunt bona, sola, grandia. *Crisius*. Crede! Crede! *Cosmus*. Egores do, ipse verba. Quid

malle debeas, vide. Tu perge. *Theander*. Quanquam si merces tibi etiam a me nulla speranda foret, debes servire. Ego te emi: mancipium es. *Cosmus*. Intelligis? *Theander*. Si fidele, libertum te faciam, imo adoptabo in filium. *Crisius*. Verba! Iterum verba. *Theander*. Secus: jam hoc scito: qua hora non putabis, adero, & condemnatum tradam tortoribus, qui te ejicient in tenebras exteriores, ubi erit fletus, & stridor dentium. *Crisius*. Verba, iterum verba! *Cosmus*. Quid palles miser? *Theander*. Datæ Uranopoli hodie sub meridiem. Totus tuus Uranius, si tu totus velis esse meus. *Creon*. Blanditur iterum. *Cosmus*. Non ego jam blandior. Hic stans delibera, quid agas. Insolens viri fastus facit, ut jam nec ego parte solum tui contentus sim: aut totus meus, aut totus Uranii eris. Mihi tuo famulatu opus non est: mille pro uno serviunt viri prudentes, docti, nobiles: tu vide, num non indigeas me. *Crisius* responsum ferat. *Creon*. Pater! Avarus Uranius est. Si ipsi soli servimus, quid manducabimus, aut quo operiemur? Mihi deliberatum est: Cosmo adhæreo. *Alibius*. Nolite solliciti in crastinum esse. *Theander*. Scit Uranius, quia his omnibus indigetis. Quærite primum ipsi servire: placere satagite: & hæc omnia adjicientur vobis. *Crisius*. Hæc omnia! Quæ omnia! Vix ea, quæ necessitas exigit. Ipse loquere: quot sunt, quos felices vocare possis, eorum, qui toti Uranio soli serviunt? Quid? Non circumeunt in melotis, in pellibus caprinis, egentes, angustiiati, afflicti? *Amphibius*. Certe hoc sæpe vidi. *Theander*. Habentes alimenta, & quibus tegantur, contenti sunt, & plus, quam qui Cosmo omnibus rebus affluentes serviunt, jucundi sunt. *Amphibius*. Hoc rari vidi.

vidi. Certe hodie lætus fui. *Theander*. Et quamdiu eris? *Crisius*. Quamdiu Cosmo servies. *Theander*. Age ergo, quid tandem ad has respondes? *Crisius*. Age, quod agunt plures: tantis non es sapientior. *Amphibius*. Audi igitur: libens servirem Uranio: sed quoniam ita durus est, ut Cosmo servire prohibeat simul, ad Cosmum vertor. *Theander*. Igitur non servies Uranio? *Amphibius*. Non serviam. Responsum habes. *Crisius*. Dignum hercle, quod Cosmus præmiet.

S C E N A T E R T I A.

Theander, Alithius, Synefius.

Alithius. **V**Indicet Uranius protervum facinus! *Synefius*. Ah! ah! *Theander*. Vindicabit. Sed insanire hominem vides poculis Idonii ebrum: in gratiam ut recipiatur, ego agerem, si poenitere insaniae posset. *Alithius*. In gratiam? Ex quo merito? *Theander*. Miseret me. Imminet grande malum. *Alithius*. Poena debita grandi sceleri. *Synefius*. Ah! ah! *Theander*. Sed gementem Synefium audis? Accedo. *Synefius*. O si quis opem misero. *Theander*. Synefi, opem fero. Surge, & ambula! *Synefius*. O quisquis beneficam manum porrigis, gratias æternas habe. Ah! Ut te audiam! Ut te videam amice optime! *Theander*. Videbis, audies.... Ephphetha! Num jam loquentem audis? *Synefius*. Superi! Quid hoc? Audio! Audio! *Alithius*. Theander, quem te æstimem! *Synefius*. O qui auditum reddidisti, nunquid & visum dabis? *Theander*. Respice! Fides tua te salvum fecit. *Alithius*. Prodigia video. *Synefius*. O quis te talem huc mihi attulit? Quem video? O Theander! Quid debeo? Vestigia osculor tam grandis medici. *Theander*. Surge. Præstigias verbo pellerè, non est res magna. Scientiam habeo. Tu, si quid beneficio merui, beneficio utere ad votum meum.

H h h 2

Syne-

Synefius. Impera ! Ingratus sim , nisi ad nutus obediam tibi.
Theander. Vos seruum creditis ? Filius Uranii sum. *Alithius.*
 Filius ais ? *Synefius.* Filius herilis tu ? *Theander.* Sum. *Alithius.*
Synefius. In filio veremur patrem ! *Synefius.* Eccur servi habitu
 prodis ? *Theander.* Jussit pater. Sic diligit Amphibium. Vide
 autem , quid ille patri ! *Synefius.* Superi ! Litteræ sunt , quas a
 te habui. Creon , Creon hoc scelus persuasit patri ! Ah ! Cur
 Creonti dedi ! *Theander.* Deceptus es. Sed hæc minima inju-
 ria fuit : graviores es passus. Jam hoc te volo , ut torqueas pa-
 trem , qui torfit te , & a Cosmi servis torqueri est passus. In
 patris id bonum facies. Nam Uranius in via est : ei obviam eo :
 confestim , ut retulero responsum crudum , accipiet armaturam
 zelus illius , servorum agmine cingemus domum , & poenas
 expetemus injuriæ. Tu si patrem eo adegeris , ut ipse culpa
 agnita , poenas de se exposcat prior , ages , quod fieri cupio , &
 ego sic placatus , placabo patrem , ne puniat gravius. *Syne-*
fius. Quam clemens es ! Agam , quod jubes Domine , cum cu-
 ra agam. *Theander.* Tu Alithie , ad fores stabis , & cum vide-
 ris adventantes , terrore implebis domum , ne primus patris fu-
 ror incautos opprimat. *Alithius.* O bonum Dominum : *Thean-*
der. Unum insuper : tu latebras quære , & expecta occasionem ,
 qua de turba seducas patrem , ut sentiat se torqueri. *Synefius.*
 Notavi omnia. Favere perge. *Alithius.* In deliciis occupabis pa-
 trem. Ego in stationem eo. *Synefius.* Tenebo meam.

SCENA QUARTA.

Cosmus. Amphibius. Creon. Idonius. Doxus. Mammon. Crisius.
Alithius. Synefius.

Mammon. **A**bscedis tandem canis , latratu rabido dudum in-
 festus aulæ ! *Alithius.* Abscedo , rediturus fero-
 cior paulo post. *Mammon.* Baculus custodiet fores. Rex ! In
 con-

conspēctum omnia protulimus. Contentum Amphibium dābimus, ne factæ electionis poeniteat. Adsit. *Cosmus*. Adest. Ingredere. Totum te mihi das : totum me dabo tibi. Circumspice : dice, quid desit votis. *Amphibius*. Vel avarus, hic dicet : satis est. *Creon*. Felix electio ! *Idonius*. Huc ades *Creon* ! Tunc lectum vidisti molliorem isto ? In flosculis dormies ipse flosculus, & læta semper somnia somniabis in multam lucem. *Creon*. tenere habeor. *Uranie* ! Felix nox ! *Mammon*. Quid placet ludorum ? Grande lucrum facies labore nullo. *Amphibius*. In gaudiis nato. *Doxus*. Inde Regis te mensa excipiet. *Amphibius*. Haud equidem tanto me dignor honore, Rex. *Cosmus*. Scio, quid meis amicis debeam. *Doxus*. Crise, fervorum jam turbam evoca ; erunt ad nutum tibi : cogita, quid velis imperare : obedient : specimen dabo. *Cosmus*. Atque hæc erit grata semper vicissitudo : hic ordo nocturnus pariter, & diurnus : a lecto ibis ad mensam, a mensa ad ludos, a ludis ad lectum. *Amphibius*. Et quando ad labores ? *Cosmus*. Dabo, quos ad laborandum substitutes tibi : tu curas omitte : potes, quod exigo, si imperare potes : nam quod facis per alios, censebo fieri per te. *Amphibius*. Nihil optatius. O quam es Domine, Uranio melior ! Sed num libenter labores meos alieni suscipient ? *Mammon*. Id ego efficiam. Pecuniæ obediunt omnia. Ostendo nummum, & dico huic : vade, & vadit : alteri, veni, & venit : tertio fac hoc, & facit. *Cosmus*. At ecce intrant. *Mammon*, exemplum imperii præbe. *Mammon*. Faciam. *Crisius*. Adduxi, quos jussus sum. Expectant imperia. *Mammon*. Huc respice venator ! * Vade, & aprum illum grandem, illum terribilem, qui sylvam infestat, sterne : tum dabo. *Mercator* respice ! . Vade ad mare, in Indias naviga, & sericum pannum advehe : tum dabo. Respice miles ! . Vade in castra : eluctare in muros arcis hostilis, & meum ibi vexillum defige ! Tum dabo. *Amphibius*. Res difficiles imperas. *Mam-*

* Ostentat marsupium.

mon. Prompti num ideo minus sunt? *Amphibius.* Voluptas est intueri celeritatem. Nemo vel verbo renuit, vel nictu etiam. *Mammon.* Veni Scriba: num absolvisti acta, quæ dedi? alia, quæ in mensula prope fornacem reperiens, describe jam. Abi. Veni Architec-te! perfectum est ædificium in suburbano? placet. Nunc destrua-m horrea mea, & majora faciam. *Ideam forma.* Abi. Veni rustice! Estne via Flaminea resecta jam, & purgata? Purgetur jam Collatina etiam, & reficiatur. Abi. Sartor tu mihi vestes fac ad proxima bacchanalia! Sutor, tu mihi ocreas fac! Tu mihi currû fac, Carpentarie! Hortulane, coque, pistor, caupo, vos mihi convivium facite! Choraulæ, vos musicam facite! *Amphibius.* Jucundû est hoc spectaculum! Neminem ego vidi, ita pro-ppte, ita celeriter obedire Uranio. *Cosmus.* Vides, felicem esse me te spera fore. *Amphibius.* Jam sum. *Cosmus.* Sed hora coenæ est: discumbe mecum. *Alibius.* At nunc saltem amicum audies, Amphibie, cum ultimum discrimen urget. Fuge, obsecro, Uranius adest, poenas expetens a rebelli. Fuge! *Cosmus.* Quis hunc iterum histrionem admisit? Ejice! *Alibius.* Ejice! Sed jam domus cincta est armatis. *Crisius.* Non tu filebis denique? *Doxus.* Importunus & audax blatero, quibus non mendaciis turbas ciet. *Cosmus.* Territus videris mihi? *Amphibius.* Aliquantum. *Mammon.* Sycophantam nôsti. *Amphibius.* Si tamen dixisset verum? *Doxus.* Arma scilicet armis opponemus: panicus timor est. *Cosmus.* Quid affers Crisie! * . . . *Amphibius.* Deferor! Crisie! . Crisie! . Doxe, Idonie, Mammon! . Creon! Creon! *Creon.* Quis me? . Oh! Oh! Manus in spinam indui. Dolosa mollities! *Amphibius.* Fili Decepti, deserti sumus! Fuge, fuge! Uranius ultor adest *Creon.* Uranius, pater? *Amphibius.* Fuge! *Synefius.* Insequo

* Diffugiunt, qua quisque potest.

SCE-

SCENA QUINTA.


Uranius. Nemefius. Mansuetus. Theander. Alithius.

Uranius. FUGIUNT. I, Nemefi! Scrutari latebras militem jube. Protrahantur ad poenam rei. *Nemefius.* Imò quid ambagibus utimur? Subjicere ignem scelestis ædibus jube: comburantur! *Mansuetus.* Præceps severitas non est gloriosa. Audiri debent, ut supplicium decernatur conveniens culpæ, quæ non erit in quolibet æqualiter gravis. *Theander.* Præplacet Mansueti sententia. Exequere jussa Patris. *Uranius.* Ad Filii nutum age. Læsus es Theander mecum, imo, nisi quod injuria Filii communis sit Patri, læsus es, quam ego, atrocius. Ultionis modum relinquo tibi. Nihil præscribo: exere vim omnem iræ, & quantam meus, quantam postulat tuus honor, vindictam para. *Theander.* Accepto officium lætus: judex ero, cui una erit hæc juris regula, tuus, Pater, & meus honor. *Alithie,* tuum hoc munus esto, ut Cosmo larvam detrahas, atque, qualis est, in servi habitu judicio sistas. *Uranius.* Regis titulum & coronam affectare est ausum mancipium, quod pedibus prote-ram? Quæ impudentia? *Alithius.* Quam Crisius animavit, Domine, Crisius ajo, qui utinam mihi excrucandus detur, postquam excuciavit me modis indignis adeo. *Theander.* Actio dabitur: adduc reum. Idonius etiam, & Mammon, & Dexus adsint. *Uranius.* Sed habitu, qui reos decet. Servi mei sunt, servi compareant, ut intelligat Amphibius, quibus servitutem stultus addixerit. *Mansuetus.* Stultus utique sed num vel ideo non est commiseratione aliqua dignus? *Uranius.* cruda nimis stultitia est, quæ eligitur, & amatur. Fiat justitia! *Theander.* Fiat!

Scena muta intermedia.

In qua exhibetur Miles sub duobus Ducibus, ab uno desertus, ab altero suspensus.

ACTUS



ACTUS V.

SCENA PRIMA.

Synefius. Amphibius. Creon.

Synefius. **V**ides, quid feceris, infelix Pater! *Amphibius.* Ah! Video. *Synefius.* Grande malum est! *Amphibius.* Video. *Synefius.* Juraveras servitutem Uranio, & dixisti audacter: non serviam! *Amphibius.* Peccavi! *Synefius.* Huc te tua stultitia egit, quod putares, fieri posse, ut duobus Dominis servias. *Amphibius.* Ah! Putabam utique! *Synefius.* Quid tibi jam prodest chirographum Cosmi? En summa summarum! Perdidimus omnia. *Amphibius.* Ah! Ah! *Synefius.* Sed nunquid non dixi tibi: & non audisti me? *Amphibius.* Ah! Scio! *Synefius.* Tu vero primum mutum me esse jussisti, ne ultra obloquerer: deinde surdum fieri permisisti, ne audirem Alithium: postremo cæcum, ut jam nihil possem arguere. Hoc cine est humanum factum? *Amphibius.* Utinam tu adhuc mutus, surdus, & cæcus esses! Malo meo sanum Theander fecit, ut pejus crucier. Quo me abscondam? *Synefius.* Poenam times, culpa non angit. O gemitus inanes! *Amphibius.* Poenam timeo, & culpa angit. Sed non est spes veniæ: non locus effugii. *Synefius.* Est spes, mi Pater, est spes veniæ, si agnoscis te peccasse. *Amphibius.* Agnosco. *Synefius.* si doles. *Amphibius.* Doleo. *Synefius.* Si vindicas, si punit ipse. Bonum Dominum habemus: non punit bis. *Amphibius.* Quid faciam? *Synefius.* Paravi tormenta. *Amphibius.* Tortor? *Synefius.* Minister justitiæ. Et ecce Creon! *Creon.* O Pater! Quo me abscondam? *Synefius.* O Pater! hic te decepit blanditiis, & concupiscentiis suis, hic Creon! huic irascere! luat.

Cruci-

Crucifigatur ! * *Creon*. Quo me rapis, ferox, crudelis ! Pater ! Ah ! Pater ! *Synefius*. Adhibe manum pater crucifige ! Sic placas Uranium. *Amphibius*. Placabo. Probo sententiam ! Crucifigatur ! *Creon*. Heu ! Num furis pater ? *Amphibius*. Ante furebam, cum te nimis amavi. *Creon*. Crudelis frater ! *Synefius*. Ut patri consulam, fratrem crucio. Patere ! Patere ! *Creon*. Heu ! In quæ reservor ! *Synefius*. Tibi, pater, hic carcer adstat. Ingredere. *Amphibius*. In caveam stultorum includis ? *Synefius*. Fateri non pudeat, quod non puduit esse. Stulto labore consumptus es, duobus servire cupiens. Stultitiæ debetur carcer. *Creon*. Hæc a filio pater patitur ? *Amphibius*. Patior. Include me. Hem ! Discipulus præteriti temporis, præsentis Dominus, Magister futuri ! Abconde radios sol, ne quis hoc dedecus videat ! *Synefius*. Imo videat te Coelum, ut misere scat : videat terra, ut sapiat. *Creon*. Superi ! Inferi ! Sic relinques ?

SCENA SECUNDA.

Synefius. Alitbius. Crisius.

Alitbius. I pestis ! In ultimam Thulen abi ! *Crisius*. Saltem convasare me fines ? *Synefius*. Moras ex moris facit : nihil audi, Alitbie ! Abi pestis ! Abi ! *Crisius*. Abi pestis ! Cur pestis ? *Alitbius*. Os opprime, & terga verte. *Crisius*. Si saltem non sic ejicerer turpiter ! Ossa tibi omnia frango, si semel adhuc nervo tetigeris. *Alitbius*. Minari tu ? Serve nequam, nequior, nequissime ! Minari tu ? Tu conqueri de nervo bubalo, cruces, rotas, rogum promeritus ? Servile supplicium servo infligitur : furum, prædonum, latronum debebas nobis. *Crisius*. Ibo, ibo ! Sed convasare tamen ! *Synefius*. Quid tecum aufe-

* *Creon* in crucem agitur, *Amphibius* in caveam.

Trag. Polt. R. P. Neumoyr.

Iii

auferes? *Alitbius*. Quid est tuum, nisi fraudes, doli, mendacia, fallaciæ! aufer ista: quid convasare est opus? Omnia tecum portas. Abi! Ego decretum exilii tui ad valvas Regiæ figo. Aqua & igni interdictum tibi, noverint omnes: quodsi quis te sciens volens cibo, vel potu, vel lecto aut tecto juverit, indignationem Uranii se noverit incursum, a quo mala omnia ædibus, in quas diverteris, immittentur. *Crisius*. Quid faciam? Cogitis me fame perire? *Synesius*. *Alitbius*. Utinam pereas! *Crisius*. Non peribo. Scio, quid faciam. Accipiam septem alios viros, nequiores me, & revertar in domum meam: & erunt posteriora pejora prioribus. *Alitbius*. Faxo, ut nec accessus tibi pateat, nec reditus sit absque noxa.

SCENA TERTIA.

Uranus, Theander, Nemefius, Mansuetus, Alitbius, Synesius.

Nemefius. **N**ondum, . Sed en! Synesium video. Te requi-
ro: patrem etiam & fratrem tecum. *Synesius*.
Scio, quid velis: ad iudicium citas: non aderunt. *Nemefius*.
Non aderunt? Effugere se posse sperant? *Synesius*. Non sperant.
Sed iudicati sunt: & scio, quod qui se ipsos iudicant, non
dicentur a Domino. *Nemefius*. Cosmus cum sociis vincti ex-
pectant sententiam, quam non pronuntiabit Theander, nisi
audito Amphibio, quippe qui ut reus, ita est actor simul. *Sy-
nesius*. Ego pro patre agam. *Nemefius*. Iudices adsunt. * *Sy-
nesius*, Domini, de Amphibio & Creonte referet. Audiri re-
gat. *Uranus, Theander*. Audimus. Loquere. *Synesius*. Igitur
scite, Iudices, si mihi spatium respirandi exposco: nam si
por, ira, pudor, dolor, amor, religio, pietas vix relicto an-
litu strinxerunt guttur. Stupent oculi in hoc aspectu! ex-
tabant

* Ex solio iudicium sit.

tabam primum expulsus ex aula Crisum videns : nunc tenet animum, & recreat squalor hic, hæc ora pallentia, hæc colla depressa. * Cosme, Doxe, Idonie, Mammon vos ego video, an statuas, & nudos truncos? Æquitatem vestram, Domini, adoret orbis, & omnis posteritas celebret! Vincti, confusi, tremantes astant, quorum ego hodie vocem, fannas, risum pueriliter tremui. O pudor meus! Sed ego stulti timoris poenas, opinor, sat graves dedi. Torquere patrem iussus sum, quid gravius filio? Obedivi tamen: nec poenitet facti. Sentiat miser, quam malum & amarum sit reliquisse Dominum suum, & adhæsisse tyranno. Utinam tamen liceat hoc illi per vos, ut salubriter sentiat! Non excuso facinus, Judices: accuso etiam: stulte, proterve, impie egit: sed egit tamen: nunc vero id, si posset, ageret unice, ut, quæ acta sunt, acta non essent. Saltem, quod potest, agit: dolet, plorat, plangit. Fatetur stultitiam, proterviam damnat, impietatem execratur. *Nemefius*. Sera lamenta sunt. *Mansuetus*. Si seria, audiantur. *Synestus*. Quam seria sint, probant poenæ, quas & de Creonte, & de se, ipse expetiit. Usurpate oculis, si placet, spectaculum, dignum misericordiæ plausu. *Theander*. Me moves, Synesi! Si parium pande. Pater! Quam est hic aspectus jucundus!

SCENA QUARTA.

Personæ Omnes.

Uranus. ECCE! Amphibius factus est quasi unus ex nobis, sciens bonum & malum! Huc te miser redegit prudentia tua! Duobus Dominis putabas servire te posse: jam ab uno desertum, ab altero ad poenam rapiendum te vides! intelligis denique, quid tibi profit contempsisse Uranium? I nunc

Iii 2

insa-

* Captivi prostant.

insane, & a Cosmo auxilium pete! Cosme, Doxe, Idonie, Mammon, ubi estis? Liberate fidelem servum ex foedo ergastulo! Moras trahitis? Quin fortiter clamas, miser! Nam forsitan absunt longius, aut profundius dormiunt strenui illi Domini tui, qui toties tibi promissis tam splendidis felicitatem addixerunt! Stulte! hoc te præterita tempora docuerunt? Quam misere perierint, quotquot deserto Uraniò in partes Cosmi abierunt, non audieras? Non legeras? Non memineras! Stulte! Sic te oportebat uti præsentì tempore? In quo te offendi? Quando injuriam intuli? Quando male habui saltem? Quid? Tu tibi alium insuper Dominum exoptare sis ausus, præter me? Ut mihi soli, ut totus servires, num dignus non fui? Num abs te non merui? Elegisses saltem Dominum majorem me, aut certe æqualem: tacuissem utique: tulissem patiens: sed tu Cosmo te addicere, Cosmum meum mancipium mihi comparare, æquali mecum in honore habere, pari obedientia colere, denique aperte ad servum deficere, hæc te credidisti impune facturum? Stulte! Eris, eris Magister futuri temporis, eris, & ventura sæcula, quis Uraniò debeatur honor, quæ obedientia, quæ servitus, ex tuo supplicio discent, Sententiam pronuntia, Fili! Nemesis, executioni te para. *Theander.* Stulte, quid tacitus astas? Clementem habes judicem, si scelus, quod negari non potest, excusari saltem & minui queat. *Amphibius.* Creon, Creon me decepit! *Creon.* Stulte! Num decebat patrem obsequi filio, stulta, impia expetenti? *Amphibius.* Non decebat: stulte egi: nihil excuso: unum verbum audi, *Theander:* poenitet! poenitet! *Theander.* Verbum sapiens! satis est. Pater, omne judicium filio commisisti: meo judicio liber Amphibius sit. *Uranus.* Quid loqueris, Fili? *Nemefius.* Justitia vetat. *Mansuetus.* Misericordia probat. Aperio carcerem. *Theander.* Displiceo pater? *Uranus.* Tua potestas est. Nihil revoco. *Mansuetus.* Egredere, egredere miser! Et nunc saltem, si potes, vel sero sapis. Pereat hoc

istis non indigemus. *Theander*. Sed Amphibius indiget Pater! Amphibio ferviant. *Cosmus*, *Idonius*, *Mammon*, *Doxus*, Vah! *Nemefius*, *Mansuetus*, *Synefius*, *Alithius*, Quanta bonitas! *Theander*. Vides, ut fremant, Pater? *Uranus*. Quid? Ergo ne parum est tibi impunem fecisse Amphibium, etiam Dominum facies? *Amphibius*, *Creon*, *Synefius*. Non petimus, non mere-mur. *Theander*. Ego peto, ego mereor. Ita, Pater, dig-no supplicio plectetur Cosmi superbia: ita congruo remedio sanabitur Amphibii stultitia. Cosmum Dominum optavit Am-phibius, ut bonis, quæ pro suis fallax Cosmus ostentavit, fruatur: discat imperare, non mendicare. Servum habeat, & bonis, quibus honeste potest, utatur ad libitum, nisi al-ter visum sit nobis. Ita nobis ipse hilariter serviet, nec jam de duobus Dominis cogitabit, factus ipse Dominus sui Domi-ni. *Omnes*. Sententia Theandro digna! *Uranus*. Vicisti, Fi-li! Solvite reis vincula, ut accingant se ad serviendum. Sy-nefium tamen; Amphibie, Synesium & Alithium consiliarios esse tibi volo in novo Dominio: nisi approbant ipsi, Cosmo tu nihil impera. *Amphibius*, Utinam egissem semper! *Ura-nus*. Homagii solennitas fiat. Tu nobis jura: Cosmus jura-bit tibi. *Omnes*. Stupete Coeli misericordiam nunquam vi-sam! auditam nunquam! *Alithius*, O misericordia! Unde hæc magna, hæc jucunda veritas est: Qui vult esse Dominus Cosmi, fit servus Uranii: aut, quod idem est, qui est Servus Uranii, fit Dominus Cosmi.



PRO-



ARGUMENTUM

Fures temporis, thesauri utique pretiosissimi, qua ratione & deprehendi queant, & multari debeant, docemus. Argumentum est utile mixtum cum dulci, ne, si pro tempore, quod spectaturi nobis dabunt, nihil reddamus, etiam nos inter fures ponamur. Notentur nomina Personarum: posuimus plana, quia intelligi cupimus.

PERSONÆ.

Suspivius thesauri Administrator.

Conscientius ejus Frater & Admonitor.

Discretius Conscientio familiaris.

Incurius Suspirii Oeconomus.

Vigilius ejusdem janitor.

Abusus Advocatus Incurii.

Magister usus.

Aërius five Ambitio;

Chrysaorius five avaritia, } Fures extranei.

Amasius five libido.

Negotius,

Stertinius,

Ludio,

Garrilius,

Gastrimargus. } Fures domestici.

PRO:



PROLOGUS

Poëta Scientiam redimendi tempus venditurus,
cum emptorem non reperit, gratis tradit.

Poëta. Εὐχῆνα! Εὐχῆνα! Εὐχῆνα! Εὐχῆνα!

Cives! Cives! Accolæ! Incolæ! Senes, & juvenes! Di-
vites! Pauperes! Plebei & Nobiles, summi & infimi!
Audite! Audite!

Εὐχῆνα! Εὐχῆνα! Εὐχῆνα! Εὐχῆνα!

Pretiosi temporis

Fures deprehendi!

Artem do, si emitis,

Furtum redimendi.

Emite! Emite! Εὐχῆνα! Εὐχῆνα! Emite! Emite! . .

Nemo se movet? Nemo?

Vah! . Nescitis, quantum sit temporis pretium!

Indignor, an misereor?

I.

O unbedachte Zeit?

Ad furcam rapiuntur,

Qui sibi assequuntur

Was wenig auf der Zeit!

Et liberi vagantur,

Quid dico? honorantur,

Die Dieb der edlen Zeit!

2.

Man lauffet Holz und Sand:
 Nugarum venditores
 Inveniunt emptores,
 Und allzeit offne Hand:
 Vt tempus redimatur,
 Teruntius non datur:
 Wo ist doch der Verstand?

3.

Wann ich kunt zeigen an,
 Quis arcam expilârit,
 Quis ædes spoliârit,
 Wo man ihn finden kan:
 Quid, papæ! non daretis,
 Quid non promitteretis?
 Ich ward ein reicher Mann.

4.

Nun lehre ich die Kunst
 Noscendi aurearum
 Furunculos horarum:
 Was gebt ihr für mein G'spunnst?
 Tacetis? Et est nemo,
 Qui mihi dicat: emo!
 So gib ichs halt umsonst.

5.

5.

Doch höret meinen B'scheid :

Si nec , quam dabo gratis ,

Doctrinam acceptatis ,

So seht ihr all nicht g'scheid :

Ignoscite ! Hoc meum

Effatum , non est meum :

Es sagts die Ewigkeit.



PARS I.

Fures comprehensi.

SCENA PRIMA.*

Suspirius. Conscientius. Discretius.

*Suspirius.*** **P**RO! Ut perturbatæ rationes sunt! Quid faciam, si repente veniat ad judicandum Dominus , & , si interrogabit , quid respondebo ei ? quid suades Conscienti , frater mi , quid suades ? *Conscientius.* Sicut suasi , ut in tempore rationes inspiceres pro examine : ita suadeo jam , ut iudicium iudicio prævenias , antequam tempus non erit amplius. *Suspirius.* Summa accepti ingens ! Anni quinquaginta , menses sexcenti , hebdomadæ sexcentæ supra duo millia , dies centies quinquagies octies mille , centeni , & quinquaginta. Horarum supra quadringenta triginta quatuor millia quadringentæ , minutorum denique quadragies mille , & sexcenta supra trimillionem. *Conscientius.* Thesaurus ingens ! Nam poterat quovis

K k k 2

minu-

* Aperitur cubile. ** Annuas Rationes conficiens.

minuto Coelum emi. Sed hæc summa accepti est. Residuum lege. *Suspirius*. Minutus est numerus: nihil discerno. *Conscientius*. Incertus est. Hoc certum, quod modicus. *Suspirius*. Heu me! Video me prope redactum ad incitas, & nescivi! Sed in quid factæ sunt tot expensæ? *Conscientius*. Frustra revolvis. Rationes expensarum nullas iniit Incurius oeconomus tuus: hoc est, quod queror. Quid si fures domi aleres, aut illi certe, qui toties ad te invisunt, amici tui sint fures? *Suspirius*. Atrox suspicio! *Conscientius*. At non temeraria. Et nescio, num non colludat oeconomus, quippe homo, quam pro te parum, tam pro sua cuticula multum sollicitus. Ingredere hospes! *Suspirius*. quem vocas? *Conscientius*. Discretium se vocat amicus meus, quem utinam pridem nossem! Iste me monuit, ut admonerem te, ne differres rationes tuæ oeconomiæ inspicere. Perspectas habet tuorum fraudes. *Suspirius*. Ain' vero? *Discretius*. Ad obsequia sum. Oeconomum alis, Domine, vel nimis simplicem, vel nimis nequam. Quidquid tui vel domestici, vel hospites postulant, tribuit: quanquam jam ne postulant quidem, vidente Incurio, furantur horam alius, alius diem, tertius mensem adeo. Quod si se commovet, alius dicit se jocum fecisse, alius in commodum tuum velle expendere, tertius ad necessitatem. Ita ille quiescit, tu spoliaris. Fortuna in Conscientium incidi: narravi, quia miseruit vestrum: rogavit, ut juvare consilio velim: adsum. *Suspirius*. Et quid consulis? *Discretius*. Ut purges familiam, & inter amicos selectionem facias. *Conscientius*. Non discernimus malos a bonis: plerique fallunt. *Discretius*. Discretii est discernere. Horam date! Horæ unius impendio manifestos fures dabo, tot horarum raptores. Atque hoc nunc facilius præsto, cum ad celebranda bacchanalia dies & noctes integras, si patimur, rapient. *Suspirius*. Negotium bonum facis. Necessè est, nosse me, in quos thesaurum profundam. Heu me Modicum residuum est! Utinam pri-

pridem huc inspexissem ! Oeconome ! . Incurie ! . Huic hospiti horam dabis, aut si opus habet, etiam duas, ut possit negotiari pro me, Ego reliqua tecum transigam, frater.

SCENA SECUNDA.

Incurius. Discretius.

Incurius. Quod jubes, here. *Discretius.* Ad votum peragam. *Incurius.* Te vero, vir bone, num licet nosse, qui sis? *Discretius.* Satis est, quod ego te noverim. Tu mihi ad interrogationes meas responde: nam ita necesse est, ut negotium peragam, quod mihi herus imposuit. *Incurius.* Interroga. *Discretius.* Quot domesticos alis, & quales, & quid in singulos expendis quotidie? *Incurius.* Jucundus es homo, qui hæc interrogas. Interrogabo & ego te aliquid: quis es tu, & unde huc venisti, & cur? *Discretius.* Postquam dederis horam, quam jussit Dominus, percipies singula. Nunc responde ad quæstiones propositas. *Incurius.* Imperiose. Responde tu prior mihi: scire necesse est, cui loquar, aut nihil loquar. *Discretius.* Homini, cui herus imposuit curam negotii sui: hoc satis est. *Incurius.* Non satis est. Dic: cujus negotii? *Discretius.* Magni, ex quo pendet illius salus. Et quoniam urges, dicam: curam oeconomiae imposuit. *Incurius.* Velut si bombardam explosisset, ita attonitus sum. Quid? Non ego oeconomus sum? Inocens, non damnatus, ne auditus quidem domo ejicior? *Discretius.* Vocaberis ad examen. *Incurius.* Alienus invadat officium meum! *Discretius.* Ad horam. *Incurius.* Ad horam scilicet. Non sum ita hebes, ut non videam, quid futurum sit. Si alius vel ad horam has claves accipiat, *Incurius* exul æternum erit. *Discretius.* Condemnas te ipsum, si detrectas examen: liber rationum in manibus Heri est: dissipasse bona videris, nisi ego te vindicem. *Incurius.*

rius. Quis librum Hero? *Discretius.* Conscientius detulit. *Incurius.* Hem! Actum est. Diffamatus sum ab inimico. Ineptus accusator est Conscientius, quippe qui odit me pessime, quod aliquoties negaverim dare horas, quas petiit sibi. Nunquid idem Misanthropus te adduxit? *Discretius.* Philantropum voca: nam amat Suspirium Conscientius, ut fratrem, tenere. Sed quid verba perdimus? Administrationis tuæ rationem reddes, velis, nolis. Si sapis, eris favorem meum, & horam imperatam continuo dabis. *Incurius.* Non est de tempore, ut tibi dem tempus: imo non habeo tempus. *Discretius.* Attende, quid loquaris. Si tempus non habes, ergo perdidisti? *Incurius.* Pro te non habeo, nisi dicas, qui sis. *Discretius.* Etiam hoc dabo tuæ importunitati. *Discretius* sum filius Prudentii, qui est vicinus Suspirio. *Incurius.* Hui. *Discretius!* Nunc bæchanalia sunt: non habeo tempus sive pro Discretio, sive pro Prudentio; sive pro Suspirio, sive pro Conscientio. *Discretius.* Bæchanalia sunt! Ideoque negas horam Discretio dare posse? *Incurius.* Non habeo tempus. *Discretius.* Horam? *Incurius.* Non habeo. *Discretius.* Responsum ad Suspirium referam. *Incurius.* Refer. Sed mihi jam malum imminet, nisi providus sum: nec jam licet incurium esse. Quid faciam? Fodere non valeo, mendicare erubescio: perditus sum, si has claves perdidero. Scio, quid faciam, opportune se infert Vigilius.

S C E N A T E R T I A.

Incurius. Vigilius.

Vigilius. **H**UI! Oeconome! Ut lentus es in rebus tuis. Garrius, Ludio, Gastrimargus irruerunt in cubile, ubi ærarium servas: furantur, quod volunt. *Incurius.* Rumpere flagrio! Ita clamas, ut mihi aures obtundas. Scilicet quid

quid ad te cubile meum? Janitor es: invigila portæ. Scis, quem intro admiseris? *Vigilius*. Neminem vidi. *Incurius*. Hominem, qui nos omnes exiget domo, nisi totus *Vigilius* sis, & quantus es, intentis in eum oculis fueris, ne quid ille furetur. Si vel horam permiseris, actum est. *Vigilius*. De me? *Incurius*. Etiam de te. Nam ego accusabo te Hero, quoties furtorum particeps fueris, totas noctes cum furibus pervigil. *Vigilius*. Quæso, ne feceris. Nam quid tibi prodest, si tecum pendebo? *Incurius*. Nisi quod jussero, facias, fiet, quod dixi. *Vigilius*. Jube, o bone, jube! *Incurius*. Ad reddendam rationem de factis expensis vocor: vides, quid consequens sit. *Vigilius*. Hei! Quam multa tu paucis dicis! *Incurius*. Sed hoc sine sumptibus fieri non potest. Impendenda est hora saltem, ut examiner, accuser, condemner. Capis? *Vigilius*. Docilis sum. Quid deinde? *Incurius*. Hoc deinde, quod invigilandum sit tibi, ne homo peregrinus auferat quidquam temporis, nec minutum etiam. Quid? Hoc iterum capis? *Vigilius*. Iterum. Jam modum, quo caveam, doce. *Incurius*. Amicum te ipsi finge, inimicum nobis. Ita se tibi credet, & tu nobis illius consilia. *Vigilius*. Sapis. *Incurius*. Præterea quisquis ad januam venerit ex amicis, cave, quemquam excludas. Quidquid petierint temporis, decretum est dare, donec nihil supersit, quo contra nos abutatur *Discretius*. *Vigilius*. Phü! Quod nomen audio? *Discretius* ad-
versum nos agit? *Incurius*. Officium meum ambit, & has claves. *Vigilius*. Ille Prudentii nostri vicini filius? *Incurius*. Ille, ipse, iste homo superbus, avarus, invidus, iracundus, insul-
sus, insipidus, barbarus, & quid sit elegantia morum, & quid doceat Magister *Ufus*, ignorantissimus. *Vigilius*. Velut si *Apel-
les* esses, ita ad vivum pinxisti hominem. Curro, & amplector:
num intus est?

SCENA QUARTA.

Incurius. Ludio. Garrilius. Gastrimargus. Stertinus.

Incurius. Intus est. Ingredere. Ego jam videbo, quid mei furunculi faciant. Adestis troffuli mei! *Stertinius.* Troffuli mei! Ego vero, nisi tu me habeas melius, omnino ex his ædibus fugiam. Ita isti rapiunt omnia, ut mihi poene nihil supersit. *Garrilius.* Tu tace, & crepa. Namquid Stertinio cum bacchanaliis? *Garriendi, Ludio.* Ludendi, *Gastrimargus.* Edendi, bibendi, *Garrilius.* Saltandi, cantandi, *Ludio.* Jocandi, rixandi, *Gastrimargus.* Vorandi, potandi nunc tempus est, *Omnes tres.* Non stertendi. *Garrilius.* Prior tempore, prior jure. Sero venit more suo Stertinus; sibi imputet, si vacuam cistam invenerit. *Stertinius.* Ego vero non quiescam, donec quod justum est, mihi dabitur. *Omnes.* Nihil dabimus. *Stertinius.* Gastrimarge, in mediis conviviis invadam te, & sic contundam stomachum, ut quidquid voraveris, ructes. *Gastrimargus.* Nihil. *Stertinius.* Garrili, ego tibi os distendam, ut perpetuo hiscas. *Garrilius.* Nihil. *Stertinius.* Ludio, ego tibi oculos & caput ita premam, ut tamdiu nictes, donec annuas denique. *Ludio.* Nihil. *Omnes.* Quod quisque rapuit, teneat. *Stertinius.* Hoc tu probas, Oeconome? Ludioni impera, saltem furtum ut dividat mecum. *Ludio.* Fieri non potest. Vix sufficit pro expensis mihi, quod rapui. Tantulum est. Duodecim horas abstuli: tres expendo pro aleis, tres pro chartis, sex pro choreis. Quid jam sit reliquum tibi? *Incurius.* Nocturnas abstulisti, an diurnas? *Ludio.* Nocturnas novem, diurnas tres. *Incurius.* Et Gastrimargus? *Gastrimargus.* Tres post meridiem, & tres sub mediam noctem. *Incurius.* Et Garrilius? *Garrilius.* Ego nulas rapui, sed rapientibus pro vigile adstiti, ut, si quis super-

veni-

veniret, garrirem. Ideo ab utroque participo. *Incurius*. Hei! Factum pessimum! Horas matutinas, horas optimas reliquistis intactas! O fures stolidi! O inepti! Quantulum abest, ut vobiscum sim perditus! *Omnes tres*. Nullas invenimus præterea! Cista est vacua. *Incurius*. Ego matutinas cistæ separatæ inclusi, ut in casum necessitatis servarem. Et ecce necessitas! Veni Stertini, tuæ sunt. *Stertinius*. Imo horæ nocturnæ mihi debentur. *Incurius*. Non, non; sine tu istos suis rapinis frui! Tu Incurio charissimus es! Tibi optimas dabo. Sed cave, ne vel unam alteri cuidam concedas! *Stertinius*. Nihil metue. Sex horulæ tantum supersunt: quid dabo alteri? *Incurius*. Veni. Vos in faciendis expensis moras absumpite. Laudo industriam! Furtum probo! Fruimini me, dum potestis, & connivet Suspirius.

SCENA QUINTA.

Ludio, Garrilius. Gastrimargus, Negotius.

Gastrimargus. **A**UDIO. Socii! apparatus facio ad celebranda hilaria. Catalogus pro culina scribendus solitudinem & studium exigit. Valete. *Ludio*. Ego instrumenta lusoria colligo. Vale. *Garrilius*. Relinquitis Garrilium solum? *Ludio*. Sufficis tibi. Omnia tua tecum portas in lingua. *Garrilius*. Verum dicis. Si garrire non possum, possum cantare. Eja! A, e, i, o, u. *Negotius*. Tandem in hominem incido. Age, tu mihi, ubi sit herus, loquere. *Garrilius*. A, e, i, o, u. *Negotius*. Loquere, inquam, non cane. *Garrilius*. A, e, i, o, u. *Negotius*. Insanio, nisi insanit hic puer. *Garrilius*. A, e, i, o, u. *Negotius*. Pusio! Narcisse! Floscule! Non possum impetrare a te, ut loquaris? *Garrilius*. A, e, i, o, u. *Negotius*. Caudex, stolo, stipes aduste per totum! Num ego te pedibus prote-ram? *Garrilius*. A, e, i, o, u. *Negotius*. Si intelligerem sal-

Theat. Polit. R. P. Neumayr. Lll tem,

tem, quid cantes? *Garrilius*. Da capò. A, e, i, o, u. *Negotius*. Prò! Longum tormentum! *Garrilius*. A, e, i, o, u! *Negotius*. A, e, i, o, u! A, e, i, o, u! A, e, i, o, u. Prò elegans carmen! Cessa, aut fauces obstruo! *Garrilius*. A, e, i, o, u! Nunc loquere! Nam peccatum erat citius absolvere Ariam, quam sexies saltem repetitus sit textus. *Negotius*. Tamen si centies repetiisses; non intellexissem, quid cantes. Nunc ut intelligam, loquere, non cane. *Garrilius*. Quid vis, ut loquar? *Negotius*. Herum per omnes angulos requiro, non invenio. Potin' dicere, quo se abstulerit? *Garrilius*. Potin' dicere tu, quid Hero velis? *Negotius*. Divinare ex fasciculo potes. Negotia fero, multa, gravia, neque quæ ferant moram. *Garrilius*. Modicam dabis: necesse est narrare aliquid. *Negotius*. Paucis. *Garrilius*. Tribus verbis. *Negotius*. Urgeor multis. *Garrilius*. Non detinebo. Heri cubitum ivi post mediam undecimam, imo puto, quod jam fuerit tertius quadrans. *Negotius*. Nihil refert. *Garrilius*. Audi modo. Post mediam, inquam, undecimam, nisi fuerit tertius quadrans, cubitum ivi. Habeo autem, per parenthesin, uti scis, lectum satis mollem non procul a fornace, ita, quasi hic lectus esset positus, & hic fornax, & ibi janua. *Negotius*. Claudatur. *Garrilius*. Vix decubui, cum me somnus oppressit: eram enim oppido fessus garriendo, nam a summo mane usque in seram noctem linguae quies non fuit. *Negotius*. Credo, neque hodie fore. *Garrilius*. Imo hodie multo minus: nam coepimus bacchanalia agere, probante Hero. *Negotius*. Herum volo, absolve me: ubi est? *Garrilius*. Statim dicam. Audi modo. *Negotius*. Non vacat audire nugas. *Garrilius*. Imo audi, nam interest tua. *Negotius*. Si brevis es. *Garrilius*. Cur interrumpis? Loqui me sine. *Negotius*. Ah! Tandem! *Garrilius*. Vix, inquam, decubui, cum me somnus oppressit. *Negotius*. Audivi. *Garrilius*. Hem iterum! quam est impatiens hic homo! *Negotius*. Saltem si quis sellam

fellam afferret, ut sedens possem audire! *Garrilius*. Vin', ut afferam tibi? *Negotius*. Narra! Narra porro! *Garrilius*. Rem lepidam audies. Statim igitur me somnus oppressit, sed inquietus admodum: nam pone me cubabat Gastrimargus; velut si hic mihi lectica esset posita, & hic illi: & ille crapulam inter horribiles ronchos exhalabat: nam heri convivium instituit Herus plusquam duodecim hospitibus. Aderat Amasius homo lepidus, ut nosti, & insignis venator damarum, & Chrysaorius insignis ille alchymista, qui quotidie novas artes excogitat, quibus possit confici aurum, item insignis ille architectus, quomodo vocatur? Non occurrit jam nomen. *Negotius*. Aërium vis dicere! *Garrilius*. Ita, Aërius aderat, vir grandiloquus, & magnis desideriis turgens. Deinde... *Negotius*. Heu me! Moriendum est mihi in hoc loco, nisi brevior sis. *Garrilius*. Brevis, ut dixi, supra duodecim hospites erant. Fuimus læti! Gastrimargus, quod solet, crapulam bibit: inde ronchi, & ructus, quibus me toties excitabat. Impatiens fui: in omne latus me verto: delibero, quid faciam? Ajo mecum ipse: dormire necesse est, oculi graves sunt: & dormire non possum in isto strepitu: surgo turbidus, & lucebat luna orbe plenissimo: deambulo cogitabundus: oculos jam in stertentem Gastrimargum conjicio, jam per omnes cubiculi angulos. Jacebat illud animal supinum, turbatis stragulis, extentis brachiis & pedibus, ore hiant. Mihi aspectus spirantis trunci iram in risum solverat. Utinam, ajebam, liceret fauces obstruere, ut expirares. Hæc animo agitans video frustum butyri cum cado lætis, quo ille solet incendium a vino ortum restinguere, ad latus fornacis posito. Quid si, inquam, tentarem, an ungi hoc guttur possit, ne ultra obstrepat? Dictum factum. Accedo, frustum ori injicio: rem miram! Repente placidus Gastrimargus fileat, nihil asperum, nihil streperum est post unctionem: gaudeo, me in lectum projicio, dormio. *Negotius*. Tandem est

finis. *Garrilius*. Imo nunc incipio narrare, quod volo, & ad te pertinet. Nam horridum risui somnium successit: somniabam, te suspensum esse. Audi, quæso, seriem somnii. *Negotius*. Imo tu audi interpretationem. Carnifex es: suspendisti me crudeliter satis: nunc dimitte, nisi velis, ut crepem. At eni! Qui me liberet, venit. *Gastrimarge*, ubi Herum reperiam?

S C E N A S E X T A.

Negotius. Garrilius. Ludio. Gastrimargus.

Gastrimargus. **N**Egotium rursus video. Omnia turbas gaudia: neque erit a te saltem in bacchanaliis quies? *Negotius*. Credo, etiam convitia auditorum me hodie, nisi abeam. At tu, *Ludio*, ubi sit Herus, dices denique! *Ludio*. Herus? Quid tibi cum Hero hodie? Non habet tempus, ut audiat te. *Negotius*. Habet tempus, quod coquo, & agyrtæ, & parasito tribuat: & quod Negotio concedat, non habet? *Garrilius*. Hem petulantiam hominis! Tunc te mihi conferre, & digniorem putare amoribus Heri? Mihi omne tempus debetur, si recte homo animal sociabile dicitur. *Negotius*. Hem! ut ebullit ollula! Non affunditis frigidam? *Gastrimargus*. Puer! Si tibi omne tempus debetur, quid nobis relinquis? *Ludio*. Tu Ludioni te compares? Quid ludis est lætius? Ipse Deus quid facit in orbe terrarum? Ludit. *Negotius*. Exudite. *Garrilius*. Inepte! Fac, abesse Garrilium: quid esset orbis terrarum, quam saltus truncis & bestiis frequens? *Gastrimargus*. Fac, abesse Gastrimargum: quid essetis uterque? Aridi, exucci, squalidi, marcidi, emaciati stipites nempe. *Ludio*. Stupide! Beati, si nescis, in paradiso essemus, læti, sani, immortales. *Garrilius*. Tu homicida es ab initio, prædo, latro, pestis universi. *Gastrimargus*. Eja! Perora rabula in hanc partitionem. *Garrilius*.

Accedit Vigilus.

Vigilius. **Q**uis clamor est? Prô! Vos hunc tumultum! Si me auditis, latebras quærite, nisi malitis in carcerem trahi. *Omnes.* Quid canis bubo? *Negotius.* Imo rapiantur ad crucem! *Vigilius.* Ad patibulum est via ex carcere. *Omnes.* Cessas obloqui! *Vigilius.* St! Cessate clamores, obsecro. Prodit estis, & vos ipsos proditis. *Omnes.* Quid? Prodit? *Vigilius.* St! Herus cum Conscientio & Discretio in cubile oekonomi repente irrupit, & deprehendit in flagranti. *Omnes.* Quid? *Vigilius.* Incurium, qui horas matutinas Stertinio dabat. *Omnes.* Prô quid loqueris? *Negotius.* Loquere! *Vigilius.* Nempe continuo suspirare Suspirius, irasci Conscientius, Discretius fremere, quod horas optimas ignaviæ daret. *Omnes.* Quid Incurius? *Vigilius.* Trepidare primum, mox excusare factum, quod necessitas cogeret. Stertinus etiam conqueri coepit, quod horæ nocturnæ furto sibi ablatæ sint. Institerunt, ut nominaret fures: nominavit. *Negotius.* Io bene! *Omnes.* Dispereat proditor. *Vigilius.* Incurius exaggeravit crimen, & vacuas cistas, quas effregissetis, ostendit. Quid statis? Nondum intelligitis, quid faciendum sit vobis? *Omnes.* Ubi patet effugium? *Negotius.* Et tu patieris effugere? Quin adjuvas etiam? Nisi curras celeriter, & munias portam, ne quæ evadant: quam vere *Negotius* sum, accusabo te Hero acriter, & efficiam, ut te litteram longam efficiat. *Vigilius.* Hei, parce, obsecro! Nam quod est scelus amicos juvare? *Negotius.* Juvare fures est scelus. Nisi curris, . . . *Vigilius.* Curro, parce! *Negotius.* Cito. Beatus sum! Est occasio vindicandi me de multis injuriis. Sæpe volebam

lebam conqueri, nunquam auditus sum. Per istorum furta est factum, ut mihi scripturæ agendorum in immanem cumulum creverint, eo quod expensæ temporis omnes per istorum impudentiam, & oekonomi injuriam profunderentur in ludos, in convivia, in nugas. Bonum est, Conscientium tandem Suspirio loqui; auditorem faventem habeo! Accusator acerbus ero.

M U S I C A.

Pia desideria Senis tempus male præteritum deplorantis, & bona proposita Juvenis tempus futurum ambientis.

Personæ. Senex. Juvenis. Genius Prudentiæ.

Genius Prudentiæ. Scholam aperio.

Non tamen per præcepta,
Sed per exempla doceo.

Hæc hodie est lectio:

Quid sit sapere, in tempore.
Attendite, perpendite. *

I.

Senex. Quam tristis est memoria,
Qua senex ad præterita
Reflectit animum!

Essem prudentior,
Si essem junior.

Juvenis. Cessate larvæ horridæ!
Me juvat nunc desipere,
Et esse liberum.
Ero prudentior,
Cum ero senior.

Senex.

* Hinc, & inde fit exhibitio, per cameram obscuram.

2.

Senex. Ah ! Inter quæ crepundia
 Est acta pueritia !
 Recordans doleo :
 Essem prudentior ,
 Si essem junior.

Juvenis. Mors est consiliarius ,
 Quod docti ajunt , optimus ° :
 Sed nunc non consulo !
 Ero prudentior ,
 Cum ero senior.

3.

Senex. Mox in adolescentia
 Quis dicat, in quæ vitia ,
 Et quanta lapsus sim
 Essem prudentior ,
 Si essem junior.

Juvenis. Horrendum est judicium !
 Sed nunc non facit anxium :
 Cur ante tempus sim ?
 Ero prudentior ,
 Cum ero senior.

4.

Senex. Juventus tota vetitis
 Est acta in deliciis,
 Et turpi otio !
 Essem prudentior ,
 Si essem junior.

Juvenis.

P A R S II.

Fures accusati.

S C E N A P R I M A.

Aërius. Chrysaërius. Amasius. Incurius. Stertinius.

Incurius. **T**U quidem sub prætextu necessitatis evades. *Stertinius.* Puto. Nam quis dormire prohibeat? Etsi dormire noctu non possum, necesse est, ut liceat mane. *Incurius.* Sed mihi male est. Neque suppetit consilium, quo adjuvem me, ut reddam expensæ temporis rationem probabilem saltem. Nam nimium (nunc equidem agnosco) nimium Gastrimargo, nimium Ludioni, nimium Garrilio, nimium etiam Negotio dedi, & hui! Quantum Aërio, Chrysaërio, Amasio! Et Conscientio nihil! Malum pessimum! *Stertinius.* Candidus es. *Incurius.* Brevius dicam: omne tempus perdidi aut nihil agendo, aut inutilia agendo, aut malum agendo. Hæc Summa rationis reddendæ est. Candidus sum, ut intelligas, in quo periculo sim, & consilio juves. *Stertinius.* Stertinius non est homo multi consilii, nisi forte aliquod per somnium occurrat. Et en! Vigilone, an somnio! Procede, Jupiter intrat! * *Incurius.* Pro! Jupiter! *Stertinius.* Et Mammon! Et Cupido! *Incurius.* O propitii Dii! Juvate Incurium! *Omnes tres.* Imo nos cupimus juvari a te! *Incurius.* Imperate, quod vultis. *Omnes.* Sacrificium volumus. *Incurius.* Quid sacrificabo? *Omnes.* Tempus, tempus! *Incurius.* Heu! Me miserum! Non habeo tempus! Totum fures abstulerunt. *Aërius.* Lepide! Quid! Quid nugaris? *Ami-*

cos

* Personati Dii,

cos non nosti? Da tempus! *Chrysaorius*. Cessa simulare! nosti nos. Da tempus. *Amasius*. Surge! Da tempus. *Aërius*. Stertini, quid trepidat homo?, ineptit enim? *Stertinius*. Hei! Ipse caligabam. Ridiculi homines? Vos estis? *Chrysaorius*. Evigilas? *Stertinius*. Surge! Spurii sunt isti Dii! *Aërius*, *Chrysaorius*, *Amasius* sunt. *Incurius*. Hem proterviam! *Omnes tres*. Gratus est error. Adorasti nos! *Incurius*. Jam vero detestor. Abite ad stygem monstra, abite! Utinā vidissem nunquam! Nunquam vel minutū dedissem! *Amasius*. Quas tragoedias loqueris? *Incurius*. Quarum nodum nemo vel Deus solvat. Pro! Quasi non sine vobis satis sim miser, ita mihi diabolus istos Deos adduxit! An & Vigilius inimicus est mihi, quod huc intro admiserit vos, hoc tempore, isto habitu, inter has turbas? *Chrysaorius*. Quæ enim sunt turbæ? *Amasius*. Hic habitus turbat? *Aërius*. Consulto hac in veste intravimus domum, ego architectus, *Chrysaorius*. Ego Chymicus, *Amasius*. Ego Venator. *Aërius*. Nunc quia bacchanalia sunt, credimus, nos Hero facturos delicias, si cum alii larvati incedunt, nos veniremus sine larva, ego Jupiter, vel, ut Germanice loquar, ambitio, *Chrysaorius*. Ego Mammon, hæc est, avaritia, *Amasius*. Ego Cupido, quem non opus est explicare. *Aërius*. Ita intra muros mutavimus vestes, & larvas posuimus. *Chrysaorius*. Si aliud videtur, resumimus. *Incurius*. Ah! Vigilius! Vigilius! Cur vos admisit? Resumite vestes, & qua potestis, effugite: vobis & mihi consulitis. Vigilius proditor est! Ego perii! *Amasius*. Quæ hominem intemperie agunt? *Stertinius*. Reddenda est ratio expensi temporis. Nisi larvas resumitis, non evadetis. Vitium prodit vestitus: aliter ægite. *Aërius*. Continuo Jovem exuo, & architectus incedo, *Chrysaorius*. Et ego Chymicus, *Amasius*. Ego venator. *Aërius*. Sed heus! Priusquam Jovem depono, occurrit consilium hoc cerebro dignum: si ratio reddenda est tibi, cur de Advocato non cogitas? Solus non potes emergere. *In-*

curius. Quis serviet pro Advocato in perdita causa? *Cbrysaorius*. Mihi lubentes serviunt. Sed optimus est Magister Usus, homo audax, clamorosus, perspicax, & ex tempore eloquens. Advocabo. *Amasius*. Nihil est opus vocare. Invitavi; promissit venturum se ad nostra bacchanalia, & certo aderit. *Incurius*. Respiro. Magister Usus vir est, cujus vel aspectus partem adversam franget. Certo veniet? *Amasius*. Certo. Bacchanalium morem ipse instituit, & non approbabit praesentia? *Incurius*. Optime. Sed vos cito larvas resumite: non licet sic aperte incedere! non licet sic: non licet. *Omnes tres*. Quod cupis, facimus.

SCENA SECUNDA.

Incurius, Stertinus, Magister Usus, revera Abusus.

Incurius. TU bone Stertini astu aliquo id effice, ut Vigilius ad me veniat. Si renuit, prodit se esse infestum mihi: si venit, tu vices Janitoris age, nec redde claves ante, quam aut per fugam, aut per sententiam faventem securus periculi sim. Gratum habebis pro beneficio, quamquam beneficium merear vel a praeteritis beneficiis, quae praestiti. Meministi, spero, quoties horam, unam, duas, tres, supra numerum, quem Herus scripserat, tibi dederim? *Stertinius*. Nihil memora: memoria est: totus tibi ab obsequiis sum. Vae Stertinio, si alius ab Incurio oeconomus foret! Io! in quem incido! Amice, Magister Usus ingreditur. *Incurius*. O salve anchora spei meae! Tu perge ad portam. Fluctuantem in turbido mari navem Magister in littus dirige. Reus agor oeconomiae male administratae. *Magister Usus*. Scio. *Incurius*. Speciem facti narrare sine. *Magister*. Scio. Totam narravit Vigilius. *Incurius*. Vigilius? *Magister*. Rogavit, ut advocatum age.

agerem vobis. *Incurius*. Eja! Putabam inimicum esse hominem mihi. Et acceptas patrociniū? *Magister*. Libenter, si porro promittis fidem, & omnia ex Usus præscripto agere. *Incurius*. Promitto. *Magister*. Ubi sunt, qui tecum aguntur rei? *Incurius*. Abdiderunt se omnes, nisi quos Conscientius protraxit ex latetris, & coniecit in carcerem ad examen trahendos. Sed ego fugio! Herus intrat.

SCENA TERTIA.

Suspirius. Discretius. Magister Abusus.

Suspirius. **H**Eu! Quam sero in tot rapinarum notitiam venio! *Discretius*. Vel sero juvat. *Suspirius*. Modo Conscientius in ferenda adversum reos sententia non trahat moram. Punire certum est scelestissimos fures, & a funesta labe purgare familiam. *Discretius*. Gaudeo, tandem detectos esse. Nunc vide, ne sis mollior. Quod cuique supplicium sua Sententia Conscientius determinaverit, cave, tu mitiges, si mitem tibi vis Dominum reddere, cui reddenda est ratio expensarum. Quo magis tu eris iratus tuis, eo erit ille placatior tibi. *Suspirius*. Tremens factus sum ego, & timeo, dum discussio venerit, & ventura ira! Ah! Cur non citius monuisti me tantum periculum! *Discretius*. Volebam pridem: nunquam admissus sum ad alloquium. Quoties pulsavi januam, responsum est: Herus non vacat modo. Semel Conscientius audivit clamantem, cum a porta abesset Vigilius: ille admisit denique. Quod si non inutilis videor, deferro famulatum. Pelle Incurium: mihi curam oeconomiae committe: modo, quo optimo fieri potest, redimam tempus perditum, & factam jacturam sarciam. *Suspirius*. O si fieri possit! *Magister Abusus*. Quousque audio? Domine! *Suspirius*.

O salve, Magister optime ! Tuis jam est maxime consiliis opus in hac miseria, quæ me premit. *Magister Abusus.* Desine querelarum in isto tempore. Nam quis est hic usus novus flere, gemere, suspiriis auram inficere, cum omnes gentes hilaria vivunt ? Veneram, ut pro more meo bacchanalia tecum agerem, quoniam sciebam, huc usque me tibi fuisse charum : sed domum ingressus, nescio, quod malum metuere incipio : ita ubique tristes occurrunt, & tetrae facies, solitudo, silentium, moeror. *Suspirius.* Quid possem aliter in tanta perfidia domesticorum ? Ah ! Nescis ! *Magister Abusus.* Ego jam omnia scio. Horas quidem furati sunt tibi, dissimulante Incurio : grande crimen ! dignum, quod iste Locutulejus tanto hiatu amplificet. *Discretius.* Parce convitiis. Non sum is, qui audire non velit, si excusari crimen aliquo modo possit. Nondum damnati sunt Fures ? si sit, qui causam suscipiat, ipse suadeo, ut audias, Domine, ut possis ferre sententiam æquitati ac prudentiæ consentaneam magis. Præterea mihi de te, Magister, tanta existimatio est, quod sciam, Prudentio parenti meo te in pretio esse, ut nolim probare, quod improbas tu, meque & adversus Patrem, & adversus me ipsum peccaturum opiner, si me tibi opponerem. *Magister.* Sapis, Discreti. Certe hucusque ita Magisterio functus sum, ut me passim regna & provinciæ expectent. Itaque ut veniamus ad causam, mihi, quod sæpe monere te volui, Conscientius frater tuus, Suspiri, homo atrabiliarius videtur, & nimium phantasiæ obnoxius : & solent ejusmodi muscam pro elephanto, culicem pro camelo habere. Tu quod Usus probat, a tuo Principe improbari ne crede. Thesauri administratorem te ipse constituit : quas leges administrationis præscripsit ? Non alias utique, nisi quas gentes omnes sequuntur. Quæ vero est gens, quæ non vivit ex usu ? Ego omnibus legum interpretes sum,
me

lupe. Vale. *Conscientius*. Qui convivere Conscientio non potest, bonus non est. *Suspirius*. Cessa mordere canis! Mane hospes: tuis mihi consiliis opus est. *Magister*. Tu istum audis: quid frustra loquar? *Suspirius*. Non audiam: mane. Frater, jam inquisitum est satis. Donec Discretius a mortuis redeat, silentium tenere te velim. *Conscientius*. Hem! Imperium dignum Suspirio! *Negotius*. Et quid audiui? Donec Discretius a mortuis redeat? Num occisus est igitur? *Conscientius*. Abripuit se. Quid cogitem? Quæ subita mutatio est. *Negotius*. Atrocía suspicor. Iste novus hospes turbaverit bona consilia. *Conscientius*. Superi! Quæ levitas hominis! Primum inquirere in fures jussit: inquisivi, inveni, teneo: nunc cum esset pronuntianda in reos sententia, ne audior quidem. Quid? Innocentes forte detulisti ad me, aut acrius, quam merebantur, accusasti? *Negotius*. Imo lenissime. Nam dici paucis non potest, quantum Stertinius temporis perdiderit nihil agendo: Quantum Gastrimargus, Garrilius, Ludio, inutilia agendo, & Aërius, Chrysaorius, Amasius etiam mala agendo. Ita profusus thesaurus est in frugiperdas: *Negotius* quantillam ex eo partem accepit? *Conscientius*. Tres ultimi comprehensi nondum sunt. Ubi latitant? *Negotius*. Semper larvati incedunt, ne facile agnoscantur a te. Aërius architectum refert, qui arces in aëre fabricat, & in ponendo super prostratos æmulos fundamento laborat. Chrysaorius Chymista est, tempus omne in eliquandum ex distillato humano sanguine aurum expendens. Amasius venator Damarum in omni saltu famosus. *Conscientius*. Unde tu hæc omnia? *Negotius*. Garrilius prodidit. *Conscientius*. Et tales non novit Suspirius? *Negotius*. Mutarunt nomina cum vestitu. Aërius magnanimum se vocat, Chrysaorius providum, Amasius urbanum. Ita amici putantur, qui pessimi fures sunt. *Conscientius*. Heu! Detexisti fraudem, qua & ipse deceptus sum. Nunc novi, quos

magus. Sic est moris. *Magister*. Garrilius mihi sit comes. An-
memus ehorum, & quod felix, faustumque sit, Deæ Libertati
Bacchanalia festa sacremus! *Omnes*. Sic est moris. *Conscien-*
tius. O scelesti! O frater! *Magister*. Opprime os, crude! *Ne-*
gotius. Hiccinne sit Magister Usus? *Magister*. Præcine! *Conscien-*
tius. Impii! Quæ est ista conjunctio! *Magister*. Non filebis?
Conscientius. Miseri! Ista libertas est turpissima servitus. . .
Heu! Pretiosas horas immolatis idolo! . . Tempus datum est,
o Suspiri. . . Tempus datum est ad obtinendam veniam. . . Ad
exorandam gratiam. . . Ad promerendam gloriam! . . . Ah!
Veniet tempus, cum horam optabis tibi! . . Suspiri, reddes
rationem! . . Nihil te movet instantis mortis necessitas! . .
Nihil Judicis Dei severitas! . . Nihil inferni horror! . . Nihil
infelix æternitas! . . (Quo me rapitis? *Negotius*. Quo me
protruditis? *Vigilius*. Clausa est janua! redi post bacchanalia!

SALTUS CUM CANTU.

Garrilius Canit. O salve! Salve Dea!

Libertas aurea!

O salve vita mea!

Vita suavissima,

In te est omnis spes:

Nil curo reliquorum

Vocabula Deorum:

Tu sola Dea es,

Repetit Chorus saltantium.

2.

Non sumus servi nati,

Non ut mancipia!

Litemus libertati

Cum horis tempora!

Est

SCENA SESTA.

Negotius. Discretus. Magister. Usus verus.

Negotius. Indignor ! Nam quis est iste Magister Usus , qui excluso Negotio , unus urget , utut premat , tempus omne nugis , & vitiis dandum docet ? Conscientium raperunt secum : Quid illi facient ? Timeo perempturos , quod malum etiam Discretio contigit , nisi vehementer me fallo. Audivi enim horrida verba : silentium tenere velim , aiebat Suspirius Conscientio , donec Discretus a mortuis redeat. *Discretius.* Audivi nomen meum ! Negotium video ! securus intro ! *Negotius.* Jo ! Ut me reficit hic occursum ! Num a mortuis redis ? *Discretius.* Sane a mortuis : nam in bibliotheca inter libros detinui me , ut viderem , recte doceret Magister Usus , qui suavitati Suspirio , ut mitius cum furibus ageret. *Negotius.* Quis est , quem huc adducis ? *Discretius.* Non nosti tu ? Scilicet squallor & deformatio corruerunt faciem viri olim familiarissimi tibi , cum solebant homines plus temporis dare negotiis seriis , quam nugis. *Negotius.* Appella nomen. *Discretius.* Hic verus Magister Usus est , falsus alter , deceptor Abusus. *Negotius.* Hoc suspicabar. Nam non credis Discreti , quæ absurda ego hoc momento hisce oculis vidi. Pseudo-Magistro hoc auctore , fures horarum omnes innocentes pronuntiavit Suspirius : reclamanti Conscientio obstructæ sunt fauces , & intus raptò metuo pejora : ego ejectus ex ædibus sum : omnia tumultu fervent sacrificantium libertati. *Discretius.* Pro ! quæ dedecora narras ! Et quid ad ista Suspirius ? *Negotius.* Affidet spectator , parum hilaris tamen , nisi quod interdum labia in coactum risum diducat. Credo , in tacita Suspiria sæpius rumpi cor , & vellet obfistere , si auderet : sed jam nimis amplum imperium Usus habet. *Magister Usus.* Abusum voca ! Ego sum Usus.

Usus. *Negotius.* Obsecro, quis te casus abstulit nobis, & ignorantibus Sycophantam substituit? *Magister Usus.* Non Casus, sed scelus abstulit. Dudum ambivit Magisterium meum Abusus, quod videbat toti orbi venerabile esse. Quid multa? Concitat adversum me turmam cupiditatum: conjuratur: strpuntur insidiæ: obruor in bibliotheca, ubi antiquorum Patrum & Doctorum sententias pro firmanda, quam tradebam, doctrina, solebam excerpere: obruor, inquam, in bibliotheca, & sub ipsis libris sepultus, relinquor pro mortuo. *Discretius.* Ego ingressus, cum mihi novus Doctor in primo alloquio suspectus esset, & ego cogitarem mecum: nunquam sic locutus est Usus: quid si, ut fit in bacchanaliis, iste larvatus incedat, & Usum mentiatur? Accipio corpus juris: inquirō, quanta auctoritas tribuenda sit Usui: an bona sit hæc argumentatio: sic moris est, ergo honestum est: invenio capitulo, si consuetudinem, distinctione octava, hæc verba: quælibet consuetudo quantumvis vetusta, quantumvis vulgata, veritati omnino est postponenda, & Usus, qui veritati est contrarius, abolendus est. Deinde capitulo frustra, lego textum S. Augustini: frustra, qui ratione vincuntur, consuetudinem nobis objiciunt, quasi consuetudo major sit veritate. Ita disputo mecum, an quæ ex Abusu audieram, sint rationi, sint veritati congrua: cum audio gemitum ex angulo, in quo acervus jacebat codicum vetustorum. *Usus.* Audieram Discretii vocem, & opem rogabam. *Discretius.* Accedo, & extraho semi-vivum, & pulveribus oblitum. Mox recreatum fomentis, & bona spe, jubeo ad Suspirium ire. Questurus de injuria adest. *Usus.* Sed jam, si bene audiavi te, locum æmulus tenet: frustra querar. *Negotius.* Miseret me miserrimæ sortis. Suadeo tamen, ut sis te Suspirio, nam nec Conscientius deferendus est nobis, nec ille est vir, qui patienter ferat illusum sibi a personato Mangone esse. *Discretius.* Tentemus, qua via accessus pateat. *Usus.* Discretium sequor.

MUSIC A.

Ostenditur, solum Usum temporis præsentis esse
laudabilem

* *Personæ priores. Senex. Juvenis.*

Genius Prudentiæ. Ad scholam redeo. Quid didicistis?
Explico, quæ audiistis.

I.

Hic actus est Prudentiæ,
Præterita perpendere,
Prospicere futura:
Ex his præmissis congruam
Formare consequentiam,
Hæc mea est natura.

2.

Quam bona desideria,
Quam seria proposita,
Audistis hos narrasse?
Futura iste tempora,
Hic ambiit præterita:
Quem creditis errasse?

3.

Ah! Ambo, ambo misere
Quo non putarunt tempore
Se ipsos deceperunt!
Cum suis desideriis
Cum optimis propositis
Uterque perierunt.

4.

Si sapitis, concludite,
Quam nihil profit dicere:
Si essem, aut cum ero.
Infernus hæc proposita,
Hæc ridet desideria:
Si essem, aut cum ero.

5.

Præsenti ergo tempore
Nunc uti, hoc est sapere,
Hoc est in potestate.
Præteritum præteriit,
Futurum fors non aderit:
Nunc tempus est: notate.

6.

Nunc ergo vive juvenis,
Quo modo, cum senueris,
Optabis te vixisse,
Et vos o senes vivite,
Ut juvenes promittunt se
Victuros olim esse.

* Exhibentur Juvenis & Senex in tumbis.

PARS

tentasti. *Suspirius*. Obmutuit ad tuum conspectum. Quod supplicium placet? *Discretius*. Morte multari meruit: sed ne quid turbetur a multitudine discipulorum, quos seduxit deceptor, præplacet infamiae poena. Cum suspendentur, quos ipse defendit, cogatur spectator assistere, privetur insignibus Magisterii, & in Utopiam cum Incurio relegetur. *Conscientius*. Iusta sententia est. *Suspirius*. Probo. Ad executionem procedite. *Conscientius*. Sed quid? Impunem, frater, Negotium fines? *Negotius*. Hem! Quid ego commereor? *Conscientius*. Non es fur aliis minor, licet honestiore titulo furtum contexteris vaser. Non expendit iste pretiosas horas male agendo; aut nihil agendo: at expendit inutilia agendo. Nam quid ista, quæ tu grandia negotia, quæ gravissima, quæ urgentia vocabas, profunt ad vitam æternam? Eviscerasti te, ut aranea, susceptis pro Principe, pro republica, pro familia multis, magnis, diuturnis laboribus: sed repeto, quid hæc omnia ad vitam æternam, postquam propter hæc omne tempus abstulisti? Conscientio, & ne alios negligeres, neglexisti te ipsum? Aequè plerendū sunt, & qui nihil agendo tempus perdunt, & qui in inium agendo, tempus animæ auferunt. *Discretius*. Peccatum est. Mea sententia, ut nunc denique negotium utile facere discat, cogatur partes apparitoris suscipere, & reos ex trabe suspendere! *Negotius*. Discretius es: subjicio me poenæ lubens. Utinam liceat mihi omnes suspendere! *Suspirius*. Rem agite! Ego interea deplorabo stultitiam meam, & tot annorum irreparabilem jacturam flebo. *Vigilius*. Incurium ducat ad me. *Vigilius*. Confestim. *Omnes*. Agemus ad tuum solatium.

SCENA SECUNDA.

Accedunt Stertinus. Gastrimargus. Ludio. Garrilius.

Stertinus. Absolvimus imperatum laborem. En ligna. *Garrilius*. Mea vita non sic sudavi. *Ludio*. Nec ego unquam ita serius fui. *Garrilius*. Non erit autem clementiæ locus.

locus, Domini mei! Pendebunt miseri? *Conscientius*. Pendebunt. Erigite furcam. Tu istum Magisterii affectati insignibus exue! *Ufus*. Hic meus est pileus, meus annulus, meum pallium. Hem! Ut jam prostat nuda cornicula! *Abusus*. Nunquid etiam hæc folia tua sunt? *Ufus*. Imo hæc sola sunt tua. Vide, quæ dogmata! De educatione liberorum ex more hodierno: de methodo studendi ad speciem: de externa devotione: de conversatione promiscuâ: de moderata cura officii: de studio placendi. *Conscientius*. Præcepta digna Carnificis manu! Crema, *Negotius*. Videant hanc lucem oculi, quos excæcasti! *Discretius*. Ego hominem novis vestimentis ornabo, ne cui ignotus sit. Hic pileus huic capiti quadrat: hoc pallium hi humeri ferant: hoc testimonium sapientiæ habe. *Ufus*. Intelligant, qui te audiunt, quem Magistrum audiant. *Conscientius*. Stolidum lego, quia pecorum est ex usu vivere, hominum ad rationem: fallacem invenio, quod ducas deorsum, & nequitiam pallio civili obtegas: impium insuper, & qui effata sua pluris doceat habenda esse, quam præcepta Dei. *Ufus*. Præclara testimonia, & digna Doctore, qui in Cathedra pestilentiae sedeat! *Garrius*. Perfundi nostro labore sumus. Stat patibulum: superest, ut suum jam *Negotius* negotium agat. *Negotius*. Agam strenue: nullum tota vita utilius, nullum honestius opus feci. Producite reos! *Conscientius*. Aperiatuꝛ carcer! Producite! *Omnes*. Terrificum theatrum! *Conscientius*. Congruum spectaculo, quod Deus, Angeli, & Homines cum gaudio videant.

S C E N A T E R T I A.

Accedunt Amasius. Aërius. Chrysaorius. Incurius.

Amasius. ERgo moriendum est! *Discretius*. Moriendum sceleresti, & in hoc quidem habitu, quem studiose semper voluistis occultum esse. *Aërius*. Moriendum! *Ufus*. Moriendum utique iis est, qui id agunt unice, ut morte æterna omnes interficiant. *Chrysaorius*. Moriendum! *Conscientius*. Moriendum omnino! Age lictor! Ab Aërio incipe. *Negotius*. Ascendere

dere tibi nos gradus iubeat : quod cupimus temper, hoc praestabo
hodie : ambulabis in mirabilibus supra te, & infra te omnes despi-
cies. *Aërius*. Quid agis, Magister? sic moris est agere cum viro ma-
gnanimo? Hoc tu crimen putas Velle excellere? *Conscientius*. Ab-
ripe! *Discretius*. Excellere in bono velle; non est crimen : excellere
in vitiis velle, aut evadere per scelera ad honores, crimen est. *Usus*.
Et in hunc finem oritur tempus furari, hoc est crimen. *Negotius*.
Tale Coelum talem Jupiterem decet. Morere! *Aërius*. Non est
gratia? Heu! *Negotius*. Morere! *Chrysaorius*. At ego tibi, quan-
tum vis, Conscienti, pecuniæ acervum fundam, si saltem mortis
supplicium in poenam exilii mutas. *Conscientius*. Pecunia tua te-
cum sit in perditionem : Abripe! *Chrysaorius*. Quod enim scelus
est, esse providum? *Discretius*. Esse providum virtus est. Esse pro-
digum temporis, & aureas horas pro argenteis nummis contra
jus & fas corradendis expendere, hoc est scelus. *Chrysaorius*. Et
tu non agis mitius? Heu me! *Negotius*. Morere! *Amasius*. At
mihi parcetis saltem? Nam quid peccavit urbanitas? *Conscien-
tius*. Effrons! nemo est reus magis. Abripe! *Usus*. Furandi artem
nemo delicatius calluit. *Discretius*. Per jocum rapuit omnia, tem-
pus, honorem, fortunas, animam. *Amasius*. Eheu! *Negotius*.
Morere! *Omnes*. Justum supplicium est. *Negotius*. Nunquid belle
functus officio sum? *Conscientius*. Fecisti satis. At tu importune
te infers, Oeconome! Vide, quam tecum clementer actum sit.
Jam cito has ædes purga! Vos quibus est parcitum hactenus,
Suspicio genu flectite, & fidem jurate novam. Huc intro omnes.
Tu ordina familiam ex usu tuo. Ite scelesti, qua sua quemque
Rhamnusia rapit. *Usus*. In ultimam Thulen. *Discretius*. In Uto-
piam, unde venistis, ite. *Omnes*. In Utopiam ite. *Incurius*. Ma-
gister! Quid tibi est animi? *Abusus*. Feralis dies! Nunquam tan-
tum malum contigit mihi! Exul ab hac familia æternum sim?
Incurius. Sævum spectaculum! *Chrysaorius*. Abjerunt. Obiistis
fratres? *Incurius*. *Abusus*. Hem! Quod monstrum est? *Aërius*. Ego
vivo! *Amasius*. Ego maxime. *Chrysaorius*. Quid statis stupidi? ju-
vate nos! *Incurius*. *Abusus*. Vivitis ergo? O beati fures! cito! ci-
to! *Chrysaorius*. Imperitus hujus artis carnifex fuit : hæc nostra

* Ex patibulo loquitur.

feli-

felicitas est. *Aërius. Amasius.* Jo! salvi sumus. Quid facimus? *Chrysaorius.* Scilicet deliberandi est tempus? Fugimus, ne altera vice artificiosius suspendamus. *Incurius.* Nobiscum fugite. In Utopiam imus. *Abusus.* Gratulor mihi comitatum. Per vos spes est, fieri posse, ut paulo post huc redeam. *Omnes.* In utopiam imus. *Incurius.* Cito. Nam audio pedum strepitum.

SCENA QUARTA.

Suspirius. Conscientius. Magister Usus. Discretius. Negotius. Gastrimargus. Ludio. Garrilius. Stertinus. Vigilus.

Suspirius. GAudeo, si statis promissis, & ego obsequentem posthac familiam habeo. Discretium posthac œconomum scite: tibi comendo thesauri, quantulus cunque reliquus est, solertem curam. *Discretius.* Habeo omnem. *Suspirius.* Ex eo Conscientio horas, quot petet, dabis: famulatio, non nisi quot necessarias habet. *Omnes.* Æqua ordinatio. *Usus.* Sed nondum distincta satis: neque, ut, quod est perditum tempus, possit redimi, sufficiens adhuc. *Suspirius.* O si præteriti temporis, quod aut nihil, aut inutilia, aut male agendo periit, posset recuperari: nihil est, quod nolim facere. *Conscientius.* Consilium nōsti? *Usus.* Si aures faventes habeo. *Suspirius.* Sine, ut oculos prius spectaculo jucundo pascam. Quid hoc? *Omnes.* Hem! Quid hoc? *Suspirius.* Non illuditis mihi? *Conscientius.* Prō frater! Frater! Hoc Negotii scelus est. Mentiar, nisi finxerit se suspendere hypocrita, aut certe negligenter, ac sine cura suspenderit. Quidquid sit, colludit: ipse pendeat! *Negotius.* Accusor insons Here! Nam certe credidi, suffocatos expirasse. Et quis scit, an non cadavera Abusus tulerit? *Suspirius.* Suspectus es. Amicum fuisse furibus: multa pro Amasio, multa pro Chrysaorio, multa pro Aërio suscepisse negotia: & ambitionis, lucri, amorum causa laborasse, negare non potes: pronum est suspicari, nunc studiose pepercisse. *Negotius.* Atqui nunc hostis eram, cum cognovi, illos tempus mihi per te concessum, etiam ipsum furatos esse. Si suspicio reos facit, quis erit in nocens? *Vigilius.* Hei! quod malum nuntio! Cum Incurio & Abusu effugerunt fures, quos suspendi jusseras Here! *Suspirius.* Hem! Ut fideles famulos habeo! *Conscientius.*

solus poteram? Dimisi Incuriū, ut ipse jusseras: cum repente illi pro-
 rumpunt ex latebris, & me frustra obnixo evadūt. *Conscientius*. Ma-
 lum pessimū. Quis retrahat? *Discretius*. Purgarunt domum: fugiant!
Ufus. Cum Discretio sentio: non est supplicium de vitiis sumendum
 cum strepitu. Expulsa, cavete, ne reditum inveniant, hoc est satis.
Conscientius. Utinam dum vivunt, caveri malum hoc satis possit! Sed
 infida familia est: blanditiis, promissis, munusculis capiuntur servi-
 les animæ! Omnes ejice! *Discretius*. Nimis es rigidus. Suspiri, homo
 es: non potes vivere sine istis: hoc agendū, ut vivas bene cum istis. *Su-
 spirius*. Abscedite! discutienda est causa vestra penitus, & mihi redi-
 gendi in Ordinē estis. Ah! ut fecissem pridem! Nunc si inciperem vi-
 vere, quam aliter viverem! *Ufus*. Vel nunc incipe. Mihi triduū postu-
 lo: & ita ordinabo familiā, ut non modo facta furta compensent, sed
 & cum foenore reddant. *Suspirius*. Quid enim ages in triduo? Nam
 grande promissum est. *Ufus*. Ex usu Sanctorum docebo te, quid de-
 beat homini pio, & pro salutē sua discrete sollicito in usu esse. Para-
 vi cubiculum: huc te include! * Ecce aperui sapientiæ scholā, in qua
 discas perditū tempus redimere. Dedisti corpori, dedisti ludis, con-
 viviis, somno, nugis multos dies: dedisti multos negotiis vanis, inuti-
 libus, nihil juvantibus animam: dedisti ipsis adeo vitiis multos dies:
 age, da jam animæ paucos dies: da virtuti, da Cælo, da Deo tuo pau-
 cos dies: da triduū in solitudine, & disces redimere omnes perditos
 dies. Quid hæres? Non suadeo consiliū bonum, jucundum, facile, sa-
 piens? *Discretius*. Optimū, prudentissimum. Nihil potest improbare
Discretius. *Conscientius*. Nihil magis optat Conscientius. Juvat,
 frater, hoc triduum, ut depleamus tempus præteritum, ordi-
 nemus præsens, disponamus futurum. Ingrederere. *Suspirius*. Agno-
 sco amicos: ingredior. Magister, dirige: trado me tibi, doce. Au-
 diat Suspirium Deus, & per te doceat, quid me oporteat facere, ut re-
 dimam tempus perditum, nec novam jacturam faciam. Væ mihi, si
 nunc veniret mors ut fur in nocte, & totum tempus raperet simul!
 Quæ me exciperet tristis æternitas! Ah! Inducias, Domine, inducias
 per triduū saltem. Multa debeo, sed habe patientiam, & omnia red-
 dam tibi. *Omnes*. Audi Suspirium Deus!

TO.

* Specus Manresana.

TOBIAS & SARA
SIVE
NUPTIÆ
ANGELO PARANYMPHO
AUSPICATÆ
DRAMA MUSICUM
SERENISSIMIS PRINCIPIBUS
MAXIMILIANO
JOSEPHO

S. R. I. Electori Archi-Dapifero &c. &c.
ET


MARIÆ ANNÆ,
Regiæ Principi Saxonico - Polonicæ &c.
Utriusque Baviaræ, & Superioris Palatinatus Ducibus
Comitibus Palatinis Rheni, Landgraviis Leuchten-
bergæ &c. &c.

NEO-SPONSIS

Devotissime dicatum

COLLEGIO SOCIETATIS JESU MONACENSI
ANNO MDCCXLVII.

ARGUMENTUM



Inter auspiciatas nuptias in sacris litteris celebres illæ singularem voluptatem in animis legentium excitant, quas Angelus Raphaël inter Tobiam & Saram a pluribus Procis frustra concupitam (de quibus ipsa Sara Tob. 3. sic loquitur DEO : *Illi forsitan me non fuerunt digni, quia forsitan viro alii conservasti me!*) optatissimus Paranympheus constituit. Historia nota est : felicitati *figurantium* ut par sit felicitas *figuratorum* & devotissime precamur, & ex pari, hoc est, ferventissimo cultu Religionis erga DEUM (quæ omnium bonorum fons est) ita firmiter ominamur, ut in hoc Dramatio Prophetas nos agere potius, quam Poëtas nobis persuadeamus.

PERSONÆ.

Tobias } Uterque ex tribu Nephtali.
Sara }
Raphaël sub nomine Azariæ.
Raguel Saræ Pater.
Anna Saræ Mater.
Anaël Tobiae Patruus.
Achior Anaëlis Filius.
Gabelus Tobiae & Raguelis tribullis.
Axa Filia Gabeli, Sponsa Achioris.

PRO-

PROLOGUS.

Bavaria. Hymenæns. Saturnus. Chorus.

Bavaria.

Quid agimus? Lethargo pessimo
Oppressus est aureus Senecio! . . .
Eja Socii! Cum tumultu majore
Bellica repetite carmina!

Forte, quem non excitârunt tubarum clangores,
Expergeficient tormentorum fragores.

CHORUS.

Æra fera intonate,
Bombos bombis acervate:
Ter, quaterque repercussio
Reboate frémitu!

Tellus a mugitu tremat!
Fluctus fluctum fluctu premat!

Instar maris, decumano,
Furat Aër strepitu!

Hymen. ** Quid audio? Quid video, quid moliris, Domina?
Tua consilia sacræ Diphteræ placitis non sunt conformia.
Somnus, quem dormit felicium,
Saturnus Præses temporum
Est somnus immissus divinitus,
Quem non excutiet Musica Martialis,
Excutiet Maritalis.

Bavar. Afflictam, Hymen, recreas amabili nuntio!
Eja explica: quo gaudes gaudio?

Hymen.

* Theatrum exhibet castra, & Saxum, cui incumbens Saturnus dormit. ** Descendens ex nubibus in petram.

Hymen. In emblemate exhibeo.

Quam olim tribus Nephtali Paranymphe Raphaëli
Felicitatem debuit!

Tu debes Michaëli. *

Ego jussus sum Deo temporum imperare theatrum
Jucundissimis accommodum auspiciis.
Surge senecio! Jubet Thalassio.

A R I A.

Thalassio! Thalassio
Divinæ Providentiæ
Amabili consilio
Indulgens se Bavarie
Te jubet surgere:
Surge!
Et mihi junge te!

2.

Amores amant ludere,
Non tamen inter funera
Ingemiscantis Patriæ:
Da scenas, per quas aurea
Signentur sæcula!
Plausum
Non habent rudera.

Saturnus. Thalassio! Thalassio! Amicam vocem audio! . . .
Et o quem te video!

Hymen. Inania, Senex auree, omittamus officia:
Divina aliud urgent imperia.

Satur-

*. In templo S. Michaëlis Serenissimis Neo-Sponsis Eminentissimus & Serenissimus S. R. E. Cardinalis de Bavaria benedixit.

A R I A.

*Mulier bona magnum bonum,
Unde Vir beatus fit, Eccl. 26.
Cœli te amantis donum,
Quo vix ullum majus fit!
Mulier viri est Corona, Prov. 12.
Deus offert: accipe!
Leve onus, suave bona
Jugum fit a conjuge.*

*Tobias. O Sancta Providentia!
Per auspicas nuptias
Tobiæ semper tibi fidelis
Afflictam domum recrea.
Angelus. Confide: nubilam tempestatem
Luce Serenissima Phæbus dissipabit:
Ipſam cum Sara duces felicitatem.
Sed ecce! prodit: condimur!
Tu Virginem contemplare:
Intelliges, quam merito præ aliis
Te jufferim Saram amare.*

SCENA SECUNDA.

Sara. Axa.

*Sara. A*Xa, flere desine! *Non erit meus Achior:*
Est, crede mihi, alius,
Cui a Cœlo destinor.

Axa. Sarā, illudis miseræ:
Nam quid loquitur hæc pompa vestium,
Nisi quod hodie futuræ sint nuptiæ
Mihi injuriæ?
Mihi ante te desponsavit se Achior!

Sara

Angelus. Curarum define : tua est Sara, si placuit :

Mea hæc cura sit.

Tobias. Enimvero placuit.

Cor primus aspectus rapuit :

Deinde *animum* prudentia sermonis tenuit :

Postremo mentis ab uno Deo pendentis *Religio*,

Facilisque gravitas, & gravis facilitas

Tobiam totum Sargæ asseruit.

O velit Dominus,

Ut tua assertio, & Virginis somnia

Sint oracula.

A R I O S E.

Cor hæcenus nullos expertum amores

Insolitos quare nunc sentit ardores ?

Uror ! sed blande.

Uror ! Et unde sunt flammæ amandæ ?

O Coelum, si non sunt a te,

Extingue in me !

Angelus. Placet protestatio :

Talibus demum amoribus a Deo est benedictio.

Sed ecce Raguel !

SCENA QUARTA.

Raguel. Tobias. Angelus. Anna. Sara.

Raguel. Salvete chari hospites ! Opportuni venitis. Intrate,

Et vestra præsentia futuras hodie

Nuptias filiæ ornate !

Angelus. Benedicat tibi, & tuæ Domui Deus Israël,

Optime Raguel !

Tobias. Et quæ paratis, gaudia

Jubeat esse perpetua. Meretur filia !

Raguel.

- Raguel.* Sed unde estis boni juvenes, & quo pergitis!
- Tobias.* Sumus ex captivis Ninive de tribu Nephthali,
Et est in Rages aliquid cum Gabelo negotii.
- Anna.* Labori licebit parcere:
Cognatum advocabimus.
Jamque Cameli strati,
Et servi, qui adducant, sunt designati.
Aderit propere.
- Tobias.* Gabelus aderit? Juvat occurrere,
Et antequam huc veniat, res Patris agere.
- Angelus.* Imo, ne videamur contemnere oblatum hospitium,
Cede chirographum.
Te juvat hic quiescere.
Ego solus cum servis abibo,
Et celeriter confecto negotio
Cum Gabelo redibo.
- Raguel.* Optimum consilium. Venite,
Iter expedit.

SCENA QUINTA.

Axa. Anna. Sara.

- Anna.* ET tu, Axa, quo properas?
- Axa.* Quas patior, Cœlo queror injurias.
Fœdifragus Achior inter hymnos & cantica,
(Ne sine pompa deridear)
Festinat in Saræ brachia.
Vidi tumultuantium turmam pastorum!
Vah! non poteratis saltem publicas
Prohibere Hymenæi delicias,
Donec ad Gabelum Axa rediisset

Suo immolatura dolori *solitarias* lacrymas?
Ad *solemne* ludibrium
Misera servata sum!

A R I A.

Sic livor, sic casto insultat amor! ..
Et cogeris Cœlum servire livori!

Mea injuria

Tua in Curia

Fuisse sancita narratur.

Sic improbus amor jocatur!

Nec vindicas te?

Infelix! jam proxime littus radebam,

Jam pæne amplexu fortunam stringebam,

Cum ab Invidia

Rumpitur anchora!

Repellor in medium mare!

Tristitia vitæ amaræ

Deglutiet me!

Anna. Intemperanti, *Axa*, dolori impera!

Parendum est legi Domini.

Solatum merebitur hilaris obedientia.

Sara. Imo, da veniam Mater!

Axam ego solabor.

Eja! jure, quo meus est Achior,

Liceat me abdicare.

Peregrinum juvenem, quem Pater excepit hospitio,

Cœlum me jubet amare.

Anna. Filia! quid ego audio?

Sara. Quod hodie per somnium

Tibi narrare jussa sum.

Viatorem juvenem ex Tigri fluvio,

Cum pedes lavaret, irruens immanis piscis devorasset,

Nisi

Wen sehe ich?

* Der Satan oder Zwi-

Komm Bruder, komm herein, wir sind allein: trachts Geist.

Komm, laß uns lustig seyn. *

* Saltant.

Holla! Geschwind,

Daß mich die Frau des Garten nicht find.

Aufugiunt.

Religio.

Wer da? Ey! Es war Asmodæus.

Ich kenn den Vogel am Gesang!

Er ist, glaub mir, mein Kind,

Der aus dem irdischen Paradies,

So ich für dich hier hab geschaffen,

Ein Jammerthal zu machen weiß.

Aber komm, und bleibe bey mir:

Der Feind soll unterliegen dir.

Amor conjug.

In Liebe zur Gottseligkeit

Sind ich meine Seeligkeit.

PARS II.

SCENA PRIMA.

Anaël. Achior. Raguel. Axa.

Achior. **N**on decepti nos Axa, Pater. Ludimur.
Juvenis peregrinus, meos sibi amores rapuit!

Sed bene fit: poena Talionis plectimur,

Ego Axam, me Sara deseruit,

Axa. Bene fit! Bene fit!

D U E T T O.

Achior. Sic ego ad risum producitur in scenam!

Axa. Das mihi, scelestæ, perfidiæ poenam!

Achior. Sponsus theatricus exhibet se!

Axa. Justus es Domine: vindicas me!

Applaudet Spectator formoso Actori!

Chorago præ primis hic placet Amori,

Per quem comœdiam nobilem det,

LEVITAS PLEXA, cui titulus stet.

Raguel.

Raguel. Achior, cessa plangere! Axa, cessa insultare!

Filii Sanctorum sumus, Tob. 2.

Quibus amoris regula

Hæc debet esse unica:

Amemus, quem vel quam Deus jubet amare.

Anaël. Sed, quid Deus jubeat, non possumus somniare.

Raguel. Sæpe per somnia locutus est Dominus:

Habete patientiam: necesse est examinare.

Raguel. Potest Legislator, & forsitan statuit dispensare. (abit.)

Anaël. Atqui Lex pro me loquitur clare!

Achior. Ego, Pater! Per hanc contumeliam

Cessasse autumo legis obedientiam.

Si per te licet, Saram defero,

Ad Axam redeo.

Axa. Ego vero nolo conjungere me viro lunatico. (abit.)

SCENA SECUNDA.

Anaël. Achior,

Anaël. Fili, tua hoc convitium meretur impatientia.

Nam cur brevis tibi adeo molesta sit morula?

Vir probus & prudens est Raguel;

Quam tibi promisit Sponsam, non auferet,

Nisi Deus imperet:

Et Dei sententiæ

Nos decet acquiescere.

Achior. Cum ipso Rivali juvene rem juvat agere.

Anaël. Quo ruis improvide?

Compone animum!

Intemperans affectio non suggerit bonum consilium.

Ego sapientius tuum agam negotium.

(abit.)

Theat. Polit. R. P. Neumayr.

Qq q

Achior.

Achior. Male sit amoribus desultoriis !
Feliciter amavissem,
Si amare *unam*, quam *duas* maluissem.

A R I A.

Est amor cordis adamas
Ingéntis pretii :
Si dones, & mox repetas,
Ut dones alteri,
Tu Sponsam amas *geminam*.
Te *neutra* diligit :
Hæc *queritur* injuriam,
Et ista *metuit*.
Qui sibi lætæ gratiam
Fortunæ postulat,
Aut *unam* prudens foeminam,
Aut *nullam* diligit.

S C E N A T E R T I A.

Achior. Anaël. Tobias. Raguel.

Tobias. Quid audio, amice Achior?
Dolorem sibi attulit mea præsentia?
Peccavit innocentia !
Ignarum tui vinculi me sibi Sara rapuit,
Et Spes, quod velis cedere, huc usque tenuit :
AMO !

Sed ne amem *cum injuria*,
Ecce ! amorem fugio !

Anaël. * Virtutem juvenis ego suspicio.

(* seorsim.)

Raguel. Et patiens ferat Raguel ignominiam,
Qua afficis hospitium?

Tobias

Raguel. Et, patimur fugere? (*abit*)

Anaël. Necesse est retrahere.

Tu cede, fili mi, cede divinæ Providentiæ! (*abit*)

Achior. O dies nigerrimo notanda mihi calculo!

Jam, credo, Pater etiam adversabitur filio?

Et Sara fugit amplectentem,

Amplectitur se fugientem,

Ut in summum ascendat fastigium

Achioris opprobrium.

Sara. Da veniam, Achior, si DEO obsequor.

Sic oculos juvenis, sic manus, sic ora ferebat,

In quem, cum dormirem, monstrum aquaticum iruebat,

Et devorasset,

Nisi per Angelum Dominus mihi servasset.

Anna. Sed, ut finem habeat disputatio,

Attende Achior, quod legis. Quæ te Saræ ligavit,

Jam cessat ratio.

Si hospes Tobias est, æqualis est cognatio,

Estis Patruces:

Et reviviscit *prima* obligatio:

Te Axæ, & tu Axam teneris ducere,

Ita imperant *leges sponsalitæ*.

Sara. Neque nescis, charissime, quod conjugia,

Quæ attentantur invito Numine,

Sint infelicia.

Heu! quam multi in me, experti sunt ante te! Tob. 3.

A R I A.

Sequamur Providentiæ!

Consilia,

Per quæ pro nobis vigilat,

Sunt mirabilia:

Errat,

Tobias. Premi limit, premi, non opprimi,
Jamque per nigricantes nubes
Aliqui Spei melioris scintillant radii.
Ita solatur me Azarias mei comes itineris,
Qui, si non est Angelus,
Certe ex Amicis est Deo charissimis.

Raguel. Ego quoque in viri moribus, ac sermonibus
Aliquid supra hominem suspexi!

Sara. Ego dormiens ipsum in Angeli forma conspexi!

Tobias. Ego, quisquis sit, quod domum Tobiae diligit Dominus,
Ex beneficiis per viam mihi praestitis intellexi.
Ipse ultro se mihi ducem obtulit:

Ipse, ut huc diverterem,

Et Saram conjugem mihi peterem, institit:

Ipse piscem immanem,

Qui ad devorandum me irruerat, compescuit,

Cordisque, & fellis belluae vim medicam

Contra daemonium,

Et contra oculorum albuginem docuit.

Anna. Filia! Patet veritas. Tuum somnium fuit oraculum!

Sara. Fuit oraculum! Conveniunt testimonia:

Laudemus Dominum!

Raguel. Laudemus, & adoremus!

Anaël. Sublatum est, fili mi, ne dubium:

Divinum adoremus consilium!

Sara Tobiae dicitur! Ita coelo est placitum.

Acbior. Infelix sum!

Et hoc scilicet decem supremæ miseriae,

Ut, postquam fui a Sara, & ab Axa despectus,

Insuper pronuntiaretur a Coelo abjectus! (*abit*)

SCE:

Tu vis, ut subdita
 Sit viro foemina:
 Foemineam superbiam
 Sic premi fatis sit:
 Vir, quem amamus etiam,
 Tyrannus saepe fit.

SCENA INTERMEDIA.

Ex Libr. Tob. c. 8.

Religio. Amor conjugalis. Asmodæus. Nilus.

Religio. Nun, Alter, diesen Duben gib ich dir in Verwahr.

Er ist gefestigt zwar:

Doch seine Bosheit machet,

Daß ich in Sorgen stehe,

Wann man nicht emsig wachet,

Wächst er die Band zerbrechen,

Und sich an mir zu rächen

Viel Unheil in der Ehe,

Die ich gesegnet hab, zu stiften sich erfreuen.

Solang das holde Paar besammen förmig lebet,

Will ich, das über deinen Stroh

Der Düb nicht einen Fuß breit komm.

O Göttin, dein Begehren

Nilus.

Ist für mich ein Befehl,

Den ich mit Unterthänigkeit verlange zu verehren.

Amor conjug. Er ist ein Feind des Friedens, und der Gottseeligkeit:

Ist genug geredt; zu wissen,

Was für ein Laug aus diesen Kopff du werdest gießen müssen.

Nilus.

Es was! Der Lotters, Düb!

Asmodæus.

Schweig, Alter, schweig! Oder du solst empfinden,

Wer Asmodæus sey, auch in der Büßene.

Nilus.

Es was? Ein Zwerg von einer Spann

Soll trohen einem Ehren, Mann?

Theatrum interius exhibet
 montana Egypti ad catara-
 ctas Nili, ubi alligatus est As-
 modæus a Raphaële, nempe
 in Thebaide, ubi postea tor SS.
 Eremicolæ inclauerunt.

ARIA

P A R S III.
S C E N A P R I M A.

Gabelus. Axa. Tobias.

Gabelus. **C**onfecimus negotium: recepi chirographum:
Reddidi depositum.

Tobias. Fecisti, Gabele, quod decuit fidelem Dei famulum.

Gabelus. Vicissim a te postulo (si tamen adhuc liber es)
Facillimum obsequium.

Tobias. Impera.

Gabelus. Procede filia, & votum tuum explica.

Axa. Ah! loqui vetant lacrimæ:

Sum misera, Tobias, propter te!

Gabelus. Ergo audi Patrem, Tobia, lacrimarum interpretem:

Axa mea amat te! . . .

Et a te redamari desiderat!

Tobias. Pro! quis novus me terror attonat?

Gabelus. Fugis? num suademus flagitium?

Tobias. Fugio levitatis convitium.

Quam cœlum, ut amem, voluit:

Ut *Unam* solum amem constanter, præcipit. (*abst.*)

Gabelus. Enimvero, qualem Azarias descripsit juvenem,

Talem invenio:

Filia vince te! Amori impera! exemplum imitare,

Et quem semel amasti Achio rem, perge amare.

Axa. Tobias præ Achio rem placeret!

Gabelus. Forsitan & tu placeres Tobia,

Si adhuc liberum amorem haberet.

Nunc postquam spes de Tobia jam nulla est reliqua,

Supereſt o filia, ut adorem Providentiam! . . .

Nihil in te Achio rem peccavit,

Quan-

ARIOSE.

Sara. Sic mihi, Axa, soror es!
Tobias. Sic meus, Sara, amor es!
Amoris cape Symbolum!
Sara. Amorem redde mutuum!
Achior. Eodem ego vinculo
Axa. Te mihi amans obligo! ...
Angelus. Sunt auspicate nuptiæ!
Parentes benedicite!
Tobias. Quem misit Dominus,
De coelo adfit Angelus!

Raguel. Anna. De coeli prægnaſ ſemine
Anaël. Gabelus. Deſcendat pluvia,
Et omnes Et faciat vos (nos) crefcere
repetunt, In mille millia! Gen. 24.

EPILOGUS.

Angelus. Bavaria. Septem. Planeta. Comites.

Angelus. Impleta ſunt vota. Crevit, floruit, ſplenduit
Diu multumque fortunata Tobiae familia,
Sed in figura contigerunt hæc omnia.
DE FIGURATO quod habeas,
Unde tibi gratuleris Bavaria
Ego adſum bonus * Angelus à Coeli Domina
Oettingæ Propitia.
Ibi jam olim Deiparæ.
In argento **

* Latine Nuntius. ** In ſua ſtatua.

PRIN-

PRINCEPS AUREUS consecravit se.
 Et ecce! Invenit gratiam *
 Et cum gratia omnia! **
 Videtis, ut ad Mariæ imperium
 Numina minorum gentium
 Festinent præstare homagium
 Felicitatis duraturæ præfagium?
 Nempe Coelipotenti Virgini,
 Quæ olim adorabantur, nunc famulantur sidera,
 Ut ornent solium Saxonico-Bavaricum,
 Audite obsequiosos cantus, & júbila,
 Audite vota unanimia,
 Nam sunt oracula.

CHORUS.

Sta, nobile solium, sta! . . .
 SAXO inniteris,
 Nulli quod temporis
 Cedit injuriæ:
Saturnus. Falcis Saturniæ
 In quo vis frangit se:
Chorus. Æternum sta!
Genius Bavaricæ. Et quem dant famula
 Splendorem sidera,
 Influxu refluo
 Da orbi Bavaro.

Chorus. Æternum da!

Rrr 3

2. Dat

* ANNAM, latine gratiam. ** Exhibetur optice Sacellum B. V. Oettinganz olim septem Planetis dicatum.

<i>Mars.</i>	Dat lauros Marspiter ,
<i>Jupiter.</i>	Coronas Jupiter ,
<i>Sol.</i>	Per me Justitia ,
<i>Mercurius.</i>	Per me commercia ,
<i>Venus.</i>	Ridente Venere ,
<i>Luna.</i>	Lucina aspice ,
<i>Amba.</i>	Heroum patriis
	Ex incunabulis ,
<i>Saturnus.</i>	Vocante aurea
	Saturno sæcula
<i>Omnes.</i>	Ex Thule ultima
	Huc ferent se.
<i>Genius Bav.</i>	Jubente maxima
	Cœlorum Domina
	Beabunt me !
	<i>Chorus</i> Beabunt te !



Sobias



Tobias und Sara

In das Deutsche übersezt.



Innhalt.

Sinter denen beglückten Ehen, von welchen die heilige Schrift Meldung thut, wird man kaum ein andere mit grösserer Anmüthigkeit des Herzens lesen, als jene des jüngeren Tobiae mit Sara, da Gott gewolt, daß der Engel Raphael die Stell eines Brautführers vertreten sollte. Die Geschichte ist bekannt: unser Wunsch aber, oder vielmehr die Weissagung gegründet, da wir denen Durchlauchtigsten Brautpersonen, gleichwie wir in Höchst-Selben ein gleiche Gottseeligkeit (welche die Brunnquell alles Vergnügens ist) unterthänigst verehren, also einen gleichen Segen vom Himmel vordeden.

Singang.

Bayern. Hymen, der Hochzeit: Gott. Saturnus, anfangs schlaffend. Gefolg.

Bayern. **S** Als Rath's? der güldne Alte liegt,
Von tieffer Schlaf-Sucht ganz befügt.
Wohlan! ein muntres Knallen
Soll nebst dem Feld: Geschrey erschallen!
Er wird vielleicht durch unsre Ethel erweckt,
Da kein Trompeten: Klang erklet.

CHORUS.

Donner unsrer Erd! erschalle!
Stöße, hohles Erg, und knalle!
Laß dein Krachen oftmahls hören;
Durch den Wiederhall vermehret!
Mache, daß die Erd erzittert!
Daß die weite Luft erschittert,
Wie die Wellen sich empören,
Da sich Bluth auf Bluthen lebet.

Hymen O Frau! was hör ich da?
ans den Was sieh ich, O Bojaria!
Wolken. Vergebliches Bemühen
Des Himmels Schluß zu fliehen!
Er selbst hat diesen Gott, der gute Jahr-Gang schickt;
Mit Eisen-festem Schlaf bestrickt.
Was Mars nicht kont erzwingen,
Wird mein Gefang hinweg bringen.
Bayern. O Hymen, Trost in meiner Noth!
Erkläre die Freud, O süßer Noth!

Hymen.

Vergnügen! Kommt aus dem Eliser - Geftern!
 Es gleiche dieser Ort den Lust - erfüllten Wäldern!
 Klopff in die Hand, O Bayerland!
 Es zeigt sich dir in Sara und Tobia
 Dein JOSEPH und MARJA!
 Hymen. O Bayerland, Klopff in die Hand!
 Versprich dir Glück von diesem schönen Tag!
 Gesang und Reim vertreibe deine Klage!
 Bayern. O schöner Tag den Gott gegeben!
 Du, meine Hoffnung, hohes Paar!
 Du sollst in deiner Bayern Schaar,
 Du sollst ewig glücklich leben!

CHORUS.

Gärsten! unsers Lebens Leben!
 Liebet uns, und liebet euch!
 Liebt, was beyden Gott gegeben,
 Euch für uns, und uns für Euch!

Erster Theil.

Erster Auftritt.

Tobias. Der Engel.

Engel. Tobias, glaube mir:
 Die werthe Sara bleibet dir.
 Deß Vatters harte Plagen,
 Der Mutter stetes Klagen,
 Dein reines Herz, O Unschuld-voller Sohn,
 Verdienen diesen Himmels - Lohn.
 Tobias. Es hat jedoch ihr reiches Gut,
 Der Augen Glanz, das edle Blut,
 Die Eingezogenheit,
 Die holde Freundlichkeit,

Wie das Gerücht verkündet,
 Schon manches Herz mit ihrer Lieb entzündet.
 Engel. Leb Sorgen frey!
 Dem Würdigsten gefällt der Herr Sie bey.
 Das Haus und Geld kan man ererben;
 Doch nur durch Gott allein beglückte Ehe erwerben.

A R I A.

Glücklich, die sich so verbinden,
 Daß die Wahl sie nicht betrügt!
 Raum ist eine Gnad zu finden,
 So die Seelen mehr vergnügt.

2.

Nimm die Braut, so Gott dir schenket,
 Nimm die Tron, so Er dir reicht:
 Wann der Herr die Liebe lenket,
 Wird das Eh. Joch süß und leicht.
 Tobias. O Gott, den meines Vatters Treu
 Dem Gögen-Dienst zu Truk geehret,
 Ertheile nun, was dessen Herr begähret:
 Steh dem betrübten Haus in dieser Hochzeit bey!
 Engel. Gut Herz! es bringt die heitre Sonne
 Nach finsternem Gemüth erwünschte Lust und Wonne:
 Du führst das Glück mit Sara heim.
 Sie kommet! laß uns weichen!
 Erwege selbst, ob sie hab ihres gleichen.

Zweiter Auftritt.

Sara. Aria.

Sara. O! Heitere doch dein nasses Angesicht!
 Denn Achior gehört mir nicht:
 Ein anderer ist, den mir der Himmel schicket.

Ara. Du spottest meiner in dem Leid:
Es redet ja das Schimmer-volle Kleid,
So dieser Tag an dir erblicket.
Dein Auszug zeigt die Hochzeit an!
Ach daß mein Achior so untreu werden kan!
Er war mir längst versprochen.

Sara. Doch, Ara, das Gesag hat dieses Wort gebrochen.
Die nächst-verwandte Hand
Entzieht dir dieses Band.
Allein was hilft das Streitten?
Dein Achior, glaub mir, kömt nicht an meine Seiten.
Ein andrer ward mir diese Nacht
Im Schlaf vom Himmel kund gemacht.

Ara. O schönes Himmels-Licht!
Ein Traum, Gesicht! (Sie geht unwillig davon)

Sara. Mein Herz erkennt des Himmels Willen,
Und kan sich nun mit sicherer Hoffnung stillen.

A R I A.

Sara, fass' neues Leben!
Der, dem du die Hand solst geben,
Kommet von des Himmels Huld,
Nicht von deiner Ungeduld.

2.

Glücklich wird der Stand erkohren,
Und die Freyheit wohl verlohren,
Da nur Gott mich gehen heisst,
Nicht die blinde Sehnsucht reißt.

Engel. O werthes Frauenbild!
Der Himmel sey dir allzeit mild!

Sara. O Gott! wer ist mir aufgestossen?

Engel. Bist du aus Raguels vertrauten Hausgenossen?

Sara. Ich bin von ihm entsprossen.

Tobias.

Vierter Auftritt.

Raguel. Tobias. Engel. Anna. Sara.

- Raguel. Willkommen, liebe Gatt!
Ermunteret unser Hochzeit, Fest!
Auf diesen Tag soll meine Tochter freyen.
- Engel. Es gebe Gott der Schützer Israels,
Daß allen Freunden Raguels
Von nun an alle Tag gedeihen.
- Tobias. Die Braut verdient: kein Leid
Verderbe jemahls eure Freud.
- Raguel. Woher, wohin, O fremdes Paar?
- Tobias. O Gastgeb, unsre Sunst wird Nephthalim genennet.
Wir, seynd aus jener Schaar,
So Ninive vom Judenland getrennet.
Nach Rages gehen unsre Schritt,
Babelens Haus zu sehen.
- Anna. Erspahret diese Thurt:
Der Vetter solle hieher gehen.
Die Knecht und Last, Thier seynd bereit:
Es ist der Weeg nicht weit:
Er wird sich nicht verweilen.
- Tobias. So laffet uns entgegen eilen:
Ich folge meines Vatters Wort.
- Engel. Verbleib an diesem Ort.
Ich will für dich das Geld erheben,
Und ungesäumt dir Nachricht geben.
- Raguel. Wohl an! die Diener gehn mit dir,
Zieh hin, und bring ihn bald zu mir!

Fünfter

Plötzlich erheben sich
Gegen Wind wider mich!
Der Reid hat den Anker entrissen!
Man will mich im Ebräen-Seeer wissen!
Unbillige Sach!

Anna. Bezäum den ungehaltenen Schmerz!
Deß höchsten Wort beherrsche das Menschen-Hertz.
Der das Gesag mit Freud umfanget,
Der ist, so Trost von Gott erlanget.

Sara. Erlaub, O Mutter, nur ein Wort!
Diß treibet allen Unmuth fort.
Ich will mich meines Rechts zu Achior begeben.
Mein Hertz und Leben

Ist von dem Himmel dem bestellt,
Der diese Stund sich erst zu uns gesetzt.

Anna. Wie so? wen will dich Gott erwählen?

Sara. Er hieß mich diese Nacht, die meinen Traum erschleu.

Der Fremdling wusch im Eigris seine Fuß:

Ein Ungeheur, so auf ihn stieß,

Begunt ihn zu verschlingen:

Ein Engel mußte für ihn ringen,

Und seine Hand

Erhielt für mich das liebe Pfand.

Ob diesem bezupflichten,

Kan er uns selbst berichten.

Anna. Ich bin verwirrt! O Tochter, komm mit mir,

Und trag die Sach dem Vatter für.

Axa. O Axa! hat wohl Gott dein Gleben

In Gnaden angesehen?

Ich hoffe! Sara heuchelt nicht:

Laß sehen, was Achior zu dieser Zeitung spricht.

Zwischen Auftritt.

Aus dem Buch Tobia am 3. Cap.

Wie oben.

ARIA

Swenter Thell.

Erster Austritt.

Anael. Achior. Raguel. Axa.

Achior. **A**, Vatter, ja! wie Axa sagt!
 Wir werden hintergangen,
 Der Fremde wird mit Sara prangen!
 Doch recht! ich leid, was ich gewagt.
 Ich bin der Sara nun, wie Axa mir zu schlecht.
 Axa. Ja recht! ja recht!

A R I A.

Achior. So wird ich zum Hohn auf die Bühne gestellt?
 Axa. Wie recht wird die Straff zu dem Laster gesellet!
 Achior. Bin ich ein Bräutigam nur im Gedicht?
 Axa. Höchster, wie billich seynd deine Gericht!
 Wie schön hat die Liebe das Lust-Spiel geendet!
 Wie künstlich hat Achior alle geblendet!
 Setzt nur den Inhalt und Titel noch bey:
 Billiche Straff der gebrochenen Treu.

Raguel. Genug, ihr Freund, genug!
 Noch seine Klag, noch ihr Gespött ist klug.
 Vom auserwählten Volck wird nur dahin gezelet,
 Daß unsre Lieb erwählt, wen unser Gott befiehlt.

Anael. Wird sein Befehl durch Erdum bewähret?

Raguel. Er hat wohl mehr im Schloß gelehrt.
 Gedult! man muß die Sach erwegen.

Achior. Es ist ja Gottes Wort zugegen:
 Mir stehet selbes deutlich bey.

Raguel. Er ist der Herr, und von Gefäßen frey.

Achior. Der Schimpff, mit dem sie uns verwunden,
 Hat uns von dem Gefäß vermuthlich loß gebunden.
 Ich nim der Sara meine Hand,
 Laßt anders auch der Vatter sichs belieben,
 Und lehe zu meinem ersten Band.

Axa. Kein Schwindel-Hirn soll meine Edg beträben.

Theat. Polit. R. P. Neumayr.

Et t

Stemp

Zweiter Auftritt.

Anael. Achior.

- Anael. **D**ie Ungebult verdient den Schimpf.
Wie? kannst du nicht ein Stündlein ruhig bleiben?
Es handelt Raguel mit Olmpff:
Er wird dich nicht von Sara treiben,
Wosfern es Gott nicht heist,
Dem niemand sich entreißt.
- Achior. Ich geh den Fremden selbst zu sprechen.
- Anael. Gemach! was nützt das tolle Brechen.
Die erste Hüg
Verfähret ohne Wig.
Ich will den Handel besser schlichten.
- Achior. O hätt ich eine nur, nicht zwey zugleich geliebt!
So lebt ich nicht betrübt!

(Er geht ab)

A R I A.

Die Liebe ist ein Diamant,
Den mancher leicht verachtet,
Und da das Herz sich umgewandt,
Auch leicht zurück begehrt:
Du liebest zwey zu einer Zeit,
Von keiner wirst geliebt:
Die zweyte wird der Furcht zur Beut,
Die erste lebt betrübt.

2.

Nur eine, oder keine Braut!
Wo nicht, so fehlt das Glück:
Wer mehr liebt, hat auf Sand gebaut,
Und störet sein Geschick.

Deit.

Dritter Auftritt.

Achior. Anael. Raguel. Tobias.

Tobias. Was hör ich, Achior mein Freund!

Ich wird an dir zum Feind?

Unwissend hab ich dich verletzt.

Ich wußte nichts um Sara Wort:

Ich hab sie Liebenswerth geschätzt.

Ich sahe in meiner Liebe fort,

Da mir die Hoffnung sagte,

Daß Achior sich nicht beklagte.

Ich liebe! doch die Unbill seye fern:

Destwegen flieh und weich ich gerne.

Anael beyseits. Was große Tugend

In solcher Jugend!

Raguel. Verschmähst du denn mein Haus?

Und fliehst so schnell hinaus?

Tobias. Ich danke deinem Willen:

Doch muß ich meine Pflicht erfüllen.

Der Himmel treibt mich von dir fort.

Der Fried beglücke diesen Ort.

Die Lieb, so droht den Frieden zu vertreiben,

Soll hier nicht bleiben.

A R I A.

Liebe, so nicht unrein brennet,

Ist dem Frieden niemahl feind:

Doch wann sie den Frieden trennet,

Bleiben sie nicht gute Freund.

Ehe soll die Liebe fliehen,

Als der Fried, so uns vergnügt:

Diese Flucht macht Lorber blühen,

Da man Krieg, und sich beslegt.

Achior. O Freund, die Flucht
Verheisset schlechten Frucht!
Der Sara Herz wird von dir mitgenommen.
Tobias. Ich sieh sie kommen.
Glück zu! du hast dein Ziel erreicht;
Tobias weicht.

Vierter Auftritt.

Achior. Anael. Raguel. Sara. Anna.

Sara. Der Gast vermeidet mich? wohin doch so geschwind?
Anael. Was sagst du, Raguel? er meines Bruders Kind?
Raguel. Sein Vatter soll (ich kan es selbst nicht fassen!)
Mein Schwester-Sohn Tobias seyn!
Achior. Dies schmecket uns ein Fremdling ein:
Wer soll sich da bereden lassen?
Anna. Sein Aug, sein ganzes Angesicht
Betrügen nicht.
Raguel. Und wir, wir lassen ihn doch fliehen? (Er geht ab)
Anael. Wir gehen ihn zurück zu ziehen.
Du aber, Sohn!
Begehr nicht umzulassen,
Was Gott beschossen! (Er geht weg.)
Achior. O Trauer, Tag! O Leid! O Hohn!
Ich glaub der Vatter selbst wird seinen Sohn bekriegen!
Ach Sara, ach! wie kan sichs fügen,
Daß du den Flüchtling liebst,
Den Liebenden fliehst, und betrübst.
O höchste Schand auf Erden!
Die bitterer nicht kan werden!
Sara. Verzeih mir, Achior!
Der Schöpffer gehet vor.
Zur Bild, im Angesicht, im Reden, Stehen, Gehen,
Hat mein getraumes Bild den Jüngling gleich gesehen.
Auf diesen fiel des wilden Fisches Wuth,
Und ihn erhielt für mich des Engels Huth.

Anna.

Anna. Den Streitt und Zweifel aufzuheben,
 So hat nun das Gesag,
 Das dir, O Achior, mein Kind zur Frau gegeben,
 Bey beyden nicht mehr Plag.
 Da diser Gast Tobid Sohn zu nennen,
 So wird die Sippschaft gleich:
 Ihr müßt euch Brüder, Söhne bekennen
 Nun weißt du ja die Hochzeit-Bräuch:
 Das erste Wort, so du gegeben,
 Wicht wider auf: mit Ara mußt du leben.
 Sara. Bedenck, O Freund! es fliehet das Glück,
 Wann eine Lieb sich wider Gottes Willen
 Verlangt zu fließen:
 Wie vilen, ach! ward ich zum Strick!

A R I A.

Der Vorsicht Gottes folge nach!
 Ihr weiser Sinn,
 Der alleit für die Seinen sorgt,
 Bringt Wunder und Gewinn:
 Wer von sich selbst den Rath erborget,
 Verderbt die Sach:
 Der Vorsicht Gottes folge nach!

2.

Deß Himmels Liecht allein ist rein:
 Nur dieses siehe an!
 Ein Irrewisch steigt aus unserem Roth,
 Der nur verführen kan:
 Verlangst du deinen Fall und Tod
 So folg dem Schein!
 Ihm folgen ist verlohren seyn.

Fünffter Austritt.

Sara. Anna. Tobias. Raguel. Anael. Achior,

Achior. Mein Gegner kommet wieder!
 Was Rathes? O Hetzens, Pein!

Act 3

Tobias.

- Tobias.** Mein Vetter , leg den Unmuth nieder
Man zwingt mich mit Gewalt herein. :
- Aschior.** Du ledest und verübst Gewalt.
O Unglück , so mich heut befallt !
Ach kämest du erst Morgen !
Wie viel erspahrtest du mir Sorgen!
Du wärest meiner Freuden Zeug.
- Sara.** Ach Liebster schweig !
Wer weiß , du häufltest mir anstatt der Hochzeit-Freuden ,
Wie andere schon , nur neues Leiden ?
Die Vorsicht , wenn man troget , strafft !
- Anael.** Damit man sie noch mehr ergründe ,
Sag , Vetter , wie mein Bruder sich befinde.
- Tobias.** Ach Elend ! die Gefangenschaft ,
Die Armuth , und die Blindheit tragen ,
Sind einem Alten harte Plagen.
- Raguel.** Es dauret mich das graue Haupt !
- Anna.** Ein Mann , den nichts vom guten Weg verrucket ,
Wird alles Trosts beraubt ?
- Tobias.** Gedrückt ist noch nicht unterdrückt.
Die Hoffnung zeigt schon einen Schein:
Mich dunckelt , die schwarze Luft wird rein.
Diß ist , was mein Gespan , mein Arias spricht ,
Der einem Engel gleicht ,
Und wenigen in Gottes Freundschaft weicht.
- Raguel.** Deß Jünglings Red und Angesicht
Sind menschlich kaum zu nennen.
- Sara.** Ich konnt ihn deutlich kennen ,
Als er ihm Traum der Engel war.
- Tobias.** Diß ist gewiß : die Hülf in der Gefahr ,
So manches Gut , so Gott durch ihn gesendet ,
Beweisen , daß der Herr auf unser Haus noch denket.
Er trug sich zum Gespan
Für meine Reisen an :
Sein Rath war , mich hieher zu wenden ,
Und mich der Sara zu verpfänden :

- Ich ward durch seine Krafft beschirmt ,
 Da seiner Wallfisch mich bestürmt :
 Er lehrt mich Herz und Gall bereiten ,
 Dardurch die Höl und Blindheit zu bestreiten.
- Anna. Die Wahrheit glänzet allgemach :
 Dein Traum war Gottes Sprach.
- Sara. Ja , Gottes Sprach ! der Himmel sey gepriesen ,
 Der uns mit Zeugschafft überwiesen !
- Raguel. Wir preisen und wir betten an ,
 Die Nacht , so alles kan !
- Anael. Mein Sohn ! der Zweifel ist verschwunden :
 Der Will des Höchsten ist gefunden.
 Verehree seinen Schluß ,
 Dem Sara sich ergeben muß.
- Achior. Weh mir ! nun sang ich an vollkommen zu verschmachten !
 Da beyde Schöne mich verachten ,
 Verwirft auch des Himmels Stimm
 In seinem Grimm

Sechster Auftritt.

Tobias. Raguel. Anael. Sara. Anna. Ara-

- Anael. O Erzeß , O Gast , dem jungen Blut !
 Gestürzte Hoffnung bricht den Muth.
- Sara. Auch unsre Lust wird aufgeschoben.
- Tobias. Doch nicht gehoben.
 - Glaub mir , O Anael ! ist Azarias da ,
 So sagt die spröde Ara ja.
 Die Liebe wird zwey Paar verstricken ,
 Und doppelt unser Hauß an diesem Tag beglücken.
- Raguel. So bringt Sabelus volle Lust.
- Ara. Was treibt ihn her ? ist ihm die Sach bewußt ?
- Raguel. Er kommt von uns gebetten :
- Tobias. Als Schiedmann hier den Frid zu retten.
- (Sie geben fort)
 Anna.

Anna. O Axa! wird deß Vatters Wort
 Dich endlich doch bewegen?
 Sara. Sey Gottes Weisheit nicht entgegen! (Sie gehen ab)
 Axa. Warum begiebt sich alles fort?
 Man will mich nemlich zwingen:
 Mein Vatter kommt mir jenen aufzudringen,
 Der mich verläßt?
 Den Sara haßt?
 Den Achior? ... nach solchen Wunden? ...
 Nein! nein! das Feuer ist verschwunden!

A R I A.

O gütiges Geschick!
 Verschone meinem Glück!
 Soll Axa denn in Ketten gehn,
 Nur weil die Sara grüht?
 Soll ich bey meinem Hecker stehn?
 Wie hab ich diß verdient?

2.

Du steckst die Grängen aus:
 Der Mann ist Herr im Haus:
 Genug ist unser Stolz gebuckt,
 Wir dienen einem Mann:
 Auch welcher jetzt uns liebt und drückt,
 Wird oftmahls ein Tyrann.

Zwischen Auftritt.

Aus dem Buch Tobiaß am 3. Cap.
 Wie oben.

ARIA.

Dritter Theil.

Erster Auftritt.

Gabelus. Ara. Tobias.

Gabelus. Der Handel ist geschlichtet,
Mein Brieff bey mir: die Schuld entrichtet:

Tobias. Du hast gethan,
Was treue Gottes Diener sollen.

Gabelus. Nun hör auch du entgegen an,
Was Trost wir von dir wollen.
Ich bitte, gieb, was leicht zu geben ist,
Wann du noch ungebunden bist.

Tobias. Befehle!

Gabelus. O Tochter! komm und sag,
Wo deines Herzens Wunsch hinstrebt.

Ara. O schwere Klag,
So mir das Aug mit Thränen neget,
Und den beschämten Mund verschließt!
Tobias, du hast mich verletzet.

Gabelus. Es wird vielleicht der Sächer, Bach versüßt,
Wann ich ihr Dolmetsch werde.
Sie liebt nichts mehr auf Erde,
Als dich, O Gast! und dieser Schmerz,
Wird nicht geheilt, du schenkst ihr denn dein Herz.

Tobias. O neuer Schrecken!

Gabelus. Du fliehst! solle sich hierdurch dein Herz mit Sünd besrecken?

Tobias. Ich flich die Schand des Wandelmuths.
Der Himmel schieß in mir die Lieb nur eines Guths,
Er schafft es auch allein zu lieben. (Er geht ab)

Gabelus. Ich sehe den Jüngling alles üben,
Was Azarias an ihm lobt.

Theat. Polit. R. P. Neumayr.

U u u

D

O Tochter, lerne dich besiegen!
 Bekämpfe die Lieb, so in dir tobt!
 Sein Beyspiel lieb! willst du hier unterliegen?
 Erwecke deine erste Glut!

Ara.

Tobias ist's, auf dem mein Wunsch beruht.

Sabelus.

Du würdest gleichfalls ihm vor allen

Vielleicht gefallen,

Wär seine Lieb noch frey.

Die Hoffnung ist vorbei:

Was lachst du, als die Vorsicht preisen,

Und selber deine Treu beweisen?

Was tragt auch Achior für Schuld?

Er änderte zwar seine Huld,

Doch vom Gesag geheissen,

Und nicht vom Unbestand, sein Herz dir zu entreissen.

Er kehrt zu dir, sobald es ihm erlaubt:

Sein Abschied war ein Zwang: er hat dir nichts geraubt.

A R I A.

Ermahne dich, Tochter, und weiche!.

Was nuzet unzeitiger Schmerz?

Was störest du den Lust, Tag mit trauriger Weiche?

Dem Ersten gehöret dein Herz!

Wer erstlich recht gewählet,

Der fehlet;

Da er sich dem zweyten vermählet.

Zwey-

Engel. Bey diesem Bund ist Heil und Glück zugegen:
Ihr Eltern, gebt hierzu den Segen!

A R I A.

Raguel, Anna, Der Himmel Thau' auf dieses Fest
Anael und Vergnügen, Frucht, und Glamm!
Gabelus. Auf tausend Jahr, auf tausend Aest
Erstreck er ewern Stamm!

Die übrige Der Himmel Thau' auf dieses Fest
wiederhohlen. Vergnügen, Frucht, und Glamm!
Auf tausend Jahr, auf tausend Aest
Erstreck er unsern Stamm!

Beschluß.

Ein Engel. Die sieben Planeten. Dero Erfolg.
Bayerland.

Engel. Die Wunsch sind wohl gelungen:
Tobias Haus hat sich geschwungen:
Die angewahnte Müß
Erzielte Wachsthum, Glanz, und Blüh.
Es wußte Gott in diesen Bildern
Dein Glück, O Bayern, abzuschildern!
Dies kündet dir durch mich die Fürstin an,
Die dem Gestirn befehlen kan.
Wo Hetting Tausend Pilger lenket,
Hat längst dein mehr als goldner Pring
Im Silber sich gesendet.
O glückliche Provinz!
Nun als Er mit Anna sich verbunden,
Hat er allda die Gnad und alles Gut gefunden,

Sich

Steh diese Stern, O edles Land!
 Ein Wind von deiner Frauen Hand
 Befiehlt, und heißt sie eilen,
 Die Freud mit dir zu theilen.
 Sie trugen einst die Götter, Cron:
 Nun dienen sie der Frau der Sternen;
 Auf dero Wort sie diesen Thron
 Zu beyder Häuser Ehr mit Freud beschieden lernen.
 Vernehmt das Lust, Gesang,
 Mit dem sie euch erfreuen!
 Vernehmt den Jubel, Klang!
 Habt Acht! sie prophezejen.

C H O R U S.

Steh, Fürstlicher Ehren, Thron, steh! . . .
 Dir liegt ein Fels zum Grund,
 Den keine Unglücks, Stund
 Noch rucket, noch erreicht.
 Saturn. Dem meine Sichel weicht,
 Dem keine Stärke gleicht.
 Chor. Steh ewig, steh!
 Bayerl. Dir dient der Sternen Schein,
 Und will dir zinsbar seyn:
 O daß des Stanges Pracht,
 Der Bayern herrlich macht,
 Niemahl vergesh!
 Der Chor wiederholt es.

2.

Mars Mars schafft Palmen her,
 Jupiter. Die Cronen Jupiter:
 Sonne. Durch mich wird Recht verschafft:
 Mercur. Ich hilff der Handelschafft:
 Venus. Da Venus fröhlich lacht,
 Mond. Lucina fruchtbar macht,

U u u

Bejde.

Beyde. Entsteht ein neues Gut
 Aus altem Helden-Blut.
 Saturn. Saturnus ist bereit,
 Zu stiften güldne Zeit,
 Chor. So ziehet Fruchtbarkeit
 Und Glück ins Land!
 Bayerl. M A R I A ist mein Schutz,
 Mein Trost, mein Heil, mein Ruh!
 Sie ist mein Pfand!
 Chor. Sie ist dein Pfand!

END.



Verzeichnuß anderer des Authors Wercklein,
so bey Verläger dieses in Augsburg und Ingolstadt
um billichen Preiß zu haben seynd.

- R. P. Neumayr** Theatrum Asceticum 4to.
- - - Dito Pars 2da sive Mundus in maligno. 4to.
- - - Triduum Sacrum. 8vo.
- - - Gratia vocat. Sacerd. 8vo.
- - - Vir Apostolicus 8vo.
- - - Exterminium Acediæ 8vo.
- - - Dito 8vo. Teutsch.
- - - Von Göttlichen drey Tugenden 8vo.
- - - Gedult in Trübsalen 8vo.
- - - Via Compendii oder Exercitia pro Religiosis Odi-
duana. 8vo.
- - - Idea Rhetorices 8vo.
- - - - - Poëseos 8vo.
- - - - - Cultus Mariani 12.
- - - - - Dito 18. Teutsch.
- - - Micæ Evangelicæ 8vo.
- - - Controvers - Predigen 4to I. Band.
- - - - - Dito 4to II. Band.
- - - Dito de anno 1759. biß 1760. inclusive.
- - - Dito Corporis Christi Octav - Predigen de anno
1754. & 1756. 4to & 8vo.
- - - Buß, Predig 4to.
- - - Lob, Rede St. Augustini 4to.
- - - Wider Rothfischer 4to 3. Theil.
- - - Theatrum politicum sive Tragœdiæ. 4to.





UNIVERSITY OF MICHIGAN



3 9015 05855 8548

BUHR A




a39015 01815852 0b

MUTILATE CARDS



UNIVERSITY OF MICHIGAN



3 9015 05855 8548

BUHR A



a39015 01815852 0b

MUTILATE CARDS

